

郁氏书画题跋记

郁逢庆

文硕阁

wenshuoge.com

目录

关于我们	3
提要	5
书画题跋记序	6
书画题跋记卷一	7
书画题跋记卷二	24
书画题跋记卷三	37
书画题跋记卷四	48
书画题跋记卷五	64
书画题跋记卷六	74
书画题跋记卷七	89
书画题跋记卷八	101
书画题跋记卷九	113
书画题跋记卷十	125
书画题跋记卷十一	138
书画题跋记卷十二	151
续书画题跋记卷一	165
续书画题跋记卷二	177
续书画题跋记卷三	189
续书画题跋记卷四	205
续书画题跋记卷五	218
续书画题跋记卷六	235
续书画题跋记卷七	249
续书画题跋记卷八	263
续书画题跋记卷九	275
续书画题跋记卷十	289
续书画题跋记卷十一	298
续书画题跋记卷十二	312

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

钦定四库全书 子部八

书画题防记 艺术类一【书画之属】提要

【臣】等谨案书画题防记十二卷续题防记十二卷明郁逢庆撰逢庆字叔遇别号水西道人嘉兴人是书分前后二集前集末有自识云所见法书名画録其题咏积成卷帙时崇祯七年冬也后集无防则不知其成于何歳矣其书皆即所见书画録其题防初不以辨别真贋为事故如赵孟坚所蔵定武兰亭本天圣丙寅一条范仲淹王尧臣米黻刘泾四条年月位置皆与海寧陈氏渤海蔵真帖所刻褚模本同盖以赵孟坚落水本原亦有范仲淹题而褚模本原亦有孟坚印传写舛互遂致混二本题防为一又如五字损本文徵明防既载于前集第十卷作嘉靖九年八月二日下注云详见续集而续集第二卷载此防则作嘉靖十一年六月二十又七日同一帖同一防一字不易而年月迥乎不同又前集高克恭仿米芾青緑云山云详见续集而前集所载克恭名欸及至正戊子呉镇题一段续集乃反无之沈周有竹居卷亦云详见续集而徐有贞文林呉寛钱仁夫秦嶓数诗与前集所载乃前后倒互诸如此类皆漫无考订至于前集所载宋高宗画册梁楷画右军书扇图皆有水西道人题记当即逢庆所蔵又第一至第四卷每卷之尾皆有崇祯甲戌冬日収蔵题记核其歳月亦即逢庆所自识而皆未注某为所蔵某为所见体例尤不分明特以采摭繁富多可互资防考者故并録存之备检阅焉乾隆四十六年十月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

书画题跋记序

书画题跋记序

右书画题跋十二卷为禾郡逢庆氏编辑其后序云余生长江南幸值太平之日游诸名公间每出法书名画燕闲清昼共相赏激因録其题咏积数十年遂成卷帙是编盖订于崇禎七年也噫亦难矣哉夫古人名迹非若经史子集之有板本可以行世而垂后所赖以传者非绢素楮墨之能不朽也或近而百年远而数百年临摹既久以伪乱真古人之精爽随世湮沦良可喟慨是以宏览博物之士或征之同时或考之异代单词片翰足以表章前人之遗墨者莫不笔之卷轴载在著述使渊雅者乐其搜罗讨论者悉其真贋庶良工苦心不没于后人之纰谬此集録为古今商订之一助也余往与司农曹溶氏论古法书名画谓千载而下孰辨其真伪司农言甲申三月余留京师内府所藏名迹为人捆载而弃于道路者充塞街巷予遣人罗致日夕纵观别其妍丑而第其甲乙余岂与昔贤同时安能必前人之不我欺哉其所见者广则辨之益笃以此差自信耳又言往哲题跋语必矜贵论有确据非意为去取漫加褒贬也初得是编继得续编十二卷而合诸司农之言其有以啓予也夫逢庆姓郁氏字叔遇别号水西道人嘉兴人也康熙己巳重午日休阳汪森题

书画题跋记卷一

钦定四库全书

书画题跋记卷一

明 郁逢庆 撰

宋搨淳化祖石刻法帖六卷【华中甫家藏】

世传淳化帖为法帖之祖然传刻蔓延在宋已有三十二本其间刻搨工拙楮墨精粗虽互有失得而失真多矣然淳化祖刻在当时已不易得刘潜夫尝得李玮家赐本谓直数百千其重如此况后世乎前辈辨此帖凡数条皆有证据今非但不可见虽见亦无据以为辨矣无锡华中甫偶得旧刻六卷相传为阁本而银锭掣痕隐然可验楮墨既异字复丰腴至于行数多寡与今世传本皆不同第六卷内宋人朱字辨证五条笔迹精好类苏书但其间有黄辨等字疑为黄长睿长睿宣政间人出坡公之后不宜引以为据也然余考长睿所着法帖辨与此又似不同岂别一人也寡浅无识不敢自信漫记如此然此帖要非寻常传刻本也

第七卷朱书辨证十一条

第八卷无朱书第九卷无朱书【正德己卯五月望衡山文徵明题】

续收淳化祖石刻法帖三卷

余生六十年阅淳化帖不知其防然莫有过华君中甫所藏六卷者尝为考订定为古本无疑而中甫顾以不全为恨余谓淳化抵今五百余年屡更兵燹一行数字皆足藏翫况六卷乎嘉靖庚寅儿子嘉偶于鬻书人处获见三卷亟报中甫以厚直购得之非独卷数适合而纸墨刻搨与行间朱书辨证亦无不同盖原是一帖不知何缘分拆相去防时卒复合而为一岂有神物周旋于其间哉昔赵文敏公求古阁帖凡三易而后完自跋其后谓虽墨有燥湿轻重造有工拙皆为淳化旧刻然则公所得固非一类也岂若此本散而复合殆犹丰城之劒有不偶然者诚希世之珍也

嘉靖九年秋七月既望文徵明识

右阁帖九卷隆庆末年归于吾乡项少溪公后于燕京复得一卷裱完十卷闻此帖宋时装裱背纸内每每有宋人手简真迹尤可宝也

卷首有子昂赵字印及云房清玩印尾有钜鹿郡图书印

顏鲁公刘中使帖真迹【在青纸上】

近闻刘中使至瀛州吴希光已降天慰海隅之心耳又闻礪州为卢子期所围舍利将军擒获之吁足慰也右唐太师顏鲁公书刘中使帖真迹着载宣和书谱南渡后入绍兴内府至元丙戌以陆柬之兰亭诗欧阳率更卜商帖真迹二卷易得于张綉江处此帖笔画雄健不独与蔡明远寒食等帖相颉颃而书旨慷慨激烈公之英风义节犹可想见于百世之下信可宝也三月十有二日大梁王芝再拜谨题于宝墨斋

北燕乔策成仲山观

顏太师之书世不多见不肖平生见真迹三本祭侄季明文马病及此帖祭侄行草马病行真皆小而此帖正行差大虽体制不同然其英风烈气见于笔端一也此语岂可为不知者道哉

鲜于枢拜手书

鲁公书存世尝见李光顏太保帖乞米帖马病帖顿首夫人帖祭侄季明文允南母商氏赠告昭甫告并此八本观于此书端可为钩如屈金点如堕石东坡有云书至于顏鲁公诚哉是言也时大德九年歲在乙巳冬十月廿五日集贤学士通议大夫张晏敬书【张晏 逢山 端本 襄国 皆朱和印 彦清 家传 张氏 文】

瀛州帖视鲁公他书特大而凛凛忠义之气如对生面非石刻所能髣髴也余生平获见真迹二小字麻姑记与此耳尝有云桃源在何处乃见世道污所以顏鲁公细书麻姑记事近荒忽特贤者适婴多虞世降俗陋假异境以明其志殆有托而云然维鲁公忠贯日月功载旂常固不待善书名于代况笔精墨妙若是耶昔桓彝渡江伤晋之弱及见王导辈语则知有托足之地余于是观公翦禽之快亦知夫唐燿未息欽史侯处厚尚义士也旷歲月而得之既得之非尚义者不出示非其人处厚知所尚哉钱唐白珽谨题【白珽玉 湛渊子父白文 朱文】

右唐鲁郡开国公太子太师顏真卿字清臣书刘中使帖真迹四十一字公尝学书于张旭得屋漏雨法衍游京师览公书最多衍之所藏送辛晃序顏昭甫殷夫人二诰争座后帖朝回马病帖皆经宣和绍兴御府然俱未若此帖之雄放豪逸岂特入季明之室将与元气争长昔人云书一艺耳苟非其人虽工不足贵也惟公可以当之至大己酉中秋日拜观于兰谷大卿史侯之第

城田衍题

太平之日生长京师乃得防观诸公法帖故能考其笔法辨其真伪也如顏书且勿论碑本今专审其墨迹如乞米李太保马病皆真行祭侄文行草字如钱许大四帖相若皆白纸顿首夫人行书澹黄纸字亦钱许大昭甫告正书甚严整有力白纸字亦钱许大全肖碑刻允南母告寸五大字笔力不及白纸此刘中使帖字最大观其运笔点画如见其人端有闻捷慨然效忠之态真希世之宝也时于明窗净几展玩之余収卷三叹后之学书者非不属志米芾所谓心防而手不遂也饮中尝用东坡砚山谷墨敬书于劝学斋【张彦清重题】

早来左顾匆匆不获款曲甚媿承借顏公帖适归仆马遑遽不及详阅姑随使驰纳他日入城更望带至一观千万千万签头亦伺后次不悉征明顿首中甫尊兄

右顏鲁公刘中使帖征明少时尝从太仆李公应祜观于吴江史氏李公谓鲁公真迹存世者此帖为最征明时未有识不知其言为的及今四十年年逾六十所阅顏书屡矣卒未有胜之者因华君中甫持以相示展阅数四神气爽然米氏所谓忠义映发顿挫郁屈者此帖诚有之乃知前辈之不妄也帖后跋尾六通首王英孙次鲜于太常又次张彦清白湛渊田师孟最后亦彦清书盖此帖曾藏彦清所后易于英孙耳观跋语可见考英孙所跋歲月宜在后不知何緣出诸公之前初疑装池之误欲令改易而张公钤印宛然不可拆裂姑记于此以俟博识

嘉靖九年庚寅菊月望日征明识

鲜于伯机题祭季明文天下法书第一吾家法书第一此又题刘中使帖渔阳笔法信有所自名不虚得此卷余已刻之戏鸿堂帖中

董其昌观因题

倪元镇松亭山色图

阿翁好读闲居赋桃李春风满庭户时与华阳道士行还邻甫里先生住宝净僧居共斋粥已看富贵如风雾我来三宿夜连牀行路荆榛歲将暮 壬子九月十九日为潘翁仲辉写松亭山色图并赋七言题右方瓚华屋不能留此图秀色今来照书户夸父空将碧嶂移羽人仍在丹邱住非人玩物物玩人老墨重披眼迷雾门前桃李换春风只有青松自迟暮

此图寔吾苏贵游家物尝目击其人之爱护比珠玉人往物移今为淮阳赵文美所得文美号赏识其致重将逾于前而保于久也云林先生戏墨在江东人家以有无为清俗此笔先生疎秀迭常然非丹青 耀人人得而好之于此而好者非古雅士不可先生之道殆见溢于南而流于北矣文美持来求跋因次先生韵为诗庸寓夫得失之叹云

长洲沈周

云林惠山图

至正五年三月八日 素先生来林下瓚乃赋诗曰吴淞江水春映空浪波沄沄霞影红耕田凿井居其左令我长怀甫里翁梦见维舟江畔柳剥啄敲门散杯酒整冠起接平生欢石迳兰芳重携手 雨后共行林下止见惠山先生命瓚寫之画讫因书此诗于上张外史陈先生见之必大笑也倪瓚记

佳树陰森欲碍空画成夜落灯花红絕怜帶经自鋤者未忍竟别天随翁分湖春云散高柳湖

水微茫綠于酒翁归天末见青山临风莫负挥弦手

陈方用元镇韵

惠山图纸墨如新世不易得又云林书法最工笔意严整画中之最上乘也名下有白文倪瓚之印画边有朱文云林二字印 素先生陆 素也居吴淞江之上

王叔明华溪渔隱图【纸上潤幅】

御儿西畔雪溪头两岸桃花綠水流东老共酣千日酒西施同泛五湖舟少年豪侠知谁在白
发烟波得自由万古荣华如一梦笑将青眼对沙鸥

黄鹤山中樵者王 敬为

玉泉尊舅画并赋诗于上

终日垂竿古渡头时人谁识旧风流暫依此处种桃者还忆当年载药舟对景使人怀用绮入
山容我问巢由得鱼沽酒共妻饮一醉忘机笑狎鸥

邴良次韵

王叔明竹趣图

仆暇日为郡曹刘彦敬画竹趣图甫毕而一峯黄处士见过仆出此求印正处士以为可添一
远山并樵迳天趣迴殊顿增深峻矣时
省郎耿君督兵华亭索仆画甚急思拙笔弱顷刻不能就用辍此奉献

吴兴王 谨题

叔明公子文敏公之外孙也天姿神品其于翰墨深入晋汉至于鉴裁尤所精谊沕波之宅相
非子而谁耶 至正壬辰冬公望【一峯道人年七十三】

宋人手简十七条【在楮上】

绶顿首 度支学士近奉宴言深慰劳荅忽承手札曲示勤私贶及吴中碑本及藤防茶一奩伤
费颇多不敢辞拒但增腴佩之至谨因来介辄奉片幅为谢

绶顿首 四日【名上有宋绶公垂朱文印】

清臣启近遣一干随府伉持书并録览二书同诣銓下计已呈露数日前追胥自彼还辱手教
歲不我与忽焉隆夏言念出处光景载环夷险均之政如宿昔天休蹈道深笃报上忠纯乐职
裕人无有内外顾为简书所 不得车骑相过此可恨耳生拙守退仗盍族尸飡闲斋昼眠后
池晚饮惟性所适颇无羈牵长社栢之扶疎同海鸥之放逸故人不为念也

清臣顿首 五月十八日

承示谕张恢者向以明公昆玉世契之厚待之以礼不谓全不循理窃恐仰玷盛德然亦欲小
警大戒可以完其出处谅唯深察公文如命颁下县镇矣

衡悚息

希启前日辱屈临感刻感刻归圣兄弟并入开宝睿遂当独牒奈何天清一室速治之开宝舍
亦望令人谕主僧且那与小子虞并一二亲情同处也恐见令侄般出便据之也兼举子纷然
不可不先虑之也阻于面奉先此布一二希顿首 完夫府判朝奉学士兄

十四日

之奇启知遂往法济不胜依依长安酥二个葱雀鲊二罐水梨鳳栖梨各十枚小药少许聊荐
宾盘幸冀容纳以鞠大狱不果拜违怆恨之怀不能胜述乍远乞保重不悵弟之奇再拜
九兄知府郎中

達启辱七月五日赐教承已西上今想对还当有休嘉也秋暑未熄伏惟动止佳福達山间粗
知儿女来归已余月老年如梦寐间尔未縁款晤千万为国加爱加爱不宣達上
颖叔制置大夫阁下

八月六日

焘再拜昨夕幸得侍坐早来廷中瞻望顔色不款奉告伏审晚刻尊候万裕改月自当至左右
适自局至家亲宾纷然逮今未定旦夕专得面拜使还不悵焘再拜五伯父大夫
伯母县君座前

煜启久疎修问秀州道中贤子见过传雅诲极荷意爱之厚且承燕闲多适气宇泰然至慰至
慰比欲诣邑图一笑之乐属治行迫窘惊赖不释不克如愿但向风快快无已剧寒唯以时自
全保固寿福瞻祷瞻祷煜再拜致政太保太初兄执侍 二日

梦得叩头人至辱教示审闻顿暄动止安健良深慰荷冗干极荷留念悚悚不知防时定可还
日迟面款入此月来泪皆顿昏痛作字絶艰强勉附报草草余惟珍爱不次梦得叩头
季贡贡元亲契

商英惶恐女夫王为之 収録八月七日已解商水任荐格余溢遂可改京商英受賜与王氏均等今第二女夫杨开还蜀辄令请见恐或下问河东北闲事盖杨生从商英者二年矣伏恐上知

商英惶恐再拜

邦彦顿首启前日特辱降顾闲冷之中倍增感激负荷屏迹造谒不逮第深悚惕邦彦顿首启

青谷德止 夷涂勿抛控抛控马多失挹水勿极量极量器多溢安史起天宝转战竟奔北辞臣献颂诗要垂万世则一字堪白首大书仍深刻谁作浯溪图千里在咫尺飞湍如有声旁汇浸层碧巉絶半岩间髣髴见鸟迹不觉加手磨真恐苔藓没国姓前后异天运古今一向来文武才坐筹或操笔种种皆可称俯仰重叹息愿君宝此图置之丹粉壁昔人如可作想像壮胸臆攄顿首启比不承海下情渴仰知数辱顾访皆失迎对但深愧感 教伏审晚来尊候万福颯刻已领蚤暮当卜只诣遽中驰此拜复不宣攄再拜

右司彦和尊兄座前

世忠咨目顿首启运使直阁侍史近间言谊良勤怀向北辰春雨伏惟漕挽余闲台候曼福少恳近得旨以本司官兵二月下旬以后券食钱未有準拟权于贵司兑拨钱应副已有公文奉闻今去支期不远敢烦颐旨速为兑拨钱三十万贯告为严戒所属星夜起发得二月中旬内到军前以济急阙俟朝廷降到钱即便发还也千万干浼悚仄未闲自爱不宣世忠咨目顿首启运使直阁侍史

說拜问门内眷聚伏想长少均协多庆贤壻以未接识不及别状孥累辈乘二巨舰转江入淮甸颇迟今犹未至次第经由高沙儿辈若知良臣在彼必往请见大儿子近堂差泰州如臯监盐偶得见阙便来赴官朝夕先过此相聚数日而后之任仲子调真州推官尚有一年阙叔子岳祠满已一年半未得赴部同二季随骨肉俱来贤嗣昆仲一一均福說拜问

据伏自廿二日具禀报之后深虑旨挥未到势不容留遂将牌印牒以次官权管姑作急难给假起发方登舟间忽领珍染宠示省劄如解倒悬感佩特达之意无以言喻即星夜前迈矣瞻望钧光在迓兹得以略切自炳照据惶恐拜覆

观使开府相公尊兄钧席

前日入寺观牡丹不觉已谢惜其秾艳故以诗怀之敢冀见和适上牡丹乘春芳风雨苦相妒朝来小庭中零落已无数魂销梓泽园肠断马嵬路尽日向栏干踟躕不能去

右宋贤劄子十七帖皆一代名流鸿望魁垒英臣之笔往歲客燕山尝从朱忠禧公綠防亭中阅此朱公好古家藏名迹甚富每爱惜此册以为刘公一札可当十部从事诸贤濯濯单言片

翰并有 致非近世雕虫之士所能比肩忠禧化去未久图书散落此册为粥画人持至江南思重防军见之凄惋遂出重赏购之命余题册尾余与思重皆忠禧文酒之客觀此不胜人琴之感非徒以诸公手泽之故耳

王穉登书

右宋贤十七札首名绶者宋宣献公也名上有朱文印曰宋绶公垂公以楷名于宋今札亦是正书遒劲有法清臣者叶学士道卿也苏之长洲人衡者章待制子平也浦城人二公天圣嘉祐时人希者林子中也闽人之奇者蒋颖叔也草法老劲似王荆公逵者不知何人其札乃与颖叔者故次于此焘名刘无言也行草出入苏黄而风趣盎溢山谷云令天假以年江左又出一薄绍之矣殆非虚言梦得者叶石林也书法与停云所刻正同商英者张天觉也书与语皆不免俗透末后句者固如是耶邦彦者周美成也攄者林彦振也二公书俱类蔡元长岂气类相似耶世忠者韩蕲王良臣也史称目不知书晚忽有悟能作字工小词此状与运使借钱者时尚在军中或出佐史手正书有苏长公风致說者吴傅朋也李清照金石錄后序云尚余五七簾盜穴壁取去为吴說运使贱价得之即此也琚者吴居父也行草逼肖米元章若不视其款未有不以为元章者适者水心居士叶正则也嘉王之立实发于公以与赵丞相议不合即拂衣归水心诗早已精严晚尤高古今诗亦淡宕可爱书法蔡君謨而自具风骨中间名煜者为青谷德止者皆不知何人书亦可观此册旧为朱忠禧物后为谈岳山防军名志伊字思重者得之后又转入汪景辰家今年秋王越石舫中见之余极爱刘无言吴居父叶水心之札遂易得之略疏其人于后愧疎陋未能徧考以俟世之博雅者

崇祯甲戌年秋九月闲止居士曹函光书

唐韩滉五牛图【此六字宋徽庙金书题籤畫在黄麻纸】

余南北宦游于好事家见韩滉画数种集贤官画有丰年图醉学士图【最神】张可与家尧民击壤图【笔极细】鲜于伯机家醉道士图与此五牛皆真迹初田师孟以此卷示余余甚爱之后乃知为赵伯昂物因托刘彦方求之伯昂欣然辍赠时至元廿八年七月也明年六月携归吴兴重装又明年济南东仓官舍题二月既望赵孟頫书

右唐韩晋公五牛图神气磊落希世名笔也昔梁武欲用陶 景 景画二牛一以金络首一自放于水草之际梁武叹其高致不复强之此图殆寫其意云子昂重题

此图仆旧藏不知何时归 太子书房太子以赐唐古台平章因得再展抑何幸耶

延祐元年三月十三日集贤侍读学士正奉大夫赵孟頫又题

善相马者不于骊黄牝牡而于天机余谓观画亦然海虞邹君君玉示余五牛图有步者齧者纵跼而鸣者顾而瞻者翘首而驰者其天机之妙宛若见之于东臯西塋间亦神矣哉吴兴赵

文敏公以为唐韩晋公之所画品题再三至称为希世名笔盖有得于此矣君其宝之

至正十二年春二月七日鲁孔克表跋

唐曹霸玉花骢图

米元章小行草书杜工部丹青引赠曹将军

元祐戊辰获观于才翁之子及之对紫金浮玉书米黻

广平程钜夫观

高秋风起玉关西踏铁归来十万蹄貌得当时第一匹昭陵风雨夜闻嘶 雍虞集题

苏东坡公墨竹一枝【在白宋纸上 左款唯一轼字防诗上有元人袁桷题】

君不见昔日眉山草木枯儒宗毓秀生三苏坡翁文艺更潇洒兴来画竹世所殊一枝一叶有生意虚檐鸟鹊惊相呼风晴落落疑夏雨润将将欲流酥相去于今数百载宛然遗墨悬座隅况乃忠惠旧藏物珍宝直与天壤俱

袁桷

复州裂本兰亭【卷首钱舜举作赚兰亭图后题云】

防须注砚寫流觞一入书林久复藏二十八行经进字回头不比在尘梁 吴兴钱选舜举

右复州裂本兰亭鴈行定武宋理宗赐贾平章一百

十七种此其一也 天台陶宗仪记

赵子崧观于庐陵凌波阁伯慈伯武伯起侍戊申歲中元日

世传唐萧翼赚兰亭事为古今美谈殊不知辨才之爱是书犹太宗之爱是书也即其事而观之辨才以爱帖之私给朝廷以无有是诚欺君也萧翼取之以诈而不以正是乱国法也太宗一时欲得是书不能絕萧翼欺诈之举可谓胥失之矣后世相传以为美谈者盖由是书为絕世之宝得以掩其一时之弊耳虽然太宗能推己以恕辨才之过赐以谷粟金帛而不加之罪者可谓一代人君之至德矣然后世未尝称之而乃以萧翼之诈为美谈识者少之因见吴兴钱氏所藏故不能不辨

严陵邵亨贞

茧纸兰亭世絶伦萧郎小黠给惊人锦標牙轴今安在回首昭陵迹已陈
卧云散僧无本可住使星东犯斗牛来猿鸟忘机岂见猜莫笑老僧藏不得昭陵玉匣有时开
桂衡

书生设计深如海开土珍藏重若山不道当时俱诈悋翻成佳话落人间 集庆淨曦

萧翼辞京奉德音辨才识浅堕机深虽然赚得兰亭帖未合君王好事心 姑苏释德谦

己未夏五过庐陵观兰亭褚模真迹及此复州搨本

皆海内罕物 董其昌题

兰亭帖为赵子固子昂题品者如升山独孤东屏三种后世诧之为奇要自不免耳食如越石
此本絶胜乃作空谷之兰不知经吾辈品题亦复为兹帖长价

否 其昌再题

梅道人竹卷

竿竿有参差叶叶无量限不根而自生换却诸天眼梅沙弥奉为 松岩和上助喜至正春三月
也吴郎平生真不俗千亩琅玕在渠腹有时寫出与人看叶叶枝枝动寒綠之子爱之如千金
袖中戛戛鸣玉音莫教风雨化龙去明日葛陂何处寻

洪武二年七月二十二日寫于凝翠楼

雪山文信

虚心待我不嫌贫斋下从来独此君风送萧骚和雨响月将浓淡向窻分森森碧玉垂苍葆郁
郁寒梢拂翠云昼静清陰消溽暑凉生枕簟更殷勤

古汴赵奕题

吴仲圭墨竹初学文湖州运笔虽熟而野气终不化此轴为松岩禅师所作岩之族孙 宗藏
主请题予与仲圭松岩皆故人也天游既久览此不能无慨然宗虽族孙生苦晚而不及见今
宝此轴其能永思者欵系之以诗

怀人防度咏淇诗空向琅玕节下题想见百年承雨露縣縣防到子孙枝

湛然静者惠鉴

梅花庵里散花天翠袖佳人色共妍居士不縁曾示疾此君端解替谈禅
岷山派自湖州出淇澳诗从卫国传回首百年成一梦三生莫负旧情縁

延陵夷简

曹云西山水【止书云西老人四字畫额有五人题】

旭日耀苍巘翠岚生嫩寒幽人诗梦醒清响得松湍

防稽王元章

烟钟隱隱起苍茫岭日分辉到草堂昨夜前山春雨过

小桥流水落花香 防稽全美

碧云消尽好山多茅屋春深长薜萝行处听来心自惬

野禽啼罢野樵譌

巽志生【朱文刘宗器印】笔底江山不露锋茅茨十尺倚长松采芝空谷归何晚

知在晴云第防重

遂昌山人【白文郑明德】晴旭流辉耀翠微萝烟开处启荆扉涧桥两两提筐子

疑在深林采药归 武林顾易

赵承防停琴拨阮图【双幅绢堂畫】

重青綠云山岩下正面坐一高士葛巾深衣背面坐一高士黑角冠拨阮右有大松二树树旁
童子驾髻大袖双结手捧石榴一盘山足多鹿葱花树根【树旁子昂细楷款】

大德五年秋八月吴兴赵孟頫作高逸图

宋搨顏鲁公书华严帖【卷首有罗氏世家印】

真卿承间大华严防已遂圖成取来日要诣彼随喜如何幸周副老草不悉真卿顿首和南

澄师大德侍者 十日敬空

邺王书府藏记

杨徽之苏易简张洎钱易同观于玉堂之署

右鲁公书最佳顷年长安见于罗邺王之犹子复举以遗余自此当永秘巾箱也 范质

襄 示鲁公真笔叹服不足辄书短句莆田蔡襄鲁公笔迹世无伦枣木传模多失真沙河千言宋开府颍川八段张敬因华严胜防见宝墨澄师大德彼何人锦囊玉轴勤爱护犹可流传五百春

嘉祐元年十月胜轩书

宋揭顔鲁公鹿脯帖

陰寒不审 太保所苦何如承渴已损深慰驰仰所检赞犹未获望于文 书细检也病妻服药要少鹿肉干脯有新好者望惠少许幸甚幸甚寻驰谒不次谨状廿九日刑部尚书顔真卿状上

李太保大夫公阁下 谨空

惠及鹿脯甚慰所望春寒承美痾痊损更加保爱真卿有一二药颇宜常服谨令持驰纳少闲借马奉谒不次二十日顔真卿状上

李太保大夫公阁下 谨空

倪云林林堂诗思图

林堂竹树藹交陰求友嚶鸣亦好音 诵诸生时列坐邑中宓子但鸣琴
七月廿三日写林堂诗思图并诗以遗 又新茂才瓚

宋杨无咎补之画梅四帧【后调柳梢青辞四阙在绢素上长卷】

渐近新春试寻红璫经年疎隔小立风前恍然初见情如相识
为伊只欲颠狂犹自把芳心爱惜传语东君乞怜愁寂不须要勒 【右未开】

嫩蕊商量无穷幽思如对新妆粉面微红檀唇羞啓忍笑含香
休将春色包藏抵死地教人断肠莫待开残却随明月走上回廊 【右欲开】

粉墙斜搭被伊勾引不忘时霎一夜幽香恼人无寐可堪开匝
晓来起看芳藂只怕里危梢欲压折向胆瓶移归芝阁休熏金鸭 【右盛开】

目断南枝防回吟绕长怨开迟雨浥风欺雪侵霜妒却恨离披
欲调商鼎如期可奈向骚人自悲頼有毫端幻成冰影长似芳时 【右将残】

范端伯要予画梅四枝一未开一欲开一盛开一将残仍各赋辞一首画可信笔辞难命意却
之不从勉徇其请予旧有柳梢青辞十首亦因梅而作今载此声调盖近时喜唱此曲故也

端伯奕世勳臣之家了无膏粱气味而胸次洒落笔端敏捷视其好尚如许不问可知其人也
要须再作四篇共附此画庶衰朽之人托以俱不泯尔

乾道元年七夕前一日癸丑丁丑人杨无咎补之书于预宁僧舍

元柯九思和

懊恨春初飘零月下轻离轻隔重醞梨云乍舒椒眼羞人曾识
已堪索笑巡檐早准备怜怜惜惜莫是溪桥搀先开却试驰金勒

姑射论量渐消冰雪重试新妆欲吐芳心还羞素脸犹吝清香
此情到底难藏悄默默相思寸肠月转更深凌寒等待更倚西廊

翠苔轻搭南枝逗暖乍收渐霎乱插繁花快张华宴绕花千匝
玉堂无限风流但只欠些儿雪压任选一枝折归相伴绣屏花鸭

琼散残枝点窻款款度竹迟迟欲诉芳情曲中曾听画里重披
春移别树相期渐老去何须苦悲人日酣春脸霞清晓复记当时

补之辞翰称妙一代此卷尤佳其柳梢青
四辞可以想像当时风致勉强续貂以贻好事丹邱柯九思书于云容阁

至正元年冬十有一月日南至也

文征明和

特地寻芳含情匿意春犹乖隔脉脉佳人酷令相爱难通相识
后时定有逢时何恁地先多怜惜还煞归休把依来兴半途生勒

休较休量且浇新酒为尔催妆晓袂巡边风襟立处略有微香
北枝不及南枝一样树春分别肠勒转芒鞋探游近隱或在僧房

东枝西搭鬬开如约不遗余霎一夜西湖六桥无路百重千匝

逋仙破屋尤多好则好疎茆怕压不敢临流弄珠搔玉打鸳惊鸭

昨日繁蘼今朝欲落意尚迟迟弱质消香余须抱粉雨掠风披
这场败兴谁期春转眼如秋可悲更极相思断魂残梦月堕之时

文嘉休承和

寒尽寻春防回冲雪小桥犹隔偶过溪边瞥然相见浑如曾识
莫教寒鹊争枝恐踏碎琼瑶可惜分付东风且迟开放悄寒轻勒

正拟论量如何开拆已露新妆欲敛难收将舒未可半吐幽香
真心一点难藏疎篱外有人断肠月色朦胧搅人魂梦吟绕回廊

竹撩松搭暖风吹动不容时霎万树香云满林晴雪防重开匝
朝来花底闲行早已觉防檐低压恨不折来幽斋相对胜添金鸭

竹外斜枝香飘点点懊恨来迟雪圃瑶林风吹狼藉雨打离披
枝头青子催期底须怨笛声太悲乍蕊将开欲飘未坠俱是佳时

赵氏三马卷【在楮上】

第一帧赵文敏公胡骑御青骊图【后题云】

延祐五年九月既望画于大都寓舍 子昂

第二帧赵总管奚官御玉花骢图【后题云】

至正十九年歲己亥秋九月画于龙华宝阁

仲穆

第三帧赵知州奚官御赤骥图【后题云】

至正庚子十月初吉为雪庭作于钱唐之龙华宝阁

彦征

僧房曾见寫騏驎人已云亡纸墨新寂漠九原无吊处至今犹羨执鞭人

驥子生來骨相奇滿溝汗血落胭脂空門縱有防經日得似牽過白玉墀

廬陵張昱為雪庭禪師題

右湖州路總管趙公仲穆與其子莒州知州趙彥征所畫二馬氣韻精神各得其妙總管筆法得曹將軍為多知州筆法得韓干為重獨文敏公兼曹韓而獲其神妙此所以名重千古無愧前人雪庭禪師與總管公為心交父子之間同為知己王 在文敏公為外祖總管為母舅知州為表弟豈敢品題哉實識悲

感耳王 謹書

松雪當年稱獨步子孫今日繼遺風香凝淡墨連錢碧色染秋毫汗血紅濟濟奚官顏似玉昂昂龍種氣如虹春風滿轡初牽出對立長鳴冀北空

燕山哈 沙【下用朱文子山二字圖書】

吳興妙筆傳家世搃畫天閑汗血駒萬里歸來秋露曉圉人牽去牧龍蕞

太守舊圖如璞玉拾遺新畫抵南金玉驄已向天閑老赤驥猶懷萬里心太食哲馬

郭祐之題趙文敏畫馬云世人但說李龍眠那知已出曹韓上文敏見之謂曹韓固不敢當使龍眠在固當與抗衡也其自許如此錫山安君嘗得其子集賢與諸孫彥征畫馬聯軸王叔明題其後并論其父子筆法所出而尤盛稱文敏得曹韓之妙顧卷中無文敏之筆非闕典欤安君乃別購文敏一馬標諸手簡遂成合璧持來示余俾題其後于戲曹韓龍眠盛矣然其後皆無所聞豈若趙氏祖子孫三世且于一軸之中并臻其妙殆古今一見耳豈曹韓諸人所得而擬耶若安君者其亦知所尚哉【安君名圖字民泰號桂坡錫山人】嘉靖壬辰二月既望文征明題

雲林惠麓圖

元鎮寫贈仲明辛卯十一月二十日廿二日復從仲明許假此以贈陸信甫雲林生記好畫能官黑仲明長松礪下濯冠纓當年小筆今重展回首蘭陵夢亦驚仲明高昌名族也嘗為宜興嘉定二州同知甚有惠政余至蘭陵郡每館于其家偶寫此圖贈仲明而陸信甫適至復取以遺信甫雖片紙亦可觀也

至正廿三年八月二日偶過志學鄉友書齋中忽以相示轉瞬十有二年矣世殊事異為之慨然志學時寓笠澤施氏館中璣題

八月梁谿新雨霽溪南溪北水交流征君淙硯臨池後貌得灣碕防樹秋王

秋声吹碎江南树政是潇湘断肠处一片古今愁荒碕水乱流
披图惊歲月旧梦何堪說追忆漫多情人间无此清 右调菩萨蛮筠庵王国器

天末远峰生掩冉石间流礪络寒清因君写出三株树忽起孤云野鹤情 虞堪

葛翁井上久不住一日披图生远思记得山中有书报白云长绕歲寒枝 殷防

云林画法学王维气韵风流或过之犹记昔年清閼阁春风吹满鳳凰枝 西郊唐元

石 清泉急晴山綠树多云林惠山下风景近如何

袁养福

晓色凄凄凉雨过也应草木渐飘零水边石畔无人到惟有长松满意青 张纬

王叔明坦斋图【下有慎独清赏四字】

老来自觉笔头迂写画如同写隶书黄雀一声山馆静道人正是午防余 坦斋老师出宋罗文
纸命作泉石老年自是不同作此应命不记歲月黄雀山人书于坦斋仙馆

陈植号慎独痴叟尝写江浦树石苍莽踈宕有子久气韵上书一絕云无多茅屋沧波远一半
青山竹树遮宛似吾乡荒寂地直疑割我白鸥沙

钱舜举金碧山水卷

目穷千里笔不到自是余生坐太凡一日兴来何可遏开牕寫出碧

江南北苑出奇才千里溪山笔底回不管六朝兴废事一樽且向画图开

烟云出没有无间半在空虚半在山我亦闲中消日月幽林深处听潺湲

胸中得酒出孱顏木叶森森歲暮残落墨不随岚气暝防重山色防重澜

吴兴钱选舜举画并题

鲜于伯机行书挂幅

青天无数白天无数綠水绕湾无数灞陵桥上望西川动不动八千里路
来时春暮去时秋暮归去又还春暮人生七十古来稀好相看能得防度

渔阳困学书

云林枯木竹石

篝灯共听萧萧雨已是摧花二月过翠竹乔柯浑漫兴砚山忽觉藓文多 三月二日雨宿无碍
方丈元璞长老命写竹石寫已并赋以发一笑是夕基上人诚藏主宾讲师同集瓚

承尘赋鵬已多年雨木霜筠共愀然昨日不堪江上

过数声邻 寺门前 双鶴道人

林石萧萧听雨时为摹清閼阁前枝倪迂僊去今何

在东海投竿掣巨缙 翠屏道人

清诗萧散疎仍密淡墨淋漓瘦更肥三絶真能入三昧令人相对忆倪迂
每见云林小幅未尝不佳此纸尤其得意笔也非得荆关肯綮者能之乎

右章宪题在画额外

吴仲圭松石图

砚池漠漠吐墨汁苍髯呼风山鬼泣涛声破梦铁骨冷露影濡空翠毛湿徂徠千树老云烟湖
山九里甘萧瑟何当阅此明窗下长对诗人弄寒碧

至正四年夏四月雨窗梅道人戏笔

赵松雪落花游鱼图

溶溶綠水浓如染风送落花春防多头白归来旧池馆闲看鱼泳白沕波

延祐三年三月六日春雨初霁溪光可人乘兴作落花游鱼图就赋诗其上殊有清思尔进之
在坐以为何如

子昂

王叔明丹山瀛海卷【其自题云】

丹山瀛海图

香光居士王叔明画

人生不富贵何如学神仙神仙之居隔海水楼阁缥缈栖云烟居中有人白玉佩从之必受陰符篇我年十五颇好道生 脱筒无宿緣龙驰虎走发欲白忍能坐受凡火煎只今四十转多病安得灌溉筋骨坚业风动地海波立且复齷齪荒山颠通 道士知姓全前朝外家籍蝉聯目击不待以口传高冠岌岌衣翩翩子当箕歷星斗旋有文秘在琼山边鬼神当受子所鞭鸿蒙一气根先天子必护持勿弃捐人间大药长縣縣采之以时性受 风霆出没皆自然琅函玉笈陈真编子今归买苕上船我亦理棹沙洲前遥知登堂拜家庆挑灯笑语夜不眠王祥冰鱼晓入饌闵损芦花寒独贤男儿名节多爱惜玉皇番案在寸田水晶宫中不受暑菱叶参差渡南浦胶山九月望君来石坛夜扫黄花雨 陈方子真【白文东光长印】

书画题跋记卷一

书画题跋记卷二

钦定四库全书

书画题跋记卷二

明 郁逢庆 编

唐榻化度寺邕禅师塔铭

【帖首李西涯篆书化度寺碑四字碑刻尚存八百余字】

大德十一年苍龙丁未秋九月十有七日嵩翁卢摯与友人太原刘致时中醴陵李应实仲仁观于宣城寓居之疏斋

唐贞观间能书者欧率更为最善而邕禅师塔铭又其最善者也至大戊申七月时中袖此刻见过为书其后

吴兴赵孟頫

欧书世所传者九成宫碑邕禅师塔铭见者或鲜尝观宣和内府所藏荀公曾帖其清劲精妙与此帖殆无异宜乎为世所宝也至顺龙集壬申十月初吉迂翁云中赵世延德敬父观于金陵之筠雪斋

欧书遒劲清古后世所师法者邕禅师塔铭又为之冠石刻羽化已久江南故家间见一二本皆未若此本之妙也为报自然宜什袭藏之虽有黄金白璧不可换也至大辛亥穷腊十有二日如是翁聊城周景远书于金陵之寓舍

大德丁未至今二十年间疎斋松雪如是翁皆相继为古人感今念昔为之恍然天历初元十月廿又一日湘中刘致重观于友直杨君读书所

吾家率更妙墨流传人间甚多邕禅师塔铭乃其絶佳者此帖临模镌榻又其絶精盖是旧本至元庚辰二月丁亥欧阳 题李宗道所藏

此碑盖书于贞观五年十一月以后九成宫铭则六年四月也不知孰为后先而此碑尤精絶视九成宫碎又为蔵锋岂一时之刻者自有工拙耶时至元六年歲在庚辰三月初吉蜀郡谢端题

欧率更书姜白石以为追踪钟王今观此石刻尚使人惊絶矧真迹哉因知白石之论为信然

此化度寺碑盖旧本收者宜宝藏之至元六年歲庚辰三月十六日康里巎书

此帖之妙不独书法模勒之工亦非后世所及近年赵文敏公书法为天下第一而刻者得其形神百无一二则知今古之殊可叹者多矣今日即使欧阳信本复作岂易得此刻工耶至正改元二月既望揭傒斯书于京师乐道里程文宪公故宅之西轩

姜尧章谓欧率更用笔特备众美翰墨洒落追踪钟王今观化度寺邕禅师塔铭盖欧书之最善者况镌榻之精诣哉兹艺苑之宝也至正壬午秋七月朔齐张起岩书

率更书险劲瘦硬自成一家昔人云学者虽尽力不能到至于化度寺墨本在当时已为世宝况七百年之后乎主人之宝之也宜何如哉至正壬午九月望汝阳许有壬识

王右军自谓书法视张芝则雁行钟繇则抗行右军一降至于隋唐欧率更虞永兴妙絕当时视右军又雁行矣率更迨今七百余年石刻存者无二三此帖墨本亦无防传为世宝固有以也至正癸未二月甲子南郑王理谨跋

赵子固评楷法以化度寺九成庙堂三碑为古今集大成舍是他求是南辕而北辙也余来京师见化度旧本三其严致缜密神气深稳始悟子固之言为然况模拓之工如此本者尤难得也王沂

长沙欧阳信本书在唐许为妙品郑愚仲金石略所载凡二十三种而行于南北者惟僧邕塔铭及醴泉铭而已二铭多所翻刻南本失于瘦北本失于肥殊无精絕之本濂尝于越见胡文恭公所藏醴泉铭肥瘦适匀精彩焕发识者定为初刻今观此塔铭其精神絕与之类诚可宝玩也然塔铭尤信本得意书姜尧章谓胜于醴泉駸駸入于神品其亦知言哉元诸大老真品评于其间者凡十有三人濂尚何言庸掇拾绪论而书于左方云洪武八年七月十五日金华宋濂记

予儿时亟闻先慈庵府君称化度寺帖妙出九成宫右而未获见每以为恨今太师英国张公廷勉出所藏旧帙乃驸马李子期家物铭叙略备其空缺处率用印识若文书家所谓盖印者帙后若赵松雪揭曼石巎子山诸公皆有题识惟谢端所谓藏锋王沂所谓神气深穩者最为得之周驰云石刻羽化已久则此固二百年前物也张公博雅好文事尤重世泽其永宝之不独如李氏所识也夫因与杨分夫曹以贞二阁老观之并致赏叹正德五年八月十日长沙李东阳识

马远四皓奕棋图【在宋楮上浅色山水横卷后款云臣马远】

商山巍巍上有紫芝采芝可疗饥何独西山薇西伯养老去古遠而独夫杀士吾将畴依卯金之子海内威罗络齟齬将奚为平生不识下邳儿肯随汉邸同儿戏角里绮里无人知抱遗老人防稽杨维桢在云间草 阁书

白石苍松歲月闲红尘飞不到青山誤因一着爭先子

老使虚名滿世间 于越姜漸

天下蒼生苦秦虐高人多与許巢期当时不墮留侯计

岂負山中咏紫芝 敬亭謝儁

不挟狙击博浪锤不泛采药蓬萊舸儒坑无名免大索商顏远遯我自我采薇亦可采紫芝芒
砀小儿不敢羈秦亡汉兴不三代约法三章民庶防岩栖四皓喜亦讥言不出口笑且嬉九重
一日禍戚姬黄石弟子有捷机假尔羽翼随扶危后来安危亦已迟先声后实真絕奇黃鵠之
譌一时足以慰晨牝老人不来天下之本防凋隳商顏之想千載令人悲前杨有清诗后杨有
乐府歌辞嗟予末学安敢捉笔为

吴兴钱鼎

吕政之坑既避刘季之嫚不归夫何应子房之策安盈之嗣于前而不知止雉鸣于后岂其心
在商山之碁而无意于兴亡之事也耶

谿翁裹图舟雨泊过我徵诗咏商雒时危每忆蓝田山白首长吟向寥廓卷中四老是耶非风
尘与归如可作史称尔皓逸姓名采芝曾歌山漠漠巴园橘叟何诞幻白云不减商山乐象戏
宁为黑白棋画手无稽传乃错老夫逢人苦好奕见画应疑身有托商隱巴仙竟两忘姑遂平
生一邱壑赋诗独也愧凡近前杨后杨学能博卷图揖君往放舟九峯无云有鸣鹤

青谿翁载雨相过出此卷要予同赋予不能诗虽竭弩力岂能追逸足之尘哉愧亦甚矣前杨
后杨浦城防稽二先生云陇右邾经识【白文邾经信印朱文观梦道人】

四皓贊 四先生天民也天生先生于秦而不使先生用于秦天老先生于汉而不使先生死于
汉焚书坑儒非秦之暴也天所以速先生之去也卑辞厚礼非汉之恭也天所以挽先生之出
也吾故曰四先生天民也右胡牧仲先生之所作先师杨鍊崖尝三诵之爱其文字简而意趣
高耳虚白闻而善之俾予书诸卷中云陈文东识

已剖巴陵橘犹歌商岭芝避秦非避汉一出系安危

曲江钱惟善

追和杨别驾韵 倪瓚

白发商山老清风扇八垠能安汉基业赖此秦遗民好爵非爱慕长松相主宾亦有种桃者武

陵溪水滨

辛亥三月

千年怜四皓不悟世如碁既脱秦坑惨 扶汉鼎危防鸿心已屈牝雉祸难追何似商岩下长歌茹紫芝

河南程煜

嬴氏肆其暴黔首无宁居五岭已适戍弥山方送徒如向商岩中遗此四老夫紫芝当糗粮青松为屋庐悠悠木石间其乐固有余姜叟在渭滨伯夷居海隅荷蓀有丈人耦耕见长沮夫子复此举异世自同符我愿从之游道远不可逾抚卷长太息怀贤正踌躇

海叟袁凯

安刘无上策来倩避秦人骇俗衣冠古扶颠羽翼新宠加龙目送怨入翠眉颦莫拟巴园橘飞腾别有神

张濬

四翁羽翼漫从游不识安刘是灭刘解使初心回乃主宁知善计在留侯紫芝分合商山隐黄鹄歌怜汉室忧千载展图增慷慨西风一曲感庭秋

谷阳陈文东

灿烂烟霞草木森采芝乐道自安心人间事业休相迫

一局棋中造化深 洛阳高万 书

长安宫中易树子谷口扶苏新赐死良平不言殷鉴逺园绮巧作商山起汉之十年甲辰歲太子卑辞将厚币明年乙巳上伐布后年丙午方入侍厖眉此日惊龙顏红粉明朝作人彘至今厌听黄鹄歌望思台前燐光紫芒砀圣人亦衰矣妻子之间乃如是昌乎通耶直如矢凿凿忠言在青史优旃之說诚荒唐孰谓考亭欺涑水纷纷俗儒不明理安得鉅擘提其耳长春道人琴罢弹琳宫夷犹狎清欢放歌不知白日暮再展此图灯下看恍然坐我寿隱上洪涛出海生波澜不知何处有此山一重一崦开岩岫桃花万树迷逺洞竹皮三寸裁为冠鹿门无人共往还政好结屋于其间青精之饭充渴饥赤脉之石为碁盘角里綺里东西居黄公时来坐席端手分黑白见嬴项一子忽入咸阳关眼中世事亦如是底用感作悲人寰松子自落牕风寒牀头酒熟巴橘酸陶然一醉天地寬老死不复登长安 虚白师出是图索题品敢献笑大方之家惶愧惶愧范公亮塞白【白文公亮印朱文范寅仲氏印】

米南宫小楷七帖【在楮上】

大行皇太后挽辞

余庆源真相求贤佐裕陵知防卷箔早戡变叱龙升静德羣邪震清心后世矜大恩知欲报圣孝已逾曾

又

温厚同光献刚廉法宝慈拥扶乐推圣照彻托公欺南纪归忠魄东朝足素规仁明存旧幄常似补天时奉议郎充江淮荆浙等路制置发运司管勾文字武骑尉赐绯鱼袋臣米芾上进

后手割六通

芾惶恐顿首再拜上覆芾闾茸无能猥继清献之绪为贫所迫冒昧宦游试吏于江陵司计之官甫幸善罢到侍郎选拟防稽征廛迟次罹罚继而间关淮壖窃仪

真齟庾之禄防年又以内艰而去流离困蹙无所告语静思庸戆乃分之宜自此絶意荣望敢意字民复在畿邑家无县谱斐然学制宁逃伤锦之讥旷败必矣此芾之所甚惧也不图夤縁幸会获庇所天尚頼余光下照匿瑕之仁庶免于戾此心切私意自幸

芾惶恐顿首再拜上覆

芾昨准省割为邑昌化寔属治圻兹者时甫及当代卞从政近得书报以二月二十二日满罢促芾如期芾旦夕躬诣台墀少伸防谒之恭只受约束重惟唐山蕞尔之地属隶京师号为难治顾芾昏无似岂应在抚字之选惟是仰依盛德宏量无所不容少寛此割前后稍缺

芾惶恐顿首再拜上覆芾一介晚出获齿士夫之后隆名硕德窃服旧矣名卑官下无从躡附宾舄瞻拜光仪今幸只役部封当备使令之末平时慕用愿见而不可得者浸浸获伸矣引颈崇墉不胜欣跃归诚之至芾惶恐顿首再拜上覆【名上用米芾之印白文】

芾咨目惶恐顿首再拜上覆府判中大【台坐】即日孟春之月青炜向荣恭惟赞贰王畿神明拱相台候动止万福芾谨熏沐染翰控问兴居伏惟台察不宣

芾咨目惶恐顿首再拜上覆【名上用米芾之印】

芾惶恐顿首再拜上覆芾疎逖下僚不敢进诚申问台闕仰惟中外泰定福祿滋至芾退惟僭易不任兢灼之情芾惶恐顿首再拜上覆

芾惶恐顿首再拜上覆芾申调司籤肃严右记迹辰不审台履何似仰惟贰车之贤密佐守尹正直是与何福不除更祈惠令上体眷隆节宣自厚导迎【此后有缺】

芾惶恐顿首再拜上覆

米元章小楷世不多见此七帖为项子长先生家藏前为大行皇太后挽辞是挽裕陵向后后崩于建中靖国元年后六帖是出宰时与朝贵扎挽辞笔法与褚河南哀册若出一手六割行筆亦遒健但与前迥别或此老中年书也

宋燕穆之山居图【在楮上横卷】画后款云燕肃画

吴郡之地广袤沃衍远于崇山峻岭拙上人禅居高闲罕事杖屨时独手燕侍郎墨图于明窗之下以自托其登临高远之意信夫天台衡岳往来者之良劳也

虞集题

溪路迢迢绕碧峰白云迷却旧行踪买舟归去山中住

终日茅亭坐听松山村仇远

奇峰如画翠娟娟茅屋溪桥埜树连日暮归舟何处去

满江风月兴悠然玉几约翁题

远山浓淡近山通幻化应知物色空一自高僧骑虎去

尚留双树纪秋风东平赵寿

半间茅屋垂杨外一个归舟浅水边三老不知尘世换

青鞋竹杖听潺湲释慧昙

古僊御云下鼇山笑披画卷顏朱丹洞堂石眼纷紫雾空青老血衫袍污初看但凄迷耳边裊裊猿幽啼再揽儵明晦 瑚冷光交碧树层峦砮崖扼回谿彷彿天台石桥路广居栈行依鸟巢瀑泉湔雪星劳劳旧游在眼犹复记何似燕君手亲制

吴僧妙 子题

秋山木落冷萧萧江上行舟去路遥忆昨曾经沙市尾

夕阳三老过溪桥 括苍刘基

晓牕白发战西风一笑青云往事空惟有南山是知己

相逢多在画图中 朱方石岩

老僧行脚亦多年水际山巅防息肩晴日矮窗今倦出

展图时想旧风烟 钱良有【白文钱翼之氏印】燕侯醉笔迅如电儵忽江山眼中见晴岚散
作万顷云飞流倒挂一足练数家茅屋傍青林春日扑帘华片片我生性僻爱林泉客里披图
适幽愿

防稽释大同

江山万里真如画曾向钱塘江上看今日案图成旧梦

半窗风雨 奔湍 吴僧汝爽题

日出山峨峨溪回水泠泠断桥度何处林西孤草亭昔游天柱峯题诗翠云屏又曾过石桥前
驱有山灵东吴三十载奔走劳我形燕君趣何高作图意防防老树复陰翳幽鸟如丁宁便将
觅长镵松根寻茯苓

至正九年三月十日永嘉文信

侍郎妙墨集贤书一纸千金价不如夜月照开寒翡翠

春风吹长碧 瑚 清风堂奇泽

茅屋人家倚暮村小桥流水傍柴门葛巾何日从三老对月倾壶细讨论

侍郎醉酒挥毫处千顷江声带雨寒准拟披蓑摇小艇

绿杨深处把渔竿 僧证道

谁识当年隐者防披图髣髴似匡庐防时来结东林社

共看云牕贝叶书 马喆顿首

燕公山水雍公题文采丹青孰与齐今日鬻茶烟里坐此身如到若耶谿

若耶谿上是云门我有茅庐倚石根客底相思时梦到

画图令我一销魂 会稽唐肃

高峰峭层峦悬崖防飞瀑中有玉门关逾之乃平陆丛林翳秋阴掩映防茅屋石梁驾危桥野岸断复续杖屨二三人逍遥隱居服平生邱壑情对此心转触载歌招

隱篇白驹在空谷 括苍金观

不见当年燕侍郎犹存墨迹在禅房披图细玩幽栖处

笑指青山是故乡 青社李源

依稀庐岳高僧舍髣髴商山隱者家我亦抱琴酬素约

白云深处拾松花

胶东生冷谦【朱文起敬】蓬莱城郭五云东万壑千岩指顾中何日重寻溪上路

萧萧满耳聽松风 防稽夏士宾

琵琶亭前江水碧隔江叠嶂生秋色楼船忆昔泛中流瀑布香鑪曾瞬息如今见画眼倍明却思往昔心为惊亭中坐客似无语石碁行人如有情古寺依稀出山觜钓艇苍茫渡烟水诗成抚卷一慨然归去何年此山里

穆荣礼

我家湖上住看画起新愁旧梦三生石归心一叶舟瞻云思陟岵倚杖忆临流早晚还家约相寻访昔游

陈逊

流水淙淙石齿齿满汀云气欲模糊白鸥溪上秋多少黄叶山中路有无十月雨深茅屋破三江风急野航孤可怜失脚红尘里空向晴牕看画图

古相郑权

题心上人得拙无为所藏燕侍郎画山水图歌

山木惨澹云茫茫画师何人燕侍郎侍郎笔迹世罕得此幅乃是拙公之所藏拙公平生好奇

古拾画收书用心苦白头老死峨石下散落人间弃如土上人何从得此图年多纸墨将模糊
层嵯叠嶂失向背茅屋松门疑有无洞庭天寒风景暮窅窅沧波隔烟雾归舟不自辨东西但
记前冈两松树过桥三人立者谁就中似有远法师披图感叹尘满眼我欲匡庐寻紫芝

至正九年六月书于碧山堂吴释宗衍道原

穆之材艺动仁宗宠渥时时下九重怪底风云连海岱溪藤未朽墨花浓

至正二十五年乙巳九月望后五日吴郡万金题辞山方两月见山心辄喜披图忽悄然旧游
宛相似微茫敬亭云迢遰赏谿水啼树苍苍鸥泛波靡靡岩阿桂藂生茅屋无人理何为滞
江城眯眼黄尘起

天台僧宗泐

旧游愁漫灭新题费品评云山入衡岳雪浪过湓城岭有啼猿树岩多瀑布声老僧思振锡飞
步上峥嵘

钱唐陈世昌

水声防防山中路林深不知林外雨转来磴深不可渡沿流直过前山去前山脚下溪路斜隔
溪遥见山人家予观此卷见道元信公道元衍公二诗有追古人之妙而独欠道原诚公因记
山行诗一首其声韵含和深有此趣录为补其处但桂虽不识此三禅老知昭然其名诚谓鼎
足者三□一不可以着一时之名流亦足发览者之一笑云耳

君不见梁溪山水清且幽昔年我居溪上头自从丧乱过江国八年不得寻旧邱燕公此画无
与匹拙公旧物听公得披图仿佛宴游处竹树萧森动秋色年深落墨半欲无又如梁溪乱后
人烟疎荒村百里失故物但见云水寒模糊对此驰情慨今昔眼底渔樵似相识第二泉边归
去来未信溪山遂陈迹

长溪程雍题

名画经年久皴痕澹欲迷昔从吾邑见今向异方题寺古藏深崦桥危接断堤旧游寻未得抚
卷一含凄

徐一夔

茅屋树为隣岚花百嶂春迢迢斜日里犹有渡关人

徐幼文题

石磴崎岖里林居缥缈间苍松凌汉表游子共云还

丹邱释似桂【白文方岩道者印】

客牕孤坐或携山水卷示余困眼为之豁然归思为之浩然忍无一辞以识之乎五季善画者若李若黄若徐皆列名品而燕侍郎之绘事可卧余子于地下观此卷可知矣噫当时方尚战鬪而习翰墨者亦精其能则士之遇平世而有志于道者可不交鬻于学业使卓然有所成就以立名于不朽哉吾于此有感焉雪滨慵叟张世昌书【白文安国印章】

老我林野居颇得山水趣及兹览图画仿佛旧游处清溪转回流小桥走平路萧疎古茅屋隱映垂杨树冈峦邈异状泉石纷无数长松落晴雪沓嶂隱寒雾行者两三人欲去犹屡顾燕公宋名輩画手美无度吾师寄真赏亦是烟霞痼置以一室中卧游良可付

句曲诸生朱綽

侍郎燕君名已久绘事通神称妙手想当盘礴造化时毫端未举分妍丑攢峰峭壁势奔腾泼翠拖蓝聯培塿断桥流水入微茫缥缈烟霞生陇亩依稀李愿盘谷居彷彿子真耕谷口虬枝苍榦并千章皓首芒鞋三老叟晦明变化咫尺间万状千形生臂肘燕君燕君孰与俦学士虞公品题后蓝田美玉映 瑚光辉万丈冲牛斗祖庭何年得此图卷舒时复置诸右莫若陶公壁上梭无乃鼎跃腾螭袖便当珍藏篋笥中隄防风雨蛟龙走

金华云黄山主致凱【南翁墨印】

宋仁宗朝燕肃字穆之本燕人徙居曹今为阳翟人文学治行縉紳咸推之喜画山水寒林踏王维之踪仿李成之范独不为设色官至礼部尚书后贈太师

樵李墨林项元汴述

黄山谷楷书赵景道帖并絕句诗八首真迹

昌州使君景道宗室秀也往余与公寿景玲游时景道方为儿童嬉戏今颺然在朝班思公寿景玲不得见每见景道尚有典刑宣州院诸公多学余书景道尤喜余筆墨故书此三幅遺之翰林苏子瞻书法娟秀虽用墨太丰而韵有余于今为天下第一余书不足学学者輒笔慳无劲气今乃舍子瞻而学余未为能择术也适在慧林为人书一文字试笔墨故遣此不别作记

庭坚頓首

景道十七使君 五月七日【山谷道人朱文印】九陌黄尘乌防底五湖春水白鷗前扁舟不为鲈鱼去收取声名四十年

璧社湖中有明月淮南草木借光辉故应剖蚌登王室不若行沙弄夕霏

右奉呈

外舅孙莘老

小黠大痴螳捕蝉有余不足防怜蜨退食归来北窗梦一江春月趁鱼船

桃李无言一弄风黄丽惟见绿忽忽人言九事八为律倘有江船吾欲东

右归自门下后省卧酺池寺书堂

映日低风整复斜绿玉眉心黄袖遮大梁城里虽罕见心知不是牛家花

九疑山中萼绿华紫云承鞮到羊家真茎虫蚀诗句断犹托余情开此花

仙衣辟积驾黄鹄草木无光一笑开人间风日不可耐故待成阴叶下来

汤沐冰肌照春色海牛押帘风不开直言红尘无路人犹傍蜂须蝶翅来

右和王仲至少监咏桃花四首用其韵

【革】顷与德麟游颇闻元祐诸公言之绪余及兹竭来临漳路钤赵昌叔相与款厚因出示山谷道人与其先府丹阳君往来书帖及诗辞想见前修风流余韵而贵公子乐善喜文之高致也丹阳君德麟之兄而昌叔德麟犹子也然则好事喜宾客盖有家范云

温革叔皮父

光风转蕙泛崇兰些此山谷先生小楷气象

石湖居士题

汉武帝故事曰上起神屋以珠为帘箔玳瑁压之东坡辞云银蒜押帘此山谷改压帘作押帘之自来也温叔皮字画亦苍老尝为尚书郎着琐碎录

建袁立儒书

酺池寺书堂诗云人言九事八为律【立儒】读主父偃传上书言九事其八事为律令一事谏伐匈奴并识卷后

谿翁续得山谷题前定錄等八诗小點大痴螳捕蝉二篇居其中遗赵景道者小字送李伯牖者大字予兼而有之于好古博雅不曰徒费光陰矣

宝祐甲寅中秋日书【有谿翁堂印】

山谷老人与赵景道帖并絕句诗八首今藏海虞钱工部士 家前有贾丞相似道悦生印及封字印盖宋末尝入其家悦生乃其堂名闻之昔人似道藏法书名画甚富妙品辄用二印识之后宋人三跋中有石湖居士者予乡先生范文穆公至能也

正德庚午春三月前进士吴门都穆

卷中有宋元官印三前一为提领措置防子库印后二为福建提举司之印恐知之者或寡故附着之

穆

温日观蒲萄【在纸上先题云】

举世只知嗟逝水无人微解悟空花 此一聯乃大唐贯休禅师之佳句

皇宋温日观为书之为后人策励之端仍为写龙须于后癸巳年三月三十日扁舟至天佛院晴窗晚兴有兄副寺宝之【此后画蒲萄一帧】

纸长宜以好诗书之为后之名胜笑揽诗云

明月清风宗炳社夕阳秋色庾公楼修心未到无心地

万种千般逐水流 日观墨蒲萄

浓淡累累半幅披却疑月架影防差凭君问取乘槎使还似宛西旧折枝
蜀益川张梦应敬题至元壬辰维夏书于云间寓舍

防稽王斗祥敬观于武川吴氏明远楼

吴绡蜀茧笔底墨云飞一片点点秋腴収得骊龙颌下珠
兴来一扫惜处有时慳似宝雾叶烟条防度

西风吹不凋 减字木兰花

山陰曾寅孙奉题

昔年添竹延秋蔓露叶离披马乳寒今日天涯忽开卷还如架底夜凉看

一片秋云江上影老禅收拾入蒲萄小窗剩有诗为伴不博凉州意自高 鄱阳仲舆叶衡题

就借日观韵奉题 上饶程鳳飞

老僧妙墨遍中州好事携将万里游要识色空同不朽龙须马乳等浮沤

敬题日观手卷后 明瑞顿首

墨浪黏天泼泼枝累累数颗翻云衣南风吹到燕山外带得幽萝巢底归 辛卯

米西清云山小卷【在澄心堂纸上画长丈余宋裱云山细润出诸卷之上卷首一

圆印朱文芝山二字崇祯丙子四月望后二日观于周敏仲舟中】

余墨戏气韵颇不凡它日未易量也元晖书

至乐轩画卷 妙品第三 兰隱【朱文大古印】

刘珍【朱文】 庭玉【朱文】 刘氏家藏【朱文】

书画题跋记卷二

书画题跋记卷三

钦定四库全书

书画题跋记卷三

明 郁逢庆 编

宋榻东方画赞洛神赋二帖

不学兰亭贮屋梁密妃曼倩出装潢王家旧物存羲献

絶胜遗金发窖藏 商邱宋无【吴逸士宋子虚朱文印】晋人真迹千无一真往往皆唐人临模唐模既少米氏所谓石刻高者可降真迹一等此二帖纸墨絶佳借观

累日因得其妙处 汾亭石巖【石民瞻印】

右王右军东方画赞唐人欧阳率更得其笔法而自成一家者大令洛神赋间以章草柳诚悬尝谓子敬好寫是赋人间合有数本此其一焉似不诬矣故乡先生海粟王君旧有此二帖未及装潢而先生没其仲子东字起善者得诸故篋即成轴以袭藏是亦以手泽之气所存匪特为古人翰墨之宝也

苏人钱良有敬题【钱翼之氏朱文】

二王翰墨妙絶今古笔法初本钟元常后世尚王而不及钟者亦犹周公孔子尊孔子以及周也友人王起善一日见示右军书曼倩画赞大令洛神赋是其尊人海粟公所藏诚先朝故家旧物起善宜珍藏之母为萧生所惑也

元统乙亥中秋日吴壽民书于苏台寓室【吴氏仲仁父白文】书法以 为楷世谓之 楷汉魏而下钟元常善 书尤工小楷至王右军得其神所书乐毅黄庭东方朔画赞各臻其妙右军亦自谓他书皆不及之故其转折端方一波一拂遒劲妍美若雅士在朝垂绅正服济济仪容复如蝉翼鸟翅俱有翩翩自得之状大令所书洛神赋非止一本是书多用章草法汉魏风规粲然可观二帖皆石刻中善本况得覩其真迹者又何如耶

顾复【顾仁甫氏】

曼倩仪形汉庙堂洛神赋韵魏文章千金石刻人争购

笔阵犹堪识二王 弋阳山樵李瓚【李子鬯氏墨印】还四十年前客丁景仁书馆题此诗白

云师持以见示顿印畴昔为之叹息不置【瀼居二字印】

二王笔扎为古今书家宗祖言书者必称羲献虽父子之序当尔而书之等第亦繇是而见焉然子敬尝自谓其书过父至观显壁乃始心服是卷以二帖合而为一岂无意耶和氏之璧截昉而凝雪使天地间有二焉亦不并色矣

汴段天祐

由籀而篆而 而楷楷至二王蔑以加矣此东方画赞洛神赋确乎见宝于后世也近攻 书者自负軼出江左追踪汉氏凡稍涉永和法者则訾之曰此晋字也使诚知晋字为六朝唐宋之冠即无是语惟其未见二王妙处辄于似晋者而轻肆雌黄之口而于二王其何伤于日月乎王起善家藏二帖虽是碑刻精神韵度自是絶尘他日有訾晋字或一见之岂不愧汗浹背乎至元二年丙子岁夏五八日天台舒叔献书

两帖古意潇然与世俗诸本顿异视规规然求其形似而无神情者相去逺矣善学柳下惠者无如鲁男子要当以此评书可以得古人彷彿

至正十有八年秋七月廿六日赵郡苏大年凝润轩中题【朱文苏昌龄印】

法书家评王右军画像赞洛神赋有矜庄严肃之象今观此刻信然而大令以章草法书洛神赋尤为奇伟王

君善宝藏之 朱德润题【朱泽民氏】

谷阳龚先生子敬为仆题唐丁府君墓铭有云祖子孙一气虽逺犹亲古人所以敬祭祀之义今观起善逺祖右军大令二帖乃其先子海粟斋所藏手泽存焉展卷起敬济阳生丁应荣【丁景仁氏】

书法流 晋及梁石纹中断象天潢君家竟古家鸡在松墨精微更世藏晋贤妙笔阵堂堂鉴赏元晖继阿章父子吴兴生圣代风流彷彿似诸王

至元丙子暮春重观于起善斋用宋李韵奉题

应荣

二王真迹宋御府所藏合三百三十余帋靖康之难悉废于金人之手矣今或遗逸于世者去晋益逺楮朽墨闇莫辨真贋而卒壽其书法流 天下则幸有石本在耳模刻者之功于是乎可赏若此二帖又二王之名书也然较之世所 诸帖体格殊异盖彼皆短牍小简信笔数行如乐毅论黄庭经与此赞则全篇成章宜其严整不苟异于他书而楔饮序出于觴咏游骋物

我兴废之际笔意飘逸又不可执一论若洛神赋为子敬生平所好寫亦用意之书也然自昔人所见皆自嬉至飞十三行耳此独得其全文何耶陈味先生持此示余城东之续古堂因叹二王书如行云行太虚态度不定观书者如鲁僖登台使每岁分至啓闭皆八表同昏之云虽不望可也

吴寛题

山谷尝谓东方画赞墨迹疑是吴通微兄弟书以其运笔结字极似通微书黄庭外景也又疑洛神赋非子敬书谓宋宣献周膳部少加笔力亦可到今观此二帖则山谷之论其未然乎必有能辨之者

王鏊【济之二字印】

余生平所见东方先生像赞多矣独此本最为古榻而书法迥别盖北本与南派异也大令洛神赋则楷书全本有十三行世多翻刻章草小书则仅见此纸而已二帖是吾吴世传旧物诸跋大胜自宋迄今最近者为吴文定王文恪亦垂百年况前此皆宋元间名人笔乎跋至弋阳李瓚而丁应荣诗尾云用宋李韵知前此为宋人无疑矣二帖在宋时为人宝贵如此又三百年后入余手那得不视为至宝岂但云下真迹一等而已嘉靖中吴中刻二王帖选中洛神赋从此本翻出其法具形似观此便当烧却

万厯丁亥夏六月世懋谨识

再阅所谓宋李乃宋元李瓚二人非谓宋时人也然观瓚再题云四十年前客丁景仁书馆题则前题时亦当是宋末矣岂此帖在宋时归丁应荣后归王海粟而应荣复为之跋耶不然海粟父子宝是帖已歷宋元二代耶戊子春正月王世懋又题

王右军六帖真迹【在楮上】

重告慰情吾腹中小佳体痹之气便转差深以为慰慰足下意也王羲之顿首

月十三日羲之顿首追伤切割情不自胜奈何奈何昨反想至向来快雨想君佳乃得此雨必佳深为君欣喜信既乏劣又头痛甚无力不具王羲之顿首

诸贤子粗足自枝住否吾弱息毁大儿恒救命足令人心焦先日之懽于今皆为哀苦自非复衰年所堪岂复以既往累心率事自难为懷如之何

六月十一日羲之报道护不救疾恻怛伤懷念弟闻问悲伤不可胜奈何奈何曹妹累丧儿女不可为心如何得廿三日书为慰及还不次羲之报

尔今比善和尊今当出乡女母子粗平安丧际贤女动气疾当时乃勿勿今以除也他等皆知孝思先日之欢于今皆为哀苦触事切人处此而能令哀惻不经于心殆空语耳一至于此何所复复具

州民王羲之死罪贤 逝没甚痛奈何白牋不备太尉门左不可言同此酸慨王羲之顿首

唐张旭草书兰馨帖【此八字云林题签】

兰虽可焚香不可夺今日天气佳足下更拨正人同行古草书帖云兰虽可焚廿一字相 为稽叔夜书予验笔意疑为张长史书山谷云颠工于肥素工于瘦而奔轶絶尘则同此书肥劲古雅非长史不能又予尝见公所书濯烟宛陵春草等帖结体虽不甚同而其妙处则与此实出一闕钮也但其文义不可解盖唐文玉好二王书故屏幃间多晋人帖语一时化之或长史书叔夜帖语亦未可知然今不可攷矣嘉靖丙辰三月长洲文征明题

张长史春草帖

春草青青千里余边城落日见离居情知海上三年别不寄云间一纸书

又濯烟帖

濯濯烟条拂地垂城边楼畔结春思请君细看风流意不是灵和殿里时【上有明昌宝玩御府宝绘羣玉中秘诸印】

唐徐季海宝林寺诗【在麻纸上】

五言宝林寺作【李穆家藏书记】

防稽公徐浩

兹山昔飞来遠自琅琊台孤岫 形在深泉鰻井开越王屡登陟何相传辞才塔庙崇其巔规模称壮哉禅堂清潄润高阁无灰炆照曜珠吐月铿轰钟隱雷揆予从纓弁末路遭遭 一弃沧海曲六年稽岭隈逝川惜东驶驰景怜西頽腰帶愁疾減容顏衰悴催赖居兹寺中去士多卢能洗心聽经论礼足蠲防灾永愿依胜侶清江乘渡杯【保太文房之记】 押

臣锺鉴定【内□前后绍米平生同印兴小玺姓真赏】

【柯九思墨印】

飞来琅琊峯突兀天光台金縵龙变化一窍沧溟开万古共登眺作赋皆奇才春宫压颶屬句

踐何雄哉混沌忽开辟穷徼连瓠台湖波荡明镜江流极奔雷人生如惊涛百折无一 月出
鲸海东日落崦嵫限不畏蜀道难但伤灵 頽萋萋原上草苦为霜露催灵均亦何心纫兰重
修能西山采蕨薇我独罹其灾放浪任天真日饮三百杯

五代末徐浩有书名观其宝林寺诗无虚士也惜乎悲嗟无聊感叹功名之流落其亦寡于闻
道者矣因走笔用其韵千古一时毋哂由也黄鹤山樵王 书赵子固定武兰亭落水本

天圣丙寅年正月二十五日重装

【帖前有方寸朱 子固二字 方寸朱文倭文彝斋二字印 白文印 公家记印】

才翁东斋所藏图书尝尽览焉

高平范仲淹题

皇祐己丑四月太原王尧臣观

元祐戊辰二月获于才翁之子洎字及之米黻记【傍有朱文楚 白文孝友
朱文存义国米芾印 世家印 书府印】

池刘涇巨济曾观

昔中原云扰定李生获楔帖真刻尝以墨本投韩忠献公公索之急乃模刻送官其后宋景文
始得李本藏之公库至薛师正出守子绍彭又从而易之盖自韩宋以来士大夫得之是邦者
真贋已相乱矣东 易周致肃以此卷相视题识由高平范公而下皆宋名臣其必识

真矣乎 鄜刘汝书

世 兰亭以肥瘦完缺纸墨为别诚至论矣然求之牝牡骊黄之外则在展卷之间精神焕发
尤妙论也此本题志可证而磨没中如月光在天尤可宝也

京兆杜本观

茧纸不可复见锦标玉轴又安在哉定武真刻尚论其肥瘦耶观文正公所题固可宝矣

后学许大同识【许氏叔异朱文印】

此定武本也余有一本以稍瘦耳噫兰亭为世所珍今昔皆然尝虑萧翼之相遇致肃其秘之

宣城吴镇观

书至晋二王蔑以加矣昔人谓其妙在笔墨之外盖至论也此稷帖有宋元诸名公题志其于评议已详知经海岳翁之具眼为定武佳刻无疑致肃尚袭藏之

同郡麀溪郑涛谨记

薛绍彭自为一书辨定武石刻号称详密李学究本最所宝惜当时七大夫家有此刻者可倭指数而苏才翁所蓄则钱惟演家物也后陈季常得之后曾觌得之最后子固得之尝江行覆舟入水濒死犹手擎之高出水而不置曰吾性命可弃也而此不可弃其见宝惜如此子固死遂流落江东予闻诸陈子山陈子山闻诸张伯雨云此卷意度与今御府藏唐人响搨盖相似而周君自言得之江东印章题跋具可征其为李本何疑哉洪武四年歲在辛亥冬十月癸巳眉山苏伯衡识兰亭稷帖右军所书茧纸既入昭陵而唐刻石本亦殉焉温韬发陵剔取金玉置之而去其纸遂糜壤世所获者惟石刻耳宋人索真公库防火不存冯京知雍州乃以所藏搨本命工入石其后薛绍彭陰以他刻易之则定武兰亭帖在当时已淆矣学士大夫之家仅存一二流 既从愈遠而愈微愈变而愈讹虽好古者苟不能精鉴亦淆矣余往在钱塘访陈真人于吴山见宋吕祖志所藏本今复于致肃见此本旧出苏才翁家其为定武本盖无异论也陈真人欲售白金百两则致肃其可弗宝哉

洪武八年二月一日金华胡翰识时姜焞同观

世之论定武兰亭其說颇不同有谓太宗诏欧阳询搨本刻石禁中至晋时契丹辇至杀胡林奔而北归宋庆厯中韩忠献公婿李氏者获之及宋景文公帅定武始从李氏之子购藏库中【相 得于孟水清者盖非】熙寧中薛师正出守甚珍惜之别刻以惠求者其后师正之子绍彭又勒于它石替易元刻以归长安是定武有三刻矣有谓太宗既葬兰亭茧纸而刻石亦见殉昭陵既发耕民负石为搗帛用定武一士人见四周龙凤文隱起知为禁中本以百金市之以归谓之古定本王君貺知长安移文索入公库又谓之古长安本既而公库火石焚冯当世再入石是定武别有三刻矣 闻异辞是二說者已不能归于一致况欲索于肥瘦完损之间邪自后转相模刻者凡九十余本而吾婺梅花本而下亦且十家则其去真益离矣此帖上有范文正公米南宫题识知为苏才翁东斋所藏元祐戊辰南宫又获之才翁之子洎自后流落靡常不能必其次第中间虽有韩魏公家记及钱氏忠孝家赵彝斋字印不敢意为之說然其精神气韵实与它本悬 宜为定武初刻无疑同郡周君致肃冒热来求题漫一疏之不觉其辞之繁也

洪武十年夏六月十又八日金华宋濂记

【宋濂之 玉堂学 景濂印白文 士白文 白文】

唐释懷素客舍等帖【宋□庙御书金字题籤】

吾自旦及今食噉苦不下非常闷闷复在客舍所求者并乏加以年老期汝等复得年月耳
一日 圆而

能转字字合节同桑林之舞也 常以忧闷为其劳也冬熟将船取米物必寄千斛乃可时也药物
物十个月内示采取之还人不复耳

三月一日报

懷素小草客舍等帖唐代絶伦世亦罕见子孙宜宝之干德二年五月四日开封曹用家藏

懷素唐朝草圣超羣所谓笔力精妙飘逸自然非学之能至也熙寧九年二月一日河东薛绍
彭

【帖首及接缝处俱有宣和政和绍兴犬水双龙小玺驛尾有内府图书之印又有秋壑图书
】晋顾凯之画洛神赋图【长卷宋裱绢素破裂重着色】

人物衣褶秀媚而树石奇古乃吴下韩中丞敬塘故物又一卷宋高宗绢上行草书洛神赋后
款云德壽殿书【下有朱文御书之寶】

花石纲间四海分西湖日日雨芳春孔明二表无人读德壽宫中寫洛神 赵巖

唐柳诚悬楷书度人经真迹【在麻纸上横卷神品】

翰林学士谏议大夫知制诰赐紫金鱼袋柳公权书于上都昭成观永充供养读诵

昭成观内供奉经法大德三洞道士孙文杲校勘观察支使给事郎殿中侍御史内供奉长孙
公受界造有唐开成三年歲在戊午正月十六日记

卧云道士来相辞相辞倏忽何所之紫阁当春凝烟霭东风吹折花枝枝药成酒熟有时节寒
食恐失松间期冥鸿复见伤弓翼高飞展转心无疑满防数杯酒狂吟几首诗留不住去不悲
醢鸡蜉蝣安得知大顺元年二月十九日华山道士鱼又 题

右军曾寫换鵞经珠黍仙书骨气清看到柳公心正处千年笔谏尚驰名 赵巖【鲁詹圆印】

硬黄小字临黄庭曩曾见之独小字度人经未之见此开成年柳诚悬得意细楷也有宣和题
标可证时一展诵便到黍珠郁罗萧台又何必太清顶 之表前集贤待制冯子振奉皇姊大
长公主命题

正书之擅名者自魏钟繇而至于宋得四十四人而唐柳诚悬实铮铮乎其间则夫墨妙笔精

有不待贊矣其入宋秘府凡六帖而書度人經者二此卷特其一爾是經乃晉宋人偽作至誠懸時相 稍以故信而書之近代紫陽方回則謂五季蜀主建時道士王喬始造且確然弗自疑不几甚可笑欵使回見誠懸書此吾知其顛有泚矣

洪武九年六月十五日翰林學士承防金華宋濂謹記

深頓首頓首辱不鄙棄馳示柳誠懸真迹希世之寶也前題后跋皆佳我師尊篤好致此異品掩然一拂過目已若刮金篋何當得把翫累日也大寶不敢久留竊恐穿壁飛去幸檢入合璧事類容別作報草草上記

少宰相公蒲汀老師函文 門生陸深百拜唐釋懷素食魚帖【在硬黃紙上小橫卷】

老僧在長沙食魚及來長安城中多食肉又為常流所笑深為不便故以病不能多書實愧予報諸君欲興善

之防當得扶羸也 即日懷素藏真白

素公草書超妙自得筆老而意新在當時已為獨步雖散流人間甚盛然自唐迄今二百余年士大夫家所藏罕有完者而此帖首尾皆具尤可珍也

宣和甲辰七月中澣竹西吳喆書

東坡先生評藏真書云此公能自譽觀者不以為過信乎其書之工也然其為人悅蕩本不求工所以能工如此如沒人操舟無意于濟否是以覆却萬變而舉止自若近于有道者耶今觀此帖有食魚食肉之語蓋悅蕩者也至于行筆遒勁如屋漏如屈鐵非

工其能如是 竹西又題

藏真既食魚肉公然舉以向人計其胸中當无一毫諱吝所以書法超妙至于如此士大夫日拙于偽遮護百出乃欲以其余力辨天下事何可得邪

靖康二年四月丙子李璡題

藏真書多見四五十幅亦皆唐僧所臨而罕有真迹一二知書者謂此幅最老爛因錦裘秘藏之

延祐元年十一月朔日集賢大學士榮祿大夫張晏珍翫

懷素書所以妙者雖率意顛逸千變萬化終不離魏晉法度故也後人作草皆隨俗繳繞不合

古法不识者以为奇不满识者一笑此卷是素师肺腑中流出寻常所见皆不能及之也

延祐五年十月廿三日为彦清书吴郡沈右唐颜鲁公正书朱巨川诰【在绢素上后邓文原乔□成跋俱刻于停云馆尚有陆全卿诸名人跋今详录于后】

此唐德宗建中三年六月给授中书舍人朱巨川告身符年月职名之上用尚书吏部告身之印计二十九颗世传为颜鲁公书按唐式书符令史事也代宗之丧鲁公以吏部尚书为礼仪使杨炎恶其直换太子少师领使事及卢 益不容改太子太师并使罢之是时适在闲局而其忠义书法巍然为天下望巨川欲重其事特求公书亦如今世士大夫得请诰勅封赠多求善书者操笔同一意也米元章书史载朱巨川告颜书其孙灌园持入秀州崇德邑中余以金梭易之刘涇得余颜告背纸上有五分墨装为秘玩王诜笃好颜书遂以韩马易去此书今在王诜处宣和书谱载颜书亦有朱巨川告今卷中并无宣和印记独存梁太祖御前之印前后压缝有宋高宗乾卦绍兴印耳岂旧藏御府靖康之乱散落人间南渡收访应募者截去本朝玺防耶然五代时既入御府则宋时不应在灌园处岂王诜所得乃别本邪不可得而知矣此卷作字虽小而与东方朔赞用笔同其为颜书无疑告中细书不知出何人唐制惟侍中中书令为真宰相其曰同中书门下平章事虽行宰相事而未为真中世以后藩镇节使多授中书令故 后细书首行云太尉兼中书令臣在使完是年四月卢 忌张镒出之凤翔故第二行云守中书侍郎同中书门下平章事臣张使其第三行云守给事中臣闕播奉行杞爱播和柔易制是年十月即同平章事矣牒后细书首行云侍中闕第二行云守门下侍郎同平章事即卢 也又吏部正员尚书一人侍郎二人其属有四曰吏部司封司勳考功吏部郎中一人掌文官阶品朝集禄赐告身尚书左右丞各一人掌辨六官吏户礼左丞總焉兵刑工右丞总焉故牒尾尚书侍郎左丞俱云缺而云判吏部侍郎范阳郡开国公翰者卢翰也后此二年为兴元元年正月亦进同平章事符后书云判郎中滋者刘滋也贞元二年正月遂从吏部为左散骑常侍末后书令史不名亦可谗此告非令史笔矣一展阅间而唐之典故歷歷可考且鲁公书得其背纸墨迹尚装为秘玩况真迹邪宜何如其宝爱也

正德丁丑五月望日陆完跋

琅琊王士骥鉴定

甲午七夕前一日吴江沈同生同华亭诸念修包炳如观于金昌舟次

右为鲁公真迹予始见模本颇怪其神采未適及是与仲醇同观如探骊得珠为之一快

万曆壬辰二月三日锡爵书

癸巳冬孟张仲文陈无非杨茂遠杨哲卿王闲仲王渊季周叔宗徐穆如张汝观同赏于萼綠花楼中

琅琊王士驤书

壬辰元旦后三日展此计大字一百八十一小字百四十一通总三百二十二字书谱唐神品三人篆李阳冰草张长史楷顏平原褚虞欧柳皆列精品中不

得与公驾 宝顏堂居士陈继儒志癸巳夏范允临同武湖沈瑞镕唐汝升观敬题癸巳夏四月晦日得观于小昆山阁上雪浪僧鸿恩张光吴之鲸尤道恒张世伟夏廷诏同赏于醉花庵

鲁公此书古奥不测是学蔡中郎石经平视钟司徒所谓当其用笔每透纸背者仲醇得此自题其居曰宝顏斋昔米襄阳得王略帖遂以宝晋名斋顏书固不减右军王略而仲醇鉴赏雅意从独在纸墨间也

壬辰春二月董其昌题

癸巳仲冬汉阳太守孙克 获观于雪堂

余不知书尝妄论书古人具妙庄严质即疾趋倭行神观伟如今人似束刍戴冠纓能仰不能俯古人如俊鹞转防防瞋目纳爪盘飞虚空今人如下劣拳师口中叱叱时作乙势古人如造凌云台虽欹斜欲堕却自铢两适均今人如百衲锦采色烂然丝理多絕比仲醇出顏鲁公朱巨川诒观之其项足悬而相抱须鬣怒而不张以斜表正以拙布巧以缓运適与前所云三法皆合此不待陆全卿校勘其的为鲁公无疑然持以示人疑信防半盖字学之衰从矣其法盖尽壞于长洲之文氏字取匀美圆淨而止其顿挫抑 用而不尽用之际都所未讲即如此诒一经模勒便塌拖如肉鸭都无可观骅骝气丧岂不惜乎姑为拈出纸尾归仲醇藏之以待

识者 辰玉王衡

梦 有古癖而不学不能如水村先生之辨特一展玩间顿悟生平所见尽可废王辰玉谓文氏帖出书法古意一变寧独为鲁公吐气仲醇宝顏堂中愿当留此公

案 吴梦

唐冯承素临本乐毅论【在硬黄纸上褶表】

右搨本乐毅论是

贞观十二年四月九日 内出乐毅论是王右军真迹令将仕郎直 文馆冯承素模寫赐司空赵国公长孙无忌开府仪同三司尚书左仆射梁国公房 齡特进尚书左仆射申国公高士廉吏部尚书侯君集特进郑国公魏征侍中护军安德郡开国公杨师道等六人于是在外乃有六本并笔势精妙备尽楷则也

褚遂良记

彦逵家有冯承素兰亭元和十三年

诏取书画遂进入

内今有承素乐毅论在并有

太宗手批其后 张彦逵记

隆庆三年元旦焚香盥手谨观文彭壽承甫记是日有禁不得贺节明牕淨几展玩数日甚乐
再观索幼安出师颂盖天地间二宝也

文彭再记

山谷老人论书要字中有笔此帖近之然非有砚臼笔麕者不足以语此

隆庆己巳春日从三桥寓斋携归谛观因题其后归之建业胡汝嘉记事

唐搨保母帖

保母碑虽近出故是大令当时所剡较之兰亭真所谓固应不同世人知爱兰亭不知此也丙
戌冬伯机得一本继之公余又得此本令诸人赋诗然后明识中知有此文丁亥八月仆自燕
来还亦得一本又有一诗僧许仆一本虽未得然
已可拟世人若欲学书不可无此仆有此独恨驰驱南北不得尽古人临池之工因公余

出示令人重叹 孟頫

撞破烟楼固未然唐模晋刻絕相悬莫将定武城中石轻比黄閒墓下塼

姜侯才气亦人豪辩析区区漫尔劳不向骊黄求骏书家自有九方臯

临模旧說范新妇古刻今看李意如却笑南宫米夫子一生辛苦学何书

千年郁郁閤重泉暫出还随劫火烟靳惜乾坤如有意流 君我岂无緣 渔阳鲜于枢伯机父
题【此碑乃献之为乳母书藏于墓手镌于塼上高尺余阔尺七八前有小砚影书类兰亭约
二百许字】

书画题跋记卷三

书画题跋记卷四

钦定四库全书

书画题跋记卷四

明 郁逢庆 编

米襄阳苕溪诗话【在澄心堂楮上长卷】

将之苕溪戏作呈诸友襄阳漫仕跋

松竹留因夏溪山去为秋从赧白雪咏更度采菱讴缕玉鲈堆案 金菊满洲水宫无限景载与谢公遊

其一

半歲依修竹三时看好花懶倾惠泉酒点尽壑源茶主席多同好羣峰伴不晬朝来还蠹 便起故巢嗟

其二

余居半歲诸公载酒不辍而余以疾每约置膳清话而已后借书刘李周三姓

好懶难辞友知穷岂念通贫非理生拙病觉养心功小圃能留客青冥不厌鸿秋帆寻贺老载酒过江东

其三

仕倦成流落遊頻惯转蓬热来随意住凉至逐緣东入境亲疎集他乡彼此同暖衣兼食饱但觉愧梁鸿

其四

旅食緣交驻浮家为兴来句留荆水话襟向卞峰开过剡如寻戴防梁意赋枚渔歌堪画处又有鲁公陪

其五

蜜友从春拆红薇过夏荣团枝殊自得顾我若含情漫有兰随色寧无石对声却怜皎皎月依旧满船行

其六

元祐戊辰八月八日作【李西崖跋见续集】

米友仁鉴定真迹

钱舜举竹林七贤图【在楮上着色人物横卷】

昔人好沉酣人事不复理但进杯中物应世聊尔耳悠悠天地间愉乐本无愧诸贤各有心流俗无轻议右余用唐宰相阎立本法作晋七贤图吴兴钱选舜举画并题【下有习懒翁白文印】

吴兴钱舜举作七贤图轻豪淡墨不假丹青之饰似有取于晋代衣冠雅素之美想其仪形摹其乐趣观稽康之友六人或歌或饮或书或琴仰天席地优防自乐吁曲肱饮水浴沂舞雩岂外是哉珍【阙】

哲马鲁丁载拜

叔夜致憎因傲物嗣宗白眼视人间虽逃于酒终已争似刘灵善闭闕濬仲公服驾轺车偶过黄公卖酒垆邈若山河忽兴叹竹林还忆旧朋徒

牟应龙题【刘灵字想有出处】

林下晋贤凡七人山王犹谓不足云老钱定有笔外意所画如何无此君痴儿每以形似论如此风致殊萧然此图直可见妙手自是胸中有七贤

夏溥题

三对一乃独籍始咸以终荷锄事已远挥意何穷感此闻笛友嗤彼障簾翁笔端有啓事犹累吾山公

吴墩朝阳题

门巷寡辙迹静对溪南竹溪水淨堪染竹色与分綠有时澹相向襟袍如莹玉安得万簪篸遍植青溪曲岂无稽阮辈遁世遵往躅浩歌日酣燕达生亦云足往歲居建康青溪第一曲与簪篸谷相对忆竹林

众君子故有此作今观是图遂书于后

湘中刘致

七贤遊竹林趋向大孤絕山王偶然贵何物遂见黜

金谿徐霖

米友仁潇湘奇观【水墨山峰在茧纸上小横卷】

先公居镇江四十年 作庵子城之东高冈上以海岳命名一时国士皆赋诗不能悉记
翰林承防翟公诗楚米仙人好楼居植梧崇冈结精庐下瞰赤县宾蟾

乌东西跳丸天驰驱腹藏万卷胸垂胡论 河决九渠掀髯送目 八区欲叫虞舜
苍梧云云余不能记也 卷乃庵上所见山大抵山 奇观变态万层在晨晴晦雨间世人鲜复
知此余生平熟潇湘奇观每于登临佳处辄复寫其真趣 卷以悦目
使为之此岂悦他人物者乎此纸防墨本不可运笔仲谋勤请不容辞故为戏作绍兴
孟春建康 官舍友仁题羊毫作字正如此纸作画耳【名上有朱文友仁印】右将仕郎米友
仁画潇湘奇观一卷且自识之盖其父元章为礼部员外郎先居太原后徙襄阳过润州羨山
川佳丽于是结庵于城东号曰海岳宣和间尝进友仁所画楚江清晓图上悦因得名当世然
其笔意大率图与奇观相似却无画工习故士大夫宝之嗟乎一门清适自宗荐许亦可以见
其父子之能矣上清外史薛羲题

米氏父子书画擅当世是卷沉着痛快字如其图尤

合作也 临川葛元喆题

米家父子最风流点染毫端满纸秋海岳庵前天欲曙 州渡口望沧洲 吴匏硕

晋安曾环敬观

沛郡朱希文拜观于郑氏愚乐斋

甬东边猛生拜观于郑氏飞云楼

江南奇观在北固诸山而北固奇观在东岗海岳晴雨晦明中执笔模寫非其人胸中先有千
巘万壑者孰能神融意适收景象于毫芒咫尺之间哉米家父子何夺天巧之多也
宣城贡师泰题

此卷友仁真迹无疑山川浮纸烟云满前脱去唐宋习气别是一天胸次可谓自渠作祖当共知者论至正癸卯立夏后五日刘守中书于三山之枕肱行轩

细观米友仁潇湘奇观笔墨温粹点染浑成信矣钟山川之秀而复发其秀于山川者也其后跋语若贡公泰甫葛公元喆刘公守中言之尽矣至于上清外史薛公卿素与吴兴赵松雪评论书画尤为精到且知其父元章宣和间尝进友仁所画楚江清晓图为当时称赏况奇观者尤晚年之作也居贞其宝之雪鹤山人邓宇志

天台赵 敬观于郑公之东轩

余家藏倪迂遗集有与陈叔方书云海岳庵图旦晚临毕即全璧以归而集中复附载陈书云海岳庵图谨授山甫卢若以达云林胸次清旷笔意萧远当咄咄逼真矣暇日能寄小帧如对可人也因展观录之

其昌

小米墨戏余所见潇湘白云图沈启南跋云三十年耳闻求一见而主人靳不出晚岁始得观则无及矣其尊重如此此卷亦潇湘之流亚也壬寅至日董其昌书

潇湘图与此卷今皆为余有携以自随今日舟行洞庭湖中正是潇湘奇境辄出展观觉情景俱胜也乙巳五月十九日董其昌不知倪云林所临安在定当佳

石曼卿大字楷书古松诗墨迹【在宋楮上横卷】

古松

直气森森耻屈盘铁衣生澁紫鳞干影摇千尺龙蛇动声撼半天风雨寒苍藓静縁离石上緑萝高附入云端报言帝室抡材者便作明堂一柱看

石延年

曼卿上世家幽州燕俗劲武少以气自豪书体兼顔柳前辈谓愈大愈奇余三见真迹礼部尤尚书家西师诗有旗光秋晓起甲色大江横之句欧阳氏筹笔驿诗有意中流水远愁外旧山青之句今又见此诗影摇千尺声撼半天尤为人脍炙皆警策也欧阳公称文章劲健称其意气余以为字画犹有劒拔弩张之势吾乡郡从事官舍中先有筹笔驿诗石刻从矣今赵君致远又欲刻此是为二妙也四明楼钥节度推官防事旧有筹笔驿诗刻流入郡圃中师夏请于使君得复旧贯暇日过袁君木叔家见古松诗笔其严密劲健尤为卓絶因模刊之以筹笔驿诗刻之对曼卿翰墨不多见于世藐然从事之庐破屋数间虽不足以避风雨而二刻屹立其中未可以为陋也又得文昌楼公为之题识益光荣矣木叔之先君子好奇嗜古所蓄前

輩遺墨甚众此其一耳庆元己未上元日古汴赵师夏书

士大夫豪宕奇崛者为文必峭拔清遠闲放者有句必高妙故梅诗之疎影橫斜和靖如图寫此花松诗之半天风雨曼卿独脍炙人口也自昔论诗者尝谓寫情非难状物为最难于体仿或失之俗略于比喻又失之泛必浑然天成他物不足以当之斯为美尔曼卿平生意气卓犖多慕古人奇节伟行其见于辞章之末又肯为儿女子软媚语耶梅圣俞以云影涛声之句过此作非矣节推赵公得真迹于袁正肃之仲弟木叔而刻之石二百年来陵移谷迁何物不为尘土之归而此刻至今存焉半云翁性尤嗜古名贤遺墨购求至富故此纸亦在篋藏故物之列家既析异又幸心可得而宝之造物者若有私焉呜呼故家遺物歷年之久而卒获所归有如此帖者乎敬书此以识余感歲在 默敦牂夏五月望北山老樵黄樛敬书

曼卿号诗豪发奇索幽秘对语禽闕乐生香花交树翕然伊洛间妙絕称者亟清放挟滑稽其风如晋靡马逸遭蹶堕云赖石学士狂调烟花馆弗愧街司槌落考褫鞞袍坐笑傲羣耻作诗喻罢进遺韵寓谗防排闷就钱愚博饮略汝尔卒与刘潜醉囚巢鼈自凝止酒迨遵戎枯渴遂及死苍笔留松篇心画森规矩古以画观人无乃倒非是躡顏复涉柳廉隅摄神 兽押怒虎兕武库耀防檠当时朱夫子不害屑防体道德百代师朱紫 足訛曼卿责在外紫阳衷则匪我今防异同口舌吾过矣拙肘叹莫学聊以指运几緣辞更高讽谏松风起其人当不亡或在蓉城里

后学长洲沈周

天之酒星化曼卿之神薄遊莺花世界醉日月于酒船真能以大梦处世者归主芙蓉城宜其仙也雪堂翁诗以实之今想与赤壁化鹤同翱翔其乐无涯曼卿诗句字画名贤品贊蔑以加矣岂容言下着语此咏古松墨迹余获拜观不觉神爽飞越自庆为平生之幸

治乙丑冬十一月十日吴郡黄云题于华氏之尚古楼

东坡行草端砚诗墨迹【在楮上小横卷】

披云离北岩度岭入中夏重借剪楚茅方函斲英檣骚坛意莫逆匠石语【缺一字】麥匪垓劳运斤如带防毀鏹砺观隅整同厦津 剖马肝索索模羊觥气逼

松滋豪姻聯雪涛姹登堂却蹒跚饮水何 聞守黑面豎黥含贞 终哑静惟有壽焉玷尚可磨也鲁史记获麟晋帖题裏鮓供给到唐文护持等商笋眉形空爱纖风字仍嫌哆载观七八评咸本六一寫退然敢摩肩信矣俱出跨始知尹公他不媚王孙贾铭诗与器 篆刻当碑打严韵拾子遺微才任聊且

轼【朱文赵郡苏氏】

端砚聯句既成暮归复拾余韵别赋一首録附卷后书法大抵拘则取俗纵则失度苏长公深知此法上追秦汉次造晋唐宋元以来称为诸名家班首今观所书端砚铭一帖尤胜于平昔他书宜 后也至正三年二月望日吴兴唐棣谨题【朱文子华二字印】黄山谷三言诗【在楮上小横卷】

寄岳云安九夏无闲縁实潇洒碧溪头古松下卧槃陀昼复夜

八德水清且美荡精神浸牙齿乱云根众峯里掬与斟随器尔

此帖与汉嘉安乐园题名絶相类岂亦谪楚道时所书耶淳熙癸卯二月二十三日甫里陆防识

退之出牧向潮州霁色衡山碧欲流鲁直宜州迁谪去岳云九夏满空浮美哉湘水独清深洗濯迁人执热襟峯里云根不同量解言随器与渠斟鲁直题来务观题便云字与汉嘉齐不知楚道经行路不涉祝

融峰子西 永康胡长孺题

皇庆元年龙集壬子四月丙子书于虎林

宋苏养直二帖真迹

门中伏惟万福妻子辄拜起居之礼必恭已行否或尚留告道区区之意山中虽荒索然归金坛亦便道也倘 肯赐临辱不胜至幸 庠再拜

庠再拜上问尊夫人即日恭惟壽礼益康寧门中上下均休老媳妇辈敢拜起居山中有委万万疏示

庠再拜

跋周德友所藏养直帖

李将军之霸陵见止于醉尉陈拾遗居射洪毕命于暴卒吏之能辱人也如此澹台子羽不至言防之室闵仲叔以口腹累安邑委而去之士之重所就也如此后湖苏公隱丹徒召不肯起其于世何如也周君德友亲主县簿顾从之防文书往来曲如琐求诸古人未易一二数也

后湖先生亡去已久残章坠藁不为六丁取去流落世间者尚或有之未有若吾德友所藏如是之多也先生少不就举老不就征盖神仙中人非世之所能羈縻者故语带烟霞嚼松风非

食烟火人所能到此尤可宝也见德友說未经散亡时其家所得辞与诗与尺牋堆案盈箱迁徙十亡七八则不为世之所见得以宝而藏者又不可胜计也伏读钦叹从之绍兴庚辰汝陰李壽臣书

后湖先生以清江曲见赏于东坡今观此诗帖盖有得于东坡者东坡尝谓延州莱季子张子房皆不死岭南之人亦言东坡不死后湖真不死矣德友从之遊恬于仕进其文气老而益健有以也夫乾道戊子冬至后二日莆田陈雅书

见松而知栢闻兰而识蕙臭味不殊尔仆从德友丈遊尚未歛观后湖之所称道令人意倾也

绍兴庚辰人日建安徐谔书

后湖先生于吾家契好最旧仆晚生不及见之也先生临终之歲为叔父中黄翁语罗浮异事知其超然 悟不随化俱尽矣今德友顾尚刻舟求劍何耶然德友负其所养不少见于世独置力于斯文真能不负所知哉

乾道丙戌除日观于上饶祥符僧舍眉山苏峽题宋梁楷画右军书扇图【在楮上横卷】

画法始从梁楷变观图犹喜墨如新古来人物为高品

满目烟云笔底春 古扑赵由儻

松雪翁尝以防扇三十握遗故人防笑隱防其尤者分惠二把遂赋诗一絕戏调之子微出示此卷事适相类征余语就书以赠之云 故人当暑遗防扇最爱千丝雪色新薄劣王郎闲点污宜教老媪也生嗔泰定初元歲在甲子上元后五日张渊清夫

右军书扇真偶尔老姥无知敢再烦松雪故人方外友

欣然寫贈可同言 江村民钱良古奉题为笑隱上人解嘲

道傍题扇出无心晋世风流說到今絕胜寫辞陶学士

故迷邮妓作知音 吴兴张世昌

山陰用笔妙如神题扇行遭老媪嗔莫怪祇今无别识

清泾浊渭向谁陈 汾亭石岩

合作从来出偶然蒲葵遗迹恨无 祇今尺素开图画

犹是衣冠识晋贤 吴郡罗元

戴姥手持扇邂逅成技痒五字妙入神百钱起贪想妄求笑无知竞买遇真赏画图挹清风千载一俯仰

吴下汤时懋

右宋梁楷东平相羲之后画院待诏赐金带不受挂于院内嗜酒自乐亦号梁风子但于世者皆草草谓之减笔今观此水墨题箴图所作右军立枯柳傍丰神俊迈笔意萧爽老嫗持扇俛俛有欣悦之状想是卖扇后复来耳画在白宋纸上濶二尺许高不盈尺

天启七年龙集丁卯十一月长至后三日水西道人识

宋张樗寮正书金刚经

宝祐元年七月十八日张即之奉为显妣楚国夫人韩氏五九娘子逵忌以天台教僧宗印所校本亲寫此经施僧看转以资 福即之谨题时年六十八歲

右樗寮书瘦劲古雅在白笺上经折裱乃吾乡项少溪公所藏有子长图书

又一本

樗寮即之七十八歲喜再逢 佛诞以天台教宗印讲主所校本敬寫此经遗 天竺灵山志觉上人受持读诵我愿执情不作常观般若六如觉性永明共悟实相本体流通利益均及有情时

景定四年歲次癸亥

昔吴關外门有驻节字大可二尺许古雅遒劲极得大书之体余少时见而爱之先主事都水公曰此张即之笔也后于一统志和州下载即之特善大书以是知先君盖有所见云若细书则未之闻也兹偶见此经大不过指尤俊健不凡乃知樗寮不独善大书已也书史防要记樗寮歷阳人歷阳 和州即今含山

明隆庆庚午春三月吴下陈鏐识

弟子项元汴焚香捧持于天籁阁

万厯二年孟秋朔得于吴趋陆氏

钱舜举孤山图【在楮上仿赵千里金碧山水卷首有四大篆字】

雪谿诗画

鄞陈沂【后图长三尺雪谿自题云】一童一鹤两相随闲步梅边赋小诗疎影暗香真絶句

至今谁复继新辞 吴兴钱舜举

蕙帐萧闲掩 庐子真岩石坐来初为惊野鸟巢间乳懒过邻僧竹里居新溜迸凉侵静语晚
云浮润上残书何烦彊捉白团扇一柄青松自有余

石枕凉生菌阁虚已应梅润入图书不辞齿发多衰病所喜林泉有隠居粉竹亚梢垂薄露翠
荷差影聚遊鱼北窓人在羲黄上时为渊明一起予

似雨非晴意思深宿醒牵率卧春陰苦怜燕子寒相并生怕梨花晚不禁薄薄帘帏欺欲透遥
遥歌管压来沉北园南陌狂无数只有芳菲会此心

混元神巧本无形匠出西湖作画屏春水淨于僧眼碧晚山浓似佛头青桼粉堵摇鱼影兰
杜烟丛阁鹭翎往往鸣榔与横 细风斜雨不堪听

环回几合似江干刺眼诗幽尽状难沙觜半平春晚湿水痕无底照秋寬老霜蒲苇交千仞怕
雨鳬鸥着一攢拟就孤峯寄蓑笠旧乡渔业久凋残

水天相映淡潏溶隔水青山无数重白鸟背人秋自遠苍烟和树晚来浓桐庐道次七里瀨彭
蠡湖间五老峯辍棹迟回比未得上方精舍动疎钟

水痕秋落蟹螯肥闲过黄公酒舍归鱼觉船行沉草岸犬闻人语出柴扉苍山半带寒云重丹
叶疎分夕照微郤忆清谿谢太傅当时未解惜蓑衣

偶过子儋寓楼阅雪翁所画孤山图因録和靖诗数首用以相发云正德癸酉七月廿九日征
明记米元晖水墨云山【在楮上小横卷】

前山既层叠后山复巖崿高低遠近分好景防差树林见深穢若人隠者徒遁世遠车辙或耕
谷口云或釣溪头月了知造化长虚幻弹指生成随起灭元晖自是三昧手吮墨金壶足怡悦
公去人间几百载遗迹犹存世奇絶玉函锦囊出斯图顿使山林清兴发匡庐武夷彷彿似妙
趣经营在毫末东南山水我粗览过眼烟云慨邱垤何当一上最高顶笑御冷风碧瑶阙

素心道人

倪瓚曾览

海岳山川秀不羣乾坤变态几氤氲向来家寓石门近

日日轩牕见白云 沂阳董复

首楞严经云不知色身外洎山河虚空大地咸是妙明心中之物由是则知画工以毫端三昧寫出自己江山耳不然何曲尽其妙也邪观此图者当如是观可也

玉芝岩老人题

米元晖自称有设色袖珍卷为生平第一当时已为翟伯壽所豪夺此卷在水墨防戏中深入北苑三昧可称

神品矣 董其昌题

宋黄文节公正书法语真迹【在纸上其纸长三丈余无接痕】

兀然无事无改换无事何须论一段直心无散乱他事不须断过去已过去未来何用算兀然无一事何曾有人唤向外覓工夫揔是痴顽汉粮不畜一粒逢饭但知吃世间多事人相趁浑不及我不乐生天亦不受福田饥来一鉢饭困来展脚眠愚人以为笑智者谓之然非愚亦非智不是 中 要去如是去要住如是住身披一破衲脚着娘生袴多言复多语由来反相误若欲度众生无过且自度莫漫求真佛真佛不可见妙性及灵台何曾受薰链心是无事心面是娘生面刼石可动摇个中无改变无事何须读文字削除人我本冥合个中意种种劳筋骨不如林下睡兀兀举头见日出乞饭从头 将功用功展转冥 取即不得不取自通吾有一言絶虑忘縁巧說不得只用心 更有一语无过直与细极毫末大无方所本自圆成不劳机杼世事悠悠不如山邱青松蔽日碧涧常秋山云当幕夜月为钩卧藤萝下块石枕头不朝天子不羨王侯生死无虑更复何忧水月无形我常只寧万法皆尔本自无生兀然无事坐春来草自青

元符三年七月涪翁自戎州泝流上青衣廿四日宿廖致平牛口庄养正置酒弄芳阁

荷衣未尽莲实可登投壶奕棋烧烛夜归

此字可令张法亨刻之米南宫九帖真迹【帖见停云馆不録】

洪武庚申中秋后六日鄱阳蒋惠敬观于宝古斋范至能說米书初自沈 师来后入大令之室此九帖当时已入秘苑后有小米跋今在黄令君家前后完具尚昔之粘缀也其一帖评唐人始言草法必应从晋此固通论殆亦其实录邪麝煤防尾熏染终歳所成若此今之学者亦知之乎

治癸亥吴郡祝允明跋

海岳翁此卷尝入绍兴秘府后有其子元晖题识盖海岳平生得意书也其中有登海岱楼诗一首下小字注云三四次寫间有一两字好信书亦一难事夫海岳书可谓入晋人之室而其

自言乃尔后之作字者当何如邪甲戌九月廿三日观于崔静伯氏敬题虎邱山人都穆

此卷刻于文氏停云馆文太史鉴定所谓众尤之尤也昔从石本想见真迹今如叶公好龙真龙下室矣己酉九月晦董其昌观于西湖舫斋

【卷首有 机暇清赏印 绍兴印 内府书印 钤缝有 琳印 黄琳私印 向子固印 卷尾有 绍兴府印

建炎浙东安抚使之印 建炎两浙东路都总管司之印 建炎重钩越州管内观察使印】

文与可墨竹

湖州放笔夺造化此事世人那得知蛩然何处见生气

彷彿空庭月落时 柯丹邱

湖州昔在陵州日日逢人寫竹枝一段枯梢三作折

分明雪后上牕时 顾阿瑛题

米元章行草四段【前有修内司钤缝半印】

余始兴公故为僚宦仆与 叔晦为代雅以文艺同好甚相得于其别也故以秘玩赠之题以示两姓之子孙异日相值者襄阳米黻元章记【楚国米芾朱文印】

叔晦之子道奴 德奴 庆奴

仆之子 鳌儿 三雄

李太师收晋贤十四帖武帝王戎书若篆籀谢安格在子敬上真宜批帖尾也

余收张季明帖云秋深不审气力复何如也真行相间长史在世间第一帖也其次贺八帖余非合书

倒念揭谛咒 呵婆莎提菩谛揭僧罗般谛揭罗般谛揭谛揭 每早起志心念数十遍

宋徽宗着色鸂 卷【在绢素上前有御笔二字又天下一人押字】

鸂 滩头狎浪随君王 缣墨惯娱嬉 凄凉晚岁 鸳鸯冻漠雁沙鸿未必知

前集贤侍制冯子振奉

皇姊大长公主命

思陵题画册【在绢素上】

桃李无言春告归落红如海乱鶯啼西村渡口斜阳里渺渺烟波绿泊题

闲来洞口访刘君缓步轻攬玉线裙细白桃花掷流水更无言语倚彤云

高山流水意无穷三尺云弦膝上桐点点此时谁防得坐凭江阁听飞鸿

月午山空桂花落华阳道士云衣薄石坛香散步虚声杉露清冷滴栖鹤

不祷自安緣壽骨人间难得有清名浅斟仙酒红生颊永保长生道自成【已上皆马逵着色人物山水画册对题】赐王都提举为壽【上有辛巳长朱文印】

月 初碾淪花蕊啜罢呼儿课楚辞风定小轩无落叶春虫相对吐秋丝【题李唐画册】

清凉境界火云藏但觉仙家日更长千歲壽松谁晏坐星君午夜吐光芒【题赵伯驹团扇月宫图】

照水枝枝蜀锦囊年年泽国为谁芳朱顏自得西风意不管千林一夜霜【题黄筌芙蓉】

宋高宗留意法书名画故御府所藏多宸翰题咏尝见马和之画诗经三百篇零卷各章皆思陵御书于前今收藏家犹有得其国风一卷雅颂数篇者则当时机暇清赏遊意经史不徒博玩粉墨已也

水西道人记

龚开羸马图【在楮上横卷】

一从云雾降天關空尽先朝十二闲今日有谁怜骏骨夕阳沙防影如山

经言马肋防细而凡马仅十许肋过此即骏足惟千里马多至十有五肋假令肉中有骨詎能令十五肋毕现于外现于外非瘦不可因成此相以表千里之异厖劣非所讳也 淮陰龚开水木孤清书忆昔升平贞观年八坊锦队如云烟当时下笔寫神骏就中最数韩曹贤权奇五马宋元祐苏黄赏叹称龙眠本朝天马渥洼种指顾千里寧加鞭饥食玉山之禾饮醴泉龙骧虎跃何翩翩翰林仙人赵荣禄画法直度曹李前至今览画皆叹息真龙欲见无奇緣淮陰老人

气忠义短褐雪髯当宋季国亡身在忆南朝画思诗情无不至宋江三十肖形模钟山 队尤可吁高马小儿 意匠诗就还成瘦马图夕阳沙岸如山影天闲健步何由骋后世徒知绘可珍孰知义

士愤欲瘦 倪瓚

龚圣与寫中山 队出奇神变又寫宋江三十六人形模雄怪余幼曾见其高马小儿图亦出意表盖圣与抱歷落忠义之气父子陷胡触目皆异类特作此诙诡之技以宕胸中耳 李日华

东坡病眼帖

轼春时病眼不能开眉黄梦轩旧事露足下想已知之葛明塘添情告府昨求于仆此事不知钱君锡肯为一辞不若果庶不难耳日来园中桃李顔色无尘同辈应移坐雪堂前可作一絶强支歲月何如仆夜梦中有一杭人多惠龙 几斛尽皆一时饮之请解意何也昨周澹闲见访送二水底余遂书落花诗二首转酬轼上

得之 三月十六日

昔山谷老人云蜀人极不能书而东坡独以翰墨妙天下观其字画已无尘埃气盖其天资所发此岂与今世翰墨争衡哉 如是翁周景遠书

苏长公居黄州自号东坡居士在城南筑一白雪堂四百三十步前有桃李林泉后有菓菜堂下大冶长老往还惟徐得之陈季常张懷民防寥子干明寺中庵可为莫逆余者皆先辈也此札在黄州与徐得之者公为人风流 畅日以诗酒骋雄所谓强支歲月者是也又梦中杭人多惠龙 尽食复守杭食龙 作记盖其谿

甲辰二月既望乐山高殿识

东坡先生在当时诸公间第一品人也余每于人家见尺牋片纸未尝不爱赏得其遗迹犹可想其风度

况笔精墨妙邪 紫芝生俞和

米襄阳诗卷

数恶诗呈上

陈建州觉民

七年乌帽抗黄尘昼锦归来世又新若过武夷山下看人间不太敝精神

白头何慕从京华静洗黄尘眼界花万宝精神在风月好诗追取不须除

陈诗首唱云汨汨尘埃阅岁华青山相见认空花清淮风月元无价凭仗诗翁为我除又一篇
云长淮千里自流东六月城头日日风天际玉潢无少处夜山围在月明中絶唱也为之刻而
不复和

宋杨补之墨梅【在绢素上小横卷】

繁花渐觉枝头少冷蝶寒蜂尽不来寄语春风莫相妬

明年还我最先开 吕肃

花满南枝雪后繁暗香疏影水边村几年不见春风面

此日看图忆故园 庐陵曾槩

江国沙漫漫独月夜将午有懷天一方怅防益修阻一杯罗浮春宛见中林舞珠佩委不收歷
歷粉可数薄暮浮云驰灭没见湘浦东风渺无垠暗入商贤俎

陈明之携此卷来将有所需余测其雅意于隱遂为

赋此短句云 珪【文敬父 半江居士白文印
朱文印】 黄山谷行书元师帖【在楮上褶裯】

元师自荣州来追送余于泸之江安绵水驿因复用旧所赋此君轩诗赠之并简元师从弟周
彦公

庭坚

歲行辛巳建中年诸公起废自林泉王师侧闻陛下圣抱琴欲奏南风 孤臣 恩已三命望
尧如日开金镜但忧衰病不敢前眼见黑花耳闻磬岂如道人山绕门开轩友此歲寒君能来
作诗赏劲节家有晓事 子云箴龙森森新闻旧父翁老苍孙子秀但知战胜得道肥莫问无
肉令人瘦是师胸中抱明月醉翁不死起自說竹影生凉到屋椽此声可听不可 建中靖国
元年正月辛未江安水次偶住亭书

黄文节公墓铭二篇【行书草藁真迹纸上横卷】

王长者墓志銘

长者海昏王氏讳濬字永裕祖伦父智世力田桑发常望乡长者天资善治生操奇贏长雄其乡遂以富饶筑馆聚书居防士化子弟皆为儒生则以其业分任诸子独徜徉于方外道人云居了元东林常摠皆摄杖屨往防其藩元祐丙寅正月辛卯终焉享年六十有二前此三年自筑邱于青山之西原松桧成列矣去十月过存里中亲好相劳苦劝戒若将遠别爰及辛卯中外之吊哭者皆曰君盖闻道者邪先配陈氏继室两谢氏七男子楸崇信森棣权彬植崇信前死三女子二壻曰董穀高友谅其季未媒也楸等遂以其十月某甲子奉窆岁如初志楸娶李氏女于庭坚母夫人为族兄弟故楸因乞铭太夫人曰汝以外家故不可辞铭遂铭之铭曰以义力其穷以智谢其丰以理考其终以文歟其封

宋故泸南诗老史翊正墓志銘

维史氏遠有世序自唐尚书吏部侍郎讳

僖宗入蜀生德言为山南东道观察度支使因不能归占籍于眉生光廷孟氏时试大理评事知应灵县应灵生着明嘉州军事推官嘉州生溥见蜀之乱遂不出仕号江阳隱君江阳生回能诗自号知非子知非生宗简名能知人善料事自号天和子天和实生诗老诗老讳扶字翊正少则笃学能诗绍知非之业以贫干试于眉州又干试于开封府皆见绌乃防泸州杜门读书士大夫之子弟多委束脩于门遂老于泸州妻子或谒不足君熙然曰防当有足时自守挺然不忘取与有挟势利而求交者虽邻不覩也其见刺史县令鞠躬如也未尝有私谒既晚莫不及仕进闲居无一日废书尤刻意于诗登临尊酒率常吐佳句压其坐人故士君子推与之曰诗老云夫人杨氏生二子锐镇一女嫁进士王庸继室杜氏生四子铸钢鎬铨君卒于绍圣三年四月某甲子享年若干葬以元符二年正月癸亥其兆在泸川之上白芍之原自天和而上皆眉山而泸川自君始镇有文行泸川学者多宗之竭力尽大事而来请铭遂铭之铭曰

人皆汲汲仰掇俯拾商祿计级胁肩求入君独徐徐书耕笔鋤我躬则臞我心则腴緼袍后秃藜藿不肉哦诗满屋金革匏竹泸川洋洋枏栝其冈勒铭诏藏尚其嗣之昌

宋杨后题画册

雪吹醉面不知寒信脚千山与万山天甃琼街三十里更飞柳絮与君看【题朱銳册】

赐大少保【坤卦图印】

莫惜朝来准酒钱渊明身即是花仙重阳满满杯中泛一缕黄金是一年【题菊花册】

赐大知阁【坤卦 杨氏方即 书印】

宋高宗题画册

定知曾见十分圆已作霜风九月寒寄语重门休上钥夜深湖内月中看【题夏圭册】

赐赵祐【御书之寶印】

万片綠荷流水面乱风飘雨湿人衣前村竹树田家密时见 辘轳屋后飞【题燕文贵册】

李龙眠醉僧图苏老泉书诗真迹【在楮上画上欸云李伯时画】

人人送酒不曾沽终日松间挂一壶草圣欲成狂便发真堪画作醉僧图【此老泉先生书懷素诗并仿其草法】唐僧懷素以草书名天下唐贤善书者亦推重之素有自叙一篇脩载诸人之辞素喜绢书吾家前后所得数轴了无纸上一字最先所得乃人人送酒之诗也老泉山人学书垂四十年每爱此诗时时寫之不下数十张矣龙眠李伯时因是诗遂作此画颇能状醉僧之态而老泉所书自成一种风格所为二妙图耳

东村闲居方外堂字 书

鉴古斋雅玩

余尝见李龙眠山庄图用墨妍秀设色精工直入摩诘之室若其画人物佛像如以灯取影逆来顺往轻若防丝回还无迹虽吴道子顾虎头不能过于此卷可见此卷因老泉先有醉僧诗伯时乃为补图正所谓合之双美也

董其昌观题于惠山舟次

书画题跋记卷四

书画题跋记卷五

钦定四库全书

书画题跋记卷五

明 郁逢庆 编

真赏斋铭【有序 卷首李西涯篆书真赏斋三大字文衡山作图着色仿刘松年】

真赏斋者吾友华中甫氏藏图书之室也中甫端靖喜学尤喜古法书图画古今石刻及鼎器物家本温厚菑畬所入足以裕欲而君于声色服用一不留意而惟图史之癖精鉴博识得之心而寓于目每并金悬购故所蓄咸不下乙品自弱冠抵今垂四十年志不少怠坐是家稍落勿恤而弥勤征明雅同所好岁辄过之室庐靓深度阁精好防谈之余焚香设茗手发所藏玉轴锦标烂然溢目卷舒品隲喜见眉睫法书之珍有钟太傅荐季直表王右军袁生帖虞永兴汝南公主墓铭起草王方庆通天进帖颜鲁公刘中使帖徐季海绢书道经皆魏晋唐贤剧迹宋元以下不论也金石有周穆王坛山古刻蔡中郎石经残本淳化帖初刻定武兰亭下至黄庭乐毅洛神东方画赞诸刻则其次也图画器物抑又次焉然皆不下百数于戏富矣然今江南收藏之家岂无富于君者而真贋杂出精驳间存不过夸示文物取悦俗目耳此米海岳所谓资力有余假耳目于人意作标表者是乌知所好哉若夫绋緼拾袭防惜如头目知所好矣而赏则未也陈列抚摩 推探竟知所赏矣而或不出于性真必如欧阳子之于金石米老之于图书斯无间然欧公云吾性颠而嗜古于世人之所贪者皆无欲于其间故得一其所好翫而老焉米云吾愿为蠹书鱼游金题玉躐而不为害此其好尚之笃赏识之真孰得而间哉中甫殆是类也铭曰

有精斋庐翌翌渠渠爰成用储左图右书牙籤斯悬锦标斯饰乃缙斯裘于燕以适适之何如惟衍以游金题玉躐瑄璧琳璆品斯隲斯允言博雅谁其尸之中甫氏华维中甫君笃古嗜文隳味道腴志専靡分断缣故楮山鑪野刻探蹟讨论手之勿释亶识之真亦臻厥奥岂无物珍不易其好维昔欧公潜志金石亦有米颠图书是癖岂曰滞物寓意于斯乃中有得勿以物移植志勿移寄情则朗勿滞勿移是曰真赏有贤中甫奇文是欣少也师古老而弥勤新斋翌翌图史祈祈后有考德眎我铭诗

长洲文征明着并书

嘉靖丁巳三月既望

时年八十有八

后又 书铭序

真赏斋赋【并序】

夫人所以参列两间优游没齿莫不应务彰性接物萌情适体求充委时感兴固有乘风云以骋志附龙凤以效能或载笔于鸿闱或假钺于虎阍又有华毂日击锦帐云连蛾眉拥于后先鹭羽忘其冬夏又有取谷出絮执籤钻李朽贯不忍虞躬满籛惟图裕后众之所趋区以别矣揆厥心赏何者为真锡山东沙华子贞孝之艺文之英俶傥倬犖之懷廓瓌玮之器等勲业于浮云视侈富如土苴爰购斋居惟贮图典六经之籍诸儒之论歷代之史百氏之言周秦汉魏之书晋唐宋元之绘固已盈几溢奩兼防压栋至于藻鉴所注神情所钟性命可轻头目同宝则有钟元常季直表贞观之所珍藏也王右军袁生帖祐陵之所眷题也顏鲁公刘中使帖【一曰瀛州帖】及朱巨川诰宣和之所谱藏也王方庆通天进帖【上有建隆新史馆印岳珂张雨跋】金轮之所搨玩也永兴汝南季海道德楷法矜于海岳子山步虚康乐二赞草圣拟于季真【此卷东明九芝盖北阙临丹水二诗乃庾信步虚辞后连谢灵运王子晋赞岩下一老翁四五少年赞有宣和钳缝诸印及内府图书之印世有石本末云谢灵运书二谱所载古诗帖是也然考南北二史灵运以晋孝武太元十三年生宋文帝元嘉十年遇害庾信则生于梁武之世而卒于隋文开皇之初其距灵运之没将八十年岂有谢乃豫寫庾诗之理或疑唐太宗书亦非也按徐坚初学记载二诗连二赞与此卷正合其书则开元中坚暨韦述等奉诏撰述其去贞观又将百年岂有文皇豫錄记中语乎但记中枣花帖作棘花上元应送酒来枉蔡经家帖作应遂上元酒同来访蔡家北阙临水帖作北阙临丹水坐绛云作生绛云玉防石本同而帖作玉简天火练真文帖作大火练真文难以之百年帖作难之以万年登云天作上登天爰清淨作复清旷冀见作既见缤翻作纷繚岩下一老翁五少年赞帖五上有四字以鍛语工拙较之帖为优盖木刻寫譌耳窃详是帖行笔如从空掷下俊逸流畅焕乎天光若非人力所为賸有庾稚恭王子敬之遗趣唐人如欧孙旭素皆不及此唯贺知章千文孝经及敬和上日等帖气势髣髴知章以草得名李白温庭筠诗皆称之其弃官入道又在天寶疑其见初学记而輒錄之也然东沙子谓卷有神龙等印甚多今皆刮灭昔古帖多前后无空纸乃是剪去官印以应募也今人收贞观印缝帖若是粘着字者不复再入开元御府盖贞观武后时朝廷无纪纲驸马贵戚丐请得之开元购时剪印不去者不敢以出也开元经安氏之乱内府散荡乃敢不去开元印跋再入御府也其次贵公家或是赂入便湏除灭前人印记所以前后纸曄也今书更无一轴贞观开元同用印者但有建中与开元大中文印同用者皆此意也米又云陈贤草帖奇逸如日本书亦有唐氏襍迹字印与此卷正同意其实六朝人书余按陈代庾信在周南北为敌未尝通也其石刻自子晋赞后截去十九行仅于谢灵运王而止因读王为书字又伪作沈师跋于后师以行草鸣于时岂不识王书二字耶又元章及黄长睿皆尝云祕阁所收唯务富博真贋相混然则书谱所记可尽信欤抑以唐初诸印证之则余又未敢必其为贺书矣俟博雅者定之】右丞辋川图珍声万代【曾入秘府】恕先雪江卷宝着前朝【徽宗题字及李文正吴文定程篁墩张沧洲等长句】君谟留精于数牘【详赋注】鲁直擅美于五书【山谷真行刘宾客经伏波神祠诗及冬日二士两束草书诸上座帖及太白忆旧游诗】高宗居九重而临寫夺真【黄素黄庭】忠穆挺大节而辞扎更雅【岳鹏举与奉使郎中劄子】米兵部潇湘景若就楚江【元晖云山长卷】阎次平积雪图顿忘三伏【上题淳熙辛丑阎次平画寒岩积雪】松年九老院体一空【有吴匏庵邵二泉诗】马麟四梅家法咸具【晴雨雪月】赵承防临书入二王之室【临黄庭有邓善之贡仲

章龚子敬等跋临洛神赋有虞伯生李鸣凤袁仲长柳道传等跋】诸图鼓盛唐之风【溪山仙馆图漂母图设色山水小图夜景画夹对题云翛然茅屋一青灯两岸蛙声彻夜鸣最是幽人眠不得扶筇起就月中行秋郊饮马图逸笔二羊图】邵庵蚊赋具体虞褚【虞雍公允文蚊赋伯生行书】彦敬云山同趣襄阳【高房山绛色长卷赵子昂邓善之柯九思倪雲林吳匏庵等题又一直幅倪雲林为彦清题彦清中甫八世祖也】叔明青卞隐居小帧【为赵氏作】元镇惠山春霁等幅【惠山图雲林自题并陈方子贞诗春霁图雲林诗云开元道士来相访索寫雲林春霁图我别雲林已二载为濯沧浪游五湖满目波容蘸山黛撩人柳眼乱花须避喧政欲寻畊钓源上桃花无处无余与宗晋道兄别十有六年矣忽邂逅吴下杯酒陈情不能相舍老杜所谓夜阑更秉烛相对如梦寐者讽咏斯语相与怆然人生良防不易而况艰虞契濶若此者乎以十余载而仅一面则人生果能几防耶悲慨亦未有若此言也明日道兄将归钱唐余亦鼓柁烟波之外因寫图赋诗以寓别后恋恋不尽之情云耳至正十四年二月十二日倪瓚葑门客楼书是日昔刺正卿陆季 顾思恭同集叔明和云五株烟树空陂上便是雲林春霁图仙老御风归洞府隐君鼓柁入江湖几回梦见清双眼十载相逢白尽须此日武陵源上路桃花流出世间无仆与倪雲林别已及二年雲林弃田宅携妻子系舟汾湖之滨日与游者皆烟波钓艇江海不羁之士回视鄉里昔日之纷扰如脱弊屣真有见之士也至正十六年孟秋仆侍家叔 度于开元而宗晋宗兄持此见示风埃眯目展卷浩然因为和诗其上吳兴王 题】飘萧溟滓之表铿锵倡和之音又若坛山大篆鸿都石经夏承委寿汉碑乐毅东方晋刻黄绢换鵞古题具在子敬植赋全本仅存【王献之好寫洛神赋世传惟十三行中甫独得其全且鑄搨独精妙奇宝也】淳化祖刻米书见元祐之传【当时实用枣木板上 有银定樞痕又多木横裂文用李廷珪墨第六第七第八卷内有苏字硃书辨证每卷首有子昂赵字印及云房清玩印尾有鉅鹿郡图书印】太清嗣摹墨彩乃大观之旧暨乎刘氏史通玉台新咏【上有建业文房之印】则南唐之初梓也聂宗义三礼图俞言等五经图說乃北宋之精帙也苟悦前汉纪袁宏后汉纪【绍兴间刻本汝陰王铎序】嘉史久遗许嵩建康錄陆游南唐书载纪攸罕宋批周礼五采如新古注九经南雍多阙【俞石涧藏王守溪跋】苏子容仪像法要函称于诸子张彦遠名画记鉴收于子昂相台岳氏左传建安黄善夫史记六臣注文选郭知达集注杜工部诗【共九家曾噩校】曾南丰序次李翰林集【三十卷】五百家注韩柳文【在朱子前斋中诸书文选讳柳尤精】刘宾客集【共四十卷内外集十卷】白氏长庆集【七十一卷】欧阳家藏集【删繁补缺八十卷最为真完】三苏全集王临川集【世所传止一百卷唯此本一百六十卷】管子韩非三国志【大字本淳熙乙巳刊于潼川转运司公帑】鲍参军集【十卷】花间集【纸墨精好】云溪友议【十二卷范攄着】诗话总龟【一百卷阮阅编】经鉅堂杂志【八卷雪川倪思着】金石略【郑樵着笱氏藏】宝晋山林拾遗【八卷孙光宪刻】东观余论【楼攻媿等跋宋刻初榻纸墨独精卷帙甚备世所希见】唐名画錄【朱景刻】五代名画补【刘道醇纂】宋名画评兰亭攷【十二卷桑世昌集】皆传自宋元遠有端绪牙籤锦笈以为藏天球河图而比重是以太史李文正公八分题扁曰真赏斋真则心目俱洞赏则神境双融翰林文公为图为铭昭其趣也昔张彦遠弱年鳩集昼夜精勤或 其为无益之事则安能悦有涯之生货衣减粝笃好成癖以千乘为轻以一瓢为适米元章每得一书既穷其趣辄以良日手自背洗客拱而后示屡濯而后展谛观之际迅雷不闻与夫褚中令鉴定若视黑白黄长睿辨证不漏毫发揆兹雅抱千载同符斯东沙子所以淹留歲时两忘忧乐眇万物而无累超四海而特行者乎华之先晋孝子国

史有传【李延寿南史传云华宝父豪晋义熙未戍长安时宝八歲父临别谓之曰须吾还为汝上头及长安陷父竟没戍所宝遂终身不冠婚以弟寬之子为后齐建元中表其闾】下逮有宋将仕公克振其家赵文敏表其墓【表云君讳詮字君选宋授将仕郎无锡县主簿自幼颖悟读书务达奥义为乡闻人】监税公以善化俗揭文安铭其墓【铭云君讳友闻字起宾詮之子也行省署监无锡税为人敦慤静固躬耕率众俗以和裕焉】德珍处士坚辞总管黄文献等称之【黄潛碣铭云璞公之讳其字德珍父曰友闻母曰袁氏沉静有质遇事有条总管三品率辞不就孟槿遗事曰处士家居简素而赙恤人乏万缗不吝焉】子举都事自奋功名文献复志之【黄志云君讳 字子举璞之子也奋志功名为使司都事以卒年仅二十六妻陈氏誓不他适而保其遗孤诏表其门】厥配陈节妇堂有名公不一之书【于文传贞节堂记黄潛铭郑元祐后记李神诗序危素赞曾坚贡师泰等诗俞贞木譔墓志尤详】其孤栖碧翁轩有文儒相继之作【张翥春草轩记陈防诗序郑元祐胡助杨维桢陈基段天祐潘纯张世昌张雨高明李孝光王逢杨琦宇文公谅贡师泰王余庆等诗俞贞木为墓铭曰处士讳幼武字彦清号栖碧 之子也母陈氏蚤寡鞠以成立处士尤笃孝敬为春草轩以奉之读书善吟有黄杨集】贞固翁辑行家礼着于友同之传【浦江赵友同博云翁讳惊韡字公恺号贞固元时家声稍替翁克振之酌冠婚防祭之礼为虑得集】源长翁刲股活亲显于一方之集【宗谱传云翁讳宗常字源长贞固之孙伯淳之子母疾医弗効刲股疗之果愈】以烈妇名者翁室邹忠公之裔也【钱仲益传云源长年二十六而得死疾妻邹誓以不二夫以孤托母顾而不及邹邹遂先期自尽以鸣其信郑叔美赞王黻赵友同孔友谅张思安陈镒范景安等为诗胡榘蒋用文殷序跋】以存思咏者翁子守德孙廷元之孝也【 事篁墩程公存思四咏序曰源长疾而妻邹先缢遗孤本常育于祖母顾氏比成而顾亦去世矣矣本常以早失怙恃而不克竟其祖母之养又不克显其母之节题其所居之堂曰存思感怀终身守德子春求所以张之四咏者曰托孤抚 舍生明志乌乌私情岬岬瞻慕西涯李文正公诗引云守德痛其少孤既不能报太母平生之恩又不能彰母氏既死之节以为终身悲其子春以告为作诗曰报刘恩罔极存赵事终全骨肉存亡异乾坤覆载偏野行长岬岬遗泽尚栖檐有美江南俗他时海内传本常字守德春字廷元尚书石城李公杰撰志云廷元孝友勤俭可谓特立之士配赵氏有贤德进士杨文表其墓】南坡君逊业以成其义则乔太宰吕宗伯邹司成之言可考【白岩乔公序曰处士性至孝外和内刚不事矫饰宗族乡党有鰥寡者视力周之于同气尤厚乡人取以为法泾野吕侍郎诗云南坡真逸士八十尚童颜鸠杖时不防蝇书夜自删东郭邹祭酒序云财阜者易骄而翁持勤俭势盛者易争而翁以惠和居易者易淫佚而娱之以文史维之以名士将其天常之厚能不背于君子之方乎文待诏志铭云君讳坦字汝平松岩子也年十六代父理家母先亡诸弟孱弱哺训底成凡屋庐田业器物童奴惟弟所欲而自取弃余者寿九十有四见五世孙而终】钱硕人备德以相其夫则王特进吴文端文衡山之笔有征【特进光禄大夫新建伯阳明王公序曰懿恭之行柔嘉之德母仪妇轨无所不具虽纪传所载亦无以加少保尚书白楼吴公碣铭曰钱出吴越忠献王之后累传至章靖府君卓犖多奇节乡人称为希翁先生生硕人归南坡翁时有题画小诗贻之后二泉邵公题云吾契丈希翁先生文辞追古人而行谊过今人逮甚此其季安归华君汝平而贻之者也于是钱年七十有一矣而翁所寄诗片纸犹在衾几间内德之成于是乎在文待诏志云硕人仁明娟好慧而不烦值华中衰汝平方刻意振植日出应门户门内之事咸硕人持之卒起其家孝事舅姑尤严宾祭不喜佞佛而乐恤匱穷老而勤俭不怠阳明之称信矣】东沙子之先妣吕亦有

衡翁之笔志矣【待诏志云吕氏出东莱先生之后硕人淑柔懿恭中外归贤焉待诏慎许可而华南坡翁钱吕二硕人皆公为志亲书之于石】凡此高文钜册照映斋中则又华氏宝玉大弓子姓世守当 无穷以为衡鉴匪特玩好之供者猗嗟茂哉东沙子夏字曰中甫【中甫乃南坡之孙而小山翁钦之长子幼鞠于祖母钱硕人钱卒终身慕之李文正为篆题东沙游王阳明乔白岩之门而海内名公若邵二泉吕泾野都南濠王南原陈石亭蔡林屋文衡山邹东郭高公次林志道黄勉之尤相善】余交其人仅垂三纪知其志乎古不同乎今也爰作赋曰有清华公子谒乎素履山人曰葢闻九陔倚杵【广雅九天之外次曰倚杵】十形冰【杨泉物理论地有十形冰尼京反 若外反】跳凡往来编珠紫带二气运其良能五行储其灵粹山川通其窍液动植纷其恢伟固亦穹窿冥蒙磅礴硿□【磅礴广博貌硿□高低貌】煜燿【煜于六反燿移灼反日光】皦澈【月光】参差芒曄【星宿光】□□閤辟【□于斤反□于云反元气运行之意】燠寒雨霁扶摇颺颺【颺利幽反颺香幽反风貌】屏翳荟蔚【风起貌】砰磕防磳【砰披并反磕可合反迅雷之声防子兼反磳徐金反电光也】雩沱浸渍【雨貌】迤迤属属【迤宾里反平远貌属虚器反壮大貌】施施唯唯【施演吏反山卑长貌唯即委反林木崇积貌】泚泚濺濺【泚浅子反水清貌濺乌废反深广貌】啜啜【伊盍反尘埃貌啜朱卫反田畝相连貌】葑葑茂茂【葑徒对反茂蒲葢反皆草木盛多貌】韡韡櫛櫛【韡于委反华盛貌櫛倪祭反木盛貌】旆旆醕醕【诗经荏苒旆旆醕于盖切香貌】□□蹶蹶【□平秘反省作□兽壮也蹶姑卫反兽行遽貌】牲牲毳毳【牲蔬臻反诗经牲牲其鹿毳充芮切兽多毛也】齟齬踈踈【齟语绮反齿齧貌踈文几反有力貌】猳猳翾翾【猳攀眉反张羽貌翾呼外反诗凤凰于飞翾翾其羽】褫褫泄泄【褫所宜反羽生貌泄余世反浮沉貌】交交嘒嘒【诗交交黄鸟又鸾声嘒嘒】嚶嚶嚶嚶【诗嚶嚶草虫】睢睢盱盱【皆喜悦貌】或羣或类于是乎人也稟至贵以含生超众灵以成性万色归乎善视万声摄乎善听 既别乎芳蕝味亦甄乎邪正纷能言以能行乃时动而时静其所以役其心思充其口体者盖随感以有触或无涯以求聘于是巧闇相倾强弱相竞欲海浩洋靡所底定圣王有作以道裁成室庐以处衣服以章庖厨以养车航以行有名位以严其限有亲爱以属其情劝之以爵赏董之以威刑鉏暴戡乱表忠遂良贤以汰尊痹以【阙】彊民知向违咸乐其生羸刘而降暨我皇明治忽迭易厯数几更神帝嘉靖 厥升平农服于野商踵于涂工竭其巧兵寝于隅尘积穰穰流货膻膻士女相聚耆稚相餽姁姁雍雍靡靡嫠嫠孤嫠服卉裳鸟言兽面龙伯蛟人之国雕题黑齿贯胸 耳三目四臂之徒大球南金犀贝明珠鸛鵬鸛鵬在予騶駼瑶笼防络盈筐充车奉表归命滂溢乎名都当是时也有志之士涵菁莪棫朴之仁荷劝驾释褐之宠莫不扼腕思奋弹冠望荣固有应六符法三光横玉麟饫黄封抚华夷變陰阳晒萧魏而弗齿睨伊旦而与伉六卿分职厥属攸宗太史台諫寔惟侍从有公卿文武以殿其内有藩臬守令以维其外桀防震建英豪云萃筹防 神经纶天地寰瀛以之咸乂亿兆于焉永戴复有元勳世胄倚葭托肺丹书带砺乎河山金貂趋跽乎禁阙【叶屈贵友】貅林立乎白旄虫沙冰消乎紫塞珠玉随咳唾风霆逐呼噫【叶伊介反】日月假其辉宇宙同其大精忠简乎帝心勲名轰于万代其或猿臂类奇霜蹄时蹶不与其进则图其退尔乃相天时占星纪开阡陌制耒耜耕耨以时人获必倍若干若亿为仓为积【子利反】或擅丹穴或储紫贝出陈易新买贱卖贵鸡鸣孳孳蝇头惴惴量畜以谷闭门成市沉脑涂墙文绣被地妻素娥弄玉飞琼之俦便娟巧丽频眉睇目取怜乎左右【叶盈异反】戲鱼龙而舞柘枝咏明月而歌百歲钟鼗空侯箫竽之音铿锵乎昼夜喧闐乎闾里所以快耳目而娛心志者亦

足以称豪于一时而不遂汶汶于斯世者也吾闻锡山有东沙子者儒伟人也粤其上世义熙维宝始居慧山华里称孝宋迁隆亨原泉则肇彼逃而此振业孔耀鸢津洋洋乔木杲杲节义之诗礼之教簪绂蝉联兰玉滋茂乃东沙子靡谐厥好萧然一斋自乐其道胡于斯际匪则匪效上之不闻出才智佐明时以芥拾乎青紫下之不闻友豪侠置声色以酣乐乎桑榆中又不屑广田宅殖货贿以贻裕乎胄其于世也若或丑之其于古也若或纠之自其壮幼至于艾矣頽然泊然不易厥守意其性尔殊乎抑无见乎声利之微欤防不释愿就正乎有道素履山人默然不应瞿然直视已乃哑然而笑曰呌哉噫嘻子盖未达乎真赏之趣也天地变化陰阳乘除曲成万物理一分殊或清或浊各适其趋情别淑慝性分哲愚方正其俗人十其区玉不火烱金不土渝栢不霜摧橘不淮逾貉汶而毙兰圃而枯荐嗜麋鹿带甘螂蛆物则有然而况于人乎宜子于此心犹豫而口噤嚅也且东沙子之赏真矣所得深矣请次第而宣之典午阳九豪没于戊子忆父言老不冠娶既悲罔极亦伤国步终孝全忠克永厥誉弟嗣有传慧麓延绪南北屡迁逮乎炎渡君选友闻德珍子举配陈贞节胜国表着栖碧奉母堂轩是署贞固燹避国初定处乃经故庄佳气郁聚遗命克遵后昆斯裕翫易吟诗蝉蜕鸿翥精诚动神明仪范昭士庶义烈维邹存思弗措南坡孝友期熙绳矩【即东沙大父南坡翁痛母赵硕人值业中衰翁克振起而母不逮养故义让于弟而自取其薄者】希翁之媳嬾德二姥【即东沙祖母钱硕人阳明诸公称之谓其贤可继陈邹二姑也】是鞠中甫敏而稽古其始也岐嶷秀颖成童耿介志超万物之表心游六艺之内谥雅颂之雍皞观国风之成败兼鲁韩之旁博贯毛郑之專治集欧王之新奇拆朱吕之精粹抽密义于茧丝振金石之清籁玩象辞于三圣诵典训于四代耆孔乐于姬文审顾荅于回赐明仁义于邹輿谈荒唐于庄惠伯阳尚其虚御寇逞其恣睢孙吴备其奇诈管商显其功利申韩忍于刻核屈宋陈其讽刺贾董敷其治防马逞其诡丽迂固凝于春秋潘陆方于江海燕许夸其手笔李杜称其雄伟王孟咏其幽雅储韦味其清冽【叶音例】韩柳宗其典则曾苏美其汪沛以至岐黄之济世昙摩之似是百家之殊途九流之异靡不辨其瑕瑜导其肯綮饫其膏腴嘬其骨髓既填胸兮通理

<子部,艺术类,书画之属,书画题跋记,卷五>乃援毫而吐思乍云蒸而霞纈或川流以山峙发朝芳之芬葩谢夕丛之腓瘁轩乎螭腾而兽骇翩兮鹤舞而鸿跂明文武经纬之略微阐天命性情之懿上敷帝王修治之范下述闾阎阡陌之搜罗匪漏倾防无滞准古绳今规人矩世举而措之固将黼黻乎皇猷而康济乎品彙者也若乃缔金明启兰室合志方营道术济唇齿染蓝赤交以淡成言以忘得二泉师友乎希翁乃忘年乎胶漆南濠耽乐于图书爰同趣乎米薛泾野忠直振时而健羨乎寿席南原廉介絕俗而剧谈乎日夕衡山耆德而文重乎钧石东郭同门而追宗于淑实瓦屋高简而万里致参同之益媿吾英爽而旧京赏兰亭之迹石亭留夜坐之图【陈太史鲁南有南雍夜坐图诗】林屋洒鸡鸣之墨【蔡九逵鸡鸣寺赠诗】资五岳之丽藻【黄勉之】契萝石之闲逸【海宁薰澣】乐何王之雄俊【南赣何秦广东王一为】取月泉之空寂【禅师法聚阙自勉之等五人皆同游阳明先生之门】相与切磋磨其功讲习其业文防辅仁威仪是掇犹以为未足也白岩先生敦庞植性希叔旦之硕肤侔孔明之水镜庶稚圭之无我齐君实之守正阳明夫子心学希圣超训诂于关闽悟存养于曾孟播直声于若感迈成功于李晟间气之所种人望之所凝英才之所乐育曲木之所就正于焉鼓篋而行泛舟东竞枢衣必慎执经求证学究渊源道廓蹊径通于常变达于义命此其志岂效为我以自私曾无与乎天下之利病者哉嗟乎鼗鼓声微吐握人迈顏异遭三卞和则再

宁人事之弗臧将天命之有在是故伯药恩深令伯情至元卿啗指曹休垂涕臧循仓皇以无寝司马徘徊而不对此束沙子之所以伤乎内也务光抱石鲁连蹈海文举樽空侯芭席敝子期赋于感音希范思乎絶艺此东沙子之所以感乎外也夫庶务前焚则清虚弗来七情中扰则衰白驯致易不云乎知进退存亡而不失其正也夫子亦云道之将行也与命也道之将废也与命也君子知命亦审其进退而胡物之竞矣尔乃辟故趾开三径建新斋閤幽境珉碱平栢荣挺朱牕明素壁净松关邃芝房迴县李书原米名【去声西涯八分斋扁米元章有平生真赏印】梧陰垂砌荷香满庭【叶音定】太湖灵壁英山武康锦川之石霞涌浪积鸟栖兽踞蛟旋鱼跃菌秀英圻若醉若舞若戯若 簪釜紫虎崿嶷纤谿纷员兮庭实龙髯之松瓔珞之栢弥勒之竹合欢之橘丹桂青桐玉兰木華碧桃红梅海棠朱楔紫蕙黄薇末丽杜若茶防瑞香水僊夭棘宜男午葵桃黄红药昌阳日精防花翟麦或防修除或森闲隙櫺【力尔反】侔【音诡】癸【步葛反】骖【音靡】薊【音刈】莅【音利】咲【丑乙反】盼【希乙反】猗杞的皤菱【音俊】楸芬苒凝甘露兮 清飈蔽炎晖兮延皓月巢鸾鹤兮游文鱼噪寒蝉兮吟蟋蟀东沙于是扫絶烦嚣独怡岑静巷无车马之音庭鲜襟裾之影置轩辕之斐几【斋中又有紫桑小几寶晋旧物下有芾字押】拭殷侯之金鼎【白金羊鼎乃商时诸侯所用之器】蕪旃檀之珍香侑汝官之陶皿【汝窑瓶洗各一官窑彝罇一色莹如玉】涖端州之紫砚【小贡砚一旁有董草庭八分题曰 与默为汝则学以全令德上下凡九眼似碧玉青莹东沙子尝为余言河南提学副使王公弼有子石砚重不满廿两色紫如嫩肝不假磨礪惟贮水处略加琢磨一眼经寸余圆极如太极有黄晕浅深八重一重稍异间以白质青花防吴淑砚赋所谓防滴青花是也正合李白集中上皇西巡南京歌第七首 齐贤注云叶三藏自西域归过峨眉县大峨山宝砚溪见两石子鬪揽得其一今藏黑水寺石上有一目端正透底溪以此得名日照其石常五色光相王南原金陵人此石乃其先谏议辣齐公购于一僧云自蜀中得之岂即此欵东沙尝借留斋中后归丹阳孙氏】列防苍之秀屏【叶上声 其一春景晴峦云气吞吐内凡七十二峯其二秋岩积翠山青云白三遠毕具伏溪徐文靖物又小石屏二潇湘雨晴遠岫凝綠最胜者一面云峯石色浓淡悉分非笔墨所能髣髴一面春龙出蛰头角爪鬣悉备目精炯然几欲飞动旧藏京口 氏】佩不衰之汉熊【古玉汉熊长不及寸腹下篆刻文曰能使人不衰字细如粒米】握如脂之古印【白玉螭纽三印今改刻瓢印曰真赏方印一曰华夏一曰真赏斋印东汉 彪文先四代相印朱文虎钮雕刻精工神韵生动旁皆碾花又一印曰三槐之裔通身古卧蚕朱文螭钮刻深而奇温润无比高宗吴后二印贤志堂印白文螭钮贤志主人覆斗卧蚕俱精絶】被铍衣之翩翩启琼笈之纍纍【叶眉孟反】昔者周穆巡狩至乎坛山吉日癸巳亲题石间弩张劒拔虎跳龙盘通古卧车而心悟【李斯卧观五日得其法作小篆】中祐龕壁而跋存【宋李中祐凿石龕之防壁间】虽赞皇之未泯繫古意之邈然【今赵州所 盖经摹勒多矣】兹仅见乎斋中盖唐宋之所 【此独无跋又纸墨甚古乃宋以前拓本也】汉世隆儒六经是订邕立典赐八分称圣【蔡邕左立堂阙典扬赐等书石】武定迁邺而半沉【北魏高观 石经河岸崩遂沉于水】贞观宝墨而独进【唐秘府不收石刻惟珍此经】矧蓬萊之模本亦亡灭而莫问【吾子行曰防稽蓬萊阁有石经遗字翻本破碎摹灭不异真古碑今亡矣】幸百许之遗文【尚书三十三字论语百字】谅虬骥之堪并【东观余论云石经传世止此若骐驎一毛虬龙片甲】铭石之楷魏首元常幽深絶世古雅无方怅敬仁之俱逝【王修爱宣示帖修卒取以入殉】讶宣和之搨藏【宣和书谱惟有克捷表欧阳永叔董道皆以为非真】荐贤表乎季直纂要纪乎士行

【叶音杭】焕贞淳之宝印遗照乘之夜光【季直表有贞观淳化二小玺元张绅书学纂要记之李太仆应祜谓积笔成冢不能得其波拂真迹无疑诚旷世之至宝】草书之极晋惟逸少至圣大成形神俱妙彼王着之模刻徒肉胜之遗诮咨袁生之真墨征八玺之愧耀矧祐陵之金题覩孤鳳之缥缈方庆臣墨文献仍孙【王方庆乃晋丞相王导十一世孙也】廓填鉴影郢人运斤信得门而窥奥岂虎贲之旁樽始金轮之题序终倦翁之见珍【翁跋云态备众妙摹逼天真非他帖可拟】况栖碧之手泽【帖后有贞节堂礼义传家之印春草轩审是记盖栖碧旧藏也】幸青氍之得人初学诗赞编联庾谢防牋古色仙踪畴亚 霓裳兮逍遥绚春林兮布濩【叶胡化反】想投迹于虚空殆争工乎造化【详竇泉述书赋注】阅神龙而流芳载书谱而增价伟哉鲁公忠诚川流【叶去声】正拟劒锋【书谱谓公正书如锋絶劒催惊飞逸势】行超篆籀【海岳名言谓顔行书有篆籀气象】慰瀛磁之既平【帖云近闻刘中使至瀛州吴希光已降足慰海隅之心耳又闻磁州为卢子期所围舍利将军擒获之吁足慰也】凜英风之发秀灿碧牋兮宜墨骇龙蛇兮奔骤【米史云碧牋宜墨神采艶发龙蛇生动覩之惊人此帖有之】歴七君之品题实诸帖之领袖【帖后王芝乔簪成鲜于枢张晏白斑田衍文征明】矫然季海楷法称雄怒猊渴骥【书谱评浩书如怒猊抉石渴骥奔泉信然】父王祖钟【董道云季海守钟王旧法如禅家宗风相 各有主】述老彭之 训【老聃即彭祖通鉴前编路史等书可考而辨道家相 之妄】準乐毅之奇踪【董道谓浩书自乐毅论来】烂 真之丹识【有青箬笠緑蓑衣印盖 真子张志和识】缚黄素兮金龙【唐绢精奇每行织成龙凤间以花防仅如米大】延之譌其第一【尤袤谓唐人小楷徐季海第一】原功詫其难能【叶如融反北本跋非力挽千钧何能尔耶】乃若高人摩诘前身画师家辋川之幽胜寫诗景之瑰奇【孟城坳华子冈文杏馆斤竹岭鹿柴木蘭柴茱萸泝宫槐陌临湖亭南垞欽湖柳浪桑家濂金屑泉白石滩北垞竹里馆辛夷坞漆园椒园凡二十景各赋五言絶龙眠摹本作十二段此卷长七尺余总为一图而诸景咸备 治间金陵黄休伯叔赐剖古漆墩得之即此卷也】山盘行兮挟雾林蹇产而藏晖水 縠而渺渺雪簷粉以霏霏斯景 之攸録【见朱景 唐朝名画録】乃天府之所诒狂僊忠恕尤妙书法委羈宦而肥遯【书谱忠恕妙于篆籀八分尤工小楷史忠恕谪江都一日遯去不知所在乃与陈搏同隐】状江行之霁雪景翳翳兮霾深波粼粼兮澌滑伦坎廩兮拥 舟凌竞兮碍柅纷倡和之琳琅允夸诩之昭揭五季书亡君谟聿兴世方宗其楷法妙实在乎真行咏山堂之秀句陈子发之至情启评事而端谨示新记乎峥嵘统二八之并美标五子之题名【山堂絶句并安道彦猷谢郎评事子发新记新第郎中知郡通理公纬莱州长官公谨吕君共十有六帖 五子倪雲林袁凯陈文东陈迪吴匏庵】元丰弥文豫章独步变行押于清臣习顛草于怀素【山谷行书本顔祭濠州蔡明遠等帖山谷见自叙帖草书遂大进】伏波称【去声】其神伟诸座资其顿悟尺牋表其妍姿旧游发其豪趣睨顔蔡而追随軼苏米而不顾思陵南渡继体道君当金戈之倥偬乃留意乎斯文忽神游兮天上遂手追乎右军皎翔鸾之舞镜邈羣雁之凌云奉华拜乎嘉锡亨贞品其入神【卷有奉华堂印乃刘贵嫔堂名盖帝书以赐之 邵亨贞跋为江南法书神品】元晖克肖搆堂海岳行书赏于光尧戏墨贵于京洛思襄阳之旧游顾潇湘之是貌【叶吐洛反】蕩晴雨之变幻纵天真之挥霍象内则晦翁屡题画表则子言斯度【卷长丈余朱文公题云建阳崇安之间有大山横出峰峦特秀予尝结茆于其巔小平处每当晴昼白云坳入牕牖间辄咫尺不可辨尝题云闲云无四时蔽漫此山谷幸乏霖雨姿何妨媚幽独下山累月每窃讽此诗未尝不怅然自失今观来公所画为左侯戏作横卷隐隐旧题诗处

似已在第三四峯间也又得并览诸名胜旧题想像其人益深叹息钱子言跋云雨山晴山易惟晴欲雨雨欲霁宿雾晓烟既泮复合景物昧昧时一出没于有无难状也此非墨妙天下意超物表者断不能到王宗常考云故兵部侍郎襄阳米友仁元晖所画潇湘图一卷其自题识凡两见南渡后诸名胜题语凡若干人文公朱夫子手泽又先后出也又沈启南云如朱夫子之题象内见画钱子言画表求象斯图之妙尽括于二作矣】次平画院髣髴李唐兼承直之家【次平父阎仲绍兴承直郎】殆出蓝之擅长当阜陵之辛丑洒积雪于回冈风随盼而忽暝墨深黑而流光愧三伏之全失凛瑠璃之对牕【晋满奋暑月坐武帝瑠璃牕下变色而栗】魏国王孙神仙玉倚洒翰齐乎王钟绘事超乎韩李【子昂画马取韩干山水兼法李思训】经赋宛其神【临子敬洛神钟绍京黄庭】山水怡然天解【叶箕里反】塞翁让其三百【吴越罗塞翁隐之子也善画羊诗无羊章三百维羣】暮江望其千里【柯敬仲云韦暮江五马图与子昂气韵相望】洗晚宋之衰薊为来世之模楷【叶溪已反】至于淳化祖刻则廷珪墨色之古银锭枣木之纹坡老硃书之辨赵公姓印之文启明向曙离劒还津【中甫先得六卷后得三卷盖元是一帙分开今乃复合文休承以为劒入延平是也】较之师旦子明之刻次庄希白之临【叶力因反】乌镇福清之勒武冈东库之分精粗迥别不可得而并论焉【论平声】小楷诸帖则乐毅始刻之真朔赞初鐫之胜黄庭遗字之精洛神全赋之簠尺璧斯陈悬黎孤映与夫虞之破邪欧之白鹿心经【叶去声】褚之陰符度人柳之尊胜清浄金生玉润咸可得而继称焉莫不重之逾琬琰宝之过头目被古锦之褱囊饰美玉之籤轴知臭味之俱无【白乐天太湖石记云无文无声无臭无味而公嗜之何也苟通吾意其用则多】何狗马之可辱【李易安金石錄序云赵君爱书画出于声色狗马之上】盖游艺以依仁宁玩物而徇欲饮沆瀣兮吸朝霞沐咸池兮浴暘谷乘野马兮游泰初班由夷兮谒茶侂量古今于一瞬【量去声】揽宇宙于圭窵【叶徒谷反】心澹澹兮坐忘行踽踽兮背俗聊栖迟以容与每遇意而自足所谓嶙然蟬蛻浮游尘之外离人而立于独者非耶言未既公子怵然而歛逡巡而避山人曰焰焰斯风乃炎昆峨涓涓斯濬乃弥江河神明既启龕秘则那公子居矣吾将授子以皓天之歌歌曰皓天明明森成性兮迷茫徇物孰知正兮福轻乎羽举孰先兮衅重乎地避孰全兮息交絶游閭斋中兮厥心冥冥若虚空兮左图右书烟云兮日月逝矣公子闻之涣然灏泚下席而拜起而称曰鄙人颡泐乎荒俗之趋未闻大道之防者也幸夫子迪我若发蒙矣愿卒业为弟子乃赓之以中丘之歌歌曰相彼中丘勃壤兮行潦横集又莽霜兮脂平结驷天贸贸兮日昃之离铿鼓缶兮无累之人迴絶代兮弟子释疑真赏泰兮大夫能赋照中甫兮琢珉龔齐俾无斁兮

嘉靖二十八年屠维作噩月在鹑火之次日在参前进士天官尚书郎南隅外史丰道生人叔着

文衡山跋通天进帖

右唐人双钩晋王右军而下十帖岳倦翁谓即武后通天时所摹留内府者通天抵今八百四十年矣而纸墨完好如此唐人双钩世不多见况此又其精妙者岂易得哉在今世当为唐法书第一也此帖承之详已具倦翁跋中但诸宋诸家评略无论及者盖自建隆以来世藏天府至建中靖国入石始流人间宜乎不为米黄诸公所赏也此书世藏岳氏元世在其从孙

仲遠處不知何時歸無錫華氏華有栖碧翁彥清者讀書能詩好蓄古法書名畫帖尾有春草軒審是記即其印章也今其裔夏字中父者藏襲惟謹又恐一旦失墜遂勒石以 其摹刻之妙極其精工視秘閣續帖不啻過之夏其知所重哉

書畫題跋記卷五

书画题跋记卷六

钦定四库全书

书画题跋记卷六

明 郁逢庆 编

云林六君子图

卢山甫每见辄求作画至正五年四月八日泊舟弓河之上而山甫篝灯出此纸苦征画时已惫甚勉以应之大痴老师见之必大笑也璚

遠望云山隔秋水近防古木拥陂陀居然相对六君

子正直特立无偏颇 大痴江头碧树动秋风江上青山接遠空君向波心添钓

艇还须画我作渔翁 朽木居士天风起云林众树动秋色仙人招不来空山倚晴碧

澱江赵覲

黄公别去已多年忽见云林画里 二老风流辽鹤

语悠然展卷对江天

吴兴钱云此画因大痴诗有居然相对六君子句遂名其图卢山甫号白石先生

梅沙弥墨竹

愁来白发三千丈戏扫清风五百竿幸有颖奴知此意时来几上弄清寒

五月廿四日竹牕孤坐清兴遄发戏写此枝且看果有文公法否至正十九年也

倪元镇松坡平遠图

门前漠漠风吹沙闭门倦客独思家楼头吹角梦初醒犹闻深院响琵琶白云萧条枫叶丹愁人行吟复三叹归心夜趣东流水梦入松溪第九滩少年持家学诗礼冯老侍御之孙子觞半投笔调白羽拔劔醉舞为君起至正十年九月因过郡中留学之掾郎宅五日其子思诚温粹勤俭而好学已能持家具甘防之奉今年十有七歲矣仆既写此为赠并赋三絕句其上东海倪璚九滩在荆谿倪迂游踪多在焉此图当是其中年所作以书法最工晚年字不称画矣

董其昌观梅道人竹谱册

墨竹位置

如画竹干节枝叶四者若不由规矩徒费工夫终不能成画濡墨有浅深下笔有轻重逆顺往来须知去就浓淡麤细便见荣枯仍要叶叶着枝枝枝着节山谷曰生枝不应节乱叶无所归使笔笔有生意面面得自然四向 栞枝叶活动方为成竹古人作者虽多得其门者或寡不失之于简略必失之于繁杂或根干颇佳则枝叶谬误或位置稍当而向背多乖方或叶似刀截或身如板束麤俗狼藉不可胜言其间纵有稍异常流仅能尽美至于尽善良恐未暇独文湖州挺天纵之才比生知之圣笔如神助妙合天成驰骋于法度之中逍遥于尘垢之外从心所欲不逾準绳故余一依其法布列成图庶后之学者不隐于俗恶云 梅道人笔

云林荆蛮民图

山郭幽居政向阳乔林古木郁苍苍剡藤百幅谁能置

为扫虬枝蔽日长 荆蛮民写云林雨过踏青阳礪水溅溅老树苍不是砚坳云作

阵踈篁空自拂檐长 尚左生次和丘崇崇兮下有流水树森森兮匪栢伊梓彼栢孽兮且寿梓弃为薪兮于材何有造物孔仁兮时谁归咎

韦羌山人陈基

千年石上苔痕裂落日溪回树影深我是江南樵隐

者人间何处有云林 胡 宁十年不鼓江湖楫木叶萧萧鬓影秋忽忆满川风雨

夕云林岸口独维舟 陆继善云林隐君图

采莲泾上涟漪绿苔石幽篁依古木遇着疎人周杰翁邀余把酒清池曲
余解后仲杰隐君采莲泾上戏

写此图并赋诗为赠 云林生倪瓚洒扫空斋住浑忘应世情身间成道性家散剩诗名古器邀人玩新图拣客呈可怜山水兴投老失升平此余处围城时怀云林诗也今道路既通犹未得聚首为恨适允恭持此防题因书其上

句曲外史张雨

云涌冈峦起伏烟笼草树凄迷空见兰亭笔法不逢

防府诗题 徐贲

三年不见云林面应向烟波狎钓徒忍到刘郎旧游处桃花无地覓 都
癸丑重九日复观此图有感而作持以索题者允恭也 曲江钱惟善识忆适梁溪宅于今四十年赋诗清閼阁试茗惠山泉夜雨牵幽蔓春云黯遼天乡情与离思看画共凄然

吕志学

羣树叶初下千山云半收空林门不掩经得几多秋

澹庵书

倪元镇园石荒筠图

萧条江渚上舟楫晚相过卷幔吟青嶂临流写白鷺壮心千里马归梦五湖波园石荒筠翳风前恍浩歌 度文学工辞翰蔼然如虹之气真江南泽中驹也十二月十四日侍乃翁访仆江渚之上相与话旧踟蹰深动故园之感因想像乔木佳石翳没于荒筠草蔓之中遂写此意并赋诗以赠焉己酉倪瓚记萧散云林子诗工画亦清吟情何浩荡笔势更纵横乡里推高谊江湖足令名近传乘鹤去应想在蓬瀛

华亭顾禄

云林优钵昙花图

壬子正月廿三日解后芝年讲主于娄江朱氏之芬舟轩中芝年熟天台之教防严菩萨之戒仪七遮既浄一乘斯悟与语久之敛衽敬叹因寫图赋诗以赠瓚优钵昙花不世开道人定起北巖隈遼山迢递牕中緑垂柳低昂水次栽丈室浄名禅不二三生圆泽梦应回闲云野鹤时相遇草草新诗为尔裁

赵集贤行书归来辞卷【在宋楮上】

至大二年冬十二月十三日书于松雪斋 子昂【书后有白描渊明像带葛巾鹤氅衣手执杖童子背负酒榼手捧竹笈束书卷约十余】

赵文敏书归去来辞南北所见无虑数十本或真或行各极精好渊明有道而隐者也其为文辞皆以发其冲澹幽逸之趣文敏居宦达中独能好之其志亦可尚矣方之晋人爱写洛神赋者不贤乎哉此卷尤入妙循正宜宝藏之

至正十六年歲在丙申正月廿六日橐城倪中书于杭城东桥寓舍

渊明千载人东坡百世士出处将无同气节乃相似如何松雪翁爱寫归来辞暮年谢玉堂此心松菊知至今玩遗墨令人发清咏爽气在西山吾驾亦已命

曲江钱惟善

三径秋风蔓草荒归来烂醉菊花黄谁知千载文章

焰散落苕溪翰墨香 浚仪赵俶书予先人嗜书所藏松雪翁遗墨颇多亦有归去来辞一卷并渊明画像兵燹后无一存手泽泯然观此良足慨叹此卷熟视尽佳非效孙叔敖者

洪武辛亥孟夏吉日钱唐陈彦博谨书

陶公昔作宰辞禄早赋归逍遥三径间凉风吹缟衣岫云幽无心林鸟暮倦飞摘辞寄仙抱千载知者稀吴兴赵公子妙墨为发挥出处谅同心惆怅世事违头白还故乡于道殆庶几把卷重叹息何用论是非

樵李鲍恂

小西湖渔者钱钧偕凌观稼孟复顾龟巢贵和访征士李立于秀野堂上出此卷同观时有七歲客农圃之孙鼎也

永乐丁亥九月钧识

松雪自题古木竹石

石如飞白木如籀写竹还应八法通若也有人能防此须知书画本来同

柯九思善竹石尝自谓写干用篆法枝用草书法寫叶用八分或用鲁公撇笔法木石用折钗股屋漏痕之遗意

姚公绶自题竹云逸史画竹如寫字枝叶皆从八法来苦苦欲求形似者清风安得扫尘埃

赵松雪行书辞二阕【调寄雨中花】

云淡风轻傍花随柳将谓少年行乐斋阁林间小车城里千古太平西洛瞻彼泱泱言思君子流水俨然如昨但清游天际轻云未辨暮愁离索 长记得童冠相随浴沂风舞吟咏鸢飞鱼跃逝者如斯吾衰甚矣调理自存斟酌清庙朱丝旧堂金石隐几似闻更作农人告有事西畴窃窕挂书牛角

北陇耕云南溪钓月此是野人生计山鸟能歌江花解笑无限乾坤生意看画归来挑灯闲眺
风景又还光霁笑人生奔走如狂万事不如沉醉细看来聚蚁功名战蛙事业毕竟又成何济
有分山林无心钟鼎誓与渔樵深契石上酒醒山间茶熟别是水云风味任吾生素

位而行造物任他儿戏子昂

赵子昂画渊明像卷

既书归去来余兴未尽乃作竹石小景渊明亦当爱此邪

典午山河已莫支先生归去自嫌迟寄奴小草连天

绿刚剩黄花一两枝沈周葛稚川移居图【此六字王叔明分书图上】

蒙昔年与日章画此图已数年矣今重观之始题其上

王叔明识

此图稚川执杖左携一鹿后老妻骑牛抱一小儿二童随之重山复岭秀润之笔非寻常恠草
之比长林话古图【此五字黄鹤山樵分书】

铁篷道人从山阴来余值之有余清斋云其处丘壑幽邃乔木秀郁僧磬云埋邨炊雾杂古趾
犹存典刑高人多于寄傲听罢神悦老铁复约余秋深偕游为作此以订未来因縁

至正八年春二月四日黄鹤樵者王子蒙

草树离离落照间清言输与两翁闲就中消受无人

防满耳清泉满眼山文壁题吴仲圭题骷髅辞【调寄满江红非乃沁园春也】

漏泄元阳爹娘搬贩至今未休吐百种乡谈千般扭扮一生人我几许权谋有限光阴无穷活
计急急忙忙作马牛何时了觉来枕上试听更筹古今多少风流想蝇利蜗名几到头看昨日
他非今朝我是三回拜相两度封侯采菊篱边种圃内都只到邨山一土丘惺惺汉皮囊扯
破便是骷髅

身外求身梦中索梦不是骷髅却是骨董万里神归一春动依旧活来拽开鼻孔

梅花道人制并书

赵文敏临张长史京中帖

秋深不审气力复何如也仆疾弊何足可论河南送物人近来得京中消息承彼数年不熟忧
悬不复可论不委诸小大如何为活计歳日有京中信使去者当数报委曲耳
吴兴赵孟頫临张长史京中帖

右赵文敏公所临张长史京中帖笔法操纵骨气深稳为真迹无疑且不用本家一笔故可宝
也闻公尝背临十三家书取覆视之无毫发不肖似此公所以名世也观此帖信然

嘉靖九年禊饮日陆深跋于舟中

赵承防番马图

至大三年九月廿一日子昂

一马形躯百法全生时灵气取山川英雄正用同生

死那忍无声立仗前海粟【怪怪道人朱文印】京口郭畀天锡敬观松雪翁唐番马图

神驹初堕地雷电飞海水三歳不敢骑万里献天子

翰林直学士虞集题

奎章阁鉴书博士丹丘柯九思敬仲审定

曲江洗刷云满身雄姿逸态何超羣眼中但觉肉胜骨干也合让曹将军嗟哉今人画唐马艺
精亦出曹韩下玉堂学士重名誉一纸千金不当价山牕拥雪观画图据鞍便欲擒于菟天廐
真龙有时有老杜歌

行絶代无史官察伋士安黄大痴僊山图 欵云

大痴道人寫【公望父一峰白朱文印 文印】

东望蓬莱弱水长方壶宫阙鎖芝房谁怜误落尘寰久曾 飞霞咽帝觞

玉观僊台紫雾高背骑丹凤恣游遨双成不唤吹笙侣阆苑春深醉碧桃至正己亥四月十七
日过张外史山居观大痴道人所画仙山图遂题二絶于上懒瓚

钱舜举五星图【在绢素上 云】

吴兴钱选舜举【每星前赵文敏篆书赞 云】

大德三年吴兴赵孟頫篆【赵子昂氏朱文印】钱公妙笔天下无写出五星神形图五星神形不可测赵公书能具其实赵书钱画都絶奇如今世上称难得陈君重价购此卷袭入文房如珙璧间时开卷一展翫顿觉神明还旧观余生何幸得一览耀我双眸光似电一天风雨声凄凄四壁图书翻飞忙呼陈公陈公急掩卷形图恐欲升霄汉

九龙山人王孟端题【孟端朱文印】

唐子华着色细实山水【在绢素上 云】

子华唐棣作

出入土门偏秋深石色泉迳通原上草地接水中莲采菌依余枿拾薪刈逢田白髮镊捋断兵阻尺书

云林懒瓚

云林水墨竹一枝

二月六月夜宿幻住精舍明日写竹枝遗无学上人并赋长句春水蒲芽匝岸生闾门山色上衣青出郊已觉清心目适俗宁堪养性灵花落鸟啼风嫋嫋日沉云碧思冥冥禅扉一宿听鱼鼓唤得愁中醉梦醒

无住庵主宝云居士懒瓚 甲寅

赵子固水僊卷【在白宋纸上 书彝斋二字 子固白文印 斋朱文印】

冉冉众香国英英羣玉僊星河明鹭序冠佩美蝉联甲子须臾事蓬莱尺五天折芳思寄逺秋水隔娟娟

京口顾观【利宾父章朱文印】

俞紫芝楷书悟真篇【在黄宋笺上共七纸 云】

至正癸卯十有二月初吉桐江紫芝道人书于清隐斋张平子悟真篇僊道指南道光子野所着不知能得其防意否故余以为读其本作反无成亏也此卷为俞紫芝所书深得松雪笔意而圭角稍露比之松雪正如献之之于羲之也清癖刘君深知书法试共商确之

治壬戌正月廿日海虞桑悦书

梅道人水墨册

至元三年春三月梅花道人戏墨

梅花庵主是吾师水墨微踪一一奇此纸尚留余馥

在淡烟深树思依依 石田梅花道人水墨竹

菲菲桃李花竞向春前开何如此君子四时清风来晴霏光煜煜晓日影瞳瞳为问东华尘何如北牕风谁云古多福三茎四茎曲一叶砚池秋清风满淇澳至正四年冬十月廿七日寫为

竹叟讲师戏作梅花道人镇顿首【右一叶竹老梢丛枝一叶最奇】王孟端竹卷

姚少师广孝题云嫋嫋烟中映夕曛疎疎石上拂晴云展图却忆西江夜独坐寒牕对此君五月初九日题

于寿椿堂【广孝仪轩白文朱文】秋林雨歇轻烟开清姿濯濯无纖埃特立一竿如玉立猗猗应自淇园来寂寞高斋当日午相对令人转清楚彷彿秋声起坐隅依稀碎影生庭户嫩叶柔梢几许长虚心已自含冰霜莫言翠袖天寒薄防见凌云宿鳳凰昔年我亦尝移植爱此青青无改色不似东园桃李花

春风一夜吹狼藉 青城山人题张子政梨花鸣鳩【水墨小幅在白宋纸上 云】

子政为

而敏作春雨鸣鳩图【守中朱 张子政氏文印
朱文印】梨花枝上雨斑斑春满西园十二阑何事锦鳩声不

絕陰云连日防溪山 釣 鼇一枝湘玉翠烟轻数防梨花雪色明上有鸣鳩正呼

雨江南江北动春耕

丹山樵【三省朱文印】谷雨暗时鳩乱鸣梨花枝上四三声春风处处催耕

急不似寻常百啖莺 天台王俊华一树梨花春带雨阑干泪防玉容惊夫不也感当时

恨应向东风叫不平 沛郡留翼南风散苍云 翠光枝浮白雪湿新香数声催得如酥

雨只为幽姿一洗妆 四明王伯辉东风帘卷小红楼三月梨花叫锦鸠曾记玉人将鳳
管隔花低按小梁州 朱 武自解呼名绣领齐梨云竹雨暗寒溪东风却忆江南
北桑柘邨深处处啼 吴郡梁用行故园烟树隔重重梦断梨云小院空自是鸣鸠心独
苦一声声似怨东风 吴兴孙奕王叔明天真像【在楮上单条】

黄鹤山中樵者王 画并诗

至人遗庶类建道开鸿蒙云鎖纖翳尽廓如太虚空微笑举世人尽为尘所蒙高山安可仰欲
追杳无踪千春桃花岩宴坐谁与同

山中有一士白髮垂两肩手弄石上云默坐无一言泉响茅屋下花落石岩前众人汨頽波彼
独全其天骑鸾

雾中客胡乃称神仙【黄鹤山樵朱文印】能空一切有为法可断百年无了縁一喝一棒赢
得机先不立文字却用赞詮要识天真真面目分明只在

未生前 兰雪坡刘易海门有大士其名曰天真未离世间相不曾生一尘

至年乙巳夏午日沈叔野拜

大士早闻道拔足出凡尘被髮过两耳貌若鸿荒人解屣坐苔石松陰庇其身沉默寡言説于
焉养天真朴素坚自守孰得为緇磷世人徒忧慕绘寫想形神何由往相覲同乐万古春

环中老人鲍恂【樵李鲍恂朱文仲孚】

海隅蕴秀异灵誉妙无踪阳辉散空花潮音震祥风慧识启荒寂慈喻拯罢癯永言赞宏化揆
道将无同

张翊【张翔南氏朱文印】

山中説法者天上讲经来欲补高僧 惭无太史才

山阴胡隆成

叔明图天真像笔力精到非天真莫能致叔明非叔明莫能图天真诚所谓一代人杰也

石门山人明秀拜观

钱舜举戏婴图【在楮上小横卷】

殿阁森森气自清不知人世有蓬瀛日长无事宫中乐

闲与诸姬伴戏婴 吴兴钱选舜举防扇风生月殿秋内家新樣玉搔头侍儿折得宫花

看笑弄娇雏不自由 林伯恭小殿南薰扇影凉鳳雏娇语倚新妆手中折得宜男

草雨露深恩到北堂

林伯庸金屋春闲午漏迟宁王玉笛罢愁吹婴儿还是可人意索乱看花娇又痴

匡山李润【士玉白文印】梅道人秋江独钓图

空堂灌木参天长野水溪桥一径开独把钓竿箕踞坐

白云飞去又飞来 倪 辅秋落寒潭水更清钓竿袅袅一丝轻斜风细雨谁相问

破防青鞋却有情 长沙李东阳枫叶芦花送晚晴三江秋气逼青冥相看自信鲈鱼美

不为羊裘是客星 沈 周南山旧宅早来归红叶苍松白石矶今日钓鱼真取适

海鸥还讶未忘机 姚绶书于水竹村防防霜林映水丹重重云岫鎖轻寒西风斜日空江暮

无限秋光属钓竿 匏庵吴寛木落秋容澹江空水气寒长安有尘土不上钓鱼竿

龙池彭年

高房山青綠云山【仿米元章笔意 详见续集】

青山半晴雨遥现行云底佛髻欲争妍政恐勤梳洗房山高彦敬作于云岩精舍

梅沙弥题云空山兮寂歷气蒸兮茏葱人家兮木末望鸡犬兮云中水流花谢淹冬春兮无穷
江亭兮石漱霭霭兮深松山中人兮归来防长啸兮天风防彦敬尚书弄襄阳墨戲作此图沙
弥老人仿招仙之辞作此赞白日寒水手皱龟坼云川居士应笑我多事饶舌 至正戊子正月

王叔明石梁秋瀑图

至正辛丑九月三日与陈征君同宿愚庵师房焚香烹茗图石梁秋瀑翛然有出尘之趣黄鹤

山人王蒙写其逸态云

梁挂飞泉遥喷雪山间疎树静含霜幽人自爱清秋

景闲坐虚牕对夕阳周伯昂一道飞湍万壑流平林如撼锦光浮山翁独坐有何

事洗耳端来笑许由耕云题林际飞泉银汉长水边细草紫蘅香奔流峡底云雷

起疑在匡山瀑布傍陆有恒元镇熙云图

緑野防游官济济习池清响佩高桐初引流晨露密竹通幽度碧湾童冠咏归春服后龟
鱼潜跃夕波间北牕应到羲皇上石枕藤牀卧看山

乙巳七月寫贈熙云學士倪瓚

右元镇画平列五树长坡矮亭荒筠瘦石遠山一抹而已

王孟端寄孟敷竹卷

征衣漠漠带风沙暫得归来重可嗟在客每忧难作客到家谁信却无家解装羞贯隣翁酒借
榻多分野衲茶堪笑此身沦落久梦中犹自谪天涯

孟敷与仆先后云内南归相去百里间不遑一见乘便写此竹奉寄并録初诗去发一笑也庚
辰五月四日王黻

故园归计似抔沙万事荒荒付一嗟蚁国不须论幻梦燕巢今已过隣家贈人墨老流离竹借
榻诗存感慨茶百歳此图三展转后来得失尚无涯

洪武庚辰王舍人孟端与孟敷陈先生同涉难北归间寫此竹及诗以寄中间旷怀归况藹然
可见遂和其韵以识感慨治甲子距庚辰得一百八年冬至日后学沈周题时年七十有八

黄子久浅色山水【挂幅】

至正九年四月一日大痴

曲曲溪流响夕晖杜防啼老落花稀为问连朝何处

去箕泉下得图归

风月福人鸟啄残花污草庵一春未到两山探忽观痴老图中道南峰翠带北峯岚闲闲

赵文敏书卷

病中春寒 仲春尚寒气林花无艶滋弊裘拥衰疾风雨何凄其始雷发东隅霁牖阳光披微风
草际动落英池面移幽禽变圆吭游鱼 四髻我病自此愈泛舟溪水湄小舆指南盖短筇步
东毗机心不复有高蹈农与

羲 二月十九日

谁家玉笛吹春怨看见鷺黄上柳条

笠泽茫茫雁影微玉峰高下防云衣长桥寂寞春寒夜祇有诗人一舸归

琦楚石真迹

船上见月如可呼爱之且复留斯须青山倒影水连郭白藕作花香满湖仙临寺遽钟已动灵
隐塔高灯欲无西风吹人不得寐坐听鱼蟹翻菰蒲
中秋后二日与觉隐诸老晓过西湖卒尔口占廷玉郎官索书録呈求

教 梵 再拜兴化打克宾只要法战胜我这 不然扫除佛祖令住山五十载揲碎轩辕镜饘
饭香满堂有众斋厨盛棒了出院人悟去也不定
徒弟珠维那职事美满悦可众心一偈送之参方行脚了吾宗生死大事勉旃

楚石道人梵

梅道人竹谱册

墨竹之法作干节枝叶而已而叠叶为至难于此不工则不得为佳画矣昔见于息斋学士谱
中谓须宗文与可下笔要劲节实按而虚起一抹便过少迟留则必钝厚不铄利矣法有所忌
学者当知粗似桃叶细如柳叶孤生并立如父如井太长太短蛇形鱼腹手指蜻蜓等状均疎
均密偏重偏轻之病使人厌观必使疎不至玲繁不至乱翻正向背转侧低昂雨打风翻各有
法度不可一例涂去如染皂绢然也汝求予墨竹以为法切不忘吾言之谆谆

古今之画竹者虽多而超凡入圣脱去工匠气者惟宋之文湖州一人而已近世高尚书彦敬
甚得法余得其指教者甚多此谱一一推广其法也

倪迂着色山水

至正三年癸未歲八月望日高进道过余林下为言僦居苏州城东有水竹之胜因想像图此
并赋诗其上云僦得城东二畝居水光竹色照琴书晨起开轩惊宿鸟

诗成洗砚没游鱼 倪瓒题好在云林一老迂画图寄到玉山居向来王谢原同
调宜向城东共读书 龙门良 赵子固水墨水仙【画长丈余在纸上横卷后 云】
孟坚写【子固白 斋朱文印 文印】

冰肌玉骨照清波瑟瑟尘生袜底罗自是仙娥招不得
满江风雨夜如何 孟载题迎风共语步凌波翠压轻绡郁绮罗江上醉归环佩重
玉英香褪粉痕多 郑升良工笔意夺天工寫出仙葩玉一丛窈窕凌波何处去
却将余种媚东风 玉阜性闲几日东风雨乍晴独骑官马绕湖行诗成酒力多消尽
人与仙花一样清 松轩玉骨冰肌不染尘霜风凛凛倍精神凌波翠袖轻移步
髣髴桃源洞里人 金谿陈妥翠带悬珰重凌波步步轻春深不成怨锦瑟夜无声
翠屏道人

翠袖金钿白玉姿芳心无奈雨云时陈王不作襄王梦解佩江头欲赠谁
盈盈罗袜凌波静淡白光含月色新香散蕊珠春寂寂
却疑姑射是前身 徐贲淡墨轻风玉露香水中仙子素罗裳云鬟雾髻无缠束
不是人间富贵妆 歷山老人金钿玉质绿罗衣素袜凌波月下归解道仙人谁可伴
水晶琼树两依依 倪辅赵集贤谢幼舆丘壑图【仿赵千里着色横卷】

黄尘污人廊庙具萧散风流谁比数清言善画浪相 遗恨千年机上女 吴兴姚式题【筠庵
白文印】昔顾长康画谢防舆于岩石里人问其故答曰幼舆一丘一壑自谓过之故宜置此
子丘壑中也观其清逸标致固足嘉尚然能确守臣节当时同幕罕有及之者今松雪翁后数
百载心领神防作为此图最是位置有方笔意奇妙使长康复生见此必当防头

东庐王

一丘一壑絕尘坐看前山出白云可是玉堂挥翰手

却疑大小李将军 邓榆木之身形似鹤鬣 消得松风置一龕幸自青青好山色

无縁祇有幼輿堪 虞集论者可方庾亮何如丘壑自专幸甚嘯歌不废风流图

画犹 宋无右先承防早年所作幼輿丘壑图真迹无疑拜观之余悲喜交集不能去手无言
师宜宝之

雍谨书

宜着山岩谢幼輿鸥波落月夜牕虚虎头痴絶无人

识把笔临池每自娱 倪瓚

洪武辛未夏六月十又二日三山周斌西瓠赵友士李铎上饶梁鹄同观于建庠之春风堂

万厯丁未陈继儒观于项孟璜万卷楼

此图乍披之定为赵伯驹观元人题跋知为鸥波笔犹是吴兴刻画前人时也诗书画家成名
以后不复模拟或见其杜机矣

董其昌观因题己酉九月晦日

宋仲温水墨丛竹卷

己酉歲宋仲温为

长卿写万竹图

吴郡夏彦哲氏博雅好古尝于市肆中购得手卷一枚出示于余乃故人宋公仲温之所作万
竹图也观其笔法臻妙萧闲澹逸多而不繁叶叶不苟作颇似澹游房山意味公平日好鼓琴
有伯牙之趣况能乎其书得二王笔诀又善鸟身之术公极聪敏好多为之以其所能种种不
在人下乃莫不有所敬也 赋短章于后
鳳翔别驾已仙游一别俄惊二十秋展卷丛篁余墨在使人披览动新愁

同郡董昶【董惟明氏白文印】

猗猗渭川种烟雨万竿綠轩前俨相对宛若笱簞谷日映色筛金风来声戛玉罕知炎暑薰不
憚冰霜肃虚心似有容劲节持幽独苍翠恒不移根本异凡俗七贤乐清趣武公咏淇澳洵焉
比其德前修以自勗

吴郡杨翥

南宫画法妙天下更爱临池写墨君八法纵横如籀画万竿潇洒絕尘氛水霜劲节凌寒直竿
籁秋声入夜闻安得相过寻二仲清风一榻拟平分

云间钱博为 公叔题

梅道人松壑单条

长松生风吹不歇古涧出泉鸣自幽玉屑飮余移白日

紫芝歌动振高秋雨牕秃笔无事而书树欲化龙先带雨泉将归海已如涛直恐化人移幻

境莫夸墨沈与霜毫 枝指生允明云林春山过板册

狂风二月独凭阑青海微茫烟雾间酒伴提鱼来就煮骑曹问马只看山汀花岸柳浑无赖飞
鸟孤云相与还对此持杯竟须饮也知春物易阑珊

延陵倪瓚壬子春

书画题跋记卷六

书画题跋记卷七

钦定四库全书

书画题跋记卷七

明 郁逢庆 编

吴仲圭嘉禾八景【在楮上横卷】

胜景者独潇湘八景得其名广其 唯洞庭秋月潇湘夜雨余六景皆出于潇湘之接壤信乎其真为八景者矣嘉禾吾乡也岂独无可揽可采之景与闲阅图经得胜景八亦足以梯潇湘之趣笔而成之图拾俚语倚钱唐潘阆偃酒泉子曲子寓题云至正四年歲甲申冬十一月阳生日书于橡林旧隐 梅花道人镇顿首空翠风烟
在县西二十七里樵李亭后三过堂之北空翠亭四围竹可十余畝本觉僧刹也

万寿山前屹立一亭名樵李堂陰数畝竹涓涓空翠 风烟
骚人隐士留题咏红尘不到苍苔迳子瞻三过见文师壁上有题诗

龙潭暮云 在县西通越门外三里三塔寺前龙王祠下水急而深遇歲旱则祈于此时有风涛可畏三塔龙潭古龙祠下千年迹几番残燬喜犹存静胜独归僧
阴森一迳松杉直楼阁层层曜金碧祈丰祷旱最通灵祠下暮云生

鸳鸯湖春晓 在县西南三里真如寺北城南澄海门外湖合鸳鸯一道长虹横跨水涵波塔影见中流终日射渔舟 彩云依傍真如墓长水塔前有奇树雪峯古甃冷于秋防杖几经游【长水法师塔前有仁杏叶上生果实】

春波烟雨 在嘉禾东春波门外旧日高氏圃中烟雨楼

一掌春波矗矗嵯防闊如市昔年烟雨最高楼几度暮云收 三贤古迹通岐路宰堵玲珑插濠
罟荷花裊裊间菰蒲依约小西湖【三贤者朱买臣陆宣公陈贤良】

月波秋霁 在县西城堞上下嵌金鱼池昔李氏废圃也

粉堞危楼栏下波光摇月色金鱼池畔草 茸荒圃瞰楼东
亭亭遥峙梁朝桧屈曲槎牙接苍翠独怜天际欠青山却喜水回环

三闸奔湍 在嘉禾北望吴门外端平桥之北杉青闸三闸奔湍一塘遠接吴淞水两行垂柳綠

如云今古送行人 买妻耻醮藏羞墓秋茂邮亭通书处路逢樵子莫呼名惊起墓中灵

胥山松涛 在县东南十八里德化乡山约百亩余荷锺翁墓其下子胥古迹也

百畝胥峰道是子胥磨劍处嶙峋白石几番童时有 狐踪
山前万个长松树下有高人琴劍墓周回苍苔四时青终日战涛声

武水幽澜 在县东三十六里武水景德教寺西廊幽澜井泉品第七也

一盞幽澜景德廊西苔蘚合茶经第七品其泉清冽有灵源
亭间梁栋书题满翠竹潇森映池馆门前一水接华亭魏武两其名

幽澜泉乃嘉禾八景之一而亭将摧在山师欲改作而力不暇给唯展晷者思有以助之亦清事也

梅花道人镇劝缘

次第古诗八章奉题嘉禾八景用呈在山老师一粲

大梁辛敬顿首

秋陰覆野水暝色带高城万古风雨余满轩空翠生昔人防心处华落徒纵横胜事叹千载焉
用此高名诸溪驶奔湍神物出其下浩劫上浮云中宵走雷雨吾尝隐庐阜飞瀑孤絕处对此
发幽期长吟度秋浦落日湖上行风吹湖水明芙渠未出水鸳鸯空复情佳人翠防薄公子彩
舟轻暗忆题诗处花絮满春城昔贤读书处今人采樵路烟雨暗春波江鸥迷处所山遥数峰
出洲隐十飄去应有倚楼人天长望汀树孤城何迢迢飞棟上咫尺初月照江波吴船夜吹
秋清野寺静露下苹洲碧不见放鱼人疏钟起遥夕怒涛来修渠西出吴门道官家严水利蓄
泄何草草洞庭霜橘晚震泽鲈鱼早从此具扁舟长学渭中老榜舟趋南山飞盖转赋甸登高
望吴越击鼓驰觴防灵飈振岩角飞雨洒石面欲吊子胥魂歌长淚如霰古寺閤幽敞清凉生
道心澄源既不昧万象自浮沉龙吟珠光晓鸟度菱花深上人散华处时复一来寻武水幽澜
亭泉品在第七新开区街好当作景之一维南有胥峰突起平田中是谁磨劍石化此青芙蓉
城阴古三牖既废尚遗趾细雨逺防来持钱揖津吏风光水西头黄衣岂溜流惟余此陈迹千
古爽溪流春波绕城綠行舟乱鸥鹭宣公石梁在畴能继芳躅重湖浸南陌飞来双锦鸳棹歌
惊不起烟雨自江邨龙渊三宰堵灵祠挟其右钟声隔林莽行人重回首樵李古名郡作亭当
寺门题诗三过后爽气犹生存怪底梅沙弥多写僧房景问我诗中禅都成影中境云东仙馆
里一纸千金酬况皆此乡人扁舟忆同游而今同翰画此景亦增价羣鸦翻墨池斜阳未西下
久之志乘书徒有八者名谁当补其逸因之良感情【玩语气自武水幽澜句至爽气犹生存
句当分作八首以咏八景后又赞画一首云东仙馆句似曾入姚公绶家】

成化十五年己亥秋七月廿六日书于江南水竹邨上桐邨老牧时年七十有九

赵集贤二羊图【纸上横卷】

余尝画马未尝画羊因仲信求画余故戏为写生虽不

能逼近古人颇于气韵有得 子昂余尝读杜工部画马赞云良工惆怅落笔雄才未尝不叹世之画者难其人也晋唐而下姑未暇论至如近代赵文敏公书画俱造神妙今观此图后复题曰虽不能逼近古人气韵有得非公夸言真妙品也好事者其慎保诸

吴龙门山樵良 寓玉峰遠綠轩题时为

洪武十有七年秋七月十九日也

赵文敏公为仲信写二羊展卷间如行河湟道中与旃裘索译之牧羝奴逐水草而栖止昔称廊庙材器稽古入妙者信矣 汝阳袁华书于鼇峰寓舍昔李伯时好画马遇大比丘戒堕马胎乃画一切佛得三昧妙松雪翁亦善画马今披此图又善画羊观龙门所题想含此意予又惜其丹青之笔不写苏武执节之容青海牧羝之景也为之三叹东郭牧者张大本寓昆山客馆与 龙门同观书此

王孙长忆使乌桓因念羝卿牧雪寒落尽节旄无复

见写生博得两羝看 义易偶武孟水晶宫中松雪翁玉堂归来金盖峰楼船如屋载玲绘四壁展玩青芙蓉江都之马滕王蝶彩笔临模最亲切如何此纸意更新不写骅骝写羝羯昔余游宦滦河东大羣 晴沙中长髯巨尾悦人意几回立马当春风只今抚卷头如雪复为王孙画愁絕也知临笔感先朝不写中郎持汉节 戒得老人吴兴豪素妙如神暫写柔毛便逼真沙漠已空人去

遠春风塞草几回新 东竺山人至皎居延歲晚朔风寒荒草茫茫木叶干山豨自肥羝自

老也知曾屈子卿看

昆丘遗老松雪翁胸中妙夺造化戏笔写羊即得其真宛如 勒川上风吹草低而见之也 石城居士为友橘金先生题

子昂肖物之妙无所不造极此二羝乃其偶作而宛然置人于黄沙白草间评者纷纷征苏卿事我恐此妙趣正复当面蹉过也吾深叹其亡羊

竹嬾李日华

赵子固水仙【水墨双钩横卷】

余久不作此又方病目未愈子用征索宿诺良急强起描写转益拙俗观者求于形似之外可尔

【子固白 斋朱文印 文印】

元贞二年正月廿五日鲜于枢同余杭盛元仁三衢郑君举观于困学斋之水轩时将赴淞东仆夫束担以雨少留

吾自少好画水仙日数十纸皆不能臻其极盖业有专工而吾意所寓辄欲写其似若水仙树石以至人物牛马虫鱼肖翹之类欲尽得其妙岂可得哉今观吾宗子固所作墨花于纷披侧塞中各就条理亦一

难也虽我亦自谓不能过之 子昂题玉润金明记曲屏小几翦叶移根经年记人重见瘦影娉婷雨带风襟零乱步云冷鷺筵吹春相逢旧京洛素压尘缁仙掌霜凝 国香流落恨正冰销翠薄谁念遗簪水空天远应想 弟梅兄渺渺鱼波望极五十弦愁满湘云凄凉耿无语梦入东风雪尽江清

右调夷则商国香慢弁阳老人周密

至正十有二年三月晦日瓚同陈惟允兄观于快雪斋

冰薄沙昏短草枯采香人远隔湘湖谁留夜月羣仙佩絶胜秋颿九畹图白粲铜盘倾沆瀣青明宝玦碎 瑚却怜不得同兰蕙一识清醒楚大夫

西湖仇遠

仙子凌波佩陆离文鱼先乘殿冯夷斲冰积雪杨灵夜鼓瑟吹竽会舞时海上瑶池春不断人间金盃事堪疑天寒日暮花无语清浅蓬莱当问谁

巴陵邓文元

翠袖冰姿隔暮云凌波微步韞生尘江空歲晚晴无

奈笑把明珰解赠人 西秦张模戏题子固为宋宗室精于花卉平生画水僊极得意自谓飘然欲仙今观此卷笔墨飞动真不虚语

兰雪坡刘易

歌水仙者曰淩波仙子言轻盈缥缈可淩波也子固此画庶几为花传神矣周氏其世宝之

叔野

水仙花前人画者罕见尝见平原公子之笔清而疎甚可爱也今此卷繁而不俗尤觉可观盖疎则易清繁则易俗然则此作其可草草观耶

东吴林钟

水晶宫阙夜不闭仙子出游淩素波何事低头弄明

月不知零露湿衣多 天台李至刚裙长带袞寒偏耐玉质金相密更奇见画如花花似

画西兴渡口晚晴时 嘉兴张伯淳赵文敏大书快雪时晴卷【后 云 子昂为子久书】

赵公展快雪时晴为大书与昔人促兰亭为小本同一机括如画龙者胸中先有全龙则或小或大随时变化在我矣此四字公为黄君子久作子久以遗莫君景行而景行遂以名其斋云

至正五年九月廿日黄潜观

右军张侯帖唐人硬黄所临米南宫定为神品并叙其 者本末而字多朽阙赵文敏公为书于后帖中快雪时晴一语最为佳絶文敏复展书之笔势结密咄咄逼真使南宫复起见当敛衽二者俱藏莫景行氏嗟乎径寸之珠盈尺之璧小大或殊皆至宝也得而合之是岂偶然也邪河东张翥敬题于武林史局

文敏公大书右军帖字余以遗景行当与真迹并行也黄公望敬题

羲之顿首快雪时晴佳想安善未果为结力不次王

羲之顿首 山陰张侯 张雨临晋尚清谈虽片言只字亦清快雪帖首尾廿四字耳字字非后人所能道右军之高风雅致岂専于书邪赵文敏公以松雪名斋特表章之四言而大书之亦岂无谓欤此幅可与帖并传天地间散落异处何幸而合于莫君宝之宝之汴段天祐

晋人为书每能径丈一字方寸千言盖其胸中自得全牛故或大或小皆有防刃之地若赵文敏书法虽特起今代而其所造诣实追晋人及观快雪时晴四字信乎与右军帖高致无异想当其运笔之时意合乎从亦不自知有今昔小大之间故能得其神趣之妙使第以形骸索诸古人恶足以及是哉豪城倪中敬书于武林安国里之和陶轩

古人临帖妙在得其意度不特规规于形似而已赵文敏公临右军帖为尤多予家藏快雪时

晴帖久矣公反覆题识其上可见其珍重之深也又摘此四字展书之虽大小形似之或殊其意度则得之矣遂揭之斋中以并传不朽云

南屏隐者莫昌识后徐幼文补水墨雪景仿郭熙上以硃砂作一日遂觉晴景焕发自题云东海徐贲为之画赵承防渊明归田图【青绿山水横卷绢甚完好子昂二字】

陶令厌处贵处贫怀反开到官六十日赋辞归去来轻舟飏素波浦溆相防洄微风吹襟袖飘飘若毳毼衡宇方在瞻候门见僮孩孤松自堪抚三径从荒莱容膝谅已安岂受外嫌猜斯人有高蹈千春揽芳埃

允文

渊明千载人怀惟遇酒开竟辞五斗米浩然赋归来扁舟下七泽荡桨聊沿洄头上漉酒巾髭髥已毳毼到家俱欢迎老稚杂童孩入门列罇罍相与锄蒿莱松雪妙防笔图成无疑猜谁云万古后磨灭同尘埃赵承防此图设色精妙师伯驹而襍以士气又非止于伯驹也俞仲蔚诗亦冲遽萧散可爱因遂和之

茂苑文嘉

陶令罢彭泽正及黄花开有酒不辞浊长歌归去来千载义熙波谁能溯其洄学士返胡天推发白毳毼回首感宗周擲国一婴孩蓝举蹇柴桑紫骝捷蓬菜时睽迹更殊畴能不见猜惜哉丹青美托尚隔云埃赵吴兴画陶彭泽归去来纵极八法之妙不能不落竖儒吻盖以永初之不臣宋与至元之仕元趣相左耳若其风华秀润标举超逸虎头防笔云麾烘染所谓赵郎并具情性而得之者与彭泽人品文章真足三绝又不当以此论也余诗为恶韵所窘不免堕竖儒口业令嗜古者见之其不骂为杀风景者几希书

毕一笑 弇洲山叟王世贞弇山题跋载四部稿今得见此卷知此公鉴裁甚确

口业自懺又是翻公案语

其昌赵文敏公楷书湖州妙严寺记【在宋楮上横卷卷首子昂大篆六字】

湖州妙严寺记

前朝奉大夫大理少卿牟巖謨

中顺大夫 州路泰州尹兼劝农事赵孟頫书并篆额右湖州妙严寺记一通盖赵文敏公墨迹端雅而有雄逸之气在其意欲托之金石故不草草湖州公桑梓之乡岂昔寺僧与公善而得之然得此自不凡矣灵芝主僧雨庵得而宝焉又乞予书数语亦岂凡僧也邪惜予语不能超凡有媿于公之书耳

成化戊子十月七日永宁一客【公绶朱文印 自有丹丘白文印】松雪记妙严寺中有云妙严乃佛心所见之事相也观此书端妙严重知为松雪心中所见之事相焉又云幻十八开士于殿中金碧 耀以此文此字勒坚防树诸殿中其光彩与开士争先不直 耀一时而已灵芝瞻上人得其真迹可不宝藏之乎

张震跋

赵公书寺记予昔跋之兹来雨庵又有请焉请之意盖欲予志今昔歲月昔为成化戊子十月七日予归自永宁今为辛卯十月八日来自丹丘一俯仰间四见寒暑人生防聚几何良可太息公书已不待赞予又未识幸一再阅

是月十有二日灯下绶书于芝园深处

【栖栖倦游 姚公绶氏客朱文印 朱文印】

芝园深处予宿之屡矣兹来为成化甲午中秋雨庵将移住上天竺竺国山前复肯着予行迹也邪雨庵索予送住上天竺诗予归速弗克就因出是卧轴请再志月日诗则俟予补书别纸也 公绶赵公书法晋人所以妙絕今古余谬赞公书屡矣前此笔路犹未入公格范不意老年又复私淑公之书法固不待赞赞之者无间于往古来今无间于簪绂韦布则公之书得之于心应之于手通之天下使右军复生亦必叹赏兰亭里鲈墓田等帖料容其一着脚也雨庵以予言为何如

壬寅孟夏五日逸史姚绶记

王孟端湖山书屋图【卷首有友石游戲四大玉柱篆徐霖子仁书】

仲镛与仆有夙昔之好尝命仆作湖山书屋图久羈尘鞅未副其意兹复以佳纸见遗乃促成之因写是图以归焉吁佳纸佳画斯为称矣顾仆拙笔安敢与此纸相辉光哉然仲镛知我者也必不以是为消并书此以记其歲月云 岿永乐庚寅仲秋望日毗陵王孟端识友石先生画品在能之上评者谓作家士气皆备然其人品特高能不为艺事所役虽片楮尺缣苟非其人不可得也此湖山书舍图联六纸而成修三十尺耕渔出没村舍近遠烟云变灭种种臻妙非累月構思不可成岂独今之所少哉子和藏此真希代之珍也正德丙子三月既望衡山文征明题

毘陵王友石此图文公尝为第次其品今观其岩岵杳藹岵 纷披参差出没于苍烟白浪之中以至溪桥林屋疏峯抗馆农田渔艇峻父村樵幽踪往复恍若别在世外真可谓深诣湖山之致者矣读书于此必能絕防离类殊使人遥想而存之谈太常思重性好博雅相示此图辄遂题其后云

隆庆二年夏六月十有八日俞允文记

王叔明听松图【纸上挂幅】

王 为 古松禅师寫听松图

年去年年来年复年长松乱立南轩前綠陰遮却半天日声气欲惊山虎眠老僧时倚防干听听之有动还无静风击风敲朝暮声飘然不碍芙蓉镜松梢挂月月放光一白倒浸莓苔苍涛声响于弹八琅隔牕汹汹形体忘我亦乾坤清气者十年埋没红尘下踏遍东阡与南陌几欲投闲闲未得听松轩人年已大两耳松声几经夏平生爱入青松轩耳听不厌松声繁他日东林结莲社再招陶令来祗园

八十三翁马士英书

听松禅客耳能聪着个幽轩万木中风卷翠涛声急

处海门飞出老虬龙 广信吴元善碧眼支郎耳更聪轩楹占断白云中有声听到无声

处错认长松是老龙 丹丘柯九思和赵善长七树图

古石荦确荒苔深排云高木寒萧森行人不到路将絕繁陰满池春沉沉我家旧隱吴山麓幽境委蛇入空谷风吹飞雨洒千岩绕舍樾林生淨綠年来置身白玉堂宫花拂帘清昼长故山云霞眇千里却忆林树空苍苍宠恩新赐东归去重访平生钓游处诗成先向画中题明发沧洲弄真趣

余时有中吴之行过嘉言山月轩告别出示丹林生临北苑画索题赠诗如右时

永乐己丑夏五月壬午也青城山人王汝玉识赵承防行书卷

昔徐信之制笔得名皆由出入叔父尚书门下日令防一枝不如意辄使拆去细究其工所以得名家今人能若是乎可为太息

至大二年正月十日子昂志

余与息斋道人同寓都城张氏林园日以绘事讲订信非人间之乐也不见十年政如隔世可叹可叹今其家僮回维 就问道人与竹平安否

至大四年二月二日戏书记此闲纸时高士石可友在

坐子昂昨日无锡一道友封寄惠泉即命童试新茗果是味别明日当分送何山鍊镜老防他舌端有眼否

子昂书

道士桑芝田求善之先生书盘谷叙复求仆书归去来辞惜无蜀中冷金纸对之俟有此纸别为写过【原阙】

偶画大士像一纸甚有圆满慈悲之意用作林下布施

也孟頫书致习公侍者友人牟成甫之贫香严所谓锥也无者丰年犹啼饥况此荒歉将何以望其腹而瞻其老穉渊明乞食鲁公乞米赖多古贤可为口实仁人义士有能指鲁肃之困而

实菜芜之甌者乎吴兴赵孟頫白赵文敏行书烟江叠嶂歌【书在白宋纸上横卷】

【赵书后李西涯大篆题五字松雪翁真迹国初廷璧不知姓草书七言长向跋】

松雪大书见者絶少东吴王敬之氏有此其永宝之正德十五年十一月十一日李东阳书于卷末【此亦大篆书】

沈石田翁见而补图长丈余水墨变幻实公之得意笔后书正德丁卯八十一翁沈周识

文衡山又补一图沉绿着色絶似大米长二丈许前作楷书云正德戊辰春三月廿日衡山文璧观槐雨先生所藏松雪翁书因补此图

后重行草题云嘉靖乙巳腊月重观于玉磬山房回首戊辰已三十八年矣抚卷慨然征明

【卷末又有石川居士张寰跋】

张伯雨行书【挂幅】

寒食今年二月晦又分新火入厨烟碧桃花落闲谁扫白苧衣寬老自便发匣但余金薤墨晚年正在玉堂编大书絶类顔光禄小字駸駸逼墓田

右山居即事方外张雨【老更狂朱文印】

吴仲圭悬崖松

偃蹇支离不耐秋摇风洒雨几时休转身便是青山顶又有岩崖在上头

梅道人山水

闻有风轮持世界可无笔力走山川
畎畹尽作飞来势太室居然掷大千

吴仲圭题竹

解箨初闻粉节香拂云又见影苍苍
鳳凰不至伶伦老无奈荆榛特地长

长忆前朝李蘄丘墨君天下擅风流
百年遗迹留人世写破湘潭梦里秋

陰涼生硯池叶叶秋可数京华客梦醒
一片江南雨吾以墨为戏畚因墨作奴
当年若卤莽何处役潜夫翠羽风前叶
秋声雨一枝诗题春粉节棚脱玉婴儿
落落不对俗涓涓净无尘缅怀湘渭中
歲寒时相亲菲菲桃李花竞向春前开
何如此君子四时清风来【以上俱梅道人墨竹挂幅】

柯丹丘墨竹【挂幅在纸上】

生意满孤根香凝粉节痕
惊看雷雨夕化作老龙孙

柯九思

奎章阁上恣临摹高节偏承雨露多
冷澹故能追石

室萧疎应不减东坡方外张雨曹云西山水

重溪暮靄云西为明叔作

云老与仆年相若执笔濡墨既有年矣
老而益进于今诸名胜善画家求之巧
思者甚多至于韵度清越则此翁当独步也

至正九年五月廿五日大痴学人公望题识时年八十又一

钱雪川水僊卷【在楮上】

帝子不沉湘亭亭絕世妝晚烟橫薄袂秋瀨韵明瑯洛浦应求友姚家合讓王
殷勤归水部雅意在分香

钱选画并题

八斗才中画洛神翠罗轻飏袜尖尘雪溪老子真能

事更比陈王写得亲 祝允明阴崖雪压青松折阳谷水开碧涧流已见华容两秦

媛玉鬟云貌作春游 隆池彭年月为精魄水为神素质先含雪里春罗袜凌波断行

迹谁能唤起弄珠人 许子才李息斋墨竹

石根夭矫出寒梢明月空山舞翠蛟散作江湖墨风雨曾随海浪过南交【仲宾曾使交趾故云】

大德二年春三月十又四日巴西邓文原书于寓意斋

赵仲穆洗马图【人十有三 马十有六 猿一】

天闲骐驎【四字枝 枝指道 吴下阿山题 人朱文 明白文】

骐驎昔在人间继在毫末今归吾贾君骏在君矣走千里价千金洛瑶池而秣天山卫龙墀而
驂鸾辂一旦事耳君尚稍加翦拂以伺之因君索题为采旧跋语揭诸前而漫赘斯說歲丁卯
夏日苏人祝允明记【枝山 祝希哲朱文 白文】

骐驎骅骝世有之不逢伯乐自长嘶却憑笔貌千金骨谁信相知是画师 吴郡唐寅
【南京解元朱文】画史画马妙自知笔端变态毛骨奇长嘶逸步画不

出几番吟咏少陵诗 宗正梅道人草亭诗意【楮上小卷】

依村构草亭端方意匠宏林深禽鸟乐尘远竹松清泉石供延赏琴书悦性情何当谢凡近任
适慰平生至正七年丁亥冬十月为

元泽戏作草亭诗意梅沙弥书

我爱梅花翁巨老 心印修此水墨缘种种得苍润树石堕笔锋造化不能吝而今橡林下我
愿执扫泛

后学沈周

梅道人墨竹

野色入高秋寒影照湘水日午北牕凉清风为谁起梅道人戏写于晚风阁

至正庚寅夏六月

书画题跋记卷七

书画题跋记卷八

钦定四库全书

书画题跋记卷八

明 郁逢庆 编

宋徽庙雪江归棹图【卷首徽庙瘦金书题雪江归棹图上用双龙小方玺】

【前黄绫夹诗上有卷字陆号皆半边字若今之挂号然 卷长五尺在绢素上卷后有宣和殿制四字作瘦金书上用御书二字朱文瓢印下有御押天下一人花字】

臣伏观御制雪江归棹水远无波天长一色羣山皎洁行客萧条鼓棹中流片帆天际雪江归棹之意尽矣天地四时之气不同万物生天地间随所运炎凉晦明生息荣枯飞走蠢动变化无方莫之能穷皇帝陛下以丹青妙笔脩四时之景色究万物之情态于四图之内盖神智与造化等也大观庚寅季春朔太师楚国公致仕臣京谨记

宣和主人花鸟雁行黄易不以山水人物名世而此圖遂超丹青蹊径直闯右丞堂奥下亦不让郭河阳宋复古其同云远水下上一色小艇戴白出没于淡烟平靄间若轻鸥数防水穷骤得积玉之岛古树槎蘂皆少室三花快哉观也度宸遊之迹不能过黄河艮岳一舍许何以得此景秘阁万轴一展玩间即晓本来面目耶后有蔡楚公元长跋虽防拖不成文而行笔极楚楚与余所藏题聽阮圖同结搆一时君臣于翰墨中作俊事乃尔令人思艺祖韩王椎朴状琅琊王世贞题据蔡楚公题有四图此当是最后景耳题之十又六年而帝以雪时避敌幸江南虽黄麾紫仗斐豐于瑤浪瑤岛中而白羽旁午更有美于一披簑之渔翁而不可得又二年而北甯五国大雪没驼足缩身穹庐与殄殱子乡伍吾尝记其渡黄河一小辞有云孟婆孟婆你做个方便吹个船儿倒转于戲风景杀且尽矣视雪江归棹中王子猷何啻天壤题毕不觉三叹

世贞又题

朱太保絕重此卷以古锦为标羊脂玉为籤两鱼胆青为轴宋刻丝龙袞为引首延吴人汤翰装潢太保亡后诸古物多散失余往宦京师客有持此来售者遂鬻装购得之未几江陵张相尽收朱氏物索此卷甚急客有为余危者余以尤物贾罪殊自愧米顛之癖顾业已有之持赠贵人士节所系有死不能遂持归不数载江陵相败法书名画闻多付祝融而此卷幸保全余所乃知物之成败故自有数也宋君相流翫技艺已尽余兄跋中乃太保江陵复抱桑沧之感而余亦几罹其衅乃为记顛末示儆惧令吾子孙毋复迹而翁辙也吴郡王世懋敬美甫识

宣和主人写生花鸟时出殿上捉刀虽着瘦金小玺真贋相错十不一真至于山水惟见此卷

观其行笔布置所谓云峯石色迴出天机笔意纵横参乎造化者是右丞本色宋时安得其匹也余妄意当时天府收贮维画尚伙或徽庙借名而楚公曲笔君臣间自相倡和而翰墨场一段簸防未可知耳王元美兄弟藏为世宝虽权相迹之不得季白得之若过溪上吴氏出右丞雪霁长卷相质便知余言不谬二卷足称雌雄双劔瑞生莫生嘖妬否戊午夏五董其昌题

赵文敏公小楷麻姑坛赵仲穆书读书城南司马温公劝学三帖卷

今年四月十九日余自华亭过松陵之甫里田舍天气骤热因留度夏邻有张君德常德机贤伯仲伯子多蓄名迹而希会面名迹亦罕以示人幽居默默如潜逃而已乃子元度亦不肯相过招邀数次不过曳勉一来六月十六日旱久而雨一雨浹旬茅屋上漏下湿独坐唯有悲叹因寄二君诗曰积雨不为休漂摇使人愁哀吟四壁静病卧百虫秋开门望原野江湖潏交流谁能载美酒为我散烦忧余六月末病臂创足痛呻吟几及旬故云七月四日雨止风静云翳开朗泥潦尚没足忽叔子来访元度踵武亦至携荣禄此卷及其子赵雍遗墨以怡悦老眼濯瓮牖之凉飈临碧江之湍激相与玩咏不已因自念老景侵寻亲朋沦落殆尽虽近在跬步如张君伯仲父子尚不得数数晨夕况二赵星宿光芒昭回霄汉梦寐亦所不覩得不见其遗迹而不喜扑哉遂记其后以写余之愤愤者焉歲己酉倪瓚

云林秋林野兴图【树石学董北苑亭中坐一人童子随后】

余既与小山作秋林野兴图九月中小山携以索题适八月望日经鉏斋前木犀盛开因赋下章今年自春徂秋无一日有好兴味仅赋此一长句于左方政喜秋生研席凉卷帘微露净衣裳林扉洞户发新兴翠雨黄云笼远床竹粉因风晴靡靡杉幢承月夜苍苍焚香底用添金鸭落蕊仍宜副枕囊己卯秋九月十四日云林生瓚【云林朱文印】

至正十四年歲在甲午冬十一月余旅泊甫里南渚陆孟德自吴淞携以相示盖藏于其友人黄君允中家余一时戏写此图距今十有六年矣对之怅然如隔世也瓚重题其左而还十九日

晦藹生清嶂空冥照秋影遐眺竹亭虚一览心已领

陆继善【陆继之氏白文印】

黄大痴层峦积翠

至正七年正月上澣大痴道人为

道 处士作于草堂时年七十有九【黄子久氏白文一峯道人朱文】右倪黄二画玩味竟日清气逼人倪画人物古雅树石苍秀世谓画人止龙门僧一幅及不用图书殆虚语耳大痴笔法尤古与荆巨颀颀録其题语于叔遇册上以记一时之兴

崇禎辛未重九日曹函光识

张伯雨山水

谷翁真人当至元之初与赵荣禄所交多得其书画往往散逸其存者不过十之一也我友养道人尽以出示称叹竟日戏写此图于灵石轩中至正戊子九月廿又三日张雨【张雨松印白文】

张贞居高逸振世文絶诗清韬光山水间默契神防不染不羣然懒于应酬遗画甚少余曩在梁溪周子仲处曾见灵峯山寺图则逸而简吾郡徐君美家见拟苏长公竹石则秀而奇余未尝见也今观此图笔力圆润高古惊人其山顔突其树纵横大得董北苑之意即同时黄王不能措手其气韵苍兀不逊赵荣禄耶宜乎飘飘然若羽化而登仙也锦川老人王瑞书于芝溪草堂

昔张伯雨寄陈惟寅双峰含翠图高拱辰画録所载之诗黄篋楼中唯饮酒白云廊下且题诗闲时描得双峯寄变幻青山是我师世称伯雨善画予未尝见今窥此图令我骇目用笔古雅深得六朝气韵使北苑复生不能为也古松道人题于鹤翅舟中【此跋书在褙绢上】

云林墨竹

陈郎鼓琴初月明能对楚人作楚声江风动地波撼席芦雪扑帐云栖薨每惊遠道意惨怆忽此聚首心忙营赋诗写图以为赠比竹贞德琴亮清至正丁酉十一月五日余友陈兄惟允偕愚隐长和过余旅寓为余鼓楚辞一再行因写墨君并赋长句以赠时夜漏下二刻矣笔砚荒落自愧草草惟允当有以教我也倪瓚

赵松雪牡丹瀾 【大幅】

余尝泛舟溪上因过下簪时值杏花盛开溪边瀾 黄色可爱恍如徐熙画中行也乘兴作此以记歲月

至大二年二月九日 孟頫

倪元镇溪山亭子图

东海倪瓚画溪山亭子赠

孟佶文学歲乙未闰正月八日

戏墨重看十七年闔庐楼阁荡飞烟闲村兰若风波外坐对湖山一惘然

辛亥十一月九日复览重题

云林子

故人一别动经年云树云山隔远烟来看画图如梦里焚香清对意悠然
云林高士在儒林酌别今隔岁矣谨用韵写上海云方丈一教之王植云林溪山春霭图

至正九年四月廿八日句吴倪瓒画

溪山春霭赠王元宾之广陵

十年不见老云林片云东来闻足音画图何处看秋色瑶江草堂深复深
铁篷道人在沧洲轩试老温旧颖

云林诗卷

八月五日陈惟寅秀才来访余南渚之上相与陈情道旧为留终日至暮叶舟绝湖而去一望
云涛然不能无惘惘于怀也明日赋此寄惟寅惟允贤昆季沧浪漫士倪瓒

陈寅兄弟皆好修访我远来南渚头原宪长贫甘所素摩诘示疾今其瘳白鸥波上五湖棹丹
桂人间八月秋政使清虚足赏勿随尘土逐悠悠

仆一时肆笔为此非雕虫篆刻比也吾

佩韦先生见之精微要妙者必将唾视之耳瓒云林竹卷

老懒无惊笔老手倦画止乎此倘不合意千万勿罪

懒瓒

陈君惟寅天倪先生令子也天倪为黄清权高士之甥清介孤峭深似其舅读书鼓琴不慕荣
进澹泊无欲以终其身惟寅能守其家法者也世故艰巇安贫自乐穷经学古教授乡里色养
得母之欢心友爱尽弟妹之和乐诗文缀缉于以为娱予尝爱其藻丽不羣萧然有出尘之想
聊摘跋语用叹才华暮春之辰忽过江渚复示新制相与讽咏因成长句以叹美焉瓒顿首不
见陈君动隔年暮春孤坐此江边政忧江濶多风雨适喜君来共简编讽咏新诗非漫尔艰虞
远别更凄然看花相约重相过已放柳条维酒船

三月十日灯下

唐子华才子图【在绢上】

雪水唐翁鹤发垂郭熙松石晚犹奇蹇驴才子多幽思谁见清吟拥鼻时
瓚题唐君子华画松石才子图此帧盖唐君得意笔也甲寅三月拈花室中览云林南渚图

南渚无来辙穷冬更寂寥水宽山隐隐野旷日迢迢想像写南渚冬尽诗意图

至正廿四年十月六日倪瓚记

窈窕 堂石径幽小山丛桂足淹留仙人已 辽天

鹤写得云林一段秋 仲益昔年才看墨池鷺风雨扁舟载酒过一自春归清閼

阁几番蛛网落花多 嘉禾朱逢吉古苔凝绿上松根前辈空留翰墨存寂寞云林堂下

路一峯残雨映孤村 门生王达梅道人竹卷

春到龙孙满地生未曾出土节先成可怜无个伶伦眼镇日垂垂独自清

低垂新绿影离离倚石临泉一两枝忆得昔年今日见凤凰池上雨丝丝

墨竹文湖州妙入神品余为此谱悉推其法不知赏

趣者何人耳 梅道人识

与君俱是廓尘氛一日不堪无此君更喜龙孙得春雨

自抽千尺拂青云

梅道人戏墨动辄长吟静即思镜中渐见鬓丝丝心中有个不平事尽寄纵横竹几枝

至正八年四月十日梅道人写

梁用行水墨竹

山馆曾移玉数竿色常苍翠影檀栾别来见說丰姿在不减当年旧岁寒

余与永言佳友别经五六寒暑矣怀仰之勤形诸梦想诗云有斐君子终不可谖兮余于永言
亦云故写竹梢并诗以寓契濶之意焉

永乐六年夏五端阳前四日安定梁用行书于玉堂之西序

李营丘暮林叠岫图

桑苎未成鸿渐隐丹青聊作虎头痴久知图画非儿

戏到处云山是我师 朱润赵承防题渔父图【调寄川拨棹】

人生贵极是王侯浮利浮名不自由争得似一扁舟防月吟风归去休

渺渺烟波一叶舟西风木落五湖秋盟鸥鹭傲王侯管

甚鲈鱼不上钩 赵孟頫

梅道人题渔父图

红叶村西夕照余黄芦滩畔月痕初轻拨棹且归欵挂起渔竿不钓鱼

防防青山照水光飞飞寒雁背人忙冲小浦转横塘芦花两岸一朝霜

醉倚渔舟独钓謠等闲入海即乘潮泛浪摆任风飘束手怀中放却桡

梅花道人戏笔

梅花道人吴仲圭画师巨然多以船子和尚川拨棹诗题之吴门王文恪家藏其渔乐图入妙品本与盛子昭比门而居四方以金帛求子昭画者甚众而仲圭之门閤然妻子颇笑之仲圭曰二十年后不复尔果如其言盛虽工实有笔墨畦径非若仲圭之苍苍莽莽有林下风气所谓气韵非耶

宰题金文鼎渔乐图【在楮上长卷仿梅道人笔意每渔舟前题川拨棹辞一阙】

舴艋为舟力几何江头云雨半相和殷勤好下长波半夜潮生不那何

残霞返照四山明云起云收陰复晴风脚动浪头生听取虚篷夜雨声

綠杨湾里夕阳微万里霞光浸落晖击棹去未能归惊起沙鸥扑鹿飞

斜阳浦里漾渔船青草湖中欲暮天看白鸟下平川防破潇湘万里烟

无端垂钓定潭心鱼大船轻力不任忧倾侧系浮沉事事从轻不要深

风搅长空浪搅风鱼龙混杂一川中藏深浦系长松直待云收月满空
桃花波暖五湖春一叶随风万里身钓丝细香饵均元来不是取鱼人
月移山影照渔船船载山行月在前山突兀月婵娟一曲渔歌山月边
洞庭湖上晚风生风触湖心一叶横兰棹稳草花新只钓鲈鱼不钓名
钓得江鳞拽水开锦鳞斑驳逐钩来摇尾唼红腮不羡严陵坐钓台
如何小小作丝纶只向湖中养一身任公子龙伯人枉钓如山截海鳞
雪色髭须一老翁能将短棹拨长空微有雨正无风宜在五湖烟水中
极浦遥看两岸斜碧波防影弄晴霞孤舟小去无涯那个汀洲不是家
舴艋舟人无姓名葫芦提酒乐平生香稻饭滑莼羹棹月穿云任性情
重整丝纶欲棹船江头明月正团圆酒瓶侧蓼花悬抛却渔竿踏月眠

先友金文鼎先生淞江人风流文雅高尚不羣诗画字画皆重当世应祔生后不及识先生幸
得接先生之子礼部君敦重质直动作不苟居然前辈风致逝去二十余年常切念之此图为
先生得意之笔自题其上词凡一十五首观其画玩其辞可以想见其人今为御史徐用美所
藏用美礼部君子婿也图后诸作今号称名士者所题观之益重前修之感

金文鼎永乐中以绘事名海内为吾松先辈风流宗此卷墨气鬱勃不减裕国时诸大家至其
笔力苍古便是石田先生门户孰谓无风气开先之助耶前有范庵跋书法甚佳金公之笔益
重于九鼎矣云卿观于由庚堂中

此文鼎金先生手笔先生非渔者而渔者之变能之真趣率于毫素见之既见之画复形之诗
其妙殆曲尽焉吾观杨文贞公之表先生盖先生人品甚高其胸中无一毫尘俗好无一防尘
秽气恬憺怡愉故其天机动处天趣自形水云烟月之优游鹤汀鳬渚之笑傲政自不必身其
事涉其境而后领其妙也庄子观鱼于濠梁惠子曰子非鱼焉知鱼之乐庄子曰子非予焉知
予之乐兹但可与达者道表尾以诗为先生余事吾谓余事正足以窥先生之所以为先生东
白子寓西山安峰写为

金宪徐用美跋谁拈秃笔寫漁船我作漁翁又十年画里若寻谁是我白头高帽顶青天

钓船坐我此溪中傍柳前川亦偶同若道狂奴今即古子陵何止独高风

何处烟波满钓翁桃花流水各溪红而今合是唐虞世都在尧天荡荡中

江上春云夹浪飞溪头春水鯈鱼肥闲人只是闲无事日出船来月出归

庄泉在清江卧林草亭为

用美侍郎先生作

成化庚子腊三日也

万事无心只钓船中流去住几何年說川水即桃源水谁道桃源别有天

渔船泛泛浪花中缙钓随波个个同谁解逆鳞 勇退急流更挽一丝风

画中谁是渭川翁头白从他脸自红渔钓有舒还有卷卷舒原不累胸中

花前蜂蝶鬪争飞钩上鱼吞钓食肥只有白鱼不受钓听他溪上擢歌归

歲辛丑上饶楼谦题寓金陵都馆清风亭书李息斋竹卷【卷用绢一幅高一尺长五尺许卷首题四字】

秋清野思【坡石上前作小枯木四株小竹前后共六竿石傍细竹丛石大小五块款云】大德庚子冬十二月息斋居士为友人仇仁父作于嘉禾之寓舍

苍筠倚乔木古色秋逾好谁能着茅亭相伴此君老

如是翁【周景遠氏朱文】

闻仲宾方苦时行力疾为仁父作此图尚能萧散如

此敬叹敬叹 孟頫子昂說法已竟不必重贅

大德五年三月廿日困学民鲜于枢拜观【虎林隐史】东坡尝谓与可胸中自有成竹乃见于笔下今观仲宾所作修篁劲节猗猗生意无尽非胸中有成竹其能若此耶信噫

大德壬寅中元日应桂【以上书于绢上】

极目荒烟落木中空山人静涧泉春秋来不用为霖

雨留得闲云养卧龙 文原秋清野思寄心象外语也仲宾画此意不必行楚村踈芜间

大德六年鲁郡吾衍题【篆书

布衣道士朱文】石惹残云树带烟猗猗苍玉正萧然若人写出胸中趣知道平吞几渭川 蜀
普程嗣翁【程公明氏】青龙集己酉春正月十有二日防稽抱遗叟杨祯与吴郡张习古汲
袁用云间米芾陇西李扩同览于张氏麒三昧轩所

露沐疏篁叶叶青病苏凉阁思横生山人神往风尘表如见留题数老成
梧溪居士王逢题时歲癸丑十月廿日也【席冒 王原山人 吉氏】

醉车先生落笔处一竹一石病容开焚香披向幽斋看想见秋清野思来
曲江钱惟善【钱氏思复白文】秋风环佩玉 出谷笈筇野思闲惆怅谪僊归去

后空留清影落人间 永嘉曹睿蓊丘笔法殊萧爽与可风流竟未亡安得眉山老居

士为君重记墨君堂

华亭袁凯蓊丘竹木出毫端便觉清风入座寒亦有高人明月夜梦回恍惚听鸣鸾
鄱阳蒋惠【蒋季和白文】一代衣冠李蓊丘笈筇落笔似湖州题诗诸老并沦

没风雨江南几暮秋 天台陶九成谁持并州刀剪此秋练静萧萧三五竿尚带月中影

细林山人周之翰

幽篁裊裊倚云根旧雨空怜淡墨痕不见蓊丘吾老

矣歲寒心事与谁论 云间陆褰王叔明乐槩书屋图【卷首篆书琴乐二大字款云伯琦
白文周伯琦印 朱文天目白云】

乐琴图 黄鹤山樵王防画

题乐琴书所卷后

琴为养性之器书所以载道人孰弗知之然知之非难故世之所能无足较好之为难予于昔
人得其一二焉但惜其好之不正则未免有书淫 癖之讥以至嗜于琴至或破之者此可见
乐之为尤难也盖乐于琴者指虽着于梓桐之上神则超越于八表之中乐于书者目虽注于
铅槧之间心则淹贯千载自非真乐岂能此哉清河张公有秩蚤以明经登第防对大廷赐进
士出身为

天子耳目官其于扬清 浊纠缪绳愆信能尽其职矣退食之余不忘琴书之适故顔其燕息

之地为乐琴书所此可见其志之所乐不在于他者矣顷居母氏之丧来归淞上琴之不扰者几三载至于读礼则未尝少辍焉一旦绣衣既更行将举武于青云之上乃授简庠序以求文予闻吾夫子之所喜在易有韦编三絶于琴则猗兰之操今张公之乐琴书既知养性适情之道又素明于洁淨精微之学则其所乐无非圣人之正又岂有淫癖嗜破之失哉故敢以此而赘于卷尾云

洪武二十三年十月初吉益斋王彦文跋

大雅振頽 所喜心所任圣经正偏讹所説良在心乃知稽古学优游书与琴结庐翦荒秽歲月亦已深盛年掇高科巍戟列朝簪清霜飞白简晴日垂甘霖进以佐尧舜退以娱山林所用合所遇不但古与今所舍适所乐【去声】岂徒理与音渊乎沧溟波仰止泰华岑余生亦成癖子子三江浚驱驰愧衣食投老空长

吟 陈留张璧绣斧威名盛琴书乐事兼解囊唯玉轸插架揔牙籤爽籟风回墅秋灯月在帘此怀谁复共千载一陶潜

长于沙门守仁

晴檐防重緑高堂蔼余清适意琴与书聊以悦吾情移牀散綈帙触指发希声端居颇闲暇客至无送迎凭几雨乍来钩帘月初生至乐有如此士林播嘉名

灵谷沙门清濬

琴声相继读书声坐觉乾坤气独清一曲高山流水遠千编深雪小牕明音非妙指安能发学必通经可得成富贵人生俱有道韩公何论短长檠

方外夷简

我琴恒挂壁我书亦满牀弹琴复读书为乐殊未央薰风拂瑶轸凉露浮缥囊声希得天趣糟粕将勿忘陶公亮可作此意非荒唐

天竺沙门溥洽康里防草书柳子厚谪龙説【在纸上文在柳集不书】

彦中判府贤友久不覩仆恶扎因草书谪龙説往想展览之际如相见焉康里防再拜

谪龙之事甚奇河东之文尤奇康里公之书益奇可谓三奇矣康里公标望絶人藺交际重然诺虽不倦与人作书然非其人终身不得也彦中公交契之素

于是乎见之

鄱阳周伯琦记故人河海隔音闻为写河东柳子文寄与江南叶少府临风展玩忆青云 西夏

昂吉【赵文朱文印】章文蘭孙伯昌氏所藏康里防公为叶判府书柳河东谪龙説判府乃伯昌外族而得之余尝闻韩昌黎评柳子厚文雄深雅健崔蔡不足多也而子山平章书似公孙大娘舞劒器法名擅当代前后相去数百载而具美于卷中展玩之如秋涛瑞锦光采飞动可谓妙絶古今矣伯昌宜宝之庚子七月廿八日高平瞿智谨识

谪龙之説柳河东在南荒时意有所激而云彦中公少年登朝赫然有声晚乃仕于郡县平昔交好于子山独密其于是説岂无意乎伯昌公之外孙也多钟爱于外大父故得公中朝诸公书尺最富皆一一宝藏之不独此纸而已六一翁云视其所好可以知其人余于伯昌亦云辛丑夏五越人胡悌书

康里泰熙奴草书帖

草书不可识节字少于即草书不可知甚字小于其草书不可解于字何曾草所贵者笔圆所上者笔老献之答谢安云世人那得知耳 康里泰熙奴书

云林山水【高尚书图】

七月一日风雨集桐里湖边吟夕凉柳叶颦烟笼翡翠荷花溅泪湿鸳鸯却疑身在潇湘渚且着舟停云锦乡顾我自非徐孺子烦君下榻更衔觞

昌言高尚书堂戏写此图并赋赠焉璚壬子

云林墨竹

絶听应须六用忘先宗密密更堂堂真如般若无根器翠竹黄花有耿光 五月廿五日

絶听主人寫竹梢并题云林居士

倪君能画复能诗瘦影秋来似竹枝前夜梦回如得

见纸牕清影月斜时 高启昔从江上识云林三尺苍筠起夕陰叶叶鳳毛秋可

数怀人清夜涕霑 朱应辰开元寺里长同宿笠泽河边每共过谁説江南君去

后更无人听竹枝歌 独庵道衍一枝潇洒翠琅环节操还能度歲寒谁道山牕多寂

寞春风依旧报平安

幼室至瑶道人于听絶多时更不江南听竹枝犹在纸中看月影向人闲索几联诗

露叶风梢是此君半牕凉影月纷纷主人坐彻莲花

漏定里秋声似不闻 梁用行萧萧素影入帘清况是秋声客里听此日披图思往

事雨枝风叶总含情 支硎山弥远凉叶萧萧含晚吹晴梢嫋嫋拂秋云也知万木凋零

后窻下相看独此君 南沙德完

书画题跋记卷八

书画题跋记卷九

钦定四库全书

书画题跋记卷九

明 郁逢庆 撰

赵松雪书中峰怀净土诗后系赞

净土偈赞

净土偈者中峰和上之所作也偈凡一百八首按数珠之一周也悯羣生之迷涂道佛境之极乐或驱而纳之或诱而进之及其至焉一也弟子赵孟頫欲重宣此义而説偈言

三千大千世界中恒河沙数诸众生一一众生一一佛一一唯心一净土而诸众生无始来因痴有欲生爱渴根尘染纏不自觉流转生死堕恶趣我师中峰大和尚慈悲怜悯诸众生勤勤为作百八偈普告恒沙诸有情如身受病等痛切若人依师所教诲一念念彼阿弥陀一念念已复无念自然往生安养国阿弥陀佛为接引径坐金色莲花台池中莲花如车轮微风吹香徧法界频伽并命及鸚鵡孔雀白鹤播妙音黄金界道七寶台燕坐受兹胜妙乐诸恶苦趣咸无有悉皆我师之所度实无众生师度者惟众生心净土故是故我今稽首礼重赞我师之愿

延祐三年歲在丙辰六月廿四日大都咸宜坊寓舍书吴仲圭竹石长卷【在纸上】

梅华道人竹谱【卷首自题】

初畫不自知忽忘华在手庖丁及轮扁还识此意否至正十年庚寅春三月为可行作此为学竹之戲

与可畫竹不见竹东坡作诗忘此诗高丽老蚩冰雪冷戲写歲寒巖壑姿纷纷苍雪苍碧篠谿谿好风扶旧枝试听雷雨虚堂夜防地起作苍虬飞

梅花道人戲为可行作此竹谱时暮春三月憇于醉李春波之客舍因抽架头之纸随笔为此数竿虽出一时兴绪亦自有天趣可行防研池久矣笔力想亦健矣他时观此拙作亦可发笑而已以竹谱言之则吾岂敢

至正十年春三月杜鹃花发时梅花道人顿首可行以为何如

谢伯诚焦墨山水【下有高士红衣素裳立双松间】任阳谢伯诚畫法超轶得董北苑风致
今观瀑布图飘飘然有凌云气余为题诗其上云

银河忽如匏子决泻诸五老之峰前象疑天孙织素练素练脱轴垂青天便欲手借并州剪剪
取一幅玻璃烟相逢云君子有似捉月僊酒喉无奈夜渴甚骑鰐吸海枯桑田居然化作十万
丈玉虬倒挂清冷渊铁箴在快雪楼试叶茂实墨时奉熙春阁砚小凌

波也

云林双松图

松生樛栌间山出云雨外付与野亭人翛然静相对

璚

灊东双树出云林曾向维防畫里寻风雨满山秋梦醒一声鸣鶴在山陰 铁箴道人

曹霸能为松写真挥毫复不畫麒麟云晴相约空山去千歲蟠根有茯苓 曲江居士【钱氏思
复白文印】九峰只在泖云西松下来寻隱者栖隱者不归空见畫满山风雨夜猿啼
广陵居竹埜八【成氏元章】山云自多态虎魄邈难寻千载维防意悠然契我心

安雅

云林山水无纵横习气内景经之淡然无味天人粮殆于此发窍此图是已 其昌

赵仲穆沙苑牧马图【着色小横卷】

沙树歷歷沙草荒江上谁开刍牧場羣马所聚何劬攘饮防而俯嘶而昂訛踶浴滚逐且骧或
乳或卧或軋疮三纵五横不成行五花襍防驳而黄乌骝赤兔照夜白连钱桃花鬪文章牝兮
牡兮未可辨亦莫可识弩与良相肉相骨信已矣老夫两眼徒茫茫但爱各各无羈縻自纵自
得肥更光肥哉肥哉空老死未试何以知尔长我知马亦待驾御人马两得气始揚请看沟汗
流血浆争前欲 左贤王追风逐电一般走五十之中当有强

右马五十疋畫者各极其态余鑒为赵仲穆亲笔而题其上如此

成化歲在乙酉十月望沈周

仙驥凡殆从混同伊谁能使冀羣空拳奇独有青龙骨合作观风御史驄
甲子仲吕之月吳瑄题奉全卿宪副是月既望日

云林赠陈惟允山水

岷江陈秀士栖隱闔閭城覓句仍工畫看山不爱名棋枰消永日琴调寄閒情摩挲須髯美春苗紫过纓惟允契友读书工为诗歌而围棋鼓琴无不造其妙虽防名公卿間无意于仕进故云尔璚

云林双树筠石图

飞云楼上看飞雨铁骑驱空千里来此日使君一杯酒为解羈人万古哀故园荒芜尚松竹旅舍萧条惟草莱相知頼有陈博士诗 酒飘时往回至正十五年五月十七日雨中排闷访云浦判官为设茗防因写双树筠石并赋诗发主人翁陈博士袁隱陈掾郎一咲倪璚使君高卧北牕下徵士遠从南渚来相看此日足可乐已往古人何必哀政尔驩虞留笠泽底須服食慕蓬萊畫成筠石兼双树日暮方容倒载回

陈基和

云林山水

癸丑十月二十日云林生写

山遠初晴涌翠林深木叶藏莺日与渔樵为侶萧然

自适余生 王光大彝斋题

羣山重叠势嵯峨蓼防苹洲水不波落木萧疎风淅淅淵明归去盼庭柯 储思诚题

晴川漾漾树疎疎西郭門头宿雨余如此溪山着茅屋潘郎何必詫闲居 马怡

偶因淩硯写从容防染那能是畫工千载风流谁可拟令人猛忆米南宮 甬东顾盟

元镇雅宜山斋图

灵巖对植雅宜山穹林巨石临苍湾若翁遁迹在其 有子读书常闭關松根茯苓煮可握檐下慈乌去复回写图爱此锦步帳白云红杏春烂班至正乙巳五月廿三日勾吳倪璚畫雅宜山斋图赋诗以记歲月云云林古木竹石

橘 春夜雨翦烛坐萧条石上苔文湿堦前蕙草消池塘幽梦遠鄉国美人遥古树荒筠翳题诗不自聊

璚

老迂遗墨宛然在汨汨寒泉漠漠云满纸琅玕题瑞室含毫频媿续清芬 孟载题

老夫不向名山老却向何方毕此生白石巉巖秋叶里悠悠鼾睡梦魂清 絳霄宫崔 白

石邊古木伴幽壑三丈相看耐歲寒几度梦回明月夜凉陰移处下栖鸾 碧树山樵

古木踈篁倚石邊不随桃李鬪春妍平生留宜冰霜操别有幽期在暮年 青城山人王汝玉

王孟端墨竹【在宋经笺上横卷】

孟端写寄 永年佳友用问平安之意不知骨老近况何如也【此孟端书于卷首】虎丘松壁无恙否泉石间诸公登覽之乐能相忆不无有佳作邪

耦武孟家昆山曾到吴门相往来否可徵一诗写于上 旧歲十月仆自北京归闻孟敷已久逝良可嗟也迺嗣能继志尤为慰情烦询之示及【此三段孟端防书竹下有破砚生白文印】

鳳池退直写琅玕醉墨淋漓尚未干寄赠故人欣有意清风日报平安
中书舍人王孟端写竹寄永年良友嘱笔微拙作故为赋之云

义易偶桓识

龙香细细霜藤 写出潇湘碧玉枝倾耳风帘明月夜飞琼何处弄参差 偶桓又题

倪王合作【宋纸上濶幅】

独坐古松下萧条遗世心青山列屏障流水奏鸣琴安得忘机士与我息烦襟幽情寄豪楮
然闻足音歲辛丑四月五日东海鄒璚畫松石望山图并赋五言奉寄文伯友兄且以督屡约
屡失期云

苍崕积空翠怡我旷古心飞泉落深谷泠泠弦玉琴尘销羣翳豁松雪洒闲襟清謠天籁发如
聆句始音曩余为鄒东海寫此图后鄒自畫以转 他人今

归○博广文斋中又为略加 缀补其笔墨之未足者复和东海生韵题识畫端以正其事云

黄鹤山中樵者王

梅花道人山水【在绢素上】

奉为大无鍊师观静堂作墨戲四幅永为青山山中 诸不朽云至正五年乙酉歲冬十月梅花道人题

云林题觉轩手简【子昂手简录于后】

右赵荣禄与觉轩先生手简共六纸有以知交谊之深家世之旧也先生学行纯正为宋琅琊王字仲寶之后仕至兰溪州判官今获观于其孙光大之彝斋老成典型不可复见矣尚頼翰墨文章有以见其风流哉

至正廿年歲在庚子二月望日倪瓚谨题

桥西綠水斜春树隔烟霞隱处谁云浅千峰只一家
罨畫溪头喚渡铜官山下寻僧水树汀桥
曲曲风林云磴层层 右云林送王允刚归义兴

云林筠石春树图

芝寶丹房苔石青荒筠春树影纵横他时夜雨寻幽约
笋脯芹羞酒满罍
四月十七日写筠石春树并诗以赠 叔平道契云林子瓚

树影离离防草青汀云漠漠遠山横轻舟明月松陵路逢着僊人醉玉罍 袁华次韵

不见云林近十年石筠烟树转清妍相思每动琴亡叹重为题诗一 然 孙敏

王叔明聽雨樓图【诸名公题咏不能具錄共二十一人前有聽雨樓三大篆书款云玉雪坡下周伯温白文印叔明自题云】

至正廿五年四月廿七日黄鹤山人王叔明于卢生聽雨樓中畫生名恒字士恒时东海云林生同在此樓雨中市井迷烟雾樓底雨声无着处不知雨到耳根来还是耳根随雨去好将此语问风幡闻见何时得
鬚闲钟动鸡鸣雨还作依然布被拥春寒

樵人张雨为

卢山甫题至正八年二月十一日

荆蛮民倪瓚 河濶樓低雨如洗祇疑身宿孤蓬底
清晨倚檻看新晴依旧山光青满几
聽雨怜君隱市中我忧徭役苦为农田间那得风波险
朝朝愁雨又愁风

追和伯雨诗 东海倪瓚

虚牖蒙蒙含宿雾瀑流礮响来何处江潮近向枕邊鸣林风又送檐前去挾水随云自往还根尘不染性安闲多情一种娇儿女泪滴天明翠被寒至正廿五年歲在乙巳卢士恒携至綠绮轩见示輒走笔次韵贞居外史诗韵以寄意云陶蓬寄亭中人暨诸名胜当不默然也后十又八年四月九日瓚记【后防详见续集】

吳仲圭山水【在宋楮上长五尺许墨气淡荡石面嶙峋酷似子久得意笔】问渠那得清如许为有源头活水来

元统三年冬十月为德翁作梅花道人

钱舜举桃源图

始信桃源隔几秦后来无复问津人武陵不是花开晚流到人间却暮春 吴兴钱选舜举

千古仙源境界真桃花别有洞中春桑麻处处陰连野鸡犬家家住接隣不识衣冠诗礼晋但知狂 虎狼秦渔郎忽见惊相问共說还为避世人

豐城孙而安

子昂临智永千文

书法甚难有得于天资有得于学力天资高而学力到未有不精奥而神化者也赵松雪书笔既流利学亦渊深观其书得心应手防意成文楷法深得洛神赋而揽其标行书诣圣教序而入其室至于草书饱十七帖而变其形可谓书之兼学力天资精奥神化而不可及矣此种千文又非平日率意之书若以铁门限相并较之虽永师复作不能为之高下矣钦哉斯人钦哉斯人 虞集识

王孙书法有神机漫說笼鵞继者稀千载禪家铁门限何人入室更探奇 杨一清题

王叔明南村草堂图

南村草堂叔【明自题】黄鹤山樵王 为

九成高士畫【王叔明朱文印黄鹤隱居朱文】

南村陶九成所着辍耕录处也陶诗昔欲居南村非为卜其宅元末隱君子皆集焉此图所以志也

其昌题

子昂小楷陰符经

子昂小楷自是一絕此又其精到者可寶也式觀于姑蘇寓舍因書大德七年春二月廿有六日

小楷無拘狹之態此畫讚黃庭筆意惟子昂得之大德七年二月廿又七日通州錢重鼎觀于子順書室欣賞之余聊識卷末

陰符經一名黃帝天機之書曩見王右軍石刻陰符文與今文少異子昂蓋有所受故筆力精到不減右軍石刻其得宇宙在乎手之意歟南山從吾子黃仲圭書于三茅峰難老堂大德丁未十月廿有三日

方方壺蒼頡作字圖

史蒼發天秘遂致 夜哭剝落石鼓文後世誰能續

方壺

造書代結繩澆漓日已勝防藝慎無荒筆正由心正

迂齋

坐石裁新句胸中思藹然吟成縱揮寫防見掃雲烟

尚志生

寫罷蘭亭記猶吟曲水詩古今書翰絕惟有一羲之

破樵實

醉倚雲根鶴 翁吟情無限咏無窮江山多少興亡事盡在毫端 雪中 雪洞

林下清風洒鬚毛欲將雅興寄宣毫書成若遣人持去應使城中 價高 致曲

石間 筆撚吟須雄覽江山為發舒脫口欲令神 泣臨池清逼右軍書 困學生

柯丹丘石屏記

高昌正臣博古好雅其燕處之室凡可以供清玩者莫不畢具石屏其一也異哉茲石方廣僅

咫尺其文粲然有高深幽遠之思焉絕頂浑厚者如山如岳飞揚飄忽者如烟如云橫流奔激者如江如河斷者若防 者若潭或如林麓之翁鬱或如禽魚之遊戲使董北苑僧巨然復生其破墨用筆不是過矣古之人遇物之異者必書其冊若斯屏之異安得不為之書也因命之白江山曉思復書其背而刻之至順二年夏四月望奎章閣學士院鑒書博士文林郎柯九思記

此屏在云間宋雨庵雨花齋

王叔明讀書圖

黃鶴山人王 為

怡云上人寫

蛰龙翻空翠涛响玉虬吐雨秋波爽天风吹出读书声时有幽人自来往 钱唐王羽

静聴书声杂涧声一帘山色雨初晴萧萧翠竹生幽趣更有琴尊趣又清

竹本无趣人自得竹之趣犹渊明之得园趣耳畫者題者其亦得竹之趣乎文中藏之亦同得此趣者矣丁丑歲十月望日浚儀張弔識

我昔曾遊黃鶴山山人留我閉松關山中風雨經十日萬壑千巘空翠間別來浪迹遊湖海歲月茫茫不相待回首東南頻夢飛山空鶴去人何在畫里依稀記往年水光山色自依然尋遊尚有山中客揮手誰招鶴上仙竹陰深鎖秋 曙疑是山人吟嘯處人生行樂付東流萬事浮雲摠何許我欲山中訪舊遊酒船橫渡洞庭秋長歌黃鶴歸來曲盡洗胸中今古愁

王汝玉

礪底茅 六月寒清風繞榻翠檀栾此君別有何情趣卷幔令人不厭看 謝縉

云嶂參天列翠屏石泉飛雪洒岩扃竹聲琴趣清如許塵世誰能洗耳聽 義易偶桓

王孟端喬柯竹石【小幅】

鳴吉深愛雲林先生之畫常命仆擬之而从未得一日几間有此紙漫爾為之不覺風度洒然出人意表鳴吉見之得無以優旃為叔敖乎呵呵

永樂己丑立春日王孟端記

空山昨夜秋琪树芳华歇石上有丛篁常存歲寒节孟端为鸣吉写乔柯竹石索诗故赋如右
他日重防于寒烟古涧濱当抚掌大 也 汝玉

徐子仁书辞【在绢素上小挂幅】

晴岚低楚甸煥回鴈翼阵势起平沙骤惊春在眼借问何时委曲到山家涂香晕色盛粉飾争
作妍华千万丝陌头杨柳渐可藏鸦 堪羨清江东注畫舸西流指长安日下愁宴防风翻旗尾
潮濺乌纱今朝正对初 月傍水驿深舡蒹葭

右调寄渡江云 徐霖

张伯雨书辞【在纸上】

清露晨流新桐初引消受北牕凉晓经卷薰炉笔牀茶具长物凭他围绕老子无情年光有限
只似木人花鸟指凝云防朶奇峰曾见汉唐池沼 还自笑待学鰕鱼金题玉躐书里便容身了
阿对泉头布衣无恙占断雨苔风篠独鹤归迟西山缺处拉过乱鸦林表舞琴心三叠胎仙坐
到月高山小

右和虞道园叠苏武慢辞张雨

泉州两义士传【绢上 书 二义士孙惟善陈彦谦】至正二十五年秋八月蜀郡王彝生制
汝易袁华书泉南两义士异姓乃同心同心而同居利矣能防金不见横海虹梦见海畔路梦
随春雪舞廻风思逐奔湍向东注娄江之水沄沄其波方舟容与遄归以歌落叶不息飘揚无
踪大风云飞嗟彼防蓬人生乖离式与此同翩翩者鸿飞鸣相随睠彼憺人我心实悲兄弟戕
贼室家创痍背义竞利曾弗之思两士相讓以义谁其似之倪瓚壬子春

余行海上孙君止余其舍座上经生硕士连日夕谈說不少厌君长七尺余慷慨负气节家僮
力役百人君不急其事独聽余论议一食不舍去陈君好蓄古书史图籍能一一辯问其义理
隱微常抱卷若帙数十抵余烛屡见防尤亶亶无穷二君皆有母欲归省造大艘如长陵谓余
言将伺风海上南抵泉广且防閤婆高句骊诸国访异人采药仙人所居归以为母夫人壽又
岂止好义如传所云余方老且数奔走齐鲁燕赵肌肉销于马上欲从二君浮舟求邴寧者休
焉二君舍我哉

齐郡张绅

右泉州二义士 乃蜀郡王彝制文汝阳袁华 古事载甚详观其相约为兄弟谋出货财贾
海外国时俱以母在相让陟险盖亦恐其危身以累及其亲是亦可悲也及后更相去留厯诸
番国积十余年共财不私感动番国人凡见之不以名必呼为义士是更可尚也今俱以老母
在堂迎侍东吳太仓左右就养菽水之欢如一姓焉是以人士之乐善者莫不升堂拜其二母

愿从其二子遊而母子者方以周穷恤难为急不贤而能之乎是更不可不敬也且孙陈二士十余年间歷外国涉巨险而身安母健非有陰隲在天则报施善人其能若是之厚也夫

庐陵张昱述

赵承防双马图

飞腾自是真龙种健笔何年貌得来照室神光欲飞去秘图不敢向人开

延祐元年二月廿二日子昂

马文璧瀛海图

山头朱阁与云连山下长江浪接天若待桃花春水涨美人天上坐楼船 杨维桢

詹仲和墨竹

楼中写竹复题诗客邸春风二月时似假似真真又假古人惟有老坡知 四明詹仲和

湖州逸法共东坡友石于今不可过一段天机真假际詹公妙手即詹何 祝允明

淡墨淋漓粉节香清风仿佛见潇湘一般红杏沾恩泽别有浓陰盖草堂 文徵明

王元章墨竹

潇湘三君子是伊亲弟兄所期持大节莫负歲寒盟赤城陶君故家子也余寓西湖之东九成时来防谈论竟日退有不忍言者其仲季皆清爽真芝兰玉树不下晋之王谢家也遂题而归之己丑歲夏五月二十二日防稽王冕写【潇湘作潇洒是】

倪元镇山水【 亭图】

溪声防防流寒玉山色依依列翠屏地僻人闲车马寂疎林落日草 亭

至正庚子八月十又二日倪瓚畫并诗

春水弥漫好放船疎竹亭子尚岿然赤防干外山无数指顾苍烟白鸟还 徐霖

张伯雨行书【挂幅】

夕阳扶醉试登临防嵎峰头望不禁倦鸟欲憑高树没短松时遇晚风吟云开列岫争浮黛霞映平湖尽跃金归去主人情不浅重倾春酒细论心

右登新丰山作 勾曲外史张雨

赵文敏小楷高上大洞玉经【在宋楮上横卷】

大德九年十月八日吴兴赵孟頫书

右赵松雪小楷洞玉经后题云大德九年十月八日书按元成宗大德九年歲在乙巳公时年五十二歲先是公被召金书藏经许举能书者自随书毕所举廿余人皆受赐得官执政将留公入翰苑公力请归己亥改集贤直学士行江浙等处儒学提举正其时所书也但其体專宗元常与公平时书微有不同而用笔之精转折之妙则无毫 少异盖公于古人书法之佳者无不仿学如元魏常侍沈馥所书魏定鼎碑亦常效之谓其得钟法可爱则其于元常固惓惓矣至其晚年乃專法二王自右军黄庭子敬十三行之外不杂他人一笔所以深造自得为一代书学之祖也嘉禾子京项君以重价购得此卷持来求防遂为书此然予又尝见翰林孔目何君元朗所藏一卷乃金陵王南原旧物字小如 纸高五寸余精妙不可言今已归之天府不可得而见矣犹幸得见此卷而明 淨几时一展玩不惟尘眼为开而冲襟遐抱亦为之畅适古物日少子京其寶之

万歷三年四月十一日茂苑文嘉书于归来堂

管夫人悬嵯朱竹

网得珊瑚枝擲向笕筍谷明年锦棚儿春风生面目朱竹古无所本仲温在试院卷尾以朱笔扫之故

张伯雨有偶见一枝红石竹之句

桃花梦叟杨维桢题

亦是檀栾池上枝却緣殊色借胭脂清陰忽訝繁红借劲节难从染绛移结实定为朱鳳食騰空堪作赤龙骑多应血泪湘妃尽客赋梁园搃未知

遂昌山樵郑元祐

倪元镇竹树小山图

益公以道不见忽忽七改年辛亥七月余来自苕溪偶寓松陵之桐里双井院数日矣以道适

过慧日懺堂解后一见因写竹树小山并赋诗以寄意云

懒瓚

一笑相逢岂有期因懷西崦话移时李公堂里频曾宿陆子泉头旧有诗旅思凄凄非中酒人情落落似残棋云涛眼底三生梦鸥影秋汀又语离是日性源秋水二上人同集廿一日

以道因读余旧诗春日试笔一首今三十有余年矣并书畫上喜看新酒似鷺黄已有春风拂草堂三月江南初破柳扁舟晚下独鸣榔苔生不碍山人屐花发应怜野老墙世外寧辞千日醉未容人事恼年光

王孟端墨竹

翠影萧萧鳳羽齐兴狂犹复醉中题何当雪夜扁舟去载酒相寻造竹西

辛巳三月友石生王绂为竹西先生写并题

东风吹竹满前溪溪竹丛深路欲迷日日雨多泥滑滑不堪鸡鶡再三啼 云东姚绶

詹仲举调沁园春辞

儿汝来前吾与汝言汝知否乎自吾家种植诗书之外略无一毫薏苡明珠翰墨生涯蠶塩旦暮三世儒冠出此涂长安道看父兄叔伯几度齐驱如今侧足横舒看一领青衫似摘须这衫儿着了要须徐称莫教黄嘴暗里揶揄刺史家声拾遗直节要你心清似得渠心期处似献之忠孝更着工夫

叔祖留耕忠文公所作至正辛丑正月二十又二日侄孙畦拜手谨书

朱西村着色山水

松吹凉生锦箨冠鸟还云出坐中看勾谿数畝清泠水更着何人并钓竿
西村朱朴畫并题时年七十八【古田家白文印村翁朱文印】

书画题跋记卷九

书画题跋记卷十

<子部,艺术类,书画之属,书画题跋记

钦定四库全书

书画题跋记卷十

明 郁逢庆 撰

祝枝山草书月赋

九畴酒次铺宋经笺索书烂熳为此试庄氏笔甚佳然而旧牋有尽书学止此矣九畴谓何乙酉七月枝山居士六十六歲书

吾鄉前輩書家稱武功伯徐公次為太仆少卿李公李楷法師歐陽而徐公草書出于顛素枝山先生武功外孫太仆之婿也早歲楷筆精謹實師婦翁而草法奔放出于外大父蓋兼二父之美而自成一家者也李公嘗為余言祝婿書筆嚴整而少一態蓋不及見晚年之作耳而今人多收枝翁草聖乃不復知其早歲楷法之工昔人評張長史書驚蛇入草飛鳥出林而郎官壁記乃極嚴整世固無有能草書而不能正書者因觀九疇所藏枝山月賦為拈出之徵明題祝京兆書法當時無輩而或者評其不出正鋒蓋謂此老目視短不能懸筆運肘耳此卷藏毛氏不克見嘗見其刻本細驗于防畫間皆正鋒也丙寅冬獲觀手迹竊謂所鑒不謬因識其末

周天球題

希逸此賦真江左琳琅一時脍炙人口然不無穉語希哲生書法波靡時乃能用素師鐵手腕參以雙井逸趣超千載而上之尤可貴也余嘗謂希哲如王謝門中佳子弟雖偃蹇縱逸而不使人憎跳蕩健鬪如祭將軍而有雅歌投壺風味識者以為知言此卷為故毛光祿書光祿嘗刻之石歿而其家質以供何顗考兩日費今年春與張中丞肖甫閱之時陸叔平在坐曰此贗本也真迹在故毛光祿所余笑謂叔平曰子知光祿之有此賦而不知此賦之不为光祿有也邪叔平悟乃諦視之而咲嗟乎人閱物物亦能閱人聊以寓吾一時目而已萬歷癸酉秋日王世貞題

沈石田有竹居卷【详见续集】

風逆客舟緩日行三里余遙知有竹處便是隱君居詩中大痴畫酒後老顛書人生行樂爾世事其何如余與廷美同訪后南親家于有竹別業而舟逆溪風而上外至西乃達主人愛客甚盡出所有圖史與觀而賦此識歲月云成化三年長至日天全公有貞書放筯盤無肉生孫地

有余平安虽土著心性爱郊居玉戛才成句鸾骞自入书不为官可敬摩诘岂能如

秦嶺书

东老清风劲西畴绿水余过桥还有叶因竹便移居君子歌淇澳畸人断鹦书雅宜徐孺笔交谊极拳如

温州郡君文林

系舟高柳下又是十年余遥踏无媒径重寻有竹居笔精知米畫器古鉴商书前辈诗题在风流邈不如 余访启南一宿有竹别业今复过之不觉十五

年矣偶见阁老徐先生之作为次其韵以写嘅叹是日启南命其子维时出商乙父尊并李营丘董北苑畫为玩故及之歲戊戌二月十八日吴寬书

住无一舍遠交近廿年余华竹循牆种楼台逐水居辋川高士畫山谷老人书况有天仙句深慚百不如

言里钱仁夫

武功伯徐公始归吴时首为沈氏落笔志墓自后与白石父子遂为忘形之交故其翰墨留于有竹居者多也此卷中诸诗皆武功同时一班人物亦有稍后者虽不能尽出于吴中然遠亦不在嘉湖之外也闻之前輩惟洪武间有此一盛至今时始复见也

南濠杨循吉题

文太史關中积雪图

古之高人逸士往往喜弄笔作山水以自娱然多写雪景者盖欲假此以寄其歲寒明洁之意耳若王摩诘之雪谿图郭忠恕之雪霁江行李成之万山飞雪李唐之雪山楼阁阎次平之寒嶺积雪赵承防之袁安卧雪黄大痴之九峰雪霁王叔明之劒阁图皆著名今昔脍炙人口余皆幸及见之每欲效仿自歉不能下笔曩于戊子冬同履吉寓于楞伽僧舍值飞雪几尺四顾千峰失翠万木僵仆乃与履吉索素縑乘兴濡毫为图演作關山积雪一时不能就绪嗣后携归或作或辍五易寒暑而成但用笔拙劣虽不能追踪古人之万一然寄情明洁之意当不自減也因识歲月以归之

嘉靖壬辰冬十月望日衡山文徵明

唐伯虎柳陰双雁图【唐寅二字款

朱文唐伯虎】杨柳青青湖水傍双飞燕子意何忙巢成吹尽满天雪不见闺人一下堂

右题此畫貽东华女定之收覽

成化戊戌暮春希翁书

【道南亭朱文印将石亭印朱文】

此吾契丈钱希翁先生寄其季女归华君汝平者也于是季簪年七十有一计其初归盖五十余年于今矣而片纸犹在奁几间内德之成于是乎在间以付其孙夏装束成卷谓予翁知友也请言识之翁文词追古人而行谊过今人遠甚今逝也久矣谁欤起之共道畴昔之故也哉感叹之余于是乎书

嘉靖丙戌正月上日二泉山人前摄白鹿洞主寶在微醉亭书【国寶 大宗伯 前摄白鹿朱文章白文 洞主朱文】

王雅宜荷花荡诗卷

荷花荡里采莲归九龙头暮靄微轻身倚楫下前浦花气人香逐浪飞

青山如屏碧水回万朵 莖参差开歌船舞棹垂杨畔十里繁华锦绣堆

藕枝如玉翠莲房白白溪鱼紫苳香落日舵楼 玉笋掌中牙列万山苍

荡里人家齐卖莲十五女儿工数钱柴门一片花如绮野老风高树底眠

吴王城中十万家赤日 空蒸紫霞山人防 弄秋水自押鷺羣兼看花

蒋福山 頼玉如水盘削出锦筵舒持杯却忆东陵子昨日王侯今荷锄

昨与之兄谈荷花荡之胜未识遂赋六絕句呈覽或可当卧遊耳 王宠

沈启南题畫

畫在大痴境中诗在大痴境外恰好二百年来翻身出世作怪

石田沙弥説此偈于山风溪月楼中汀柳渚蒲一一防首曰功德无量

祝枝山书辞

灯火三更把弄筹风沙万里覓封侯蚕儿作茧生难罢蛾子亲灯死却休身外苦梦中愁浑无些子为吾谋世间富贵真何物赚得英雄白了头

右调鹧鸪天

南阜小亭台薄有山花取次开寄与多情熊少府晴也须来雨也须来随意可啣杯莫惜春衣生绿苔若待明朝风雨后人在天涯春在天涯

右调一翦梅

石田古松

地气厚培千歲物雨防深溜十围身夜来忽被月移去纸上山中认不真

石田题畫

鹄突谿山鹄突云乾坤双眼坐难分近来世界浑如此莫把聪明持赠君 沈周

衡山题畫

松陰寂寂清于水草色茸茸软似茵六月城居如坐甌水邊輸与纳 人 徵明

平生最爱云林子能写江南雨后山我亦雨中聊防染隔江山色有无间 徵明

石田富春大岭图

酒散灯残梦富贵墨防依约寄嶙峋山光落眼浑如雾莫怪芙蓉看不真

徵明灯下强予临大痴翁富春大岭图老眼昏花执笔茫然以诗自诵不工尔八十翁沈周丙寅

石田有竹居小幅

小桥溪路有新泥半日无人到水西残酒欲醒茶未熟一帘春雨竹鸡啼
此余有竹居即景诗也畫亦曩歲笔非自不知少嫩盖为天泉强之而留其踪观者无深咲焉

隱侯何处覓家在水云边鹤瘦原非病人闲即是仙诗题牕外竹茶煮石根泉老我惟踈放新图擬巨然成化庚寅夏六月五日过启南有竹居为作山水

小幅复赋是诗于上后四日宿庆云精舍天泉出后南畫索题遂以前诗塞其白间观者幸恕予懒完庵刘廷美书

文休承仿米氏云山卷

米氏云山余所见者大姚村图是石田临本海岳庵图是先待诏所藏后归之陈道复道复亦归之石田潇湘图是孙鸣岐物后在中书舍人王子贞家苕溪春晓乃王吏部西室尊公欸鹤所藏陈氏又有在大姚村妹家绢本小横幅皆真迹最后见杭人一卷则青绿纸本尤为精絕其余所见虽多要亦不能出此上矣己巳秋余来苕溪所居日与道場山对所谓西塞山碧浪湖及松雪之水晶宫无日不接于目况以冷员防职居此真足以荡涤胸中尘土万歷丙子六月偶用米法写此聊自遣兴而已不足以追踪其万一也

茂苑文嘉在耆英堂书

米南宫真迹所见不过二三卷往从西吴闵氏见者大率与文休承所临本相类吳文定有题语尝记诵其诗云云山烟树搃模糊此是南宫鹞突图自笑顶门无慧眼临 墨迹淡如无苔上人藏画絕少惟此人共知寶余得一目甚幸甚幸休承是作不特墨气之佳而八十老人用笔精妙可方驾南宫即友仁出亦当退舍也六止生周天球题

陆包山蛱蝶花

蛱蝶枝头逢蛱蝶相防应此花身金屏合舞俱迷酒锦拍吹香總近人

石田五柳图

花开烂熳属秋风满地黄金醉眼中千古陶潜晋徵士乾坤独在此篱东

治甲寅秋九月望集 匏庵东庄作此沈周

枝山题米南宫云山

防阳松沈未曾干十里潇湘五尺寬樵径不禁苔露滑渔簑常 水云寒澄澄僧眼连天碧淡淡蛾眉隔雾看恐为醉翁当日寫平山堂上雨中观

枝山题畫

吟诗寫畫似叅禅不向他人被里眠生公堂前防头石天平山上白云泉

秋浸巨区天地寒老崕垂脚怒龙蟠仙人夜半骑龙去木客潜窥古灶丹

云母薄梳青石 水花肥防碧荷钱树根一坐空山老不许时人问歳年

寒光交逗眼苍然半夜人间别有天想得非仙亦非 四山风雨拥孤眠

石田题畫

醉墨淋漓兴未防满堂烟霭坐来寒道人托梅花胜仙骨全偷董巨丹

成化辛丑春日为 杨学士摹吳仲圭竹巖新霁图并题

文太史防袁安卧雪图

赵松雪为袁通甫作卧雪图老屋疎林意象萧然自谓颇尽其能事而龚子敬题其后乃以不畫芭蕉为欠事余为袁君与之临此遂于牆角着败蕉似有生意又益以崇山峻岭苍松茂林庶以见孤高防俗之蕴故不嫌于赘也壬辰六月廿日徵明识

王元美题唐六如花阵六奇【调玉烛新】

吳宫新宴起唤两队娇羞粉营红垒阿平轻掉苏家舌旋把灵犀叅试兵符半纸偷送得君王春睡云梦杳小网流苏淮陰霎时拈系 荥阳断送重瞳更七日平城總亏佳丽貂围翠绕单于梦还殢汉家罗绮丹青妙理描寫尽六番陰计云台后须与封侯温柔国里扫愁将军都督华陰以西诸军事领长乐少府醉乡侯食糟丘五百户天 居士书

唐子畏堂上双白头图

海棠枝上白头公头暎花枝转觉红恰似老夫高兴在醉欹纱防领春风 唐寅

唐子畏草阁图

五月江深草阁寒苏门唐寅寫贈

次明吳君

唐子弄造化发语 欲泣遊戲山水图草树元气湿多能我亦忌造物还复惜顾子敛光怪以俟歳月积

沈周

子且不试艺西狩回麟泣密云而无雨槁物何由湿空山来者稀白日成叹惜唐君非畫师英

華发于积

吕防次韵

子畏焦墨畫江干石壁作二松虬结根梢不可辨奇怪之笔自然动人松下一茅亭有幽人凭栏清坐子畏题署在石壁下

陆叔平瀾

池上交花镜里妆韵华辉映彩鸳央风前湛露蒙蒙湿溅入□毛锦浪香 山陆治

唐子畏题畫

红树青山飞乱云白茅檐底带斜曛此中大有逍遥处难说与君畫与君

百尺杉松贴地青布衣衲衲 星星空山寂寞人声絕狼虎中间读道经

白板黄扉隐者居家常聊办一餐鱼平桥落叶迷行径时有邻翁来借书

高泉落礮玉淙淙怪石蟠旋似卧龙诗卷满肩芝满地吾能此处着吾踪

陆叔平海棠

翠羽朱钿虢国妆晚来新沬露华香何如马上东风面蹴鞠归来帝子旁 包山陆治

东风吹堕胭脂泪散作妖花一树丹可奈五更清梦断杜防声歇雨 寒 陈履端

锦城二月翦春霞斜倚东风酒力賒舞罢昭阳人不见新妆轻蹕碧蝉纱 顾闻

石田竹石古梅【絹上着色】

老夫笔枯春不生特寫梅花借春色草堂一夜珠作宫莫谓穷儒徒四壁桃花杏花尽可防千人万人迷紫陌看梅何独两衰翁不作秣华在观德江南晴昊雪万林江北曾无半梢白携图便可似北人抱玉遑遑要渠识

沈周畫并题

石田恼日长短句

日既去日复来是谁约去是谁推一来一去彼此自禅续无与我与何故使我心惊猜似乎少年有根是汝防老丑无种是汝栽百年所筭三万六千日自我而数指作枚我今行年已七十厯日二万五千枚所该百而去七太大半又复使我心惊默虽欲不惊默猛见霜丝雪 垂两腮何况人生不满百疾乌防免又如此而相催我思天地灵长之气十二万九千六百年后运穷劫尽荡而为灰吾人亦谓参三才胡乃其气短索不得相追陪準天地而言人眇尘海之一埃慨歲月之玩人同古今之一雷我无长防系日住亦无长戈挥日 亦不知学仙能久视亦不知托佛能轮迴而今而后去之日付一杯来之日付一杯不忧罄其瓶耻其罍春暖秋山遶水隈访黄菊寻白梅秋月自与吾庐净春云自与我怀开昼遊之地吾蓬萊夕息之处吾夜防以殤视我我老大以彭视吾吾婴孩信壽夭吾何以外请享此现在不乐胡为哉

治乙丑夏五月石田道人沈周识

董 宰防泉州阁帖

淳化官帖宋时已如星鳳今海内止传一本是周草 家物在项庶常所时往索观咨嗟叹赏以为神物下真迹一等此耳阁帖之支甚多世亦无复存惟泉州较祖本稍瘦而摹镌特为萧洒有生气买王得羊不失所望谓是耶吾闻项本初在华东沙史明古家华得其九史得其一文待诏为之和防两家各称好事连城不憾延剑终乖其难致如此第得泉本日夕临池助以笔意亦是快事岂其食鱼必河之魴

董其昌观回题

石田自题畫册二帧

白日偏于静处长轩 虚净觉风凉两人清话当何事水志山经细较量

平头艇子镜中过 脚萧骚影细波碧水丹丘尽堪饱惠州强饭笑东坡 沈周

谢时臣山水

明嘉靖廿六载丁未吳門六十老人谢时臣遠遊荆楚登太和次大别梯黄鹤楼涉匡庐下杨子江舟中推蓬取兴敢与谿山寫真积成长卷计三幅遥寄嘉禾少溪草堂少溪赏识名家此笔得所归矣

董 宰水墨山水

王弇州谓倪元镇设色山水止二幅余见吳門老僧亦有其一与予鄉宋光祿所藏当有第三本皆细谨有笔墨聊一仿之世所传皆寂寥取韵类杜权耳

丙辰秋董 宰寫

宰自題畫

舟中攜趙伯駒春陰圖趙文敏溪山清隱圖王叔明青弁圖倪雲林春霽圖南渚圖黃子久二幅馬扶鳳凰山圖共十幅皆奇絕回作小景記之戊午七月廿五日望

三塔灣 宰

宰防鼎帖

今年春正在吳閶得王百谷所藏宋榻絳帖頃攜以自隨疑為澧州帖觀其每數十行輒有武陵二字又疑為鼎帖及入常武署中繙閱第一卷以宋太宗為弁跋曰太宗皇帝御筆在絳州摹為諸帖之首后欸名曰鼎州提舉曰沅辰判事常武為鼎州而武陵其附城邑也乃定為鼎帖特為絳州二字所誤而世人只知有絳帖遂誤名為絳州帖耳絳帖鼎帖星鳳樓羣玉堂黔江澧州淳熙秘閣續帖世皆無傳至有對面不識者余乏具眼猶知床頭捉刀為真魏武耶志此俟它日語百谷了一公案也

乙巳六月七日舟次城陵磯時從常州校士還武昌書自荊州至巴陵連宵雷風震蕩澎湃若有龍欲挾舟而去者今有甫意定遂親筆墨

米元暉作瀟湘白雲圖自題云夜雨初霽曉雲欲出其狀若此此卷余從項晦伯購之携以自隨至洞庭湖舟次斜陽蓬底一望空濶長天雲物怪怪奇奇一幅米家墨戲也自此每將暮輒卷看覺所將米卷為剩物矣湘江上奇雲大似郭河陽雪山其平展沙脚與墨沈淋漓乃似米家父子耳古人謂郭熙畫石如雲不虛也

董其昌

宰題項子京花草冊

寫生至宣和殿畫院諸名手始具眾妙蓋由徽廟自能工此種畫法能品題甲乙耳元時惟錢舜舉一家猶傳古法吳中雖有國能多成逸品墨林子醞釀甚富兼以巧思閑情獨饒宋意此諸冊如入山陰道應接不暇也

董其昌題

石田竹書【挂幅】

少年漫見中秋月視與常時不分別老來珍重不易觀要把深杯戀佳节老人能得防中秋信

是流光不可留古今换人不换月旧月新人风马牛后生茫茫不知此年年见月年年喜老夫有眼见还同感慨满懷聊复耳今宵十四已烂然七客賔争天下先庭空衣薄怯露气深檐稳坐仍清圆东风轧云轻浪作暮把太清渣滓却浮云虽欲忌吾人酒政有律无哗賔逋歌李白问月句自觉白发欺青春青春白髮固不及且卷酒杯连月吸舒庵与我六十人更问中秋賒四十

沈周

唐子畏枕上闻鸡鸣诗

三通鼓角四通鸡曙色升高月色低时序秋冬又春夏舟车南北更东西镜中次第人顔老世上参差事不齐若向其间寻穩便一壶独酒一餐羹

唐寅

文休承归隱诗

归来三经未全荒拂拭重开旧草堂
几净揩平似镜砚池新浴灿生光
客来亲戚情多悅老去诗篇意未忘
莫道归迟迟亦好犹胜终老殢他乡

茂苑文嘉

文衡山听玉图

虚斋坐深寂凉声送清美杂佩摇天风孤琴寫流水寻声自何来苍竿在庭起冷然如有应声耳相语唯竹声良已佳吾耳亦清矣谁云声在竹要识听由己人清比修竹竹瘦比君子声入心自通一物聊彼此傍人澠求声已在无声里不然吾自吾竹亦自竹耳虽日与竹居终然藐千里请看太始奇岂入箏琶耳

里中契家生文徵明为

貳郡程丈畫并诗

祝京兆杂书

顔真卿黄庭经楷而不小褚遂良西升经小而不楷一君欲静二臣欲平三佐四使以次短小此小法也一血二骨三肉四筋五员六直七平八方九结搆十变十者脩谓之楷书

乐毅论象端人正士不得意黄庭经象飞天仙人洛神赋象 波神女方 賛和易逍遥寫其

性情曹娥碑花蘂漂流于骇浪若防女捐躯耳

书聚骨扇如今舞女在瓦砾堆上作伎飞鸞玉环亦减态矣呵呵

石田虞山三桧图

昭明台下芒鞋 虞仲祠前石路迴老去登临夸健在旧遊山水喜重来雨干草爰相将发春
浅梅嫌瑟缩开传取梁朝桧神去袖中疑道有风雷

虞山至道观有所谓七星桧者相传为梁时物也今仅存其三余则后人补植者而三株中又有
雷电风擘尤为诡异真奇观也

成化甲辰人日沈周

陆包山烹茶图

茗外寄幽赏琴中饶濮音一音洒毛骨万象开灵襟蚓窍战水火月团破璆琳余音与遗味优
矣澹 心草緑江南兴已催月团今复试新裁知君再着春山履虎阜冈头带雨来

嘉靖壬子友人携琴 访试雨前茶作此后二十三年早春复与同试陆羽泉重题乃万厯乙
亥三月三日也而余阅八丙七辰矣书此以纪歲月陆治识

宰题北苑秋山行旅图

北苑畫米南宫时止见五本予家所藏凡七本以为观止矣都门又见夏口待渡卷吳閨泊舟
又见此本皆世

之罕物 其昌重题

衡山题山谷伏波祠诗

右黄文节公书刘賓客伏波祠诗雄伟絶伦真得折钗屋漏之妙公尝自言绍圣甲戌黄龙山
中忽得草书三昧又云自喜中年字书稍进此诗建中靖国元年五月乙亥荆南沙尾书于时
公年五十有七正晚年得意书且题其后云持到淮南示余故旧何如元祐中黄鲁直书也按
公自评元祐中书云往时王定国尝道余书不工余未尝心服由今日观之定国之言诚为不
谬盖用笔不知禽纵故字中无笔耳字中有笔如禪家句中有眼非深解宗趣岂易言哉此书
岂所谓字中有笔者邪公元符三年自贬所放还建中靖国元年四月抵荆南崇宁元年始赴
太平凡留荆南十阅月尝有解免恩命状云到荆州即苦癰疽发于背脇毒痛二十余日今方
稍溃而此帖云新病 不可多作劳正发奏时也嘉靖十年辛卯冬腊月三日徵明书

石田题扇

莫怪先生酷好泉老依泉住结泉縁书多染得泉成墨愧我无生石作田

余初为明之畫扇回咏墨泉而作己巳五月廿六日沈周

味亚中泠此涧泉墨花浮动结清縁年来沃得毛锥润耕破江南处处田 钱承德

诗脾清沁一 泉早与青山结静縁书法擬看添纸价不须多买灋东田 莫息

来防山中第二泉暂时一借洗尘縁何如君与泉隣住引取余波入研田 邵寶

春到龙山处处泉茗煎墨洗總随縁谁将分取东川 小润湖南万顷田 钱仁夫

石田牧牛图

朝牧牛暮牧牛朝朝暮暮牛放牧骑牛吃草抱牛睡牛若度水我亦泅牛东信东西信西我弗强牛牛自知不劳不饥肥且长背肉秋来平如掌逢春耕田牛得力大凡要用先须养家中大哥气力无一春筑城夏作渠交秋又防征匈奴我为大哥鼓龙胡

长洲沈周

文太史防兰亭【详见续集】

世传兰亭刻石惟定武本为妙然古今议者不一故有聚讼之说桑世昌兰亭考十卷最为详博然不若姜白石所着简明可诵谓真迹隱临本行世临本少石本行世石本杂定武本行世然但言其所出耳未尝及其真贋也惟齐东野语载白石所书偏傍者谓持此可以观天下之兰亭矣所论凡十有五处余生平阅兰亭不下百本其合于此者盖少今从华中甫观此乃五字鑱损本非但刻搨之工而纸墨亦异以白石偏傍校之往往相合诚近时所少也其后防者七人而邓文肃善之柯奎章敬仲皆极口称之二公书家者流而柯尤号博雅其言如此余又何容赘一辞哉

嘉靖九年庚寅八月二日文徵明识

王百谷题宋徽宗畫水图

宋徽庙长于绘畫圣艺天纵余尝见其所作花鸟无虑数十而山水则仅见溪山雪霁图在故太傅朱公家叹其妙絶此卷畫水全在平波无一笔溅瀑而汪漭漾瀚有咫尺之势信乎卓特不羣奇之又奇者哉溪山卷有米南宫长歌此图亦南宫防二卷可当太白残月皆生平快靚

者也卷首有奎章后有天歷二印盖元文宗好古置奎章阁以虞集为学士柯九思为博士鉴定书畫一时所藏号称武库此卷出自尚方无疑天历者文宗所纪年也【作千里二字补前只尺下】

万历癸未秋仲十又一日太原王穉登敬书

书畫题防记卷十

书画题跋记卷十一

钦定四库全书

书画题跋记卷十一

明 郁逢庆 撰

沈石田竹鹤卷

道人种竹复养鹤鹤可看家竹防坛度海借骑仙骥子题诗客洗旧琅玕风前扫叶碧云乱月下闻声白露寒终日闲縁锁不尽堕毛为服箬为冠

沈周寄题竹鹤以为他日相见资

石田调南乡子辞

天地一痴仙写画题诗不换钱画债诗通忙到老堪怜白作人情白结縁无兴最今年浪泊茅堂水漫天笔砚只宜收拾起休言但説移家上钓船

右寄 南村张处士沈周

文衡山吉祥庵图【着色单条上楷书题云】

徵明舍西有吉祥庵往歲尝与亡友刘協中访僧权鹤峰过之協中赋诗云城里幽栖古寺闲相依半日便思还汗衣未了奔驰债便是逢僧怕问山徵明和云殿堂深寂竹床闲坐恋松陰忘却还水竹悠然有遐想防心何必是空山越数年过之则協中已亡因读旧题追思其韵尘踪俗状强追闲慚愧空门数往还不见故人遗迹在黄梅雨暗郭西山时 治十四年辛酉也祇今正德庚辰又二十年矣庵既燬于火而权师化去亦复数年追感昔遊不觉怆失因再叠前韵当日空门对燕闲伤心今送夕阳还劫余谁悟邢和璞老去徒悲庾子山他日偶与協中之子釋孙谈及因写此诗并追图其事付釋孙藏为里中故实云时十六年辛巳二月八日也文徵明识

石田耻斋图

雨里荆溪叠叠山湿云藏翠有无间归来老眼模糊在水墨还消白日闲

耻斋久不防暑中尋过僧寓清论竟日而返因出纸作此景系诗以识之成化癸巳夏沈周

衡山水墨写意【十二段在纸上横卷】

北风入空山古木翠蛟舞何处天球鸣寒泉洒飞雨

题古松流泉

空庭竹树翠交加春雨垂垂湿更斜睡起雨收朝日上萧然凉影印空沙 仿梅花道人墨竹

古桧折风霜苍虬落寒翠何必用明堂自得空山趣

题古桧

约户秋声夜未降一天清梦乐湘江酒醒何处覓环佩斜月离离印纸 题竹簾

鸠一声来鹊一声鸠能唤雨鹊呼晴天公见此难分辨晴不成时落不成
题枯木竹石上集鸠鹊春日莺啼修竹里仙家犬吠白云间

题竹石卧犬

外宜男花本是忘忧草钗头谁倒簪钱唐苏小小

题萱草

罗不扰泽原寛丰草茸茸足自踰只恐山中藏不得防须防穎利人间 题芦粟免

惟余寂寞篱根菊斜日西风映脸黄

题菊

翠竹淡摇金芳兰破紫玉两两结同心因之爱幽独

题兰竹

莫信陈王爱洛神 波那得更生尘水香露影空青处留得当年解佩人 题水仙

踈影横斜水清浅暗香浮动月黄昏

题古梅

嘉靖辛卯春三月偕子重履吉 竹堂僧舍时新雨初霁清风袭人性空上人聯此纸索余墨戲漫图一二种遂携而归更旬始就老年迟顿聊用遣兴若以为不工则非老人计也徵明

衡山居竹图【卷首陈白阳篆书居竹二字在宋楮上次衡山浅色山水竹石在绢素上】珍重闲情在竹间幽居深 碧琅竿清风自解驱尘土高节还堪托歲寒门掩夕阳容竟造诗成春雨倩谁刊已知胸次清虚甚莫作寻常肉食防

徵明

次五岳山人黄省曾居竹赋【文多不载】

兰泽蔽宿草椒丘无余芳睠兹君子室懿彼多脩篁雨叶偃翡翠风梢亚琳琅幽人感歲暮托迹同雪霜曾谓白驹至载脂鸣鳳翔神卢粉萧散遐心信徜徉寤言契斯乐永矢不可防

安阳杜璠

幽居清閤翠成文尽日焚香对此君昼永疎风轻嫋嫋夜寒凉月白纷纷 吳下王谷祥

猗猗綠竹秩秩华棖翠文洞防秀翳堦墀白日潜照清风时披澹然幽独君子之居

葆生文伯仁

种竹随清况幽居遠俗氛谁知豹闥客能爱鳳园云晓迳浮青月秋 映綠瀆王猷千載兴萧洒出人羣

秦余山人岳岱

右居竹卷皆吳中一时闻人为海寧王君作者王君不详为何人观其绢素精好交无襍賓亦可尚已不知何緣流落 京师震川先生得之先生雅好种竹而亦姓王亦可以为奇矣偶攜过弊寓曰叹物之得其所归而卷中诸人震川所交防半时一展玩殆若为震川而设者题此以寄歲月蓋自戊子至今已三十九年又不胜存没之感于诸公也

嘉靖丙寅秋七月三桥文彭书

万曆庚辰四月晦日观于耆英堂之东偏展玩数四不能去手卷中诸名士惟徐君犹在而先兄亦仙遊八年矣回题于后以识感云

茂苑文嘉书

石田牧犊单条

綠陰深处伴牛眠笛弄斜阳芳草间多少利途奔走客何如及得尔依闲 长洲沈周

刺水新秧雨一犁柳陰山影綠参差长安回首风尘恶输与江东牧犊儿 王穉登

力尽东菑雨半犁夕阳归早步迟迟无人叩角行歌去宛似桃林放牧时 周天球

田家歲计在锄犁茅屋高眠唐子西牛背笛声归短径已知山月印前溪 张鳳翼

文衡山桐陰图

漠漠疎桐洒面凉濺濺寒玉漱廻塘马蹄不到清陰寂始觉空山白石长

孔周经时不见日想高胜居然在懷回寫碧溪高士图并小诗寄意

石田九日无菊歌

今日九月九无菊且饮酒明年九月九有菊亦饮酒有花还问酒有无有酒不论花无有好花难开好时節好酒难逢好亲友一杯两杯长在手六印何消金握斗三杯五杯不 万事莫谈瓶且守瓶云罄矣我即休载欲谋之已无有天应松我身独在天不全人花乃后迟之明日兴还存紫□青袍得开否倘防烂熳即重阳借酒东墙恼隣叟

治甲寅秋九月望日沈周

文衡山防钟元常季直表

右钟元常荐山阳太守關内侯季直表宣和书谱及米史黄论与他名家品目皆不见纪载惟张士行法书纂要嘗一及之且与戎路力命尚书宣示并称但戎路诸帖咸有石刻传世而此帖不传刻本殆不可晓而陆行直郑元祐袁仲长在元世皆博学名能书家其题语珍重如此必有所据先友李公应祜又嘗亲为余言其妙谓虽积笔成塚不能仿佛其一波拂也公书法妙一世其言如此余又安能置喙其间哉但诸公题语皆称焦季直余验焦字寔候字之误蓋侯字上有關内字寔關内侯也至后但称直而不言季蓋季姓直名关内侯其爵也若以为焦姓则上關内字似无所属以为地名不应荐人而直举其郡望且当时亦无所谓關内郡者故余定为侯字无疑而华氏入石直标为荐季直表云徵明识

文衡山防右军袁生帖真迹

右袁生帖曾入宣和御府即书谱所载者淳化阁帖弟九卷亦载此帖是人曾入太宗秘府而

黄长睿阁帖考尝致疑于此然阁本较此防有不同不知当时临摸失真或淳化所收别是一本皆不可知而此帖五玺烂然其后覃纸及内府图书之印皆宣和装池故物而金书标籤又出裕陵御笔当是真迹无疑此帖旧藏呉兴严震直家震直洪武中仕为工部尚书家多法书名畫后皆散失吾友沈经时购得之尝以示余今复观于华中甫氏中甫尝以入石矣顾此真迹无前人题识俾余防其本末如此

嘉靖九年腊月三日文徵明识

衡山题菊石扇头

陆薇轩以所藏石翁葵花扇头示徵明使题其上徵明失之懊恨不能自己乃作菊石报之顾徵明乌足以承翁之乏哉虽然优孟之为孙叔敖人皆知其非也而楚王信之在薇轩亦取其抵掌谈语而已

徵明

徐武功遊灵岩山辞【绢上行书】

佳丽地是吾乡看西山更比东山好有罨畫楼防金碧巘扉彷彿十洲三岛却也有风流安石清真逸少向西施洞口望湖亭畔对云影天光上下相涵相照似寶镜里翠娥妆晓且登临且谈笑眼前事几多堪吊香径踪消屨廊声杳麋鹿还防未了也莫 呉越兴亡为他烦恼是非颠倒古与今一般难料叹宦海风波几人归早得在家中老遇酒美花新歌清舞妙尽开懷抱又何须较短量长此生心应自有天知道醉呼童更进余杯便 得三更乘月廻仙棹

秋日遊 岩山调寄水龙吟天全生徐有贞

沈石田着色山水

连峰何窈窕浚谷深且幽中有高识士乐兹逍遥遊长勤事竹素抱志徯其时【叶】芙蓉制重襟约以 瑚钩攀芳古桂林翔声借南州鳳鸟不可狎乃在昆仑丘矫首望光尘遐鄙即无由信思聊致言墨墨慚谬悠

惟谦呉君才茂德优为东昆名流也相别良多歲月懷思不能置聊以拙畫鄙言通其知也

癸巳沈周

文衡山防宋搨黄庭经

宋诸名贤论黄庭众矣然但辨其非换鵞物卒未尝定为何人书虽米南宫亦第云并无唐人

气格而已至黄长睿秘书始以逸少卒于升平五年后三年为兴宁二年黄庭始出不应逸少先已书之意宋齐人书然不可考矣予按陶隐居与梁武帝启已有逸少名迹黄庭劝进等语隐居去晋为近当时已悞有此目则此书虽非逸少笔其为晋宋间名人书无疑而赵魏公以为杨许旧迹岂别有所见乎唐石刻数种并佳传流近代转亦失真无足观者此本纸墨刻搨皆近古有宣和绍兴印章想曾藏秘府且陶学士防语甚详字比诸刻瘦劲涪翁所谓徐浩模本为是都 敬不知何緣得之以遗从父庆云今转以付予亦楷法中第一等帖自可寶也癸卯上巳日徵明记

徵明

石田送歲歌

打渔鼓唱道情说生说死说功名唱道情打渔鼓說神说仙說今古仙家自有山中乐凡家自有世间苦年头年尾忧不休今夜又当年尾头唱要高鼓要急主劝賓酌忘拜揖蜡花烁烁白壁光酒波濯濯青袍湿客莫言辞主须醉多情送年恐不及年送去还复来渔鼓声中白髮催白髮不可变莫于掌中杯鼓碎逢杯络绎不知东方之既白旧年已尽客亦散门前又接新年客新年别唱贺新郎送旧迎新渔鼓忙

八十一翁沈周

姚丹子墨竹

姚丹子爱寫竹砚池吸尽人间綠石屏秀色亦可掬消闲有书不肯读自谓胸中饱淇澳

公綬

倪雲林山水自題江南春辭

汀洲夜雨生芦笋日出瞳眈帘幙静惊禽蹴破杏花烟陌上东风吹鬢影远江摇曙劍光冷辘轳水 青苔井落花飞燕触衣巾沈香火微紫綠尘 春风颠春雨急清泪 江水湿落花辞枝悔何及 桐哀鸣乱朱碧嗟我何为去鄉邑相如家徒四壁立柳花入水化綠萍风波浩荡心怔营

唐伯虎和

梅子随花菱孕笋江南山郭朝辉静残春鞦韆试东郊綠池横浸红桥影古人行处青苔冷館娃宫鎖西施井低头照井脱纱巾惊防白髮已如尘 人命促光陰急泪防渍酒青衫湿少年已去追不及仰防鸟没天凝碧铸鼎铭钟封爵邑功名讓与英雄立浮生聚散似浮萍何须日夜苦蝇营

文徵仲和

象床凝寒照簾笋碧恍兰温瑶 静东风和梦晓无踪起来自覓惊鸿影彤帘霏霏宿余冷日出莺花春万井莫怪啼痕栖素巾玉容暗作梁间尘 春日迟春波急晓鸟啼春香露湿青华一去不再及飞丝萦空眼花碧楼前柳色迷城邑柳外东风马嘶立水中荇带牵柔萍人生多情亦多营

王雅宜和

江南三月鬪櫻笋落红满地帘栊静綠杨深鎖五陵門黃鸝声破秋迁影罗衣不奈东风冷轡轳梦断琉璃井当年歌舞纏红巾花月委地随香尘 春来迟春去急天涯草为王孙湿昔人遊处今不及今人遊处山仍碧近时陇墓昔城邑丰碑短碣斜阳立霸图销尽等浮萍 宫野殿僧自营

王禄之和

轻雷动地惊抽笋修篁过雨琅玕静淡云初散日华明珠箔 珑上花影柳风吹面不知冷冉冉韶光融万井油壁香车时自巾防轮碾破芳原尘 鸟求友声声急燕飞低掠芹泥湿命侶追欢如不及兰渚衡臯眼中碧吳宫已沼空城邑石湖晴峦映波立楼船载酒冲翠萍仙遊汗漫心无营

陆师道和

憑高晏防夸櫻笋翠幙围春蕙风静红牙镂板对花歌妙伎明妆艷花影玉盃浮光蔗浆冷雀钗珠履列井井摘花引酒整衫巾阳春一曲飞梁尘 羽音迟商调急罗袖圓凝唾花湿宛转莺喉字相及随珥遗钿 珠碧綠雾红烟隔城邑披云疑在蓬莱立回看江漠转防萍云胡不乐徒营营

黄姬水和

园林二月抽新笋微飈散雨郊原静柳条处处变鸣禽帘幙差池防燕影館娃宫灰青草冷桃花半覆吳王井陌上遊人落醉巾寶馬香车逐綺尘 开花迟谢花急晓起看花薄罗湿踏青拾翠如不及回头日坠山凝碧愚者惜费长邑邑贤达又媿修名立那知人世若飘萍胡乃不乐徒忙营

彭孔加和

惊雷昨夜抽新笋霏防宿雾空山静笙歌合鬪采茶隣青旗红旆林间影美人罗衣触朝冷尝新争汲西施井防龙擘破拭芳巾灵芽吹香嫩麴尘 春来迟春去急风雨番番畏花湿牡丹顏

色谁相及朱栏油幙围轻碧王孙不归心鬱邑女伴差随弄花立春江万里一飘萍防梁事楚将何营

许高阳和

雨前试茗春前笋嫩绿池塘鎖深静寶 烟飘别院香烂熳桃花散波影罗衣不奈东风冷懷人香如瓶随井天涯一望泪满巾谁怜京洛多淄尘 春事多春期急九峰烟雨青如湿平原校猎时将及五茸城头芳草碧华亭本是江南邑机云才名千古立英贤已去耿飘萍满目韶光何所营

袁永之和

吳姬当垆織玉笋蜂衙喧罢青帘静风流人去锦防枯越来溪上旌旗影响屨廊空春月冷娟娟只照西施井霸图萧索泪沾巾至今士女踏芳尘西湖水渺湖防急春衫常带酒痕湿追欢买笑将无及月落汀洲烟水碧休教防蟠鬢于邑可怜华表孤鹤立嗟哉浮华浪涌萍胡不学仙甘世营

周公瑕和

春雨催花暗长笋午日阶除风马静银蒜无端空押帘春心遠托归鸿影薄罗衫窄幽 冷火试茶新石井薔薇花刺曾红巾闌草寻芳浣韞尘 鸟歌忙蝶板急吳山笼烟青雾湿行乐行乐须时及夫差故国望中碧泰伯虞仲经营邑躊躇搔首风前立已见杨花化作萍古人今人空营营

陆叔平和

暖日融沙圻菱笋和风淡荡晨光静鸳鸯制羽醉芳洲摇乱春魂蹴花影館娃人遠金钗冷翠纈陰沉落防井飞英扑面蒙衣巾疑是当年香烬尘 锦防迟箫鼓急夹岸青山蒙雾湿十里横塘归未及飞轮忽堕霞天碧繁灯闕酒趋花邑当垆翠袖迎人立红鲜入市 綠萍金壶漏转犹营营

象床凝香郁兰笋阿阁逶迤綠牕静佳人梦转抱余眠檐外朝曦徐度影填城綠盖朱宫冷扑地红烟花万井谁家游冶紫纶巾寶马青丝起陌尘 传花迟促羽急酒酣淹泪青衫湿新劝未终悲已及油油芳草紫怀碧长洲尽是吳都邑帝子行宫随处立星移物换成飘萍幙燕巢居还自营

文壽承和

節序相催将进笋青春白昼帘珑静廻塘鸥鹭浴相喧照水鸳鸯娇弄影蕩子未归春服冷佳

人自汲山前井谁家青鸟啣红巾银鞍玉勒随香尘 春色好春光急朝烟未散山犹湿山行应接不暇及山下湖光静凝碧三月遊船尽倾邑向人语燕檣头立防 网花落池萍流年一去谁能营

文休承和

三月江南荐樱笋防防鵞 廻塘静蛛丝萦空细落花云母屏寒浸娇影 外沉沉春雾冷綠萝欲覆花间井泥金小扇障纱巾畫桥紫陌踏芳尘 花开迟水流急江鸭对眠莎草湿吳姬如花不及摘花笑暎溪流碧杨柳烟笼万家邑柳下王孙为谁立幽渚泥香生綠萍闲看梁燕垒经营

张伯起和

石湖水防青芦笋白云鎖溪巖扉静一声娇出防金梭细织柔条入牕影吐花不怯苔茵冷桐树陰轻覆丹井小楼病酒朝不巾日高昏帐萦香尘 东风频轻防急夹岸茅檐燕泥湿往事悠悠已无及连天细浪伤心碧江山怅望生凄邑乱红惊眼凭栏立江南春事如转萍生年不乐何营营

钱磬室和

九陌莺花接樱笋千门柳色春风静金閨楼阁倚云高半卷珠帘露娇影美人晓妆怯花冷浇花自汲 前井綠油翠幕歸车巾相邀南陌踏香尘 花信催风雨急林花过雨红泥湿石湖防鵞飞相及倒浸峰陰碎轻碧游人处处如城邑騷褭嘶风骄并立骀荡晴光转綠萍狂蠡戲蜚胡营营

云林江南春辞并畫藏袁武选家近来畫家盛传其笔意而和其辞者日广予不敏亦效顰为之自耻不知分量览者弗以珠玉在前愈觉其秽耳丙辰三月翔钱谷识

石田金山图【调蝶恋花】

谁道金焦亦称两朵芙蓉浸在玻璃镜头白老翁寻此胜过江先尽金山兴
隔水焦山防小凭寄语西风浚日来当定白鹤如期叅我乘一声独泪江声静
右春日登金山望焦山有作沈周

崇禎七年九月三日王越石持方朔賛洛神赋二帖来赏玩之余又出镇江唐氏所藏白定鼎鑪细阅乃天下名物因见其底上有李西涯公篆书铭云夏鼎九象殷周稟焉小大萬物用知神奸孰是愈籤兒玉里埏防龙饕餮也序旃载其馨享庚永日宣

东易识【底之下有曲水二字】

文衡山千巘竞秀图

尺素俄经已数年秀巘流壑始依然感君意趣犹如昔顾我聪明不及前万壑潺湲知水竞千巘青翠为山妍诗中真境何容尽聊毕当年未了缘

千巘竞秀万壑争流乃余为子而作也子传与余相友善每有所往必方舟相与乘间出此绢索余图数笔兴防则止如是者凡十有三年始克告成因系之以诗

嘉靖己酉八月长洲文徵明制

石田秋溪晚照图

野树萧疎及暮秋西风色作故飕飕林凋一段清间地不见倪迂空白头沈周

晴光射散雨冥冥露出芙蓉四面屏流水小桥人不见晚风吹断蛰龙腥完庵刘珏题

文壽承兰竹卷

偶培兰蕙两三栽日燠风微次第开坐人不知香在室推时有蝶飞来

西斋半日雨浪浪雨过新梢出短墙壁上不飞人迹断碧陰添得晓凉

余性喜兰竹每见古人所作輒欲效之然不能得其彷彿暇日偶想像寫此数幅米老所谓若见真迹慚惶杀人者也时庆壬申三月廿又七日在燕山寓舍戲作书于后三桥文彭

陈白阳仿米氏云山【纸上横卷】

庚子春日余间居湖上雪野钱君自吳城来持素楮索云山卷时春容滃鬱烟云变幻触目成畫遂为作此颇谓适意然不知观者肯进我得窥米家堂奥否一笑

道复复甫志

尺素中作长山大江畫家所难我吳中惟沈石田先生得此奇訣他未能及偶阅此卷乃白阳得意之笔谿山云壑将数十尺连亘似万里观者不觉有遠心使石田复起未必不展卷啧啧也寶之

吳門陈鏐题

陈白阳作畫天趣多而境界少或残山剩水或遠岫疎林或云容雨态防染标致脱去尘俗而

自出畦径盖得意忘象者也此作长卷乃独穷尽山川之状重叠变幻实而复虚断而复续烟云吞吐草木蔽亏景有尽而意无穷也又非若平日所作而已若此卷岂可多得哉观者当自识之

西室王谷祥题

昔米南宫女嫁吳中大□村某氏故敷文每过吳必往视妹尝作云山卷留其家越四百年而先达中丞陈公大姚人也乃于京得之甚以为奇西涯匏庵石田俱有题咏白阳先生即中丞之孙幻而笃好日就临搨领其真趣逸思故所作多烟峦云树约略防染而已独此卷连楮寻丈脩极畫家诸法有江贯道江山千里之势岂非高人 古既无所不见而亦何所

不学也 旧吳彭年题

渺渺平芜隔迢迢遠淑 林光云外出山色雨中开贺老鉴湖曲王丞辋水隈风流今已矣遺墨使人哀

白門散吏袁尊尼

陈白阳先君门人也其家藏不惟有大姚村图又有海岳庵图所以得二米筆法为多尝为余作匹纸长卷又尝于灯下以纸醺墨作云山此何异张旭以髮作书哉偶阅此卷因题于后

庆戊辰六月廿三日文彭

雪野乃余友钱君子仪亦颇能畫其请白阳寫畫盖欲以为视式耳故白阳为之防笔与平时所作大异今又得诸公题语极其称许则与残山剩水似有如无之笔大不同矣

万歷丁丑立冬日茂苑文嘉书

白阳此卷专摹荆浩洪谷子洪谷子筆法倪元镇王叔明特窥三昧余未能梦见也不见荆浩畫不知白阳此卷来歷若以南宫大姚村海岳庵许之此老尚未心服或云前防自负米家者何也余曰正是此探竿影草耳所谓真人前不得说梦

华亭陈继儒题

董 宰题曹云西畫册

曹云西山水师冯覲亦似郭河阳吾郡浚溪人胜国之末名为多田翁倪黄诸名士时为下榻以书畫相赏防

宰

吳匏庵茶歌【行书挂幅】

汤翁爱茶如爱酒不数三升并五斗先春堂开无长物只将茶灶连茶柏堂前无事常煮茶终日茶杯不离口当筵侍立惟茶童入门来谒唯茶友爱茶有诗学卢仝烹茶有赋拟黄九茶经续编不借人茶谱补遗将脱手平生种茶不办租山下茶园知防畝世人向茶鄉遊此中亦有无何有

匏庵吳寬书

唐子畏巖居高士图

云树含晴日烟岚阁晚风高人将木履送目大江东

晋昌唐寅为昌符畫

唐诗襟服汉时冠日用于人只一般惟我识公心未老满胸才思蛰龙蟠 友弟祝允明 题

襟履深林下悠然乐事多细风披夏葛斜日阁烟萝野篠醒残酒山禽和短調还愁济时出谢迹此巖阿

元吉

溪亭面虚旷乃在山之阳俯瞰玉淙淙仰视巖苍苍幽人抱奇僻卜筑临此方愜我清絕想谢彼驰驱場爰有同心人杖防来浮梁相寻无俗论幽事与商量子畏旷古风流超尘墨妙图绘传于人间真世寶

也适 叔昭攜示因题以归之丁未徵明

石田河豚大幅

有客来从海上村早朝新喜得河豚齐穿青箬一防玉侑我田家老瓦盆

仲基正月下浣自海上来经寒山出鲀鱼二尾虽城中巨家贵防尚未食新盖重仲基情之旧物之早以余旦暮人且不能多次食也诗畫其荅之

沈周

石田山水小幅

酒盞詩聯不厭頻梅花已報滿城春疎燈一夜山雨却寫鄉心與故人 沈周

天涯偏感物華新燈下閑吟意轉親風雨滿城春寂寂不知誰是畫中人 匏庵吳寬題

書畫題防記卷十一

书画题跋记卷十二

钦定四库全书

书画题跋记卷十二

明 郁逢庆 撰

王安道华山图【四十幅】

图未满意时欲重为之而精神为病所夺欲弗为之而笔力 前遽甚二者战之胸中久不决弟立道谓此古今奇事不宜阻力激之由是就卧起中强其所不能者稍运数笔昏 并至即闭目敛神卧以养之少焉复起运数笔昏 同之又即卧养如是者日数次劳且瘁不可言防半年幸完呜呼意于是乎满矣然傅色将半忽精神烦弊甚欲毕焉而掖与推举不足用思满城风雨近重阳一句尚可寄人况此乎遂罢弟立道儿子绪皆酷好画惜不暇习吾心思目力已竭于此矣再可强邪回授焉以慰其所酷好既授矣珍之亦可忽之亦可私之亦可公之亦可为观物思人之具亦可视为手泽使后子孙相与慎惜亦可贻诸好事亦可吾不能效平泉子为身后计也

畸叟

陆叔平临王安道华山图【四十幅】

余既为武侯防王安道华山图意欲乞钱叔寶手摹而未果逾月陆叔平来访难其老侍之至暮口不忍言摹画事也陆丈手其册不置曰此老遂能接宋人不至作胜国弱腕第少生耳顾欣然谓余为子留数日存其大都当更为防丹青理也陆丈画品与安道同故特相契合画成当彼此以意甲乙耳不必规规骊黄之迹也吾友人俞仲蔚周公瑕莫云卿辈特妙小楷吾悉取安道叙记及古近体诗托仲蔚唐人杂记并诗托云卿李于鳞一记六诗乔庄简一纪一赋托公瑕都元敬一纪托程孟孺别书一册附于后此册成安道有灵不免作卫夫人泣矣甲戌夏日琅琊王世贞题

王西室梅花

风引上春香雪弄南枝色为有惜花心楼中莫吹笛

谷祥

遥闻黯淡香近见依防色月下一清吟风前有长笛

彭年

暗里漫闻香雪中本无色陇头音信稀祇有隣家笛

五峰文伯仁

一枝天下春万古江南色满地玉 隣家起 笛

袁防

爱此歲寒香不染秣芳色开落应有时无妨畫楼笛

文彭

风传玉国香雪弄摇台色还愁一片飞关山起孤笛

文嘉

黯淡一枝香晶莹满枝色素质倩谁隣芳心寄长笛

顾闻

艷夺巫山女芳倾洛水神逍遥霜月畔俨对断肠人

许初

照水扶疎影临风惨淡神月明茅屋下谁慙傍幽人

陆师道

江南一枝雪旖旎春风前莫遗金尊歇愁闻玉笛传

陆安道

梦转罗浮月二更夜寒风力损花神不禁 笛隣家起吹落庭前几片春 陆治

一雪垂垂合冻云疎枝繁蕊玉增神可怜五月江城笛吹散香魂其奈春 周天球

名花万朵玉丛丛秀发春心夜月融水浅沙明歌舞歇不知人在水晶宫 毛锡畴

自谁翦玉粘枝白尽有清香入坐幽若使西湖贫处士临波对月總悠悠 质山黄姬水
竹篱巴外野梅香带雪分来入醉乡纸帐独眠春自在漫劳车马笑人忙 陈淳
爱看璧月挂梢头几向花前作醉遊无奈翠禽啼得苦不容清梦到罗浮 毛锡嘏
寒夜烹茶扫雪余空斋人静意何如最怜疎影横斜处灯火微明纸帐虚 朱朗
香满疎帘月满庭风檐鸣铁砚池冰夜寒人静臯禽语却忆罗浮雪后登 钱谷
孤山月透疎疎影庾岭风飘冉冉香开处能催何逊赋飞来还防壽阳妆 袁尊尼
院落沉沉夜色微月华偏与净妆宜难明綠树枝头雪且续梅花梦里诗 周用
高斋雪霁净无埃万玉 珑带月开疎影只宜何逊赋清芬疑是洛神来 文肇祉
杜甫诗成东阁林逋梦绕西湖雪冷霜浓香重须知

铁干冰肤 文彭重题

石田花卉册

老我招邀即墨侯生生都是手中求无人领取东风意白髮先生笑下楼
老矣东风白髮翁怕拈粉白与胭红洛阳三月春消息在我浓烟淡墨中 牡丹
三千年后实成时玛瑙高悬碧玉枝王母素无容物量却疑方朔是偷儿 桃子
谁铸黄金三百丸弹胎微湿露溥溥从今抵鹄何消玉更有 浆沁齿寒 枇把
张骞带得西来种中秘千玲及万玲一个臭 藏不尽又从身外覆精神 石榴
江上秋风花及时抱霜浥露见新枝东家桃李无言语却悔先荣不逮迟 芙蓉
秋满篱根始见花却从冷淡遇繁华西风门径寒香在除却陶家到我家 菊花
犀甲 寒碧叶重玉杯擎处露华浓何当借壽长生酒只恐茶仙未 容 山茶
秋棚昨夜黑风呼 泪潏潏泣不枯明日担夫晓街上一筐新味卖明珠 葡萄

治戊午秋日长洲沈周

陈白阳花卉册

粉态 香露未干冰肌犹却晓宫寒沉香亭北人如玉一笑东风半倚防 白牡丹
簇树朱花鬪晓妆满庭龙麝一时香佳人睡起浑无事折得繁英叠防 玫瑰
长门秋晓露凄凄防袖轻翻旧赐衣自笑不如桃与李春风吹向上林飞 秋葵
茉莉开时香满枝钿花狼藉玉参差茗杯初歇炉 烬此味黄昏我独知 茉莉
朝曦山阁顿忘寒锦树重重覆曲防惟有梅花似相识暗香撩我隔 看 梅花
幽柔密意诗中见萧瑟畫图犹自防谁道别来知己少云房水殿總生寒 水仙
江村三月花如锦流水一溪春可怜若见渔郎倘相问囊中自古有神仙 桃花
露湿轻纨波不摇珠房云冷细香飘也知巧作红妆好只恐红消倍寂寥 荷花
露下芳苞拆紫英夜深香霭近人清援琴欲鼓不成调一片楚江空月明 幽兰
紫房自拆应多子安得当年燕祝辞今日辞成为君赠更期玉树长新枝 榴花
叶裊青鸞舞佩长花间鹄嘴綴微黄小庭树此宜男秀歲歲悠然在北堂 萱草
花开不是辛夷种自得凝香饶紫苞昨夜月明庭下防恍疑罗袖拂琼瑶 木笔
薰风庭院杂英开 满蕉陰径满苔燕寝凝香自终日叩门那有俗人来 秋色
小 秋色满庭阶寂寞无营自煮茶赖有短墙芳草积不教蝴蝶过隣家 秋色

陈淳畫并题

沈恒吉山水

此老粗疎一钓徒服也非儒状也非儒年来只为酒糊涂朝也村酤暮也村酤
胸中文墨半毫无名也何图利也何图烟波染就白髭须出也江湖处也江湖【调一剪梅】

时雨方霁寤寐北牕展玩古法名笔聊为作此赠诚庵老友一笑恒吉

一竿风月一簑烟雨家傍钓台西住卖鱼生怕近城门况肯到红尘深处
潮生解防潮平鼓枻潮落放歌归去时人错认严光自是无名渔父【调鹊桥仙】

八十三翁沈贞吉题于有竹居

陈白阳着色花卉册

玉面婵娟小檀心馥郁多盈盈仙骨在端欲去 波

水仙

堂背宜男草花间叶复柔应须好培植见说解防忧

萱草

红粉天然色香毵簇寶丛唐宫歌舞处遗恨满东风

牡丹

春风一夜狂吹雪满琼树山禽偶来栖殊有噤寒意

梨花

朱房明汉時翠佩委湘川触目琳琅盛春风得瑞偏

幽兰

深院春已归名花迟独辉清香凝紫玉何必数蔷薇

玫瑰

东风吹琪树幻出水雪姿虚庭落清影夜半月明诗

白毡

三月韶光好桃花发满蹊武陵千万树何不放人题

桃花

秣香折麝脐细蘂秀鹤顶东风故飘荡熏人醉不醒

瑞香

薝卜花开日园林香雾浓要从花里去雨后自扶筇

梔子

波面出仙妆可望不可即熏风入座来置我凝香域

荷花

蜡蒂团頰玉文英簇絳绡秋来结佳果珍味不须调

石榴

纷披多碧叶秋至乱抽苗细蘂垂垂处春棠未足娇

秋棠

秋令气云肃桂子正流芳金碧烂煌处遂饶万斛香

桂花

秋霜下篱落佳色散花枝载咏南山篇幽懷不自持

篱菊

梅花当盛日犹自勒春寒几树霏香雪偏宜竹外防

梅花

庚子中秋白阳山人陈道复书于五湖田舍之碧云轩石田赠卢宗尹畫

今晨感我生襁褓迨衰老歲月倏来往七十何草草譬初同此日天下生不少如论七十年汗漫并莫考善恶与昏智贵贱及壽夭各各不可齐得活便是好但耻老丑人多为后生藐我女自爱我劝我饭加饱旧友自爱我把酒颂且祷我生已万幸际兹世有道拙废固无用农圃亦

可保杯酌虽寡嗜些少慰懷抱偃息间行遊随意弄花鸟乐哉天地间偷生亦为巧宗尹卢君知余生辰携酒见祝酒后漫书以识亲知一日良晤复为图系书之以荅宗尹宗尹且入鑿垣相见不易以此作念云 治戊午前十一月二十一日沈周

文五峰仿黄子从云山

山青云白水拖蓝綠树黄茆小结庵只少红桃霞一片令人对景忆江南 五峰文伯仁

嘉靖丙寅春日友人金白屿出素纸索畫于席上草草戲笔观之者勿笑耳

伯仁再言

陆包山菊花

晚歲事老农闲来兼学圃不读邵平书新 陶令谱

包山子陆治作

唐子畏李后主图

莲花冠子道人衣日侍君王宴紫微花柳不知人已去年年鬪防与争绯

蜀后主每于宫中褰小巾命宫妓衣道衣冠莲花冠寻花柳以侍酣宴蜀之謡以溢耳矣而生石把注之竟至濫觴俾后熄摇头之 不无扼腕

吳郡唐寅畫并题

文衡山桃源图

偶然避世住深山不道移家遂不还却怪渔郎太多事又传图畫到人间 徵明

万树桃花春雨香武陵何处问渔郎湖山表里如图畫洞口烟霞天一方 陆治

咫尺畫桃源路更深神仙从此隔溪云笑他秦帝空求术谁信尘凡已自分 蔡羽

路入桃源深更深溪中流水洞中云岩居别有尧天在只许渔郎占席分 王守

桃花何事隔人羣一半青山一半云世上成蹊都浪说仙凡回首路头分 王宠

祝希哲宋版文选防

自士以经术梯名昭明之选与酱瓿翻久矣然或有以着必事乎此者也吳中数年来士以文竞兹编始贵余向蓄三五种亦皆旧刻钱秀才高本尤佳秀才既力文甚竞助以佳本尤当增翰不可涯尔丁巳祝允明笔门人张灵时侍笔砚

文选自隋唐以来莫不习之余昔遊南都求监本率多漏缺不可读偶阅书肆获部之半又非全书也其后赴试京师今少宰洞庭王公出其前帙见示俨然合璧因遂留而成之孔周何从得此精好倍余所藏好学之笃又有好书济其求宜有以庆赏

杨循吉

徐桢卿观 唐寅披翫

姚谷庵书卷

堂偏有地栽丛菊菊外无尘结小亭何处满篱秋烂烂此中清景月冥冥主人自对多青眼若个相过是白丁能屈王 送酒使谩劳陆羽煮茶经重阳定不嫌皆醉举世惟应笑独醒君已种来酌逸兴我将分去对頽龄从教五柳当门碧忽见南山向晚青须插满头成眷恋篱边开口重丁宁谷间饮水知甘味卷里题诗颂德馨朝拾落英和湛露夜吟蓬髻带疎星曾容翠竹陪孤主莫把春花叹易零三径宛存濒鴈荡一舟常许度鳬汀

云东逸史姚绶

王西室茉莉

一种名花当暑裁冰葩玉蘂亦奇哉枝头浥露朝朝摘帘外霏香夜夜开已爱芳英防云髻更怜余馥泛茶杯寒牕就日深藏防生怕东风料峭来

谷祥

浴起月到檻柔枝方可折薰风如有情吹帘散香雪

道复题

衡山小畫

亭下林陰扫不开庭前山色翠成堆日长自有读书趣何用纷纷车马来 徵明

雨歇风清一棹横防吟自爱晚潮平夕阳西下山千叠木落空江生遠情

此先待诏小笔仲子既为鉴定复书此诗甲戌七月文嘉识

陆包山玫瑰

翠羽成丛玉作花露杯香防紫流霞只愁一笑倾阳蔡况说相逢衛玠车 色山陆治作

暖风吹酒玉顏酡宛转轻柔压绣罗一笑嫣然真自擬太真扶醉欲如何 彭年

春尽沙河雪未迴一枝红玉意徘徊汉家已进榴花艷此种新从番使来 周天球

春腴红玉软香透紫茸温村美名应称终承雨露

恩 文彭

色与香同赋江乡种亦希邻家走儿女错认是蔷薇

文嘉

山玉簪花

问花玉是何年种追琢簪头搃是谁曾供瑶姬秋海晏斜 寶髻綠云垂本来皓魄齐钗燕祗
可香奩照月规云是洗头盆卸却乘风飞上碧霞枝

陆治识

昔本钗头玉今为枝上花只愁明月夜飞去复还家

彭年

展叶类衣罗含葩似簪玉佳人明月中悞将 砌竹

周天球

碧叶 陰约素英何如寶髻玉钗横当年化作防飞燕犹是钗儿示死情 文彭

砌下玉簪花清姿洁更幽何当晚妆罢斜防玉人头

文嘉

王禄之榴花

榴房折锦囊 瑚何齿齿试展畫图防憑将颂多子

谷祥

风落亭臯霜气凝累累秋实锦英呈琅玕百颗赤瑛绽多子还夸安石名 彭年

秋霜凋百卉锦颗有安榴还应兆多子积美生公侯

文彭

衡山白描老子像后楷书清净经【帑上横卷】

丁酉七月望日徵明绘像

病困无聊寫此奉赠北山炼师永充福济观常住一笑置之 徵明顿首

犹龙公道貌 言吾夫子以为不可测识者而徵仲先生以笔墨追之几得影响此不复当以
艺事目矣必防登流眉香一铢乃可开卷

壬戌十二月李日华敬题

复楷书老子

嘉靖戊戌六月十有九日为北山炼师补书此 于是余年六十有九矣欧阳公嘗言夏月防
案作书可以消暑忘劳然余挥汗执笔祇觉烦苦尔岂公自有所乐也是日午后防雨稍凉但
苦 暗故首尾浓纖不类不免观者之诮云徵明识

石田育庵图

坐深谁问夜何其数唤添衣且不辞情到老年难作别人非今日是相知月明高树鸦翻处风
静虚堂烛转时 把一樽酬笑语憑君防取髭如 周与

育庵先生年各向老每别必有诗纪之此纪庚子歲季冬望之夜语也偶与
育庵寫长卷漫书于左

唐子畏漫兴歌行二首

人生七十古来有处世谁能得长从光阴真是过隙驹绿鬓防看成白首积金到斗俱是闲
几人买断 门关不将歌舞送樽酒徒废铅汞烧金丹白日升天无此理自古有生还有死眼前
富贵一枰棋身后功名半展纸古称彭祖寿最多八百年后还如何请君听我歌且舞穷通寿
夭皆由他

人生七十古来少前除少年后除老中间光景不多时又有炎霜与烦恼过了中秋月不明过
了清明花不好花前月下得高歌急须满把金樽倒朝里官多做不尽世上钱多赚不了官大
钱多心转忧落得自家头白早春夏秋冬撚指间钟送黄昏鸡报晓请君细防眼前人一年一
度理芳草草 高低多少坟一年一半无人埽

唐寅

文衡山主文恪公燕集图【着色人物山水 书微明二字款】

冬日侍

柱国太原公东堂燕集奉纪小诗同集者济阳蔡羽九逵太原王守履约王宠履吉敬邀同赋
是岁正德庚辰白头萧散对芳罇谁识三朝旧相君趣卖金为賔客具有时席许野人分狄门
自昔称多士白傅平生取有文漫说江湖多乐事还从天际防浮云

坐列羣贤少长并何如逸少防兰亭一樽谈笑兼文字百代风流尚典刑残雪映筵梅粉瘦春
风绕筵菜 青周公醕借如醕耐恁得相防未易醒

学生文徵明

相公开绿墅题咏属诸生松下桀尊净城头云鸟晴碧桃封玉洞紫凤发秦京要识防龙味从
容酌大

门下生蔡羽

上相豊时豫西园清燕开日华浮曲盖云气动层台去鲤调神鼎黄流湛玉杯懽余歌既醉吹
照魄蒿莱又

稷卨韬霖雨丘园贡凤麟紫微开日月碧海动星辰宫锦盘龙瑞山 曳佩珍委裘天下计还
系典刑人

门下生王守堇书

鳳皇翔千仞覽德自委蛇哲人洞 象約已澹無為天倪亮有適好爵非所縻周公睠東洛防
廣辭皇師綏章曳靈羽命服交文螭赤舄乃几几肅穆君子儀我公在朱堂式燕臨前墀吹萬
天下澤樂育宮牆私既醉湛露泥有渰青雲披列廡華櫬下吐論光陸離傾心伫飢渴日入迺
忘疲

淮海惟 蕞區咸池靈氣哲人俱題輿八座玃衡轉端委三朝日月扶志決臯防勤袞職學
宗姬妣弼文謨石渠金馬從容地玉几馮虛聖眷殊

昭代文華七葉光天人羣防翼先皇河圖琬琰台階列大呂黃鐘闕廟 千古晶英躋斗宿萬
年禮樂盛明良橋山玉殿松楸拱元老儀刑肅典常

威鳳冥翔萬里毛青山閑曳白雲袍五湖下上天池迺一柱東南日觀高玉洞朝霞餐石乳璜
溪秋水防漁舫謝公不倦林泉賞無那蒼生屬望勞

天上縣車秉哲尊星移南斗竭龍門泰山不動羣峰拱滄海無倪萬壑奔台袞提携慙淬礪草
茅淪落悵乾坤重堂曲防旌旃倚澹蕩春風照酒樽

門下生王寵謹書

奉侍

柱國公山行

巖 冬陰濕翠 僊家修竹護村墟雲林晚暎宮羅蟒谿樹風鳴玉帶魚洞口青烟迎紫旆寺
門黃葉載香車衣冠未必真巢許北 明朝有鳳書

奉邀

防牡丹

子真谷口任逢迎無意元封宰相情江表從來擅佳麗海隅猶自樂升平霏霏巖雨青泥 欸
欸春雲紫旆輕韶舞已陳防稷暇洛陽原上看花行

門生蔡羽頓首錄

衡山林堂圖

雨中祿之過訪停雲共觀歐文忠画像及趙氏蘭玉卷防香設茗遂淹留竟日聊此紀事

戊寅子月七日徵明

岳漳余题郭少卿隐居图

大卿別墅清江濱廻溪古木生晴云客至琴尊自永日境幽坐卧皆 羣山堂寂寂奏风竹石林冉冉生兰薰秋来乘月理孤棹玉壶冰水懷夫君

漳余岳岱

吳匏庵題山水

霜染秋林叶未红白云如海画溟蒙山中鸡犬无尘到谷口渔樵有路通防履行踪防薜迳五灵 响松风浩歌招隱披图画自断冥飞缥缈鸿

匏庵吳寬

杜桎居自題画

纷纷画债未能偿日日挥毫不下堂郭外有山闲自在也应怜我为人忙 杜琮

陆叔平山水【着色小幅】

鹄鵠原上看行第防鹄齐飞复故人此去秦淮天正好桃花新水发初平

三峰先生与西塘舍弟皆以计偕有事金陵包山陆治于濠上送之赋以赠别并为图意

宋拓圣教序防

右军诸帖惟圣教序在行草间极有益学者近世文太史书法多出此世争购之无奈残缺失真而全瓦始出至不可辨此本鉴定宋搨无疑为唐君少夷家物具见

雅 王世贞

右军书兰亭为最然定武本不可复得其次莫如圣教序虽本辑集自唐迄今碑故在长安学无恙也余两至长安摩挲其下不能去虽断碑恶搨以为尚书典刑况此是宋元间搨本学者易得蹊径宜其为书家珍袭也第搨从则刻浅刻浅则画细学者又当求之言外

王世贞

右军书法近世取重者淳化阁本即二王帖十七帖不能殫蓋全在选刻之精存其迹也今谬传者伙而阁本絕少欲见右军真面目无如圣教序其集字模刻皆出一时国工视宋所彙集模刻高出数等此册尤其是旧本精絕之甚当作书家上上乘具法眼者展册得之

周天球

石田雨泛小景

江上浮云拨不开故人今雨却重来人生 合未容易起摘松花浸酒杯

治己未四月八日惟寅扶 顧我林屋余亦病起各不能事酒惟浅酌沾唇而已然谈谑之乐不减剧饮时也时有雨作雨泛小景识别云 沈周

姚云东诗二篇

春山屏风白云幃扁舟摇摇棹郎唱沧洲老树萦薜萝綠色更比前年多水禽不闻格格鸣茫茫芳草终日晴村庄路转苹花曲如此山川足此生君不见有朋有酒可防衍无雨无风兴非浅不防不衍且不醉虚度年光自憔悴

寻山资杖藜到处劳步履落手得扁舟前溪秋似洗长桥卧波如卧龙岭有篠树无深松数峰青出白云抄玉笛祗今吹曲终曲既终人不见紫毫束绢墨色光日日

画图长见面 姚綬

原跋

余生江南幸值太平之世遊诸名公家每每出法书名画燕闲清昼共相赏防因录其题咏积数十年遂成卷帙然间值客舟旅邸虽遇唐宋真迹或笔墨不便则付之云烟过眼而已未尝不往来于方寸也时崇禎七年自春徂冬集为十二卷乃记于后水西道人郁逢庆识

书画题跋记卷十二

续书画题跋记卷一

钦定四库全书

续书画题跋记卷一

明 郁逢庆 编

孝女曹娥碑【倪云林跋已刻在停云馆帖】

右军升平帖未变钟法于露字初笔可见逼真尅防此刻尤为分明当是佳本张绅识【土行云门】

右小字曹娥碑越州石氏所刻古雅纯质不失右军笔意余平生所阅不下数十本俱不及此张云门 元镇皆好古博雅之士其题语珍重如此可寶也元镇题为辛亥歲盖洪武四年在当时已不易得况今嘉靖壬子相去百八十一年又可多得邪太仓顾君出以相示湧识如此是歲冬十一月十日征明时年八十有三

刘宋陆探防姜后免冠图

右免冠进谏图周宣王姜后故实也宣王每晏设朝后一日免冠待罪于永巷王见而惊询其故后曰陛下每晏设朝臣妾恐在廷之臣疑陛下居于深宫荒于酒色怠为国政言议纷然必生不测设使天下闻之祸将萌焉皆臣妾之不德以致如斯王闻而悦曰此寡人之失非卿明言岂能知过王后鸡鸣而起昧爽而朝任贤使能听言纳谏乃为周室之明君斯图刘宋时呉人陆探防所作其法遒劲傅色清润人品端莊神气超越六法具备出乎天成盖世传探防乃画中之圣者也此卷希世之珍画入神品其故实诚有补于风教观之者使齐家治国咸有助焉驸马都尉公当以什袭珍藏使子孙永保珍贝珠玉不足贵也

元祐三年正月人日提举太平兴国宫赐紫金鱼袋王仲至防

谢康乐古诗帖

东明九芝盖北烛五云车飘飘入倒景出没上烟霞春泉下玉雷青鸟向金华汉帝看桃核齐侯问棘花【集作枣】应逐上元酒【集作上元应送酒】同来访蔡家

北阙临丹水【丹集作 】南宫生绛云【生集作坐】龙泥印玉简【集作防】大火链真文【大集作天】上元风雨防中天歌吹分灵驾千寻上空香万里闻【右二首见庾信集步虚词】

谢灵运王子晋赞

淑质非不丽难以之百年储宫非不贵岂若上登天王子爱清旷区中实器誼既见浮丘公【
既集作翼】与尔共纷繙【集作缤翻】

岩下一老公【集作翁】四五少年赞

衡山采药人路迷粮亦絕忽过巘下坐正见相对說一老四五少僊隱不可别其书非世教其人既贤哲【既作必】伯英妙迹永絕之后隋唐能书者论草圣惟言永禅师张长史而已今观此卷始知元气在天壤间代不乏人但艺有专兼流传有显晦耳岂谢公以佳诗雅韵掩其书名耶况宣和宸翰内外签题玉玺与轴干皆全谱中论评又备极推獎庆仰神物感惠难胜值而有之此生之幸防也不媿恶拙僭书卷末时至正庚午蕤賓节日前翰林国史院检阅官荣僧肇熏香敬题

右题中已极详备如此余又尝见宋嘉祐年不全拓墨本亦以为临川内史谢康乐所书妙入神品今幸获覩真迹殆不虚语笔势纵逸使人真有凌云之想书于五色笺上其笺大不盈尺上有五代以前印玺为庸人擦去可惜装背错序细寻绎之方能成章第前二篇见近世所刊六朝人诗庾信集味其词气颇不类谢公为可疑深媿浅陋不能考订以破数百年之惑而使妙迹不遇知音悲夫

墨林子项元汴

褚河南书儿寛赞

河南三龕孟法师二刻早年所书房公乔圣教序记长安同州本并晚年书此儿寛赞与房碑记序用笔同晚年书也容夷婉畅如得道之士世尘不能一毫婴之观之自鄙束于毫楮间耳诸王孙赵孟坚子固书

羣玉帖中帝京篇贗迹可笑盖枯且露矣河南晚年书虽瘦实腴孟坚又云

褚河南汉儿寛赞正书三百四十字中刮去字盖宋国讳也河南书岂待赞而显子固所谓容夷婉畅者殆得之矣

至顺四年闰三月二十四日柳贯识

子固以此赞与三龕孟法师碑用笔不同定为河南晚年书碑有歲月诚可信不疑然石刻视真迹自不无少异盖其转折精神处有非摹勒之巧所能尽也至正元年夏四月二十三日黄潛记

褚河南书清劲峻疑平生大节盖已见于笔墨之间古谓书类其人信哉豫章揭泐记

潜溪宋先生题褚河南书云登善初师虞世南晚入右军之室故唐之能正书者仅二十八人而登善居三四之间其温润似虞结体则法右军人徒见所书或与薛稷类者遂疑之不知先哲有兼人之才而作字初不拘一体张颠善草书至其小楷极端谨有法传其学者惟颜真卿得之观登善者宜以是求之此题识唐太宗哀册文也余尝见之此所书儿寛赞笔意正同赵子固柳道传先生黄文献公揭伯防防语皆真迹但柳先生以中刮去五字为宋国讳则又见宋以前文字亦讳此不知何也此书非深识者不達其妙又试以余书求之

翰林学士解缙书

褚河南工 楷尤为当时所重近世罕见真迹比有以枯树赋墨本示余殊不足以启人意见其伪无疑今观此书笔势翩翩神爽超越大胜家侄帖诸刻诚可为希世之玩也

永乐辛卯春正月庚寅庐陵胡广观毕拜手谨识褚遂良字登善善书与虞齐名世南尝荐之文皇世南死登善独擅大名当时御府所收右军真迹 者相半他人不能识登善輒能辩之至纖悉不爽后遇有所购必经登善审鑒为定及其自书乃独得右军防意评者谓其字里金生行间玉润变化开阖一本右军其诸帖中西升经是学黄庭度人经学洛神陰符学画像湖州独孤府君碑越州右军祠记同州鴈门两圣教序记是其自家之法世传兰亭褚本亦与率更不类盖亦多出自家机轴故也今观永新文学邓仲经甫所藏儿寛赞正与兰亭圣教记诸帖相似笔意婉美似瘠而腴似柔而刚至于三过三折之妙特加之意诚褚法也后有赵子固及柳道传黄晋卿揭伯防诸公防尾皆信而可征柳公谓中间刮去 字为宋国讳信然宋人以 为 是也【 宣祖讳】

永乐辛卯二月独山王偁观毕书于钟山书舍唐人寫字多用硬黄其次则用槌熟纸盖韩退之以为生纸録文为不敏是也乌丝防唐界黑而细宋人淡墨而理麓此唐界宋界之别惟作方眼格子为对待书则自唐始六朝以前无有也米元章尝病此盖

一时之宜云 偁又识

褚河南博雅通识工 楷初师虞永兴晚得右军笔法正书遒劲直班欧虞贞观中谏议大夫兼起居注文皇尝问曰朕有不善卿亦记耶对曰守道不如守官职在载笔君举必书其为人忠直贞亮可知矣观此书儿寛赞瑶台青 春林罗绮之喻不虚也而刚方正直之气溢于翰墨之间诚类其为人千载之下其流风余韵即此可想见矣山东宪使云间黄汝申出以见示不胜喜幸杜子美诗有云金钟大镛在东序冰壶玉衡悬清秋余于褚书亦云汝申其寶之正统四年正月丙戌豫章胡俨谨题

此卷旧藏故人邓宗经所宗经为庐陵永新潜山三县学官皆携以自随洪武壬午予获观于庐陵永乐丁亥又获观于永新是时学士解公赴桂林任予送至彼解公题此卷深欲效河南

笔意题毕自谓与平日所书回异从行有黄生学书于公熟识公字公戏以手掩其名召生试观问为谁书生错愕莫能辨因抚掌大噱后五年辛卯春宗经携至南京寓余官舍中翰林诸公俱来就望而检讨王公孟阳欣然许题其后且以就望为不尺借归观之往返数四一日大雨中学士胡公肩舆来索而卷适留孟阳所亟命院吏二人荷囊衫往取留其家二日所题字亦异平日书盖观此而有以启其新意也今少傅东里杨先生时在春坊以少暇未及观最后始与宗经携卷诣其私第值暮秉烛展玩良久防公冗弗果题识宗经常阙然于懷宣德乙巳予至潜山宗经袖此卷欲以遗予且曰君子不留意于物吾老矣付之得人则于此卷无负矣余辞以素不善书当求善书者付之庶几不负今年冬余至云间大 黄公汝申忽出此卷示余自言前此两月过安庆得之于秀才李生名善尝从宗经游岂宗经属以择人而授生生知黄公好古博雅而又长于法书故竟以归乎黄公然则李生亦可谓能知人宗经亦无负于此卷矣展玩之余俛仰今昔非但河南之墨迹足为寶玩而当时二三君子之余韵犹可想见因详着于卷尾

正统二年丁巳十一月晦庐陵周忱书于云间之三陆书院

王右军二谢帖

谢书云即以七日大斂冥冥永毕不获临见痛恨深至也无复己已武妹脩载在【阙】终始永絕道妇等一旦哀穷并不可居处言此悲切倍剧常情诸不能自任未遂面緣抚念何已不一義之顿首

熙宁九年十一月十四日赵抃阅道越州清思堂之西至乐斋观

右军真迹近世渐少观二帖纸札尚完殊可爱也案贞观日録洎淳化法帖皆不收此岂当时为好事者秘藏不出耶

熙宁丙辰冬至日丹阳蕪颂子客余杭郡西阁题假守徐师回丁巳仲春十日覽之

郡倅朱正民同观

熙宁九年七月六日书

防稽关景辉存中熙宁九年五月二十五日三司北轩观

华阳王仲脩观【丙辰仲夏旦日】

清河崔彦博唐公元豐乙丑五月望日观于西安县东斋

朝议大夫致仕何世昌元祐二年八月十七日观于衢州衙之大防

武夷范锴观元祐二年八月十有七日三衢龟峯防笔

右军书法万世所宗昔人称欧虞之体谓如壮士美人但能精于一偏尚且传之后代而况得其全者哉是知此字当使好事者寶之也

元豐乙丑五月望日西安县斋丹阳崔希仲德举题东阳郑汝言无伐同观

贞观尤爱右军书访求殆尽其后并昭陵今所存法帖人谓皆哀疚之间故不复进上得传于后岂其然乎此书亦然又法帖之所遗也当用文锦玉轴重装以遗子孙寶之海陵曹辅子方信安郡斋书曹使君借观出示通守郭庭诲与观者五人林师醇醇仲余虞肃之梁秉文宪古林季渊万宗叶常权之绍圣五年三月二十日

元符二年季秋九日郑子犹出此帖于荥阳尉舍以示余因得以观右军笔画之妙第有嘉叹而已吳兴刘钦止绳祖书

乐安李炳崇宁元年十二月初九日荥阳泽思轩敬观

张子和高适正梁济道李晦叔母仲山同观于陈留大观元年五月二十日

此右军二谢帖结构踈缓纸墨渝了无晋人风度迨后人本宋诸公之题俱佳恐非原帖余尝见黄素上眠食帖用章草后赵文敏公题识亦用章草又月半帖惜缣素残裂不害为神品偶錄此帖因并及

之 墨林项元汴

王维雪溪图【宋徽庙宸翰题签】

蓬萊道山人间风日不到玉金钥典秘甚严有平生蓄眼未尝见者天旋地转防落委弃故人李君祥得之出以示余其犀玉已被剔取所幸画无恙耳展玩之余不觉涕泪阑干盖叹是图之不遭也请靳固之以待异日万金之购云

蓬山道人刘诩题

治平二年正月十九日沈邁章帖晏崇金山同观余于三十年前获观右丞此幅仅盈尺有只设色高古位置幽远有刺篙济渡者有牧奴驱豕而归者神彩溢目余所见皆优孟也今在一友处命庸工所装一时粉墨狼藉神气索然偶复见之惋怅累日

墨林项元汴

周文矩唐宫春晓图

周文矩宫中图妇人小儿其数八十一男子寫神而装具乐器盆盂扇椅席鸂鶒犬蝶不与文矩句容人为江南翰林待诏作士女圖近周昉而加纖丽尝为后主画南庄图号一时絕笔他日上之朝廷诏籍之秘阁宫中图云是真迹藏前太府卿朱载家或摹以见餽妇人高髻自唐以来如此此卷丰肌长襦袞周昉法也予在峽南于端溪陈高祖之裔见其世藏诸帝像左右宫人梳髻与此略同而丫鬟乃作两大鬟 肩项间虽丑而有真态李氏自谓南唐故衣冠多周唐制然风流实承六朝之余画家者言辨古画当先问衣冠车服盖谓是也

绍兴庚申五月乙酉澹岳居士题【张戡】

唐张戡猎骑图

张戡居近燕山得番人形骨之妙尽戎衣鞍辔之精故入神品此卷非戡不能到余甚爱之宜什袭珍藏

吳兴钱选舜举

一犬前趋五马随赭袍公子跨乌骓壮游却忆飞狐北正是清秋出猎时 文水高若鳳

戎王小队猎秋野豹尾服弓金络马苍髯奚官喜追逐隔马相呼意闲暇鞭梢生风箭飞雨乌骓如龙犬如虎沙平草浅狐兔肥穹庐月寒归未归

晋安林泉生

张戡者朔方人也当五季之世与胡瓌父子李赞华房从真俱以善画番部人之属名于时其画以狼尾制笔盖必有所取焉今观戡所画猎骑图一卷其间人物犬马弓矢服飾之类毫分缕析曲尽其妙观其 辔疾驰宛然有沙漠万里之态于是知戡画法精絕与胡瓌輩不相上下也 吳郡沈右识

张戡妙笔 能寫寫出平沙好人马赭衣壮士挟弓矢清秋出猎山之下山林霜后百卉枯走犬前愁失兔狐斯人往矣不可见抚时懷古披斯图

王庭松谨题

燕角斜弢虎防中将军骑气正骁雄前锋纵有韩獹技指示犹居第一功 东南生谨题

王右丞辋川图郭忠恕模本

摩诘本辋川图

前用集贤院御书印又内合同印二十景书悉 题后有河北郭忠恕奉命复本识卷长二十四尺王右丞辋川图与余昔在杭苕故家见者一样前有集贤院御书印内合同印题摩诘本后书河北郭忠恕奉命复本则知为江南李后主时临本也虎贲中郎更无辨处郭亦妙笔矣右丞唐开元天寶朝士名维字摩诘工诗画辋川其所居自寫为图精密细润在小李将军着色山水上今如鲁寶玉大弓絕无仅有吾昂霄珍之重之携上天京名公相一见赏识鑒定价增十倍

大德戊戌冬至庠陵民八十叟李珣元晖敬防贅絕句云

园图亲画早流传已是人间五百年凝碧池头秋句在当时几负此林泉

辋川图有二本此从矮本所临画格高絕观此犹有

生意为赋短句 袁桷【清容字伯长】

诗中传画意画里见诗余山色无还有云光卷复舒前溪渔父宿旧宅梵王居千古风流在披图俨起予摩诘尝与裴迪倡和二十絕纪辋川之胜至今读之如身游其间此本甚精致尚可想见其景与诗防之时也因追而和之

孟城

春风孟城 年年自花柳当日倦游人何处谈空有华子岗

蜿蜒浮远空惨淡凝古色出云亦何心既雨返无极文杏館

种杏白云间因之葺茅宇莺声烟中曙虎迹夜来雨斤竹岭

苞竹秀 岭虚籁涵清漪秋风何时实鳳饥竹不知鹿柴

崖蹙石林稠谷静山泉响麝麝囿其间攸伏息下上木兰柴

手折木兰花心忆懷沙侶坠露玉可和金盘羞帝所茱萸泝

茱萸绽紫粟白云封不开似待陶元亮共把菊花杯宫槐陌

屯云陰广陌零露湿古苔中街日亭午四面风徐来临湖亭

积水涵倒影万象凌虚来鱼在山中泳花从天上开南垞
亭亭一风榭脱屣席可即阶前白双鹤相迎似相识欹湖
岸巾临水滢酒醒呼隱君收缙玉梭起摇荡空中云柳浪
年年黄金缕照影麴尘漪谁为南浦赠纫佩扈江蓠家瀨
凿凿沸白喧浩浩空青防渔翁互相呼放船莫轻下金屑泉
洗耳山下泉永念童 歲敢希作圣功事心如事帝白石滩
湍驶风逾清水明石可把倚杖独移时白鸥翩然下北垞
波影媚松樾山色丽石防留连南川月不肯下云端竹里館
此君俨相峙清坐一晤嘯天风振空声万境通寂照辛夷坞
迎春发苍柯映日出琼萼欣欣各自私先开还早落漆园
龟勉殉世名鞅掌嬰俗务漆以津自枯不如樗栎树椒园
申椒芳馨遠秉德类幽人时来荐瑶席慎勿佞夫君

天台杨敬惠

蓝田可胜宋家莊认作伊家华子冈身后不知谁是主谩留副墨至今香
食淡衣簞识幻身如何幻境却留神早知大地非真有已了前生不二因

吳澂【伯清父白文 草庐朱文】

开元宇宙承平日华子冈头曾燕适至今自貌辋川图下有幽人交莫逆辛夷坞外萸泚隔亦
复扁舟春荡潏竹君冰霰歲寒傲未便申椒能辨屈平生雅志厌朝市醒醉悠哉睠泉石是间
山水无限趣况迺佳實得裴廸规模想像郭忠恕 四百年留妙迹莺啼花落香句在谁信长
安叹凝碧后来拊卷意迷茫且复追惟三太息

海南金元帅出此图与予三十年前张子有家观摩诘直卷无不似者则忠恕殆神仙者流信
名下

之士不虛也 海粟子振【恠恠道人】

猪龙儿嬉锦防好三郎歲晚欢娛老阿环姊娣拥华清朝士宫前谁敢到右丞脱却尚书履布
袜青鞵防烟水蓝田别业堪画图矮本丹青自游戲华子冈輞口莊湖亭竹館遥相望小桥折
转青红牕树窠歷歷烟苍苍栾家瀨前两舟上柳浪一尺春风狂诗成与和者谁子我外裴迪
谁能双丘壑风流妙如此安知画外凄凉意凝碧池头天乐声白髮累臣泪如雨乱后归来旧
第中 墙綠户老秋风人生过眼皆梦境乞与山僧开梵宫半幅吳綃如传舍俟谁得此千金
价客来寒具莫匆匆四百年前御櫺画

按维本传輞川乃宋之问別墅在蓝田后表上为

清凉寺 临江李核【意山】

王右军思想帖

羲之顿首不复见君甚有思想得告慰之故吾乏气兼以防下忧深不佳克面王羲之顿首

大德二年二月二十三日霍肃清臣周密公谨郭天锡佑之张伯淳师道廉希贡端甫马昫德
昌乔夔成仲山杨肯堂子构李衍仲實王芝子庆赵孟頫子昂邓文原善之集鲜于伯机池上
佑之出右军思想帖真迹有龙跳天门虎卧鳳閣之势观者无不咨嗟叹赏神物之难遇也孟
頫书【小楷甚妙】

右军真迹世所罕见此思想帖与余旧藏平安帖行笔墨色略同皆奇迹也平安帖有米海岳
籤题此帖无籤题而有赵魏公跋并同观者自霍清臣而下凡十有三人皆鉴赏名家咸咨嗟
叹赏神物之难遇如此余何幸得附名其后哉

嘉靖丁巳冬十一月十又三日长洲文徵明题时年八十有八

唐阎立本诸夷图

唐阎立本总章元年拜右丞相封博陵县男有应务之才兼能书画时天下初定异国来朝诏
立本画外国图此图是也李嗣真云自江左陆谢云亡北朝子华长逝象人之妙号为中兴至
若万国来庭奉涂山之玉帛百蛮朝贡接应门之位序折旋矩度端簪奉笏之仪魁诡譎怪鼻
饮头飞之俗尽该毫末备得神情故朝廷号为丹青神化与兄立德同在上品云临汉魏泰道
辅记

右图起武兴止狼牙脩计国二十六为人二十八具列国状貌道辅尝有东轩笔记行于世

李唐伯夷叔齐采薇图

宋高宗南渡创御前甲院萃天下精艺良工画师者亦与焉院画之名盖始诸此自时厥后凡应奉待诏所作总目为院画而李唐其首选也唐河阳人在宣靖间已著名入院后遂乃尽变前人之学而学焉世谓东都以上作者为高古良有以夫余总角时见乡里七八十老人犹能道古语谓唐初至杭无所知者货楮画以自给日甚困有中使识其笔曰待诏作也唐因投谒中使奏闻而唐之画杭人即贵之唐尝有曰雪里烟村雨里滩看之如易作之难早知不入时人眼多买燕脂画牡丹可槩见矣至正壬寅余获此于沈恒氏爱其虽变于古而不远乎古似去古详而不弱于繁且意在箴规表夷齐不臣于周者为南渡降臣发也呜呼深哉昔米南宫嗜画病世无真李成乃拟无李论以祛其惑余他日见唐画亦多率皆抱南宫之憾而此画者所谓吾无间然者也因书颠末于左且以告夫来者云是歲九月既望乡贡进士钱塘宋杞授之记

文湖州竹枝卷

若人今已无此竹宁复有那将春蚓笔画作风中柳君看断崖上瘦节蛟虬走何时此霜竿复入江湖手

东坡居士题

延祐乙未秋九月十有八日蓊丘李衍观于毗陵赵东臯之书隱谨题

翰墨真儒者事画【阙】如山未知判取诗书万卷来看风霜一枝

此老墨君三昧云山发兴清奇我在蓬莱书府曾看晚霭横披

余曩客京师获观文湖州晚霭横披图山谷题识其后真絕品也文湖州平日丹青之妙不止墨竹故因

及之 邓文原

石室先生墨竹之法与雪堂先生之书同有钟王妙趣此卷为天锡郭君所藏文画蘓书纸蠹而墨色如新题识俱有徵得一展玩何其幸哉防稽王良江夏费雄天台柯九思京兆杜本同观本书【古】

临行话与崔公度到了神交蘓子瞻却是主林神不管黯随凉月堕虚檐

高邮龚璘为郭天锡题

当今好事家多藏文竹观者每以东坡题识定真伪此卷字画两优为真无疑汾石巖【民瞻古】

至治元年冬十二月七日与仁卿来访天锡得观石室先生墨君真迹蓊丘李士行书

仆平生笃好文笔所至必求披玩所见不啻数百卷真者仅十余耳其真伪可望而知之文蘓同时德业相望墨竹之法亲授彭城故湖州之作多雪堂所题若必东坡题识而定真伪则胶柱鼓瑟之论也此卷文画蘓题遂成全美余旧尝见之每往来胸中未忘今复于益清亭中披阅令人不忍释手故为之识同观者倪元镇至正二年七月十九日丹丘柯九思书至正六年十二月二十日观于益清亭赵雍

清贫太守石室翁渭川千晦藏胸中理闲防笔槃礴羸兔走鹄落无留踪雨梢晴叶各殊态挥洒位置分纖秭钟峰隱居拔鐙法气韵生动将无同墨君一 来自东轡材当萃彭城公平生知己 亲厚走书调笑言春容陈州官舍示长舌翛然化去当元丰乌乎二老不复作空瞻遗墨翔鸾龙 汝阳袁华

金显宗墨竹卷

帶雨承华殿 大定戊子十一月十二日夜戏寫显宗去东坡与可未远自得汴后渐染文物典章之道所以金之初政济济可观但游于艺者非帝王所学独不念宣政之失耶耳目所闻见且不知鑒尚何能取信于方防坎虽然犹胜于般乐怠傲流连荒亡之行也此大德十年春正月旦日所题显宗竹卷也阅十有一年君在汤氏爱予此防偶见此轴欣然市之复俾予书之后予嘉君在之好事故为之书焉时延祐丙辰春正月望日畴斋张仲寿谨识

坡翁武昌西山贈邓圣求诗【在楮上长卷卷首李西涯大篆坡翁诗跋四字】春江绿涨蒲萄醅武昌官柳知谁栽忆从樊口载春酒步上西山寻野梅西山一上十五里风驾两掖飞崔嵬同游困卧九曲岭褰衣独到吳王台中原北望在何许但见落日低黄埃归来解剑亭前路苍崖半入云涛堆浪翁醉处今尚在石臼杯饮无樽罍尔来古意谁复嗣君有妙语留山隈至今好事除草棘常恐野火烧苍苔当时相望不可见玉堂正对金銮开岂知白首同夜直卧防橡烛高花摧江邊晓梦忽惊断铜环玉鎖鸣春雷山人帐空猿鹤怨江湖水生鸿雁来愿君作诗寄父老往和万壑松风哀

右武昌西山贈邓圣求一首

子瞻内翰昔窜谪黄冈游武昌西山观圣求所题墨迹时圣求已贵处北扉而子瞻方谪时远放流落穷困不二年遂与圣求对掌诰命并驱朝门同优防笑语于清切之禁在常人固足感叹有文而赋于情者宜何如哉此前诗之所以作也

元祐丁卯二月因防饮子功侍郎宅子瞻为予笔此遂记而藏之江陵岑象求岩起防

西山诗碑止有坡谷张右史三篇近歲邓公裔孙曾以前輩和篇数十首相示輒不揣次韵附见于后时在翰苑仍效周益公用印章盖南渡以来官府印多更铸惟翰林院犹用承平旧印

铸于景德二年蕲邓二公俱曾用此也

党论一兴谁可回贤路荆棘争先栽窜留多能擅笔墨囚拘或可为盐梅雪堂先生万人杰论议磊落心崔嵬向来罗织脱一死至今诗话存乌台冯高望远想宏放眼界四海空无埃黄冈踏遍兴未尽絶江浪破琉璃堆漫道神交信如在石为罍樽胜金罍邓侯先曾访遗迹铭文深刻山之隈山荒地僻分埋没二公前后 莓苔元祐一洗人间怨天地清宁公道开玉堂同念旧游胜笔端万物挫欲摧时哉难得复易失弟兄远过崖与雷北归天涯望阳羨买田不及归去来我为长歌吊此老恸哭未抵长歌哀

嘉定四年重阳日四明楼钥书于攻媿斋

有松自作山中醕有橘欲向江东栽未画东坡满堂雪且赏西山千树梅探奇揽胜遍呉楚直泛浩渺登崔嵬偶来此地骋遐瞩风景不论凌虚台酒酣一吸汉江水净洗万斛胸中埃神交远到玉堂署归梦忽惊金粟堆挥毫日对掌纶綍话旧夜共开尊罍遗篇断墨半流落不在山巅还水隈何人传袭得此本幸免石壁漫苍苔因懷故乡访旧迹使我一见心神开人才絶代可指数仕路触眼多倾摧谁令青蝇防白璧已听夜蛰鸣春雷终为列星天上去或化孤鹤横江来文章气节两不朽安用吊古生悲哀

宫保都宪陆君全卿得坡翁此诗乃为岑象求书赠邓圣求者岑防云子瞻谪黄冈遊西山观圣求墨迹时圣求已处北扉不二年对掌诰命作诗感叹楼大防和章并及元次山遗迹有二公先后 访同念旧遊之语今坡集载此诗序之嘉祐中圣求为武昌令居黄相望常往来溪山间元祐元年十一月防宿玉堂偶话旧事而其诗乃有金銮相望不可见之句意者圣求先入坡亦随召其题武昌西山者则赋旧事为赠非山遊时作也集又载次韵一首序云和者三十余人今皆不复见楼诗乃出其后而坡亦不之见矣圣求名璧其在翰林为学士承防云

正德八年七月四日长沙李东阳书

续书画题防记卷一

续书画题跋记卷二

钦定四库全书

续书画题跋记卷二

明 郁逢庆 编

龙眠居士李伯时五马图卷【黄太史笺题】

右一匹元祐元年十二月十六日左骊骥院收于阆国进到凤头骢八歳五尺四寸

右一匹元祐元年四月初三日左骊骥院収董璪进到锦膊骢八歳四尺六寸

右一匹元祐二年十二月廿三日于天驷监拣中秦马好头赤九歳四尺六寸

元祐三年闰月十九日温溪心进照夜白

右一匹青花骢原无笺【恐即是满川花也】

余尝评伯时人物似南朝诸谢中有遶幅者然朝中士大夫多叹息伯时人当在防阁仅为喜画所累余告之曰伯时丘壑中人𩇛热之声名傥来之轩冕此公殊不汲汲也此马骏骏似吾友张文潜笔力瞿昙所谓识鞭影者也黄鲁直书

余元祐庚午歳以方闻科应诏来京师见鲁直九丈于酺池寺鲁直方为张仲谔笺题李伯时画天马图鲁直谓余曰异哉伯时貌天廐满川花放笔而马殂矣盖神骏精魄皆为伯时笔端取之而去实古今之异事当作数语记之后十四年当崇宁癸未余以党人贬零陵鲁直亦除籍徙宜州过余潇湘江上因与徐靖国朱彦明道伯时画杀满川花事云此公卷所亲见余曰九丈当践前言记之鲁直笑云只少此一件罪过后二年鲁直死贬所又廿七年余将□二浙当绍兴辛亥至嘉禾与梁仲谔呉德素张元览泛舟访刘延仲于真如寺延仲遽出是图开卷错愕宛然畴昔拊事念往逾四十年忧患余生岿然独在彷徨吊影殆若异身也因详叙本末不特使来者知伯时一段异事亦鲁直遗意且以玉轴遗延仲俾重加装

饰云 空青曾纓公卷书

此卷已载云烟过眼录三百年来余生多幸得获觀马画于澄心堂纸上笔法简古步骤曹韩曾入思陵内帑玺识精明真神品也近日摹数本于呉中赏鉴

家自能辩之 子京【朱文】

李唐虎溪三笑图

余尝游匡山至虎溪未入东林寺首见一亭扁曰三笑因问其故谓晋逵师以陶渊明陆修静且语且别握手相忘遂犯送客不过虎溪之戒乃相顾各掀髯而去今观李唐此图千载遗风具存人生不与路为雠二三子何哂之有

绍兴庚午季春十一日陈寿题

偶然行过溪桥正自不直一笑三人必有我师不笑不足为道人生一笑良难莫问是同是别青山相对无言谿声出广长舌山村老拙仇逵敬书时年七十一

元亮纘孔业修静研聃 逵公学瞿昙高居着幽禅人异道岂殊万散一固全目击辄有得参防各輟然胡为老缁褐蹈舞喜欲颠谩道遗其身襟袖犹褊褊彼酣适酒趣尚不醒者传俗吏浪自苦窥管持知天

永康胡长儒奉题

龙图燕穆之楚江秋晓卷

燕龙图在王府以德业自励后世乃以能画称观此足见其艺之不凡但恨为此所掩噫以顔鲁公之政事而世亦以书称可见学之不可不慎也乙丑二月门山老樵齐郡张绅

燕尚书生有巧思能奋志功业图画特其一事耳在燕府侍书时王求画一笔不肯与盖恐王之志尚偏也故其画罕见于世此卷笔力遒媚其在早年所制

无疑也 吳郡张适识

江水滔滔日夜流防牆来去几曾休画图不尽古今意感慨令人忆壮游 俞贞木

初晰澹防茫猿啼楚江晓恬风展波镜千里防弥渺起语船上人惊飞防邊鸟行装乱填委徒御争纷扰川后弭安流天吳沕深窈陰霾斂遥翳目防秋旻杳响柅节歌长翔颿逗风小人生等萍寄奔涉何时了旅思协悲端羈情重忧悄忠忱不可见永吊鸣寒篠回首噉湘累苍山乱云绕 卞同

防城路 黄陵庙下潇湘浦依稀少年羈旅梦泽风生渚宫花落收尽峡云巫雨长天带水正日出三竿客船犹舣四望苍苍秋光都在白苹渚 流年暗惊易度向画中空见旧游如许鼓瑟人遥纫兰事往谁折芳馨寄与消魂凝伫待收拾闲情寫成新句心与鸿飞空江烟浪里

去年秋友人谢彦起氏为孟敷陈孝廉索赋楚江秋晓词从未能成今日偶过许澜伯读书房时夏雨初霁轩窗朗彻因援笔赋此留澜伯所归诸孟敷殊愧不工也

洪武廿八年孟夏十有一日吴人王璩

大船驾防晓欲发小船载客客未绝行李匆匆不惮劳湏臾防面湏臾别江涛汹涌声如雷名利萦扰心为催楚天秋高何所有黄鹤矶头多美酒便当吟笑解金 勿向风波空皓首
彭城钱复

七泽苍茫曙色防眼中风景尚依稀疎林半隐黄陵庙凉雾初消赤壁矶波动蒹葭涵石出沙喧鸿雁带霜飞令人却忆曾游处濯足中流放櫂归

偶武孟

楚江秋向曙画里景依然旭日浮波面凉风动树颠同来桃叶渡相并木兰船欲问西州信浔阳何处边

吴僧普震

苍茫巫峡晓摇落楚天秋神女千年庙商人万里舟诗中曾想赋画里每思游江海平生志穷经老一丘

韩奕

五更人语觉潮生估客帆樯候晓行树色未分云梦泽鸡声已动汉阳城天空画角吹霜尽月落银河入斗横欲问楚南千古事至今江水为谁清

吴郡陈宽【孟贤】

南浦清霜覆荻花颺防一半去长沙凤凰山近猿声急鹦鹉洲寒月影斜白髮此时伤九辩翠眉何处泣重华天明莫上江楼望满地西风正忆家

彭城刘珏【廷美】

天连湘汉水悠悠水色防茫接素秋残月已沉三国恨乱云初散九疑愁南方流落身将老西候萧条客倦游欲采苹花怅无伴美人迢 隔沧洲

梦回江上算秋程水影迢迢积渐明落木西风连鄂渚乱山高浪隐湓城钟边野寺经僧起霜里孤帆估客行往事独悲前席误不从贾谊问苍生

葭莢蒼蒼白露晞蕭條江色帶防暉平沙雁逐寒潮起野樹鴉隨亂葉飛漸見九溪如練淨尚
憐三戶似星稀不堪昨夜南游客愁向西風憶授衣

長洲沈周

右一卷題計三十二人辭多不綠

宋徽宗題宗室士雷湘鄉小景

趙士雷官至襄州觀察使此圖為宣和秘府所藏之一也卷高一尺八寸長八尺有奇画法二
李汀沙樹石金碧映帶防防瀾計十二種回塘曲渚各臻其

妙真佳品也 墨林山人

湯叔雅霜入千林圖

昔王充道送水仙五十枝與山谷先生欣然作詠凌波仙子生塵鞵之句至今脍炙人口余欲
水墨畫五十枝俱梅號曰霜入千林圖凡落筆趣向疎澹稠疊纖悉去處癖于七載而就所謂
能事不受相促迫是也他日此軸流傳名世之家為余愛惜之

嘉泰改元歲在辛酉季夏上休日江右湯正仲叔雅書于丹丘寓舍云

米敷文楚山清曉卷【小簡附】

友仁承錄示文字深荷勤意并俟面謝友仁悚息再拜老樹筆間生奇石筆下出濃淡高低遠
近山陰晴一半云烟沒漠漠江天杳杳空不勞施力自然中便于沙際尋歸路却憶霜林葉不
紅 子昂

冥冥蒙蒙方寸天不知所以然而然無根老槎濕風烟霾云懵懂栖蒼晴窗開卷作三叫看
得米家神氣小濃蘭塗墨幻東白污我瀟湘山色曉

海粟老人【恠恠道人】

楚山清曉畫圖成防滴烟雲不亂真被遇光堯名愈震宣和到此幾經春 永嘉吳沂夫題

吳融賦曉人服其妙元暉作清曉圖吾知其難况復有楚山耶過庭出此卷狼山五峯蛾眉六
合隱見雲靄中晨光熹防人行鳥飛不足以盡其形容故詠歌之當與李咸熙嵐烟晚晴許道
寧秋山詩意同入能

品小山【江南张小山】

蒙蒙烟树楚江湄寂寞渔村防短篱云梦舟中春睡足醉余犹记牧之诗 邓文原

防笔悠悠阅岁华白头人竞几尘沙夕阳过尽春风老空使吟笺说旧家【春风作悲风】

观复老叟八十八岁书丙寅季秋七日李寿庄

米敷文烟峦晓景【老米题】

昔兄尝赴吴江宰同寮语曰陈叔达善作烟峦云岩之意吾子友仁亦能夺其善昨晚出局过伯新家出近景烟云之状友仁得其意耳襄阳老人米元章题

襄阳米友仁作画但画意须防笔砚间淋漓走元气

雷门唐珙温如父题

不见庐山五老峯九江秀色绕云松防茫欲识图中意叠巘层峦翠万重 会稽夏泰亨【夏氏叔通白文】昔米芾尝谒见宋帝于宣和殿帝乃从容顾芾问曰闻卿复工画然乎否乎芾适置友仁所笔楚山清晓图在怀袖间因即出以献御览则称美今观元章墨帖谓吴江宰同寮语陈叔达善作烟峦云岩吾子友仁亦能夺其善嗣遂知元章沉痾于誉儿癖矣至正十五年乙未八月十又二日东原申屠駟敬书于越州寓邸之戒得斋【申屠子迪】

昔时米南宫父子同画癖油然烟雨态千里入盈尺近代宋尚书笔意妙欲逼置之几格间新旧莫辩识应是前后身神防造化迹鸿蒙迷日月瀕洞飞霏 苍崖晦中防天阙杳高隔洪澜涨无际龙虎移窟宅农夫怨昏垫樵牧绝行迹破屋两三家摇撼已倾侧得非杜少陵无乃陶彭泽檐茅委泥泞篱菊没狼籍空江无舟楫汗漫安所适披图瞻青冥惆怅坐终夕

【高作宋未详】 伯温【刘诚意基】

一曲溪山类辋川何人笔意澹风烟月明镜水秋无影照见长虹贯客船浚仪赵友兰书于防稽山阴之兰亭【廉友白文】

江上乱峯生暮烟隔江遥望水云连西风战舰今无数不见米家书画船 钱用壬【成夫】

二王书法翰林所宗米友仁画见称于南宫老子皆得夫家传之妙者也南宫书不下二王米家书画此卷兼有之具眼者当知所宝矣

严陵汪汝懋【以敬白文】

过云含雨湿层峦江树和烟晓色寒何似清秋凌絕顶山青云白望长安

米家父子擅名流一纸千金未足酬本与蘓黄为后进岂期章蔡是同游
京兆宇文公谦【子贞】

米敷文潇湘长卷【三纸连属计一丈二尺】

元晖戏作【题画上】

夜雨欲霁晓烟既泮则其状类此余盖戏为潇湘寫千变万化不可名神奇之趣非古今画家者流画也惟是京口翟伯寿余生平至交昨豪夺余自秘着色袖卷盟于天而后不复力取归往歲挂冠神武门居京口旧庐以白雪词寄之世所谓念奴娇也

洞天昼永正中和时候凉飈初起羽扇纶巾雩咏处水绕山重云美好雨新晴绮霞明丽全是丹青戏豪攘横卷誓天应解深秘 留滞字学书林折腰缘为米无机涉世投组归来欣自肆目仰云霄醒醉论少卑之家声接武月旦评吾子憑高临望桂轮徒共千里

昨与吳傅朋蜀冷金牋上戏作一幅比与达功相遇知亦为此郎夺因追省此词防于小卷后旧曾寫寄蔡天任以白雪易其名旧名可谓恶甚

懒拙老人元晖【叠篆友仁二字印】

米元晖作遠山长云出没万变古未有辈安得匹纸以尽其笔墨之妙乎至于林麓近而雄深冈峦遠而挺防木露榦而想高茂水见涯而知渺弥皆发于笔墨之外此常人所难元晖之所易也达功他日以此示之傥以为知言则当得山川之胜卧以游之绍兴五年七月二十日防稽关注书

达功下第后便有放浪山水意米元晖作招隱图仆以为此公未宜置丘壑中也 谢伋伯思父

顷在京师时方允迪尝示仆以和人求米元晖画楚山清晓图诗恨未见其画也今观元晖此画自云夜雨初霁晓烟既泮其状类此岂其所为潇湘千变万化从落人间亦楚山图中之一也

防稽韩泚懋遵书

画手自高前辈云山已属吾曹若防潇湘物色便当

醉读离骚 錢后人端礼处和

丘壑之士从寂寞则起朝市之念朝市之士从喧嚣则怀丘壑之放古今之理一也予赞治丹丘虽环郭皆山可以挂颊而霞城云屿亦得驾言穷览然尘缨之所羁束终不能莹心而醒目米西清所作潇湘图曲尽林阜烟波之胜遐想鸥鸟之乐良不可及绍兴十七年三月廿二日鄱阳洪适书

元晖戏作横幅直造北苑巨然妙处开卷恍然如行下蜀栖霞烟雨中益增土思之念绍兴丁卯三月壬午南丰曾惇题

仆十五年前见此画把玩不能去手今复开卷恍如梦寐不知老之将至云尔钱端礼书于东阳郡斋绍兴五月十有四日

绍兴庚午十一月二十日姑苏曹筠观于平江余氏之西园

昔陶隐居诗云山中何所有岭上多白云但可自怡悦不能持寄君余深爱此诗屡用其韵防与人轴卷漫书一二于此其一山气最佳处卷舒晴晦云心潜帝乡者愿作桑波君其一与翟伯寿横披书其上云山中宰相有仙骨独爱岭头生白云壁张此画定惊倒先请唤人扶着君绍兴辛酉岁孟秋初八日过嘉禾获再观懒拙老人米元晖书

忆年十六时识达功于樵李后七年得词场名第行卷赘谢诸公米老为兵部侍郎谒之之明日亲袖后扣旅舍立俟予出乃肯去转眼三十年二君从归山丘予亦老矣观此使人太息

淳熙己亥夏四月七日鄱阳洪迈景卢

蔡天启作米襄阳墓志言元符初进其子所画万里长江图时元晖年尚少其小笔已知名当世矣方此老亡恙时诸公贵人求索者日填门不胜厌苦往往多令门下士效作亲识元晖二字于后尝自言遇合作处浑然天成荐为之不复相似此卷寂寥简短不过数笔而浅深浓澹姿态横生使人应接不暇盖是其得意笔自其云亡画益难得矧题识皆一时名胜之士终日把翫不能去手也

淳熙辛丑二月中休梁谿尤袤题

水际天低岸远山腰雾卷云铺拟唤松江小艇归来好趁莼鲈建袁说友起岩书于池阳郡斋太湖水入霅溪寒叠嶂连山几万般此景古今无尽藏总归懒拙一毫端錢后人闻诗书

仆昔歲南游系舟黄陵庙下适江山风雨叹古诗人不能赋今观米公山水潇湘旧游隱然似梦

绍兴乙丑清明后两日洛阳朱敦儒题

淳熙己亥中夏廿八日新安朱熹观于江东道院元晖作字作画深得南宫笔法非特能继其家声亦不负山谷两诗也绍兴丁卯三月壬午南丰曾惇观于丹丘郡斋

余尝客毘陵一苇太湖旧矣去之六年风朝月夕每思怒涛裂山澄漪见云梦寐间时一往焉观此恍然所谓逃空谷而喜闻足音者

绍兴十七年三月廿二日鄱阳洪适书

此画今为中朝第一诚可寶而爱也绍兴乙巳钱端礼书

元晖寫山水真态出人意表观之者如登高临遠有超出尘外之想绍兴庚午十一月中澣日姑溪曹筠防

米元章品题诸家山水得其妙处意谓未离笔墨畦迳晚乃出新意寫林峦间烟云雾雨陰晴之变以为横披元晖盖传家法也 温革叔皮父

此轴纸墨俱不甚精而造防入妙乃尔使得妙墨佳楮固当益奇善御者羊肠九折亦中鸾和之音端非虚语绍兴丙子春仲三山林仰书

东坡云论画以形似见与儿童邻观元晖此轴则此已参公活句之妙 处和父

予理圃于鄱城之西偏所谓蠡洲者江山横前烟云吐吞晴陰朝暮千变万态有口不能说也谁能起懒拙老人于九原为我寫貌耶

淳熙六年四月七日野处洪迈景卢书

建阳崇安之间有大山横出峯峦特秀余尝结茆其颠小平处每当晴昼白云坌入窗牖间辄咫尺不可辨尝题小诗云闲云无四时散漫此山谷幸乏霖雨姿何妨媚幽独下山累月每窃讽此诗未尝不怅然自失今观米公所为左侯戏作横卷隱隱旧题诗处似已在第三四峯间也又得并览诸名胜旧题想像其人益深叹息淳熙己亥中夏廿九日新安朱熹仲晦父书于江东道院

万里江天杳霭一村烟树防茫只欠孤篷聽雨恍如身在瀟湘

淡淡晓山横雾茫茫遠水平沙安得绿蓑青笠往来泛宅浮家

淳熙辛丑中春十八日梁谿尤袤观于秋浦

余读贾谊度湘水赋其言造托湘流之意悲矣恨未身到也今观米公横卷而吊原思贾使人

兴怀愧无健笔以赋之

淳熙辛丑三月上巳日建袁说友起岩甫书于池阳清静寮【 书】

雨山晴山画者易惟晴欲雨雨欲霁宿雾晓烟已泮复合景物昧昧时一出没于有无间难状也此非墨妙天下意超物表者防不能到故侍郎米公或得之必宝玩珍爱靳不与人与而又戒其勿他与也淳熙辛丑秋八月吉籛后人闻诗子言书

淳熙丁未旻天季月重阳前一日洙泗时佐季雄获观于蕲春郡斋【 古滕国时氏印】

齐郡张绅观于陈氏春草堂

潇湘图考

故宋兵部侍郎襄阳米公友仁元晖所画潇湘图一卷其自题识凡两见南渡后诸名胜防语凡若干人而文公朱夫子手泽又先后出也此图之末自署曰元晖戏作且有印文曰元晖其上一字与其父礼部公之字皆从此者盖豫章黄太史尝得此古玉印因命为侍郎字而以授且作二绝句赠礼部以述此意今见山谷集中图有别纸侍郎前题自谓夜雨初霁晓烟既泮其状类此盖戏为潇湘写变化神奇之妙而不言其题为何名或曰是即所谓楚山清晓图者然卷内韩懋遵云元晖楚山清晓图恨未见今观此纸亦楚山图中之一则自别有楚山清晓图矣而洪文惠直书此卷曰米西清所作潇湘图则此固自为潇湘图也又侍郎自谓京口翟伯寿昨豪夺余自秘着色袖卷盟于天而后不复力取归者别卷也又自谓昨与吴傅朋蜀冷金笺作一幅比与达功遇知亦为夺去者又别卷也后题自谓用陶隐居韵作白云诗其一与翟伯寿横披书其上者又别卷也前题不知年后题绍兴辛酉过嘉禾再观则绍兴十一年也赴召为兵部侍郎至十五年以敷文阁待制提举神祐观奉朝请盖高宗好米礼部书而侍郎得其家法故眷遇之厚如此伯寿名耆年参政汝文之子而邢恕外孙也此其人姓字在前后题屡见盖知画者哉傅朋名说其外大父王逢原逢原妻吴氏王荆公妻之女弟也逢原蚤死吴不嫁有遗腹女嫁吴思礼而生说即傅朋也以书名当世而元晖乃以古书法作画傅朋固知之矣然此卷不言为何人作乃曰比与达功相遇诸防语多言达功至朱夫子独云米公所为左侯戏作横卷则其人盖姓左氏而字达功也卷内谢伯思云达功下第后元晖作招隐图洪文敏亦云忆年十六时识达功后七年得词场名则达功固名进士矣凡诸防语其人大抵皆可考见

关注字子东防稽人一日钱唐人尝为太学博士此题绍兴五年则其登进士第时也

谢伋字伯思一字景思上蔡人参政克家之子以文名尝为太常少卿

钱端礼字处和尝为婺州守此凡三题故其一云书于东阳郡斋其一特书绍兴己巳则十九年也洪适字景伯鄱阳人忠宣公浩之长子乾道元年为左仆射謚文惠两题皆在绍兴十七

年三月其一作十五年盖七字已损或妄填寫作五字耳是时通判台州至十一月以言者罢去

曾惇字汝父南丰人右仆射布之孙也两题皆绍兴丁卯则十七年惇知台州与洪文惠不相能而文惠罢去时也惇尝上诗秦桧称为圣相故有台州之命朱敦儒字希真洛阳人以诗名此绍兴乙丑则十五年也尝仕为馆职矣既告老去至二十五年秦桧孙埙欲学诗因荐以为鸿臚少卿

曹筠姑苏人绍兴廿五年殿中侍御史汤鹏举言筠因桧荐为防臣凡有所陈尽出于桧诏夺职罢祠此题绍兴庚午则二十年也

洪迈字景庐文惠弟也以博学宏辞赐第仕至翰林学士謚文敏两题皆淳熙六年己亥是时闲居鄱城其一自署其姓名上曰野处者孝宗御书以赐之也尤袤字延之无锡人尝侍光宗春坊官至礼部尚书謚文简此凡两题皆淳熙辛丑二月时通判池州故其一观于秋浦辛丑者八年也

袁说友字起岩建安人嘉泰三年由同知枢密为参知政事凡两题其一书尤文简辛丑题后云书于池阳郡斋其一云淳熙辛丑书于池阳清浄寮则自平江守赴召后为池守时也

钱闻诗字子言此不书姓字但云錢后人者固钱氏也成都人尝知南康军与朱夫子交此两题皆在淳熙辛丑是歲三月朱夫子自南康东归而此题在八月则子言已上任矣卷内钱端礼亦或书錢后人者子言弟也

时佐者字季雄鲁人尝为蕲州守此淳熙丁未书于蕲春郡斋则十四年也

又有韩洙者字懋遵防稽人林仰者三山人其字未闻温革者字叔皮不知何郡人云

惟朱子手泽杰然特出为百世所尊仰前题但云淳熙己亥中夏廿八日新安朱熹观于江东道院后题则自述其建安结茆处云山之胜因记其旧题云闲云无四时散漫此山谷幸乏霖雨姿何妨媚幽独且言今见此卷隱隱旧题诗处似已在第三四峯间其末所书年月姓名及所在书处皆与前题同但此为廿九日而姓名下有仲晦父三字以云谷考之则其地盖即云谷而结茆处即晦庵也已亥为淳熙六年自去歲差知南康军辞不允是歲三月到任此题皆在五月乃到任后其曰书于江东道院者姑熟有郡斋曰江东道院而此自在南康也

盖尝歷观卷内年月绍兴五年者赵忠简张忠献并相方欲恢复中原而岳武穆建功时也十一年者秦桧主和议搆害武穆时也自是十数年间皆秦桧用事而国势止于东南矣淳熙以来则在汤思退和议既成之后于是东南势定而不复有志于中原矣又歷观卷内人姓名曾惇曹筠皆谄事秦桧者固不足道而朱希真亦不免为桧所起洪氏兄弟虽皆一时重望而亦尝为汤思退门客不免沮张忠献配享高庙之议若袁说友之参大政乃在韩侂胄禁伪学之

日则其人【此下皆阙】

此考为王彝常宗先生叙列先生居昆山又徙嘉定少贫读书天台山中目杨铁崖为文妖后与高太史啓同坐魏观事卒时称其为文精严缜密于此考见之矣惜乎失去后一纸不害其为缺文也

小米潇湘图卷再题自珍仆从稍知时慕为杭之张氏所蓄高价而辄吝人罕获见后游杭两度仲孚亦辱往来但后齿借阅便唯唯而终弗果今七十五年矣意余生与此图防为欠缘亦叹仲孚忍为拂人意事兹廷贵忽尔送至犹景星凤凰为之薰沐者再得一快睹忽然三湘九疑弥漫尺楮如朱夫子之题象内见画钱子言画表求象斯图之妙尽括于二作矣又有王常宗先生一一论疏诸名胜出处之迹无余辞诚为翰墨之寶设使着色袖卷楚山清晓冷金蜀牋等笔尚在恐亦无此烂漫之题信乎仲孚之知重亦可谓之不俗矣 后学沈周

米元晖司马端衡诗意卷

山稠隘石泉

密密万山重一派哀湍防此志入瑶琴当有知音者潺潺石涧溜

峯回石路转足可娱瞻聽其中如有屋便是醉翁亭万顷长江水接天中有峯峦耸苍绿清宵影蘸白蟾蜍浩浩澄波见寒玉少陵诗名冠古今一生苦吟吟不足端衡寫作无声诗留与拙堂伴幽独

次仲

司马君实米元章德行文采皆本朝第一等人恨余生晚不及前辈今观二公墨妙追想终日为之一然二公非画师何廼精絕至是岂凤雏驥子其天资超詣种种自不同乎痴叟田如鼇书

绍兴十八年九月二十六日

端叔集少陵诗句已自可喜又摘其可画者为图得元晖端衡墨妙朝夕展玩其胷中丘壑定自不凡梦山王珉中玉书

绍兴己巳秋九月十有九日金华王与道观于宜春郡斋

米元晖司马端衡二画如王谢子弟别有一种风流

景晋

少陵诗句超轶絕尘非后人可及二公墨妙洒落不羣非碌碌者能办亦可謂三絕也洛阳愚叟富元衡获观于富【阙】郡斋

右米元晖司马端衡随意命笔默以神防然元晖自

成一家云 宋景阳

李龙眠华严变相图

龙眠居士画华严变相岂独笔力超逸然此公性理皆通诚可叹服也 庠谨书

龙眠居士宿慧通亲觀华严法界观手画毘卢妙相好灵智所现非幻作诸神勇识以次来衣冠纓络严飾具乃至诸天诸大天福德贵神八部等威慈并承佛恩力各随因地见形势我思法云顶中寶紫金光聚超众地一毛孔中一切见半月满月诸寶王香云鬘云宫殿云重重单复牙含摄悲愍众生故在世今我愚防得瞻仰愿如童真法王子弹指开门入寶阁普礼普赞尽未来与佛长住金刚定

邵庵道人虞集伯生贊

前一题乃后湖居士丹阳蘓养直书惜此图为旧人摹本其铺叙诸天八部龙神之妙不知真迹流落何许得一瞻礼此生之幸也

墨林

续书画题防记卷二

续书画题跋记卷三

<子部,艺术类,书画之属,书画题跋记__续题跋记

钦定四库全书

续书画题跋记卷三

明 郁逢庆 编

宋思陵楷书付岳武穆手勅真迹【在楮上】

得卿九日奏已择定十一日起发往黄舒州界闻卿见苦寒嗽乃能勉为朕行国尔忘身谁如卿者覽奏再三嘉叹无斁以卿素志荡平常苦诸军难合今乌珠与诸头领尽在庐州接连南侵张俊杨沂中刘锜等共力攻破其营退却百里之外韩世忠已至濠上出銳师要其归路刘光世悉其兵力委李显忠吳锡张琦等夺回老小孳蓄若得卿出自舒州与韩世忠张俊等相应可望如卿素志惟贵神速恐彼已为遁计一失机防徒有后时之悔江西漕臣至江州与王良存应副钱粮已如所请委赵伯牛以伯牛旧尝守官湖外与卿一军相谙委也春深寒暄不常卿宜慎疾以济国事付此亲扎卿湏体悉十九日二更付岳飞【上用御书之寶大印】伍【押】王右丞高仕弈碁图【在绢素上卷首李西涯公篆书摩诘弈棋图五大字】

观王维画为赋杂言一首

摩诘本诗人精思诣元化绪余臻画妙遂方吳子驾寫成三士弈棋图意态萧然各闲暇儒冠羽服对纹楸老僧傍晚诚可詫形如槁木心死灰岂识枰中有机械抑亦至人聊自适肯效浇风生变诈歷唐默计五百年一着指间犹未下樵丁不独烂斧柯阅世纷争几王霸乃知非人看画画看人今古防防等晨夜俯仰迹已陈电掣明 罈宣和殿中尝寶玩题品愈重千金价当时内府收欲观谁敢借流落长存天地间在在防持宜有神物为憑借

汉郡蒲道源

鼎立门庭理一同何湏局面互争雄谁知夺角冲关事都在山僧冷眼中

吳僧白云道英【白文天目白云】钤缝有政和宣和二方印

唐懷素草书清净经

贞元元年八月二十有三日西太平寺沙门懷素藏真

书时年六十一歲 蘓耆家藏

懷素居零陵以蕉叶代书日庵曰綠天自叙云醉来得意两三行醒后却书书不得又云人人来问此中妙懷素自云初不知皆透彻向上一步语所谓一拳打透虚空不为律防者也禅与书念头逸发故宜其

然哉 大梁刘世昌谨题

蘓文忠公天际乌云卷【在白粉笺上中行草书】

天际乌云含雨重楼前红日照山明嵩阳居士今何在青眼看人万里情此蔡君謨梦中诗也仆在钱塘一日谒陈述古邀余饮堂前小阁中壁上小书一絕君謨真迹也约绰新娇生眼底侵寻旧事上眉尖问君别后愁多少得似春潮夜夜添又有人行云长 玉筯残妆脸肯为金钗露指尖万斛闲愁何日尽一分真态更难添二诗皆可观后诗不知谁作也

杭州营籍周韶多蓄奇茗常与君謨鬪胜之韶又知作诗子容遇杭述古饮之韶泣求落籍子容曰可作一絕韶援笔立成曰陇上巢空歲月惊忍看回首自梳翎开笼若放雪衣女长念观音般若经诏时有服衣白一坐嗟叹遂落籍同輩皆有诗送之二人者 善胡楚云澹妆轻素鹤翎红移入朱栏便不同应笑西园旧桃李强匀顏色待东风龙靓云桃花流水本无尘一落人间防度春鲜佩玳酬交甫意濯纓还作武陵人固知杭人多惠也

【巖隱图书朱文鑒定法书之印朱文】

祗今谁是钱塘守颇解湖中宿画船晓起鬪茶龙井上花开陌上载婵娟【白乐天蔡君謨陈述古蘓子瞻皆杭守也】

老却眉山长防翁茶烟轻飏鬢丝风锦囊旧赐龙团在谁为分泉落月中

三生石上旧精魂邂逅相逢莫重论纵有绣囊留别恨已无明镜着啼痕

能言学得妙莲华赢得春风对客夸乞食衲衣浑未老为题灵塔向金沙

丹丘柯敬仲多蓄魏晋法书至宋人书殆百十函随以与人弗留也他日独见此轴在几格间甚怪之及取观则吾坡翁书蔡君謨梦中诗及守居阁中旧题也第三诗以为不知何人作其軒轅弥明之流欵陈太守放营妓三诗亦辱翁翰墨传流至今信亦有缘耶卷后多佳帑敬仲求集作诗识其后赋此四首是日试郭圮墨但目疾转深不复能作字又不知年歲后虽若此者亦尚能作否临楮慨然至顺辛未二月望日蜀人虞集书

山中覆鹿拾蕉叶眼底生花二月明不道人生俱梦里新诗犹话梦中情

綠 度曲初含笑銀甲彈箏不露尖人生莫待頭如雪華屋春宵酒屢添
云中初下勢如驚白鳳蹁躑雪色翎多少旧游歌舞地不堪回首又重經
桃花扇底露唇紅不復梳妝與眾同一曲山香春去也茶防無語謝東風
一顆摩尼不染塵瑤池 圃度千春寥陽殿里云深處誰是當時解佩人
三月旌旗幸玉泉牙檣錦防禦龍船千官車騎如云涌楊柳梢頭月色娟
長憶眉庵鶴髮翁旧時阿閣贊皇風如今流落 堪說黼黻文章似夢中
鼓瑟湘靈欲斷魂洞庭風浪不堪論遙知旧賜宮袍錦雙袖龍鐘總泪痕
興聖宮中坐落花詩成應制每相夸廬山面目秋來好自杖青藜步白沙

此卷天歷間得之都下予愛坡翁所書之事俊防而清麗令人持玩不忍釋手故侍書學士虞公見而題之予携歸江南防荆谿王子明同予所好携之而去他日再閱于環慶堂俯仰今昔为之慨然因走筆盡和卷中之詩以舒其悵鬱之氣傍觀者子明之兄德齋淮南潘純金坛張經長安莫浩至正三年夏五月丹丘柯九思書【柯敬仲氏朱文印】

日將公事湖中了醉入重城列炬明自古大藩財賦地古人偏得賦閑情
謝女嬌吟雪比鹽北台馬耳見雙尖衲衣政索歌姬笑不道春寒綉被添
寫韻軒中塵不驚與誰同蹑鳳皇翎采鸞可惜情緣重祇合清齋寫道經
釵頭新綠荔枝紅 與江 色味同聞道端明新進譜一時殿閣起薰風
香辟春寒玉辟塵流蘓斗帳醉和春一雙明月都無價寂寞人間第二人
江南在處烟波好浪迹先生不上船近就闔閭城外宿可憐霜月夜娟娟
青城樵者一衰翁寫罷烏絲滿袖風消得玉堂金研匣至今傳入畫圖中
听碾龍團怯醉魂分茶故事待誰論纖纖玉腕親曾見祇有春衫旧酒防
白公種竹蘓公柳譚笑功名后世夸依旧葑云三万丈斷槁誰與筑隄沙

奉同柯丹丘前后用韵凡九章言无伦次且有广平媚语之罪信识法者惧也癸未冬十一月九日吳郡张雨为子明王君寫

盈盈秋水眼波明脉脉远山螺翠横西北风帆江路永片云不度若为情

两挟江潮来浦口霜雕木叶见山尖寒波曾照飞鸿影髭雪朝朝与恨添

风雨翻江梦里惊忽思风驭绛霄翎世间安得麻姑爪痒处爬搔忆蔡经

湖邊 户倚青红此日应非旧日同太守与賓行乐地断碑荒藓卧秋风

奎章阁下掌丝纶清浅蓬莱又防春三十六宫秋寂寂金盘零露泣仙人
戊申十月十七日璚蔡公闽峤双龙璧蕲子儋州万里船何似归田虞阁老醉吟清浦月娟娟

嗜酒狂吟秃鬓翁华阳坛館百花风晚年传得登真诀归卧南山礪谷中

十九日又追和虞奎章韵

东阁小书诗梦破后堂残醉烛花明春风客散茶香在寂寞人间万古情

红入两顏春意满翠笼双袖晓寒尖虽知别后情难减也觉愁中醉易添

彩笔诗成举坐惊素衣新剪鶴毛翎多生应是莲花女留得银箏金字经

透海丹砂一粟红前身宜与后身同就中只换神僊骨尘业何由到素风

沧海桑田复几尘东风惟见落花春湏知剩水残山外冰雪肌肤别有人

蜀人文采相先后多在西湖载酒船腸断至今湖上柳空残眉翠簇连娟

三百年来此两翁诗人情性道人风醉中还似昆耶老花雨纷纷一笑中

梅花香冷返冰魂往事茫茫迹未论寶剑已随龙化去谁怜水上刻舟痕

赋罢仙人鄂綠华金声玉色众中夸归来世上空尘土云白江清月满沙

洪武十四年歲在辛酉秋九月朔义兴马治

黄文节公手简二通【小行草真迹在楮上】

庭坚顿首承惠糟姜银杏极感远意雍酥二斤青州枣一郛漫将懷向之勤轻瀆不罪庭坚顿首

天民知命大主簿霜寒想八嫂安裕九姊四姊大新妇普姐师哥四娘五娘六郎四十明儿九娘十娘张九咩儿韩十小韩曾儿湖儿井儿各安乐过江来甚思汝等寂寞且耐烦不湏忧路上路上甚安稳但所经州郡多故旧湏为酒食留连尔家中上下凡事切宜和顺三人轮管家事勿废规矩三学生不要令推病在家依时节送饭及取归书院常整□文字勿借出也知命且掉下泼药草读书防经求清静之乐为上大主簿读汉书必有功矣十月十四日丘报

诸姊子以下各小心照管孩儿门莫作炒切切余在武昌得此黄太史帖伏而玩之至再三不忍去手见其冲澹悠深出入平易近民书者其可及哉然公之风不大声色严重崇高隱然太山巖巖之势又岂翰墨之所不精者乎 俞贞木题

宋僧牧溪花菓翎毛【 上长卷欵云】

咸淳改元牧谿

右宋僧法常别号牧谿喜画龙虎猿鹤芦雁山水树石人物皆随笔防墨而成意思简当不假妆飾余仅得墨戏花卉蔬菓翎毛巨卷其状物寫生殆出天巧不惟肖似形类并得其意象爱不忍置因述其本末以备 考 墨林项元汴书于天 阁

蔡君谟十帖真迹【装为横卷】

襄启及新记当作陶生手然亦可佳笔颇精河南以书作防卓不可为昔尝惠两管者大佳物今尚使之也耿子纯遂物故殊可痛懷人之不可期也如此仆子直湏还草草奉意疎略三月十一日襄顿首家属并安楚掾旦夕行

襄启入春以来属少人便不得驰书上问唯深瞻想日来气候陰晴之不齐计安适否贵属亦平宁襄举室吉安去冬大寒出入感冒兼劳百病交攻难可支持虽入文字力求丐祠今又恩复供旧职恐知专以为信前者铜雀台瓦研十三兄欲得之可望寄与旦夕别防端石奉送也正月十八日襄顿首公绰仁弟足下

襄得足下书极思咏之懷在杭留两月今方得出关歷赏剧醉不可胜计亦一春之盛事也知官下与羣郡侯情意相通此固可乐唐侯言王白今歲为防閏所胜大可怪也初夏时景清和愿君侯自寿为佳襄顿首通理当世屯田足下大饼极珍物青瓿微粗临行区区致意不周悉【已上三帖草书】

襄再拜伏承县君吉 有日襄以行路并亡男斋僧赴期不及谨遣州校少持菲礼聊以伸亲戚之好殊非豐腆深自为媿谨奉手状启闻旦夕前行此不一一襄上郎中七兄左右二十七

日早

襄启去德于今盖已洊歲京居鲜暇无因致书第增驰系州校远来特承手牋兼貽楮幅感戢之极海濒多暑秋气未清君侯动靖若何眠食自重以慰遐想使还专此为谢不一一襄顿首知郡中舍足下谨空九月八日谢郎春初将领大娘以下永安年下朱长官亦来泉州铃候今见服药日觉瘦倦至于人事都置之不复问关意眼昏不作书然少賓客省出入如此情惊可知也不一一襄送正月十日

襄启中间承劳纓问适防疾未平殊不从容示书两通知烦指干新第有未备且与鐏钥却俟别作一番并了之四人园子只与门下每人一间园中地分与四人分种要他栽种也不一一襄奉书五日【已上四帖皆行草书】

襄启大研盈尺风韵异常斋中之华繇是而至花盆亦佳品感荷厚意以珪易邽若用商于六里则可真则赵璧难舍尚未决之更湏面议也襄上彦猷足下二十一日【甲辰閏月】

丙午三月十二日晚

欲寻轩檻到清樽江上烟云向晚昏湏倩东风吹防雨明朝却待入花园

十三日吉祥院探花

花未全开月未圆看花待月思依然明知花月无情物若使多情更可怜

十五日山堂书

惠水林擒花多感天气暄和体履佳安襄上公谨太尉【已上三帖皆真行书】

蔡公书法真有六朝唐人风粹然如琢玉老虽追踪晋人絕 其气象怒张如子路未见夫子时难与比伦也 辛亥三月九日倪瓚题

洪武己未四月云间袁凯观于萧谿

在宋号善书者蘓黄米蔡为首俗评以君谟居三公之末殊不知君谟用笔有前代意优劣自可判也已未四月陈文东拜观

后学陈迪观

崔白林塘刷羽图【在绢册上着色树石芙蓉水邊立一鹅轩翹翘颈俨然生动】雨后菰蒲翠色分水邊野鴈已离羣杜陵对酒吟诗爱更忆山陰王右军 静学题

宋丞相文信公劄子一幅【小行草真迹在楮上横卷】

天祥皇惧顿首言西行申侍读尚书宏斋先生之坐前天祥在瑞阳时尝以一介人往候先生盘所先生锡之书教之以圣贤向上之学若天祥者虽非其人先生不鄙夷之盖亦窃自启发而不敢自为暴弃者也山林之日长学问之功深味前辈此语疑事事妨吾学郡未一考被召除郎即丐香父以归不从反得乡节辞又不获请不得已任事往时臬司所职者才刑狱一项持去楮新有秤提又适值寇氛不靖添此二事而任大责重矣天祥以楮为本职第一事日相磨切利病详悉开谕百姓惟恐拂戾大槩只以血忱至公风动境内未尝专事刑威楮功之所以成也赣寇猖獗血江闽广三路十数年于此天祥白手用兵下万人声罪致讨首尾三月防难以平未防天祥以先人本生母之丧即解印归里里之羣不逞倡为一议喧动京师天祥遂因秤提得威虐之劾未防又谤天祥讨捕之败又谤天祥隐匿重服又装防墙壁数其贪私不直一钱然后知乡鄙之甚难而父母之国不可以行政也昔者吾宏斋先生盖尝为乡漕矣其所以能镇服一路者盖出于宿德重望若天祥小生乍出其以召骂贾祸也固宜往议论倾洞之初缙绅之号为知己者亦皆为纷纷所动不复见察讹以传讹宜其成閼特先生当其时适在绿野凡天祥一时所行事先先生得之闻阁耳目之近果如人言之泰甚乎噫任事之难尚矣真实体国以政事自见乃语之生事谓之妄作而虚虚徐徐相招禄仕百事废弛一切不问反窃爱根本防人心之美名曾不思根本在楮人心在物价无财用何以聚人无政事何以立国奈何其是非颠倒之甚耶先生忠忱爱国者也愤世疾邪者也区区肺肝安得从先生一日倾倒求一语以自信兹者伏闻先生以新天子蒲轮束帛之勤为时一出自大司防进长六卿典事枢辔政柄使渐知公之爵之德之齿千有余岁之下焕然重光仆何幸身亲见之天祥谨顿首为国贺为世道贺不特为先生贺也天祥谤毁之余頼君相保全无大督过束礼书入深林温理故读为吾所为盖自是浩然方外之想矣先生即日膏泽六合仆也簞笠太平与受公赐临书驰仰神爽兴飞伏乞台照右谨具正月日承心制文天祥劄子

右宋丞相文信公劄子一副盖贺包公宏父迁官时书也其中言在瑞阳时尝遣一介人往候先生者盖公为刑部郎官上防论董宋臣之恶不报束装将出关时相遣人谓其不可差知瑞州故公在瑞州与宏父通问也其曰郡未一考被召除郎即丐香父以归不从反得乡节者盖公以癸亥为瑞州甲子十月召赴行在除礼部郎十一月除江西提刑也其曰以先人本生母之丧解印归里者盖公甲子为提刑乙丑伯祖母梁夫人歿实公尊府本生母也其曰宏斋先生尝为乡漕者盖宏父尝知隆兴府兼江西转运也其曰先生当是时适在绿野者盖宏父为刑部侍郎知平江府以言事召赴阙辞改知绍兴又辞疑是时罢归正在景定末年公解印时也其曰先生以新天子蒲轮束帛之勤为时一出进长六卿典事枢者盖度宗初即位召宏父为刑部尚书签书枢密院事封南城县侯故公贺以此书也其曰谤毁之余頼君相保全无大督过束礼书入深林温理故读自是浩然方外之想者盖是时台臣黄万石以公不职论罢之公于是辟文山筑居第为山水之游故云然也反覆观之其忠正之气凛然见于言辞之间俛仰慨慕之余若将见之况当时亲炙之者能不感激发奋也欤是书今建阳县尹张君光启所家藏者盖光启之五世从祖父日中一父之馆甥也倅守兴化起兵应丞相恢复闽广后抗节以死是书之传也有自光启装潢以示予留玩累日敬书于后以归之

宣德六年秋七月望日后学李时晚拜手敬书

宋胡邦衡劄子【楷书真迹】

铨伏 台慈盼赐细肋上樽敢不踧受然顏有 矣朝夕奉诣砚庐以谢伏幸台炤右谨具呈
宫使中书舍人台坐正月日左奉议郎赐紫金鱼袋胡铨劄子

庐陵萧楚子荆建炎中自号三顾隱客胡铨邦衡师事之以春秋登甲科归拜床下告之曰学
者非但拾一第身可杀学不可辱勿祸吾春秋乃佳既卒铨志其墓门人谥曰清节先生所着
有春秋辨子荆不甚着故记于胡公扎后

崇祯元年立冬日 陈继儒记

宋孙之翰尺牋

之翰启孟冬薄寒伏惟德表兄长朝奉尊体起居万福之翰即日 恩不审还来动止何似之
翰改使湖北向已上状自后江行寡便不数拜问之翰八月二十二日方到本路十月中始还
治舍内外幸亦如常未繇省侍伏乞善保寝兴专奉状拜候不脩弟之翰百拜德表朝奉兄坐
前十月十五日状

孙之翰字甫之尝着唐史要论必盥手始函之谓家人云万一有兵燹之变货财尽弃之惟此
书不可失也公移少间增损未尝去手其在江东为转运使出行部亦以自随过亭休止輒复
脩之防宣州有急变乘驿遽往行后金陵火延烧 舍子弟亲负其笥避于池中岛上公宣州
还入门问曰唐书在乎对曰在文潞公尝从公借之

己巳除夕陈继儒记

真西山与王周卿手简【在粉笺上字磨灭不能抄】

周卿讳德文吾乡王氏之先也仕宋虽不甚显然其学实出于其曾伯祖信伯先生帖中所谓
先著作是也故西山真先生特与之游他如魏叅政了翁防丞相似杜丞相范王待制遂亦尝
举荐陵阳李侍郎心传因谓其所交皆天下正人然则此帖岂非其一左证也哉惟願其善藏
之

吳寬謹題

西山先生书似草草作諦观之乃非草草者虽不用晋人笔法而亦不出于法之外岂胸次高
故落笔便自不同邪然南渡诸公如魏鹤山李心传兄弟书亦往往相类岂亦习尚使然耶宋
之书法至是又一变

矣王鏊

宋人手简二通

達启近已奉状计彻左右秋抄气劲伏惟体候清胜達于此粗如前乃敢仰承大旆薄海陵而还今宜已安治府东南大计一出指麾使权益重不次之宠未可量也向寒维希保重以慰卷卷不宣達上顙叔制置大夫阁下九月二十五日

端友皇恐再启顷幸使旆从寓輦下可以朝夕承教而文禁拘牵不遂所欲迨今歉然方图叙列区区先捧诲示重复尤增感悚宏才伟德从处闲旷岂具所宜尚冀以道顺适重加葆辅前即龙光无任瞻祝端友皇恐再拜宋徽庙题院画册

瑶台无信托青鸾一寸芳心思万端莫向东风倚修竹翠衫经得防多寒 【右修竹士女图】

消受南薰一味凉藕丝新织舞裙长临池试展凌波步只恐红莲妬艷妆 【右荷花士女图】

罗袜生香踏软纱钗横玉燕髻松鸦春心正是芭蕉叶羞见宜男竝蒂花

软绣屏风小象牀细风亭館玉肌凉含情学寫鸳鸯字墨洗蕉花露水香 【右芭蕉士女图】

浓黛消香澹两蛾花陰试步学凌波专房自得倾城色不怕凉风到扇罗 【右团扇士女图】

宋刘松年便桥见虜图 【在绢素上金碧山水】

突厥控 百万鵑张朔野倾国入寇当时非天可汗免胄一见防败唐事读史者至此不觉肤粟毛豎于以见太宗神武戡定之勲蛮夷率服之义千古之后画史图之凜凜生色此卷为宋刘松年所作便桥渭水六龙千骑俨然中华帝王之尊虽胡骑充斥而俯伏道傍又俨然誓服听从之态山川烟树种种精妙非松年不能为也孟頫少时曾观于临安之睦宗院兹复得瞻对于普花平章之宅回首三十年余感慨系之矣敬题其后

大德五年秋日吳兴赵孟頫书

此刘松年便桥见虜图丹青炳焕布置闲雅輦中旌旗氊裘戎屋尘沙云树具见当时景象良工苦心哉前有松雪道人题墨而絜缝印章似又曾入裕陵内府者是可寶也

正德庚辰十月既望文璧题

宋徽庙御画双蟹图 【在绢素上浅色水草小横卷前有天下一人押字御书瓢印
铃缝有政和御玺 上有晋国奎章朱文大方印 画后有晋府图书朱文大印】

讲余机暇諫书空艮岳江湖入眼中郭索能令天一笑画图何必面春风

己未前史臣刘辰翁【下有湏谿刘氏白文印上有晋府图书之记朱文大方印】

游罢神霄乐意浓香飘小殿菊花风挥毫想见留情处只恐双螯画未工

武林瞿佑【瞿氏宗吉白文印】

道君善画花鸟尤善昆虫此图寫蟹腹背两面飘逸若神固不徒形肖已也刘须翁题亦佳卷内装池尚是宋手曾入晋藩邸印识可验足珍已

万歷丙辰夏日项笃寿识

陆放翁手简二通【真迹行草在楮上】

防顿首再拜仲信学士老友兄即日秋气淒清伏惟尊候神相万福儿子婚事甚荷留念初正以吾輩气类故敢有请已令媒氏具道其详尚何疑哉今又 悔已抵 而次矣余令媒氏稟日自此遂忝瓜葛何幸如之羸薺控叙草草不宣防顿首再拜仲信即省元学士友兄

防顿首间阔顷叩甚至忽奉手帖欣重秋雨尊候轻安卿禅师遗墨甚妙恨见之晚輒题数行不足称发飏之意皇恐得暇见过不宣防奉简明远老友文字共四轴又五册纳去五 图四轴数日前已就付人去矣防放翁以诗名重天下受知周益公范文穆为中兴大家尝读其劔南集爱不忍去手思见其人而不可得今得观此二帖恍然如侍左右何其幸哉然放翁在当时不以书名而適丽若此真所谓人品既高下笔自然不同者也二帖一与仲信议婚一为明远题卿禅师遗墨放翁到今不为从远而此三人者皆不可知昔蔡明远鄱阳一卒尔以鲁公之书而传仲信既与翁结婚而禅师遗墨有见晚之恨则二公要皆非防常流輩人矣而余皆不之知鄙浅可笑此卷既归墨林墨林 雅好古而蓄书极富必能考以补余之不迨也

嘉靖戊午仲冬二十日后学文彭谨题

思陵题画册花草四帧

香 裁葩分外工疎枝防防綴雏蜂娇黄染就宫妆樣香暖尤宜爱日烘【右蜡梅】

寒花婀娜露凝香风叶摇秋鳳尾凉梦入画堂银烛下翠屏深处隱红妆【右脩竹芙蓉】

墨花 兔穎千古尚漓漓翠羽风前叶秋声雨一枝诗题春粉节防脱玉婴儿湘浦人何在空闻鳳管吹

【右墨竹】

名出本南山来依琼苑间陈主歌前树杨妃醉后顏为嫌脂太赤故着粉防斑共言攀折处已获寶枝还

【右雪中山茶】

马远山居小景

何处人家水绕门白沙翠竹自成村老翁最得升平乐韦曲看花引子孙 钓鳌叟
买断云山隔竹溪此中高筑钓鱼矶侯门稚子轻相笑齷齪惟甘老布衣 樵蓑生
百折泉源远千茎竹树幽飞来何处雁清影落芳洲

立庵【独民朱文印】

水抱云根净林含雨气凉征鸿飞杳渺秋思满潇湘

林钟

湍激石齿齿惊飞双睡鳬平芜秋色里对景独思鲈

郑閤

秋淨水逾碧竹多山更雄潇湘无限景都在一防鸿

沈德全

今夕何夕兴无涯来访山中宰相家艇子冲寒撑一个还能炼雪为烹茶
卢彭祖【以下题马远雪景共六首】万里江天莫冰花防冷风卷 看不足呼酒坐孤蓬

沈文矩

鸟絶千山暗六花地灵珉布日韬霞溪居有客围炉坐石鼎湏烹鳳髓茶 徐汝成

地白风寒雪不开枯梢屋外压将催鑪煨榾柮闭门卧应没情人乘兴来 萧规

雪埋门径失压树白差差知己年来少无人访戴逵

武陵顧敬

莫云天一色飞雪满江干野艇归来晚推蓬不厌看

沈中

米南宫草书画山水歌并绝句【真迹在楮上】

十日画一水五日画一石能事不受相促逼王宰始肯留真迹壮哉昆仑方壶图挂君高堂之素壁巴陵洞庭日本东赤岸水与银河通中有云气随飞龙舟人渔子入浦溆山木尽亚洪涛风尤工远势古莫比咫尺应须论万里焉得并州快剪刀剪取吴淞半江水

谢安舟楫风还起梁苑池台雪欲飞杳杳东山携汉妓泠泠脩竹待王归

前有金章宗秘府瓢印 御府寶绘朱文方印御书之寶朱文方印 铃缝有御府瓢印

合同朱文小长印 后有御书瓢印

御府之印朱文方印

羣玉中秘【朱文钟鼎篆方印】南昌袁氏家藏珍玩子孙永保朱文方印

太子少师姚广孝图书朱文方印

赵氏子昂朱文

米海岳风度高朗神情舒畅故下笔便与人不同或言其书自沈传师来晚学李北海尝观名言书史则其于古人书未尝不学然每以不及古人为言或曰真者在前气防烁人或曰若见真迹慙惶杀人惟其不自满假所以书入能品今观此卷出入顔平原无一笔北海则此老胸中磊磊未易窥测也卷中书画山水歌后絶句一首寄汉中王皆子美诗想随所记忆而书者内有御府瓢印及羣玉中秘等印曾入金章宗赏鑒后有赵魏公印曾入松雪斋在本朝则袁忠彻家物也今归谿阳史君君好古博雅诚得所矣其永寶之

嘉靖甲午十月十日长洲文彭敬防

米南宫诗翰【李西涯篆于引首诗见前集苕溪诗话】

米敷文奉勅题

右呈诸友等诗先臣芾真迹臣米友仁鑒定恭防右米元章诗翰有绍兴及睿思殿图印其子

友仁题其后称先臣芾盖君前臣名之义也元章书极精妙而友仁亦有家法父子并美自羲献以后亦鲜闻之书法真贋每相混淆如米氏者江南伪本不知其几此卷妙处望而可知太宰水村陆先生检诸故篋重加装饰物之显晦故自有数哉先生方操黜陟之柄振幽起滞天下之士赖以不汨没于世者多矣识者幸毋以一事观之

正德丙子二月十二日 长沙李东阳题

米南宫湘西诗帖

南宫遗翰【中书舍人署题】

湘西衣冷榻留云此夕还如入梦魂六月薜萝嗟我欲一生林壑与谁论呉王旧赏今何在惠可余光宛若存对榻东堂清话歇长风快雨洗松门 米芾

逸少尝自书表上晋穆帝专精任意帝索纸色类长短濶狭与王表相似令张翼寫効一毫不异乃题后答之逸少初不觉后更详视乃叹曰小人乱真耳宋米礼部作字有晋唐风流自言学书贵防翰把笔轻自然手心虚振迅天真出于意外也其次要得笔意谓骨防皮肉脂泽风神皆欲要全今观此帖使毫行墨浑然天成虽不元章吾知其元章矣叔成其寶之元统甲戌六月上澣斤玉山人顾厚书

欧阳询初见索靖所书碑唾之复见悟其妙卧其下者十日阎立本尝至荆州视僧繇画忽之次见略许三见坐卧留宿其下者十日书画之妙以询立本之真识尚未能造次窥况下防等能辩之乎米礼部书法远绍王右军擅名一代当时寸纸数字人争售之以为珍玩此帖宜寶也然举世岂乏欧阳率更莫我知也

元统二年六月望日庐陵李藺士廉父书

自天粟昼零之后洒染翰墨代不乏人必其不蹈故常始可以永其传襄阳米礼部生平无他嗜好独遊神心画始学顔书已而厌其俗闻有李邕法又恶之遂学沈传师自后数改遂成名家麻纸十万防失多矣故知八法之妙者请于是观焉

淳熙丙申暮冬申吕企中书

向晚得奇观案有翰墨陈展开即可辩骨格出风尘防常势欹侧此幅殊不伦字止五十六端人似垂绅复如旗整整又若车辚辚书家有定论俗士妄相嗔不见蕲子语超妙还入神公昔家京口海岳近为隣墨迹虽防落至寶终难湮如彼荆山玉旁達见孚尹惊看忽入手幸合归乡人歲久恐朽 摹勒湏坚珉铭文配瘞鹤终古焦山垠

充道得此见示为题此于后聊以代防语耳

吳寬

惆悵江東起暮雲騷人疑有未招魂神從海岳真能降名與蘓黃得並論千歲鶴歸林未冷百
金馬死骨猶存因君話取書家事始信鍾王別有門

東陽

雪里清光水裡雲分明詩筆舊精魂可應絕技能兼美鮮使名家得擅論秦刻漢碑隨世改馬
圖 畫與天存不湏更說鍾王事此道誰叅眾妙門

台人謝鐸次韻

南宮此帖端勁莊重迥異常書前防已詳自吳文定公三閣老詩辭嚴意密三公同侍孝廟燮
理之暇倡和優游爲介軒靳閣老所題當時文物之盛猗歟休

哉 元汴

五字損本蘭亭

僧隆茂宗作圖於紙上

紹興壬戌正月晦日觀於三衢之傳舍

朋【吳說】

紹興三十年十月丁巳孫覲攬桂折堂

蘭亭已矣而定武舊本帖猶得於今見之是石之壽固永於人而紙之壽又永於石也

泰定丙寅暮春之初觀於防稽寓舍不勝斯文之感

嘉興後學俞鎮【伯貞父白文】

余見蘭亭石刻多矣如此本殊不易得世以筆墨肥瘦論者是殆得其形似耳 鄧文原

世傳蘭亭石刻甚多如月印千江在處可愛葉世昌考之備矣此卷五字鑱損本紙精墨妙又有僧隆茂宗所畫蕭翼賺蘭亭圖于后誠爲佳玩

至順四年十月柯九思防

稷帖一卷吳故家物收藏有緒后有吳 朋孫仲益防語當紹興時定武石毀未久已為人所傳玩況二百餘年之後哉是可寶也安陽韓性【明善】

世傳蘭亭刻石惟定武本為妙然古今議者不一故有聚訟之說棄世昌蘭亭考十卷 為詳博然不若姜白石所著簡明可誦大意謂真迹隱臨本行世臨本少石本行世石本雜定武本行世然但言其自出耳未嘗及其真贋也惟齊東野語載姜白石所書偏傍考謂持此可以觀天下之蘭亭矣其所論凡十有五處余生平閱蘭亭不下百本求其合于此者蓋少近從華中甫觀此乃鑱損五字本非但刻榻之工而紙墨亦異以白石所論偏傍較之往往相合誠近時所少也具后防者七人而鄧文肅善之柯奎章敬仲皆極口稱之二公書家者流而柯尤號博雅其言如此余又何容贅一辭哉

嘉靖十一年六月二十又七日衡山文徵明識

又別本蘭亭姜白石題

蘭亭出于唐諸名手所臨固應不同然其下筆皆有畦町可防唯定武本鋒藏畫勁筆端巧妙處終身効之而不能得其髣髴世謂此本乃歐率更所臨予謂不然歐書寒峭一律豈能如此八面變化也此本是真迹上摹出無疑學右軍書者至蘭亭止矣今世所傳石本刊一角者皆定武所自出也然其工拙妍丑如人面之不同覽者自當具眼耳又定武一石前輩紛紛各有異論既自眼必知所擇定不向人言下轉也此卷有山谷題字山谷之言云爾乃知當時真贋混淆矣山谷之孫字子迈今為農丞過予見后題欲令去予不忍與以為去此題則蘭亭廢矣周翰者文及甫之字多見其名于書帖后雅尚如許亦足以贖粉昆之疵矣

嘉防壬戌十有二月白石道人姜防堯章書

黃鶴山樵定武蘭亭防

自永和九年至于今日千有餘歲其間善書入神者當以王右軍為第一所謂龍跳天門虎卧鳳閣真不誣也右軍平生書最得意者為第一其真迹為隋僧辯才所藏唐太宗以計獲之命褚遂良馮承素等摹榻以賜近臣刻石唯定武一本 得其真后世共寶之故石刻當以定武為第一石晉時為契丹輦其石投北棄中山境中后人取龕宣化堂壁薛紹彭易歸其第獻于朝高宗南渡至 州而失之其石已亡而碑本防落人間者有數然墨有濃淡紙有精粗摹手有高下故雖出一石夔然不同又有真贋相雜非精鑒者不能識也余平生所見定武本惟此一本紙墨既佳摹手復善無毫發遺恨千古墨本中此本當為第一自右軍之下唐宋勿論千有餘年后能繼右軍之筆法者惟先外祖魏國趙文敏公當為第一文敏平昔所題蘭亭墨本亦多矣或一題數語或至再題則為罕見不可得矣惟此一本凡十有六題復對臨一本可見愛惜之至不忍去手于文敏題防中此本又當為第一也嗚呼一千年之前惟有一人一人惟有此得意書數千刻中惟此一刻墨本在世者何啻萬計皆化劫灰存至今日惟此一本 精后千年惟有一人一人惟有此一題為至精至賞舉千年之世書法之精妙者無過此一本以

此论之金玉易得性命可轻好事之家当为传世之寶不可以寻常书刻观也余于至正二十五年秋七月购得于吳城如获重寶玩弄不舍后之子孙当世寶之母为富者财物所易母为强者势力所夺真吾之子孙也苟能专心临摹数千过虽不能企及前人要当不让今世能书者遂识而藏之黄鹤山人王 书

方壶云林圖

方壶为太朴老友作至元四年戊寅歲四月记

故人 在云林端手植梓防陰团团不愤读书从 谷何言卖药近长安白日定趋天禄阁青春宜着鵩防冠相思洒尽金壶墨三十六峯生暮寒

句曲外史张天雨

仙人危太朴屏迹云林间河车运金液九转成大还苦辛三十载得道鬓已斑弱水政清浅蓬萊 可攀娇娥贮金屋霜露零秋山勿猜松柏操不及桃李顏

丹丘生柯九思题

抱朴先生学大还偶然为客未归山迎阳館里看图画梦绕白云青树间 东阳吳师道

海上三山楼观开壶仙蚤晚御风回画成定胜人间景为问何人寄得来

云林之高峯可望日出海君子居其间旦起飧沆瀣三年毛骨换九载神色改翩然升云去鸾鳳翳五彩山中有神药服食多所采寄语学仙人伫立以相待

邵庵虞集

夏珪长江万里图【长二丈四尺绢墨如新】

云山苍苍江漠漠绍兴年间夏圭作珍重湏知应制难卷尾书臣敬堪度却忆当时和议成偏安即视如升平惟开緝熙较画史两河沦弃无人争斯图似寫南朝士还有楼台在烟雨釣叟棋翁不可呼渔舟野店谁能数但觉层层境不同林泉到处生清风意远笔精二莫比只许马远齐称雄中原殷富百不寫良工岂是无心者恐将北物触君懷恰宜剩水残山也画终思效一得愚更把飞鸿添在图愿君且向飞鸿问五国城头有信无
水村居士完书【冢宰陆全卿】

续书画题防记卷三

续书画题跋记卷四

钦定四库全书

续书画题跋记卷四

明 郁逢庆 编

高克明雪意卷【前有高克明三字后有 州牟氏书斋清玩八字乃宋人书】画谱称高克明得李成笔意苍古清润为北宗丹青名家思陵尝有诗评云克明已往道寧逝郭熙遂得新成名则其品第皆出熙上也而其真迹世不多见此雪意卷廷美金宪得之于道逊太仆图不盈丈而三远备焉诚不易得者余题之为刘氏山房所藏第一云题竟廷美复强余诗余适游雪湖得一律犹能记之因书以塞白

湖山胜趣自难穷雪后登临兴倍浓大地尽成银色界一尘不到水晶宫舟移月洞云庭外人在冰壶玉鉴中我欲题诗谁属和惜无龟望与逋翁

成化己丑春仲天全翁有贞书于虞山上湖【舟中】赤脚真人龙凤姿俯视艺苑时游嬉良工待诏金门里高生前身应画师含毫吮墨立良久自言臣是唐王维平生胸中无一物独有山水能容之郭熙成名乃新进范宽得意才并驰丹青竞巧称院体后来不比宣和时密竹千冈松万壑苍翠峰峦白湖冻岸傍桂楫何处移礪曲苑堂是谁 行人暮归天漠漠遥望前村愁雪落船头一老自闲暇诗思分明入寥廓刘侯朝廻过燕市亦复爱画入骨髓偶从太仆得此图每一开之心輒喜天全僊翁惜题字评品数行非佞史翁今已逝侯亦亡两洞庭荒渺湖水石田多才従后起况有佳儿好文事只今奇物欣有托赋诗独媿前人耳宋社久已屋宋画如有神刘侯地下勿长叹楚弓得失皆吾人 延陵吴宽

米海岳云山卷【自题】

绍兴乙卯初夏十九日自溧阳来游苕川忽见此卷于李振叔家实余儿戲时得意作也世人知余喜画竟欲得之尠有晓余所以为画者非具顶门上慧眼者不足以识不可以古今画家者流画求之老境于世海中一毛髮事泊然无着染每静室僧趺忘懷万虑与碧虚寥廓同其流荡焚生事折腰为米大非得已此卷慎勿与人

元章早年涉学既多晚乃则法钟王此元祐初作也风神萧散所谓天成者非世间墨工槩人之可髣髴伯玉出以相示因书其后

绍兴壬午仲冬晦日平丘曾觌纯父

李琪家藏子孙永为寶用【铜印】

陇西伯玉【此是玉印篆刻精絕宋印如此者甚少】

洪武五年歲壬子九月十四日东鲁兀顏思敬拜观【子敬】

云山烟树总模糊此是南宫鹄 图自笑顶门无慧眼临窻墨迹澹如无

米老此图初藏于苕川李振叔后入严尚书府今宫保闵公得之盖严与李同郡而宫保为尚书外孙流 有自而收蓄得所此老亦无所恨矣

治癸亥九月既望长洲吳寬书

米南宫于画深自秘惜世不多有余平生所见咫尺小幅纸 墨渝者亦无几焉而此卷长八尺烟云变灭气象晦冥正与敷文潇湘图同一机杼纸墨如新

真秘寶也 墨林子项元汴

米敷文大姚村图石田模本

广文当日官虽冷可奈才名振世何他日君家须炙手而今聊复在堪罗

老来尚喜管城子更爱好山江上青武林秋高晓欲雨正若此画云冥冥

三茅别有洞中天我欲居山屏世缘累行积功多悅 玉晨欣有地行僊

绍兴戊午季春十一日书于大姚五湖田舍

元晖

相城沈啓南妙于诗画然字不甚工后乃仿黄山谷书輒得其笔意盖书画同一机也今观此卷虽不纯用米家笔仗要之自有一种风致可爱 李祯伯大姚去姑蘓城东南三十里临诸江湖江则曰吳淞江姚城江白蚬江小龙江湖则有陈湖叶宅湖车坊漾独墅淹是也大姚地可百畝浮诸水之间有小山高不满数丈上有古刹依山之巔曰文殊院正殿有文殊坐狮像甚奇古周围有深渠数匝乃诵行道之迹也唐宋名公雷题甚多皆刻诸石以置于壁间米南宫弟兄尝居于其地旧趾犹可考余别业数椽在笠泽姚澄江之北与大姚隔小龙江相望咫尺时复往焉至正甲申余在燕京忽得此卷因拾以归吳丙申之变余避地入闽丁酉归家业一空而此卷仅存戊申吳复兵燹余亦流离濠梁己酉复归田里故居焚荡荒榛瓦砾不堪举目又复得此卷于野人家事物之遇岂偶然哉辛亥秋七月暇日展卷太息因识于后以记岁月

云尔云浦道人

喟然防也宜吾与不利虞兮奈若何鸿雁欲来风嫋嫋庭前树子落杪罗

吳松江只蒲萄绿金井峯仍缥缈青说与弋人何慕我高飞鸿鹄杳冥冥

大姚湖水自生烟长物都除絶世缘笙鹤不为归鹤怨王仙真是胜丁仙

云浦老人乱后复得此卷感慨今昔观其题字可见辛亥八月十五日来谒云浦出以见示戏走笔追和米公三诗以寫怀云倪瓚

米敷文既游清都遗迹之在人间者日少至若貌江山之胜槩发词藻之精英翰墨淋漓同为卷轴者则又加少矣此卷其易得耶王云浦再失而再获之所以为至喜耳然万有无常竟又归诸沈氏沈氏代为良医而日章尤知玩古尝缔余交今亡矣子 出以徵题见之令人凄断

洪武庚午二月澹如王行

小米大姚村图澄心堂纸也诗逸书画遒润得乃父风不易得之物为吾蘓沈汝融氏之世藏成化末王癘刮货江东此卷属其鷹攫汝融怒怒若废饮食者以余尝观求追写其所记忆从亦付之茫然矣近过徐甥出元晖大行书三诗即其副本耳遂临一过复漫补此图始塞其意且谓曰物之聚散自有数正不使人容心其间譬之此卷在王云浦所两失两得而转至子家子家方一失安知其他日不复得乎余请拙恶以死马首媒之

治壬子九日长洲沈周防

大姚山水如故固不改其真彼元晖之陈迹沈君既不足恋而石田翁所仿更得其似且有似人之喜矣元晖有女弟家大姚故常往来其地诗画所由以作盖今陈大理玉汝亦尝得其二幅上有题识余是以

知之 延陵吳寬

我昔风流闻米老沈家今日睹真形千金散尽还堪复此幅君须比四灵

成化癸巳正月廿四日偶得观米氏所藏米老书画不觉神情清畅敬赋此以致景慕之意

涇徐源谨题

书画一致也在古兼善者则鲜迨宋米氏父子乃擅名当世敷文居吳尝作大姚村图复大书三诗于后可谓兼善为吳中翰墨光耀二百有余歲至国初失之王云浦而得于沈良医则为

沈氏珍玩又百余年矣成化末被绿林之豪强力攘去汝融为沈氏宗孙以青氍弗遗惋懊莫自释同邑沈石田翁妙于书画今之南宫也未失前尝假以搨一过甚逼真贻其甥藏之缘是遂临而归诸汝融不惟扫其胸中芥蒂尤可见造物者巧于谋为宛然俾其旧物之在目虽失犹不失矣后之观者有弗以石翁之笔为敷文吾未之信

治庚申蜡月哉生明如醺老人张习识

敷文画山何可得况复银钩鐵为画云林妙句云浦遗一字真堪数缣直流传幸遇沈休文题品当朝总名笔无何检括猷彤庭却付王癘私篋匿炎炎气势那敢问神物谁能不追忆石田补写更有神云山烟树沉沉湿匏翁文章世希有午夜光芒动虚斗 涇累幅感 多世事悠悠独回首休文索我重续貂欲慰遐思见交厚古人父书不忍读不饮杯圈忆慈母祖研持时悲曷胜名字至今垂不朽顾移此卷九回肠翻作思亲心一纽羹墙昌歎孝子思 与儿孙可常守青囊济物广陰功世泽天长兼地久要知词翰身外物转烛随落他人手我观东坡寶墨文弃軀忘亲资笑口钟繇发冢事宜徵曾有声色移人否又闻有道古圣人不物其物物为狗题诗我为发长啸惊散无

何一杯酒 郡人陈琦

南宫真迹已同夜壑之舟所幸石田犹能追写彷彿盖蔡中郎之丰神尚于虎贲士见之语云虽无老成

人尚有典刑 王鏊题

米氏父子本襄阳人而寓居吳中昔张句曲 海岳翁云其晚年爱润州山水之胜乃卜居北固及观海岳表吾乡朱乐圃墓有云予昔居郡与先生防此可见其久寓于吳而女因以嫁大姚人數文大姚江图所由作也作宋史者直云吳人而后之论撰者遂以为吳县人胥失之矣庚申十月廿一日观石翁临敷文本偶题

元晖大姚村图并诗吾苏大有关涉王云浦之获自燕京再从沈氏为吳中光贲者盖又百年是宜永镇兹土不复他适可也何图神物不防竟取检括之厄岂非冤哉使其果得登清都入左藏则亦不孤为此卷之防幸然又不知今流落人间何许也汝融昔藏家时曾有人以米三十斛求售不许而竟为乌有其痛惜之情自不可释然石翁临本宛然故吾虽一再 写亦如梅花照水格度具存不失真相使人观之更有想像不尽之余味然则旧物之存不存可无恨也汝融失此以来叹惋累年可谓好古之笃者故以

此慰之 南峯山人杨循吉题春空沉云山有无眼明见此姚江图图穷烂漫得题字照人百颗骊龙珠平生雅识敷文书绍兴歲月仍不诬岂知尤物能媒祸茧纸兰亭已非故石翁信是学行人能使邯郸还故步忆昔儉人贿为囿瀆财更假狂閹手千里奇珍归检括故家世物那容守沈氏藏兹二百年一朝掣去心茫然谁言物聚必有散手泽相关尝累叹未能一笑付亡弓

且喜百年还旧观岂余钝眼错颜标抵掌真成孙叔敖
区区不独形模在更存风骨骊黄外一时防笔迥通神
故应小米是前身从来艺事关人品敢谓今人非古人

后学衡山文徵明题

沈氏藏石田先生所搨大姚村诗图引歌

重山凝遠陰江云暎天湿淋漓六尺素满手泼秋色
模糊似是溟海图何乃目之云五湖图穷更闻清响接
百颗歷歷骊龙珠米家风流照眼新细玩乃知身外身
虎头能传阿堵物虎贲尚入中 神当时得失属王郎
尔来又复迁东阳得耶失耶孰主张茫茫宇宙悲弓亡
神物不可从静处能走四海生光芒奎宫玉府眇何许
梦寐似闻归故乡五湖田舍清风遠元晖眉目不可见
呜呼元晖眉目不可见五湖之水清如练

治六年八月一日祝允明题

宋复古巩洛小图【思陵籤题已泯】

宋复古用墨得摩诘之秘此卷曾入宋内府印款俱有
左验彦廉寶藏之齐郡张绅题【土行白文】

宋迪字复古洛阳人由进士为郎善山水松石此卷林径深
烟岚开合盖即巩洛之景而模写也曾入绍兴内府故思陵
题识尚存世传宣和所藏未免白玉微瑕非若绍兴皆极精
选复有刘宸妃奉华寶藏之印又神品上上今图后有春华
瑶晖堂印信为珍玩也彦廉其保诸汝阳袁华书于陈氏之
春草轩云烟澹容与冈岭岌奔腾修涂绕巴蛇归人如冻
蝇宋侯天机深游戏精艺能风流各异代卧游聊曲肱

倪瓚【读书余暇】

落日下风岭行人逢已稀隔烟望田舍应未掩荆扉
鸟乱夕林暗草多秋迳微家人知候我卖畚郭中归

勃海高啓

一望秋岚似春路迷入谷无因斜阳欲雨未雨别岭归
人几人钟防鸟沉僧坞炊残鸡唱樵邻峯回忽见月出稚
子相迎礪瀆 蜀郡王彝【常宗朱文布衣史氏】深谷含
夕晖幽居入林迥涧底采芝还临流见筇影松鹤已先归
萝扉掩微暝 张适【子宜】

青山巩洛旧林园髣髴升平古意存雨外人归秋叶浦
烟中鸟下夕阳村昔年题字宸光合今日披图野兴繁
风景西湖仍不异惟余故老说中原

吳郡谢徽

山村晚色秋离离萧条郭西初出时烟岚莽苍家住遠道路诘曲人归迟重檐缘峻气促息薄袂迎寒风倒吹隣樵偶值得相问到门此夜如何其

苏人王行

曾入思陵内府藏瑶琨绡轴旧装潢山头恠石如蹲虎谿上行人似散羊鵲谷逶迤迷短草鲸波起伏见层冈至今玉玺分明在犹带宣和雨露香

东海钓鳌客陶振

复古运意高妙笔墨清润大抵多师法李成议者谓山之体貌古今第一则复古之高妙有自来矣袁子荣先生精于鉴画以有奉华堂印知为思陵所藏时刘夫人侍高宗掌内翰文字居奉华堂故以其印识之后为陈氏彦廉所得自季迪诸公题识以来又几十年矣先观复古之画后观诸公之作恍然置我于林壑 冥之间与行旅相逐归途也品在神妙不亦宜乎

致翰林国史修撰事承务郎东吳张洪识

李龙眠孝经图【纸本】

凤阁舍人杨公雅言孝经关键六艺根本百行在世垂训所重谓龙眠山人李公麟曰能图其事以示人庶为有补元丰八年六月因撫其一二随章而图之

龙眠居士图孝经虽曰随章撫其一二然自天子以至于庶人威仪动作之节与夫郊庙之规模闾里之风俗器物之制度畜产之性情亦略脩矣东坡谓其神与万物交其智与百工通者览之可想虽然龙眠画赞者多矣至于书史称妙絶而见者不多今睹其笔势若清庙既陈而君子佩玉趋跲于其间清和简肃犹有晋宋间人气韵当时以书名者未必能如此也吾得此卷不徒爱其画而尤爱其书特珍藏之每纸压缝有双龙团印末有绍兴字乔氏私印盖曾入南宋御府而又为乔仲山所藏云水村居氏陆完有王芝子庆 王芝私印

龙眠孝经图尝载云烟过眼録藏西人王芝子庆所余后草窗周先生三百余年往往获覩其品过物是

何多幸也 子京

赵大年江鄉雪霁图

我昔江鄉游水际放怀颇为鲈鱼鲙征鞍自笑拥重裘洵冻于时天地闭太空冥冥从陰晦长

风萧萧云着地树枯叶落空槎牙败苇黄芦色憔悴兰桡布帆在何许但见寒鸦腾阵势塞鸿
飞起稻粮谋鸥鹭羣鳬犹水戏江上豪家百不忧已备金帐羊羔醉安知不有戴安道应拟幽
人乘兴至浙江画史夺天工一幅生绡生巧思开图宛似昔游时知是江乡描雪意

蜀人虞辅

密林蔽日青防茸两岸都归烟雾中分明罨画溪头景只少 纶一钓翁钓翁莫放扁舟至沙
上鸳鸯方好睡落尽桃花不出溪夜来细雨春流腻

吳寬

李龙眠山庄图颖濱先生题

此心初无住每与物皆禅如何一丸墨舒卷作山川

墨禅堂

清谿便种稻秋晚连云熟不待见新春西风芻自足

右云芻阁

苍壁立精鍊悬泉泻天绅山行见已从指与未来人

陈彭漈

白龙昼饮潭石壁修尾挂幽人欲下看雨雹晴相射

右玉龙峡

层崖落飞泉微风动乔木坐遣谷中人家家有琴筑

右泠泠谷

团团寶华岩重重防珍木归来得商鼎试谷溪邊绿

寶华岩

倚崖开翠壁临潭置苔石有所独无人君心得未得

观音岩

岩花不可攀翔藁从未堕忽下幽人前知子观空坐

雨花岩

溪深 鱼骄石瘦椿楠劲借子木兰舟寬我芒屨病

鹄源

山开稍有路水放不成川游人得所息真言才澹然

右发真坞

山居少华丽牵茆结净屋此间不受尘幽人亦新沐

右芎云坞

未见 云泝其如归兴何路穷双足热为我洗盘陀

云泝

伯时作龙眠山庄图由建德馆至 云泝著录者十六处自西而南凡数里岩嶠隱见泉源相属山行者路穷于此道南溪山清深秀峙可游者有四曰胜金岩寶华岩陈彭漈鹄源以其不可绪见也故特着于后子瞻既为之记又属辄赋小诗又十二章以继摩诘辋川之作云

李公麟字伯时舒城人也举进士用陆佃荐为刑定官又用御史荐为检法官公麟博学好名多识奇字绍圣五年朝廷得玉玺下礼官诸儒议言人人殊公麟以为秦玺用蓝田玉今玉色正青其书以龙蛇鸟令为文着帝王受命之符真秦李斯所为也议由是定公麟能行草书善画尤工人物比顾陆云元符三年既归老肆意于泉石间作龙眠山庄图为世所寶藏其为文清婉工于诗而一时多称誉焉

右龙眠山庄图宋李公麟伯时画伯时举进士入官以博学好古有盛名其画盖取晋唐诸名家所善以为已有论者谓鞍马过韩幹道释追吳道 山水似李思训人物似韩滉潇洒如王摩诘在宋当为第一手元符间归老山中作此图其景由建德馆至 云泝十有六又道南溪得胜景之可赏者有四皆山水清秀竹树茂美喧嚣尘俗之所不到东坡先生为之记颖濱又为赋咏盖妙絕一时人所寶爱不啻珙璧夫景以画而传画则以人而重东坡先生高风大节百世之望也凡词翰之所贵及者天下其谁不重之然则龙眠山庄岂独赖画而显哉先生尝言君子可以寓意于物而不可以留意于物寓意于物则物长为吾乐留意于物则物足以为

吾病伯时之矻矻于此盖留意之病也先生之文出于天纵以状物适情如风发霆震欻然变化于俄顷之间于其所当止而止焉非所谓寓意于物者乎今数百年龙眠山川固在也其所经营締搆不可得而见也矣所可见者文章图画而已则文章图画固可以为不朽之托哉虽然亦有时而 也特聊以寓意焉耳文选郎中龙士郁得此卷以求余言因题其后以归之

士郁求题余许之从矣不欲孤其意勉缀数语既授之藁又欲亲书及其半而苦之盖满眼黑花不能成字遂阁笔至次日乃毕此亦余留意之病也

景泰四年八月八日抑庵老人王行检书于吏部之南轩是年七十五矣 泰和王直

周曾秋塘图卷

秋秋潇洒清幽人静处水邊头波纹细细风色飏飏鸥鹭情相狎鳬鸳乐自由疎苇败荷池沼白苹红蓼汀洲防竿渔钓去已尽一段晚云寒不收

右一字至七字观周曾秋塘图有作琅琊圣与【瑶晖堂印 上有北燕张氏家藏图书】

傍水芙蓉照晚妆溪禽沙鸟满秋塘枯荷折苇蒹葭外不着寒花喷晚香

前集贤大学士赵世延敬题

芙蓉满意陂湖秋枯荷折苇秋塘幽沙鳬野鸦浮清流霜中鸣雁寒汀洲黄芦红蓼叶尚抽水石懒倦不自由大年小景方绸缪能事更费千金收瀟湖之南买一丘并与孟泽长唱酬

前集贤待制冯子振奉皇姊大长公主命题【海粟】

家在东南云锦乡心魂元是水花香哦诗想入秋塘境鸳鹭惊飞一夕忙

鲛人初息露香机花覆龙梭鸟自飞莫向西湖问烟水夜凉风露湿荷衣

至治三年季春廿有三日监修国史院长史李洞奉皇姊大长公主教拜手稽首敬书

澹枯荷折苇间芙蓉秋水转碕湾鸣鸿飞度江南北却羡溪禽满意闲

集贤直学士邓文原敬题

泛泛澄波绿满池横塘风景四时宜鸳鸯鸂 相嬉戏春去秋来总不知

集贤大学士王约敬题

禽鸟虽非性稟全知几犹得气之先雁鸿有信揆霜去鸥鹭无心狎我眠

集贤侍讲学士中奉大夫致仕魏必复题

荷枯苇折澹秋塘岸侧芙蓉镜里妆水宿云飞禽共乐不须别处覓潇湘

中书平章政事张珪敬题

芦荻萧萧秋水清拒霜迎日鬪红英防防属玉休惊讶歳晚江天得共行

翰林直学士袁桷敬题

水禽容与满晴溪折苇枯荷澹夕晖安得扁舟江上去烟波相对两忘机

翰林侍读学士李源道敬书

两两幽禽渺渺陂蒹葭荷叶澹相依只愁夜半秋声起满耳西风吹梦归

御史中丞王毅敬题

沙鸟飞鸣晚未休棹歌声在白苹洲题诗每恨无佳句欲翦横塘一片秋

翰林直学士曹元用敬题

兴入林塘翠未收锦鸳雪雁自沉浮欹芦折苇荷香减寫作西湖暮雨秋 赵岩

枯荷容与澹相依芦荻花香拂钓矶一段秋光成霁景向人鸥鹭自忘机

翰林国史院编修官杜禧敬题

宋徽宗着色山水【思陵题籤冥灭不知图名】

画以人物花竹鸟兽禽虫为神妙宫室防榭园池器用为精巧独山水清雄奇富变态无穷为难九重之笔浑然天成粲然日新已离画工之度数而得诗人之清丽也

绍兴九年五月二日襄阳米友仁书【有谢常一诗长不及录】尝见雪江归棹长卷暨此图皆大设色髣髴唐人其铺叙经营超轶画家矩度要非画流窥其堂奥也惜皆破如鱼鳞神彩犹在叹赏弥日 子京

江贯道百牛图

江贯道戏作

海野老人家藏墨牛图因请示仆形势百状奔鸣起卧逼真自非三昧手之所作而画工毛颖不可得而

及也 云月庄叟书

我本山阳田舍叟家有淮田数十畝江南倦客老不归此田都为势家有犹记小年学牧时去时日出归日西我生衣食仰此辈爱之过于百里奚祇今辛苦耕砚席无处卖文长絶食卷中解后黑牡丹相逢喜是曾相识负郭无湏二顷田一双栗角能防钱数口之家便可饱要如此图知何年平生富贵非吾愿城府近来尤可厌何时倒乘牛背眠东风胜如仰看宣明面北村八十二歲病叟汤炳龙

东阡西陌烟雨青乌犍百尾卧且行引脰呵草仰鼻鸣嗟尔多牛便多事一簑一笠足归耕

晋张翥【仲举】

桃林日夕霁烟浮百个乌犍得自由鞭索已无人已去不知谁放复谁收 无所住释善庆漫题百牛图不见典故岂黑牡丹之遗习或江贯道祖百爵百鹿为之耶后有绍兴二字必经裕陵乙览中兴创残之余生意未复九重邃居不以声色自娱乃以原隰耕稼物情态度细入睿思不忘田野真中兴英主也延祐改元七月初三山南遗老元熙题【梅机朱文】几年散放桃林后余四百蹄犹可骑揽镜挂书多事在能骑唯有一凝之 白斑【湛渊】

遠贾连车晓色昏传声叱叱度溪浑一麾八百闲蹄角可是江南烟雨村 伯生题【邵庵】

山中人以百牛图相示余谓宣王考牧于阿于池九十其牯已诧其牛之多况湿湿之耳满二百耶田舍翁每以多牛为富安得一黄犍归耕南山下予所爱一牛耳掩卷一粲山村老农书【仇仁近】

湿湿羣行四百蹄耕犁初罢乐相随春风绿遍川原草回首牧人知是谁 邓文原

蔡忠惠公进谢御赐诗卷

【臣襄】伏防陛下特遣中使赐【臣】御书一轴其文曰御笔赐字君谟者【臣】孤贱遠人无大材艺陛下亲洒宸翰推着经义俾【臣】佩诵以尽谋谟之道事高前古恩出非常【臣】感惧以还谨撰成古诗一首以叙遭遇干冒圣慈【臣】无任荷感兢荣之至

朝奉郎起居舍人知制诰权同判吏部流

内銓上骑都尉赐紫金鱼袋【臣】蔡襄上进

皇华使者临清晨手开寶轴香煤新沿名与字发深旨宸毫洒落奎钩文精神高遠照日月势力雄健生风云混然器质不可寫乃知学到非天真緘藏自语价希代谁顾四壁絕空贫【臣】闻帝舜优圣域皐陶大禹为其邻吁俞勅戒成典要 覆后世如穹旻陛下仁明加舜禹豪英进用司鸿钧【臣襄】材智最弩下岂有志业通经纶独是丹诚抱忠朴常欲赞奏上古珍又闻孔子春秋法片言褒贬贤愚分考经内省莫能称但思至理书诸绅乾坤大施入洪化将图报効无緣因誓心愿竭谋谟义庶裨万一唐虞君

芾于旧翰林院曾观石刻今四十年于大丞相天水

公府始觀真迹 书学博士米芾

大观三年仲冬上休日青社郡舍之简政堂观河南文及甫书

昔人谓公书三公衣袞冕立赤墀之上今观此帖使人肃然增敬固应与顏柳同年而语可不秘藏耶甲寅六月上休日三吳禪客

姨弟赵德夫昔年屡以相示今下世未几已不能葆有之揽之凄然汝南谢克家

癸丑九月十一日临安法慧寺

舅家物藏之久矣今得观于樵李良可叹也乙丑四月三日崧识

蔡忠惠公书为赵宋法书第一此玉局老语也今观此帖藹然忠敬之意见于声画不可与茶录牡丹谱

同言也 鲜于枢获观谨题

仆来杭多获观前代名公法书此卷法度严密无一毫放纵意于此可见古人用笔不苟也

吳兴赵孟吁谨书

余尝在秘府读君谟文集阅其所上谢赐御书叹其君臣相遇之盛也及观所书荔枝谱字画臻妙每与同列叹其博物之精而又惜其与武夷粟粒同一用心之勤耳虽然君尝自珍爱其书谓有翔龙舞凤之势观此书其言当不虚也识者解之

豫章胡俨书

廌尝读蔡端明集载所上谢赐御书诗一首并答诏有云卿词令根于温厚笔力极于深妙遵
臯陶之模而懋其稽古述帝舜之事而思其底绩宣明顺美良深嘉叹其君臣之义文字之美
皆不待言而可知也诏当在其家类集者故并得之今此诗真迹当在宋秘府不知何时复流
落人间考其上岁实仁宗皇祐四年壬辰距今永乐四年丙戌春秋三百五十有五年矣中间
宋叔季四方之乱极矣鼎迁社屋海溃山移而一纸之书世传宝之翰墨腾骞光辉如在夫岂
独以其书之善也哉侍郎黄公请余题识为作诗二首

汴水东流宋鼎移中郎名字日星 精神翰墨犹生气想见彤庭谏诤时

端明书法继钟王佩玉琼琚在庙堂见説当时推第一米家应自媿疎狂

翰林学士兼春坊大学士庐陵解缙书

书以羲之兰亭为尽善盖等闲文雅也观忠惠公真迹非独笔法精妙玩其词一代明良相契
告戒谨严忠厚视等闲文雅不可同年而语明矣公虞得而秘藏之其能以忠惠公之心为心
又明矣

洪武壬午岁长后九日新安呉牧书

蔡忠惠公书名重当时上尝令寫大臣碑志则以例有资利辞曰此待诏职也与待诏争利可
乎力不从竟已其人品如此其庄重凡落笔皆然岂以御前表疏始不苟耶谦斋宫传先生得
此甚加珍惜盖非特重其书重其人也 长洲呉寛题

防稽宋洵 防稽刘真 尹昌隆

浦江赵友同 夏原吉 【以上五人词多不录】

坡翁大楷书卷

绍圣乙亥中元日书渊明饮酒诗一首

右坡翁大字书渊明饮酒诗一卷乃过海后北归时所作已駸駸絶笔矣曩昔醉翁亭记等书
皆当退舍第 黄牝牡能令凡目生华愿武卿珍藏什袭以俟九方臯勿轻出以貽俗子嗤也

绍熙改元良月上澣尹猷识

续书画题跋记卷四

续书画题跋记卷五

<子部,艺术类,书画之属,书画题跋记__续题跋记

钦定四库全书

续书画题跋记卷五

明 郁逢庆 编

云林赠陈惟寅诗卷

戏为七言近体奉寄惟寅徵君贤伯仲聊以写久间之懷耳倪瓚顿首上

露下空阶秋气清一尊思为故人倾智囊自足包桓范艺圃深期访马卿城郭云迷紫骝迹江湖雨冷白鸥盟老兵得失初何损司马虚夷有遠情

人还希报数字以慰老懷十八日

王孟端水墨小景【在宋牋上】

遠山淡含烟疎树晴延日亭虚寂无人秋光自萧瑟

九龙山人王绂

曹云西单条

云西老人戊子之夏五月既望为士英作雪关云栈时年七十七歲

【云西二字白文 有以自娱朱文玩世之余朱文】

薛尚功钟鼎款识册

嘉熙三年冬十有一月翌后十一日外孙朝请郎龙知临江军事杨伯防拜观于二十四叔外翁书室

后二十年弁阳周密得之外舅泳斋书房

集金石录者多矣尚功所编尤为精诣况其墨迹乎予旧于山陰钱德平家屡阅之诚奇书也

至正元年十二月甲子鉴书博士柯九思书于吴氏逊学斋

元天目山禅师刘顺法语【真迹小真行书】

萧路教深达圣贤之道尝以委顺子自省其防世间万物各有数初不以逆而强致焉在乎知时识变乐天知命者固能随顺世缘无甚罣碍孔圣以此一贯之道示曾子领其防一唯而已维摩居士以一默而谈其不二吾之诸祖或擎拳竖指或棒或喝皆示其委顺之一方便也老氏以天得一以清地得一以宁而发 委顺之道从上圣贤莫不以此而 之后世倘欲别起一念殊胜奇特之见以属强为则不委顺也其顺之之理一委之于造化岂圣人能转之而凡人可料之惟贵深造远诣坚确不易其正念之士方能如是与凡圣混同一区来去自繇由于万象之表岂不庆快平生也哉又为铭之曰天地万物混同一区无罣无碍灵妙自如用之于世不束不拘行之于时圆同太虚乐天知命顺逆同途不委不顺吾何所图风清月白洞彻吾庐

天曆二年西天目山师子正宗禅院逆流沙门刘顺敬书

杨补之画梅一帧【在绢素上】

艳爱江南杨补之每将尺素写冰姿暗香疎影浑如旧

遮莫高楼玉笛吹 曲江钱惟善

老梅谁寫小江南太极心香个个含淡月半笼清絕处

恍疑仙子谪尘凡 王汝玉

梅花得意先羣芳雪后追寻笑我忙折取一枝悬竹杖

归来随路有清香 都穆

春色到家园树树梅如雪怪底暗香清浮动黄昏月

袁尊尼

鲜于奉常草书昌黎琴操四章【真迹书后欸云】

鲜于枢为国寶先辈书国寶书法臻妙家藏秘迹甚多吾札何足以污几案爱忘其丑长者事

也

梅道人写菜

叶长阑干长花开黄金细直须咬到根方识淡中味

梅道人戏墨

赵文敏白描渊明像后行书归来辞【真迹在自制粉笺上横卷】大德四年春二月吴兴赵孟頫书

既书归去来余兴未尽乃作竹石渊明亦当爱此邪虚馆坐清晓高秋零露时佳菊秀可餐寒葩含晚滋芳馨发孤思寫此归来辞余兴犹未已 玉生琼枝孰谓公子懷不与幽人期抚卷三叹息繫年非义熙

姑蘓王行

松雪书归去来辞前作渊明像后余兴未尽又作竹石其风流潇防可以想见予曾见人得一墓石乃东坡作铭自书后亦作小竹以尽兴二公之文采情致大略相类然也此松雪卷有王行题王行元末人歿于难诗亦清雅锡山邹氏家藏

正德癸酉四月朔鄞陈沂志【陈氏鲁南朱文】

渊明旷世逸材出处卷舒匹之者鲜矣然耻向官折腰达人每恨其褊岂先生托此以发归来之兴耶抚故园而不归殉微官以自失先生固亦齿冷也此卷乃松雪真迹旧为锡山邹氏珍藏今归之杨氏七桧山房癸巳夏苏门山人叔嗣赴山西省灯下醉题【东薺白文印】

松雪作渊明像予见者数幅矣皆不若此卷为佳所书归去来辞用笔尤精不类他本其 亦松雪斋自制笺粉中隱起有八分书子昂二字可证也卷末复作小竹石能令人想见古人雅致极为可爱旧为锡山邹 家藏嘉靖戊子夏予寓苏王氏水阁中作溪光诗成 从弟煌偶见之求书一通以去更歲余煌忽来予家自言携此诗归得消其家门骨肉之祸其事有出于意料之外者因以此卷为赠予辞之再四委之而去琼瑶之报甚可愧也甚可笑也癸卯岁十月二十日五川居士杨仪书于万卷楼中【杨梦羽氏白文 华陰世家白文】

右元赵文敏公手摩晋处士陶靖节先生像兼錄其归去来辞翰墨精妙楮隙复补以竹石且谓渊明亦当爱此岂谓其辞中偶不及此耶读其辞想见其为人文敏公之尚友吾亦想见之矣第靖节之孤松卓有定见而文敏公之爱或博而不專非后学可轻议也锡山邹松石翁珍图书甚富而于此尤珍之吾亦想见其尚友矣然独出以示予岂亦谓予知辞中趣耶书以质诸有识者

治己未中秋后二日赐进士及第翰林国史修撰华亭后学钱福志【与谦朱文】

元高士杨竹西像赞名公题咏

郑元祐明德父 抱遗叟杨维禎

西礪居士苏大年 扶风马文壁题

杨竹西高士小像 严陵王绎写 勾吴倪瓚作松石

勾吴高淳元朴 东海防民钱嘉

席冒山人王逢【虚白道人茅毅静慧】赞【四明郑氏珍玩书记】

【云林水墨竹西图左一松右有小竹平坡上王绎貌竹西高土方巾深衣执杖立于坡间欸云】

杨竹西高士小像严陵王绎写

勾吴倪瓚补作松石癸卯二月【倪书】

三泖之水东流九峯之云高浮筠生隱人是为杨侯杨侯之生才质具美能济之以方来之讲学兼本之以夙闻之诗礼此所以行修而文辞鬯而醇乃自号竹西子欲追踪乎葛天民人谓其草 之遐裔而不滞于其出处进退此所以不戚戚于贱贫不汲汲于富贵既无惭于次公之穎脱亦无忝于大年之秀发此所以江海知名而畎畝躬耕夸非溢美论斯称情吾闻其初度在迺壽星騰輝乎 水吾题其像既以文若揆之心宜以礼能若此则忝千祀而一成纯匪但以八千歲为秋春而已也

至正二十二年壬寅歲春二月遂昌山尚左老人郑元祐明德甫题

汝岂无相汉之筹而 从赤松之游汝岂无霸越之防而自理鸱夷之舟仙踪寄乎葛杖劲气吞乎吴钩集平轍于戶外登歌吹于西楼不识者以为傲世之叔夜识者以为在乡之少游

抱遗叟在云间小蓬台书【鍊史白文印】

竹西杨隱君神像赞 西礪居士苏大年撰

前不郎于汉庭后不簿于魏府倏然泉石之间乐与渔樵为伍泣岐之泪未干不惑之心自与从知其为懷玉之隱仙又行将为鸡窠之老父此竹西翁所以为天地之全人有光于四知之

华谱也

【昌龄二字白文印西礪云樵朱文印】

须眉之蔚苍胸懷之渊亮其所同者不异中人之规模其所异者不同众志之趣向抱豪杰之才而不屑于济用具轮囷之胆而不轻于肆放故挥金有五陵侠士之风然爱客有四国公子之量当天下无事托诗酒以娱嬉方海内争雄逵侯王以高尚所以冠林宗之巾曳长房之杖放浪乎西畴南畝之间消摇乎九峰三泖之上噫微斯人吾谁与望

扶风人马文璧谨赞【汉伏波将军子孙】

挺立雪之标而陋执防之卑振关西之老而识天下之奇量江海而不畦趋烟霞而不羈轻探囊之金玉重集户之簪裾故瞻具乎云间而誉流乎海隅但见万竹之西高楼渠渠云山不碍有琴有书萧然为山泽臞矫然为列仙儒长欣欣宇宙而襟韵自殊頽仰

自如也 勾吴生高淳敬赞【元朴白文印】薰然而严昂然而廉有庞其眉有长其髯巾消摇而檐服上古而檐其闲情若陆龟 其仙趣若刘海蟾其动也以恬养智其静也以智养恬燕处乎风篁之西笑傲乎云山之尖世方酣战乎触蛮吾方澹造乎羲炎其岂杜德机而物不可得覩者乎

东海艾衲散民钱肅敬赞于海上之飞鲸楼

瞳碧而方气清而苍髮之短不如心之长有五晦之园一鉴之塘日宴坐乎林堂物与我其相忘其泰宇定而发天光者邪

席冒山人王逢敬题【梧溪王逢白文王元吉氏白文】

雪鬢霜须山巾埜服进不荣于轩冕退不厌于草木种数畝之田开一区之宇图书左右云山几席此非商顔之顛翁即空同之僊客也

虚白道人茅穀赞【东海遗老白文】

鹤立长身大布襦緑光瞳子雪眉须才名耻列三王后文物防来两晋无牛度玉关廻紫气龙眠沧海抱遗珠凭君更着东维辈画作云林五老图

静慧【士明白文】

云林水墨竹一枝

二月六日夜宿幻住精舍明日写竹枝遗无学上人并赋长句春水蒲芽匝防生阊门山色上衣青出郊已觉清心目适俗宁堪养性灵花落鸟啼风嫋嫋日沉云碧思防防禅扉一宿聽渔鼓唤得愁中醉梦醒

无住庵主寶云居士懶瓚 甲寅

窗前疎雨过石上晚云生不是云林叟无人有此清门山居士绅【张绅之印白文 士行云门山居白文 父朱文】

瘦倚清风玉一枝沧溟回首已尘飞三生石上因緣在应化辽东白鹤归 青城山人王汝玉【玉堂青翰】以墨画竹以言作赞竹如泡影赞如梦幻即之非无覓之不见谓依幻人作如是观

丁巳逃虚子戏语【 书】

晓出阊门道西山满意青金萱有遗墨写得鳳皇翎

东臯妙严

记得曾携枕簟游葑溪溪上草堂幽比来谁识贤君子归卧江南烟雨秋 桧居杜堇

写竹仍题句僧房一宿淹如何书甲子犹学晋陶潛鹿场居士寬【元博此二诗题于诗斗上朱文】

王叔明灵石草堂图

草堂之灵钟山下灵石山中有草堂堂前森列皆石友具服再拜庸何妨晴岚入帘凝研席暖芸吹香扑书帙客来无物欸清谈旋束荆薪煮灵石

梦庵

坐深残醉醒帘卷草堂开拥座千峰出横空一鹤来晚风松落子时雨石生苔却忆山中客披图日防回

彭城刘

山中灵石碧嵯峨高士茅堂住涧阿防树松陰当户密四时岚气入帘多依依猿鹤常相近寂寂亲宾远不过遥望西岩泉落处临风时咏考槃歌

吴人钱绅

黄大痴水墨山水【在纸上横卷】

溪山雨意【文壽承大篆书卷首】

此是仆数年前寓平江光孝时陆明本将佳纸二幅用大陀石研郭忠厚墨一时信手作之此纸未毕已为好事者取去今复为世长所得至正四年十月来溪上足其意时年七十有六是歲十一月哉生明识

【黄氏子 黄公望久白文 印朱文】

青山不趣江流去数防翠收林际雨渔屋遠模糊烟村半有无
大痴飞醉墨秋与天争碧净洗绮罗尘一巢栖乱云

辞寄菩萨蛮筠庵王国器题

黄翁子久虽不能梦见房山鸥波要亦非近世画手可及此卷尤其得意者甲寅春倪瓚题

梅道人山水【在绢素上】

古藤陰陰抱寒玉时向晴窗伴吾独青青不改四时容

絕胜凌霄倚凡木 梅花道人戏作并题王叔明聽雨楼图【在纸上卷首篆书聽雨楼三字款云玉雪坡下周伯温白文印】至正二十五年四月二十七日黄鹤山人王叔明子卢生聽雨楼中画生名恒字士恒时东海云林生同在此楼

雨中市井迷烟雾楼底雨声无着处不知雨到耳根来还是耳根随雨去好将此语问风旛闻见何时得
聽闲钟动鸡鸣雨还作依然布被拥春寒

樵人张雨为卢山甫题时至正八年二月十一日也

荆蛮民倪瓚 河濶楼低雨如洗只疑身宿孤篷底清晨倚檻看新晴依旧山光青满几聽雨怜君隱市中我忧徭役苦为农田间那得风波险朝朝愁雨又愁风

追和伯雨诗 东海倪瓚

虚牖蒙蒙含宿雾瀑流礮响来何处江潮近向枕边鸣林风又送檐前去挟水随云自往还根尘不染性安闲多情一种娇儿女泪滴天明翠被寒

至正二十五年歲在乙巳卢士恒携至綠綺軒見示輒走笔次贞居外史詩韵以寄意云陶蓬
寄亭中人暨諸名胜當不默然也后十又八年四月九日璣記拟張外史倪隱君聽雨樓詩韵

緗帘蹙浪縈香霧幽人高卧云深处月明丛桂小山空疎烟白鸟沧江去浮沉里社乐潇闲大
隱何妨市井間抛却喧啾清洗耳草樓六月雨声寒

易五六韵語前后乃協

尘生兩耳何由洗喜聽雨声茅屋底洒然心地自清凉静对炉薰時隱几乾坤納納悬壺中書
田霑潤称書衣也勝江湖風浪惡客舟飄泊怨秋風

西礪老樵蘇大年【古】

城市不着耳江湖留此心樓高人更静惟有夜懷深

醉翁

倪隱君索和張外史聽雨樓詩走笔二首荅之海氣 嵐霧聽雨宜高处風雨無時無倏來復
倏去搖搖心懸旛胡為不自闲老人曾聽雨無被不知寒頭面都不洗聽雨重樓底兩耳任喧
聒坐隱烏皮几笔耕墨畦中自适如老农二仙隔今古神交在閬風

堅白老人書于素行精舍

一榻春声雨滿樓杏梢防濕五更頭东风更綠江南岸賣劍家家尽买牛

荷气香飄竹外樓雨声滴碎采菱舟南風一夜生新漲魚鳥还知此乐不

积雨生凉轉蓐收碧梧初霽滿城秋邻家不識余心乐也愛書声在小樓

天地严凝万壑冰不堪寒雨洒孤灯一樓清气犹宜雪紙帳生春睡未能

曲江錢惟善

春云靄江郭鳩鳴朝夢余樓中雨颯至煩抱澹云除歷歷樹声乱萧萧窗影虚如何門外客泥
潦役行車

勃海高启題

山窗聽春雨冷氣襲病肤鋪床閉齋閣衣被熏香炉風鐙苦屢挑夜茗亦再呼煩囂悉屏逐妙

理在跼蹐忆子草楼底兹情还有无

齐郡张绅

承平时贞居张道师与云林倪徵君并以翰墨风致齐名吴中二人者亦雅相引重先君子与贞居游最蚤余时以童子侍坐隅尚能记其丰采今先君久已弃诸孤贞居亦化去天下多故而余始得从云林君游至正乙巳季夏之九日余谒君于卢士恒氏之听雨楼获观近制诗若画冲襟雅论令人尘虑洒然既而士恒出此卷徵题二君之作具在因赋存歿口号附于卷末以寓感慨之思云

华阳洞里烟霞閤灵石山中草木荒惟有小楼曾宿处年年春雨满沧浪

黄冠野服神逾王画笔诗篇老更奇白首故人无在者小窗残烛雨来时

寻阳张附凤

江雨飞来夜气澄小楼高处冷于冰声雷蕉叶频欹枕影乱檐花独对灯
逖客异乡生白髮故人今夕拥青绫致君尧舜惭无术思入湖天睡未能

淮南马王麟

草楼听夜雨春灯隔重帘瓶中
新茗煮衾里旧香添风佩潜归浦云璈乱缀檐乍惊来湛湛更觉去纤纤
颇被风相妬还疑雪与兼喜随渔艇泊愁怕客窗淹头白卢贞士高情苦未厌

云门山人张绅重题

山风满楼来雨脚耳底萧萧生
逖情还丹化鹤度句曲破屋无人住洛城酒停深夜苍灯在帘近余寒湿叶鸣板上漆书空爪迹绕檐依旧落春声

观外史所题山甫卢隐君听雨楼诗词翰潇洒令人有超然之想噫故物也士恒其慎藏之四月三十日王谦写于客舍

更深楼外何萧瑟半带沧江逖树风疑是千林霜叶下坐残一穗烛花红
斯人雅致今安在此夕幽懷孰与同老我题诗成感慨雨声有尽思无穷

吴郡卢君山甫旧有听雨楼山甫歿二十年而斯楼尚存余抵吴惜不得见其人今其子士恒携张外史所题诗来示余余览之不胜感慨遂为赋此至正二十又五年四月一日樵李鲍恂书

奉题聽雨樓

飞楼何凝陰雨气正含雾萧骚习羣雷淅沥散高树声悬长风外坐想当瀑布习喧久渐息静寂乃真趣陰晴造化意年芳暗中度白髮如散丝凭君写幽素

开封郑元

云林夜澄寂有雨弥更佳漠漠着树稳霏霏度檐斜入静意所便争喧竞浮夸弛张任橐籥细大无根芽妙运出 造至理忘纷拏变化本因妄声闻耳生瑕不如且置之摄心静无华危坐不须寐呼童剪鐙花

卧龙山民王宥

胜国之季兵变之余前辈翰墨存者无防间或获一见如遇鸡彝兕敦不由不使人忻艳也聽雨樓诗句曲外史及一时名流所作词翰兼美亦希世之寶也吳中卢士恒父藏于篋中一日出示于余余展卷观之卷中作者多余故友兹覩其词翰俨若覩彼风度而不忍释手也士恒宜珍藏于家慎勿轻示于人焉洪武二年春二月初二日吳僧道衍书

层檐集飞雷深砌走鸣瀑余声殷天籁清气入林屋风波任喧汹燕坐瞑双目寘身得萧爽洗耳絕尘俗香檑郁水沉帘花映湘竹篝灯动春酌翦韭畱夜宿与客对牀眠清谈未云足

金陵严瑄

幽人爱楼居燕坐风雨夕高檐泻飞湍空除堕残滴倾耳疑枕流屏喧时岸帻江声晚萧萧树叶寒 境絕迹更超趣澹情自适霁晓愜凭阑春深杏花色

浚仪赵淑

少年聽雨歌楼上银烛昏罗帐壮年聽雨客舟中天濶云低断雁叫西风
而今聽雨僧庐下鬢已星星也悲歡离合摠无情一任空阶防滴到天明

右竹山先生所赋之词今偶获观此卷因举是词成甫俾书于卷末夫聽雨一也而词中所云不同如此盖同者耳也 不同者心也心之所发情也情之遇于景接于物其感有不同耳成甫中年人有楼聽雨吾意其与在僧庐之下者同其情成甫乃曰吾聽雨吾知在吾之楼而已遂书竹山姓蒋名捷字胜欲义兴人卷中诸先辈诗词清新雅丽此首亦足配之调寄虞美人 吳門韩奕

聽雨樓諸賢記

张雨字伯雨号句曲外史武林人学道三茅峰而才名满天下若虞文靖公黄文献公咸推重焉先生妙于书人得片纸以为寶至今好事之家多蓄之客至则相与为玩先生诗法黄太史清新高迈不流于众虽元氏翰林诸公皆自以为不逮也

倪瓚字元镇号云林生无锡人家最饶而先生脱略纨绮一事于翰墨作为诗章妙絕一世人欲不服自不能不服也虞文靖公张外史伯雨深相契焉然先生性癖傲物多忤于时元末弃家泛舟五湖三 间兴至则捉笔写烟林小景或竹枝偶流于市好事者争贸之虽千金不靳也

王 字叔明吳兴人号黄鹤山人赵松雪之外孙也素好画得外氏法然不求妍于时惟假笔意以寓其天机之妙为文章不尚矩度顷刻数千言可就君子咸以豪士目之

苏大年字昌龄 州人元之翰林编修天下乱寓姑苏为文章有气不喜衰飒江海襟懷亦人中之豪也饶介之号醉翁江西人元末寓姑苏以踢宕自任工于书评者谓渠不减懷素至今人家多有之

周伯温别号雪坡饶州人为人慎重为元氏左丞天下乱流寓胥台而无所就然妙于古篆得赵文敏公遗意字颇肥而玉润可爱士君子至今寶之

钱惟善字思复松江人元末进士精于诗得杜子美法不苟作作必致其妙

张绅字仲绅济南人慷慨激烈不琐琐于世事作为诗文虽不经意而自成一家能议论终日亹亹不能休盖北方豪杰之士为本朝浙江布政

马玉麟高邮人为元长洲县尹有政声括苍郑明德先生有碑卒于伪吳

鲍恂字仲孚嘉禾人元氏乙亥科易经进士为本朝文渊阁学士为人慎重不可狎而学行名天下有学易举隅行于世后以事累卒于外

赵淑字本初绍兴人元氏乙亥科书经进士龙马赋为时所重称然惟耿介不易与人交交必久为本朝太学博士而歿

张明字来仪一名附凤与高启行輩也治易攻于文文学欧阳子缜密宛转可爱虽前輩皆自谓不及也本浔阳人避乱寓湖州为本朝太常博士而终道衍字斯道姓姚氏姑苏人 才茂思为时所称与张来仪高季迪輩皆以文字相颉颃而澡神浴德则非諸君所能及故天下皆以參寥潛子目之皇上龙兴以贊佐功封少师賜名广孝盖又与元之刘秉忠并称云

高启字季迪姑胥人身长七尺而妙于诗得唐人体裁语精意圆句穩而情暢前輩有所不及为本朝编修归家以事卒

王谦字鸣吉姑胥人以春秋学为府学教授

王宥字敬助与高启游能文

陶振吳江人有诗才然性不羈人或易之

韩奕字公望吳之良医也始与名僧游所云蒋竹山则义兴蒋氏也以词章名世其清新雅丽虽周美成张玉田不能过焉

右聽雨樓詩卷其間所載皆一世名士誠可寶也然余觀卷中人品有三其至高者聞而知之其次者事而知之其又次者交而知之若伯雨張公元鎮倪公其殆最高聞而知之者欤自叔明先生以下余髫年曾事之自來儀以下余少年曾交之總若干人皆能以文章名世者也然自衍公外多干沒無聞至如伯雨元鎮二先生若精金美玉不可泯滅況其負超邁之才遺世獨立高防無累周覽六合盡大觀而無遺乎余防在鄉里時嘗聞吳城盧士恒家存此卷欲一見而不可得見者無不愛惜今吾友沈誠甫得之良可賀也誠甫寄至京索題始得焚香展卷清風凜然毛骨頓爽予復何言姑述卷中作者諸先輩出處大略以為諸賢之記誠甫姓沈名睿號存耕有大識善吟與士大夫游予之布衣交觀斯卷者當仰其清風素范益厲其德哉勿以吾言為謬

永樂五年歲丁亥二月初吉翰林侍讀學士奉訓大夫錫山後學王達識

右聽雨樓詩畫一卷元季及國初諸名公為吾蘇盧山甫父子之所作也永樂間流落錫山沈誠甫氏誠甫嘗求王內翰達善記卷中諸公出處之大略藏之以為至寶中念淳熬搗珍非遇易牙不足以知其味之美云門韶濩非遇師曠不足以知其音之妙使後或非其人不視為篋中之故紙而覆諸醬瓿者鮮矣聞吾相城沈翁孟淵博雅好古其子若孫多賢而且才必能鑑賞乎此可以寶藏于永久不遠百里特以奉翁翁一見之喜乃以厚禮荅之既而即瀕溪小樓匾以聽雨置卷坐右暇日輒游玩諷咏恍若接諸公之光儀而聆其警歎也一時名人勝士登斯樓披斯卷未嘗不心醉神怡斯樓之名遂擅勝于東南是雖翁之高致所就然亦豈不以斯卷之所在乎或曰諸公無恙日翁多親炙之者惜乎此卷不為翁作而為盧氏故物也余謂不然夏后氏之璜封父之繁弱豈為魯國而制耶魯之先公所得分噐子孫世守之以為至寶斯卷也其璜也其繁弱也翁之子孫寶而守之又奚知其為盧氏物邪翁之孫启南出以示余僭贅于左方云

成化庚子清明日長洲陳頤識【永之白文味芝朱文】

息齋墨竹【文】衡【山先生 于卷首】

大德癸卯夏四月息齋道人為蹇提舉鄉友作于王子庆秘校家之寶墨齋

仆观息斋墨竹多矣此卷老嫩荣悴风晴备尽意度尤可寶玩吳兴赵孟頫題

息斋墨竹虽曰规模与可盖其胸中自有悟处故能振迅天真落笔臻妙简斋赋墨梅有云意足不求顏色似前身相马九方臯余于此公墨竹亦云

大德七年闰五月璽雪庵道人溥光謹題

道人天机精心胸饱冰雪挥洒墨笈筇清风扫炎热风晴与老嫩荣悴各分别珊瑚海底生琅玕挺奇节俨如坐推篷昏日一光洁王孙美词翰笔势蟠屈铁伟哉老雪庵妙语重为說暮生何多幸從容获披阅此图世所稀换卷叹三絕 吕敬

西清阁老李蘊丘笔法妙过文湖州试拈雪茧翻墨沈淋漓扫作湘云浮箴龙迸土翠胎绽秀出亭亭苍玉干十茎五茎何必多老嫩风晴总堪玩坚贞苦节凌歲寒袅娜新梢翔凤鸾灵飈宛度佩环响璧月或照蛟龙蟠蘊丘蘊丘难再得抚卷令人空喑喑品题况有松雪翁從知价重千金直 义阳偶桓【武孟白文】 息斋道人骨已仙纸上墨竹神犹全淇园万千总枯死此幅自待雷千年丰姿潇洒宛如玉顾我得覩昆冈前汲泉便试竹鑪茗一洗万虑开云天谁知珍重承旨笔犹来景肃侔高贤乾坤妙趣苟心防似胜俛默窥遗编雪庵老人通万卷银钩铁画如扛橡古来人物夸道子倾城女色谁争妍黄郎得此贲书屋玉函金籀来何缘古人邈矣见心迹何由一拜聊随鞭

徐源敬題【仲山白文】

十年一见黄叔度倏来自为清风吹手中所把蘊丘竹风晴老嫩凡数枝茆堂六月发萧爽呼酒酌此琼林姿想当与可握笔际其用在手笔不知縱横妙用竹神死手亦无用心能之道人之心竹之祖生生化化无穷期松雪雪庵两题辞书中有法后世师我因书法论竹法道理一致曾无歧卷中三物总神俊蟠螭舞凤防威仪还君什袭当秘惜雷雨破壁寧无时

后学沈周題

赵文敏秋郊饮马图

皇庆元年十一月子昂

右赵文敏公秋郊饮马图真迹予嘗见韦偃暮江五马图裴寬小马图与此气韵相望岂公心慕手追有不期而得者耶至其林木活动笔意飞舞设色无一防俗气高风雅韵沾被后人多矣

奎章阁学士院鉴书博士柯【九思】跋

赵文敏枯树图【并赋】

贞观四年十月八日为燕国公书

大德三年九月二日吴兴赵孟頫临

吾乡子昂书画二絕吾所不能观此谓古人复生殆无以过其知言乎 孟淳

褚公书肇六朝众长而成一家于代何独枯树赋而已子昂后数百年而一振豪顷夺其符而代之岂规规学褚而能之抑胷中有所谓肇者也谓予不信有

木居士在 钱塘白斑

褚登善书用 法结体方严枯树赋稍变乃從容于度之中子昂落笔便得其意所谓不同而同者又绘图于前树虽枯而润盖其根本而生意存焉尔观此信不徒作其所感当甚于子山也

吴郡陈深【宁极斋】

木生天地间为风霜之所夭折不能竟其天年不幸甚矣而骚人名士形诸赋咏着之翰墨精采百倍垂于无穷实枯中之荣也余老且衰抚卷为重一慨

九山人密古【无尽藏白文】

褚书此为精妙子昂晚笔最得其意嘗闻贾师宪以江上功景定初元拜右相锡宴宣劝内府出金寶器赐甚厚中有枯树赋真迹似道独受此卷不敢辞今不知流落何所信人间世曾何足以把玩哉喜见似人而慨然者系之矣至大二年季春十有一日为吴门钱翼之题谷阳龚璘书

赵集贤林山小隱图

大德八年十二月二十日子昂

林山小隱叙 吴郡徐霖子仁【词多不录】 苔水秋风动白苹青钱学士玉为人山林物外别成趣造化手中殊有神寒具漫 谁防染京华高卧不埃尘冯君韞椟长懷寶莫负当时此写真

宗道得此图因以自号其归向可知矣余赏之不足附记一律所幸亦同作卷中人耳癸亥重九吴郡祝【允明】志

苏子爱奇石雪浪号斋居米氏寶晋墨標榜亦复如瞻兹小隱图按境结林庐于焉寓祖述雅致私契余因名实岂戾匪云赋子虚溪山在屋上流水走阶渠众鸟鸣树巔亦可观跳鱼耕钓托遠心城市即村墟知子日无事垂帘惟读书 长洲沈周

展图忽有契叹物畱待人金陵山水处松雪与 神子非滑稽口金门为弄臣亦非南昌尉忤世迹埋堙但甘布衣老供税作齐民白云自怡悅暇则琴尊亲虽遭孔璋笔移文空尔陈嘉禾吕防

松雪此图全法董北苑大着色于绢素上溪山重叠鱼舍秧畦不异武陵风景真肥遯之区恍然如隔世也

黄鹤山樵铁网珊瑚图

铁网网得珊瑚枝寄与东吴范高士翠羽飞来毛羽寒石化青羊叱不起金鼎夜炼天地根闭门不识桃花春吴烟拂草瀛洲綠鸟啼花落空愁人百壶美酒恣倾倒销尽春愁人不老却從鹤背看尘寰四海如杯嵩华小黄鹤山中樵者王叔明画并题

天上仙人王子乔由来眼识天下士黄鹤山中卧白云使者三徵不肯起昆仑树老盘金根青鸾对舞镜台春昨朝赠我神锦段谓我九老仙都人阆苑花前因醉倒谪下人间容易老百花楼中作酒狂一声铁

乾坤小 玉嵯生范立奉和

王公独得天然趣挥毫不效丹青士澹墨银笺扫画图琅玕屈铁参差起碧苔暗水流石根深山花落黄鹂春琴书几杖白昼静何因致我尘埃人高平之仙非潦倒醉后狂歌不知老有约卢敖赋遠遊九防齐

烟望中小 豫章胡俨次韵

升中文兄示及叔明王公所寄诗画令【仆】品题之【仆】随口和韵升中叹赏既久即命书以冠其巔云珊瑚千年生海底至寶终当遇奇士黄鹤仙人狡狴徒笑蹋灵鳌轻掣起波涛洗尽泥沙根元气尚带龙宫春裏藏什袞赠知己长生范老非常人明窗玩之惊絕倒世间壹任韶华老钓竿犹记拂长柯三防神

山眼中小 顾禄奉题

王公外家袭金紫不比寻常韦布士一时结纳多誉髦早歲声华倏然起闲移翠竹当云根更有古树枝含春自云珊瑚出铁网投赠岂与尘中人范君相见即倾倒喜盍朋簪成二老玉壶满泛紫流霞痛饮狂

歌天地小 益斋王彦文奉和

黄鹤山人多意气真是高亭老仙士挥毫彷彿如有神怪石嶙峋笔端起琅玕玉树生云根画图夺得江南春迓来遨游东海上持赠玉崖之高人两翁相逢遂颠倒醉里不知天地老持竿共结沧洲期一钓犹嫌六鳌小 奉和黄鹤山樵赠范玉嵎诗韵

东 李仁

黄鹤山中名画史自昔才华冠多士淋漓醉墨写幽篁翠旂摇摇拂云起古树槎牙铁石根虬枝纠结江南春苕华空绕外家宅玉堂仙去今何人清尊却忆花前倒忧乐只应懷范老画图难寄相思心沧溟浩

渺珊瑚小 安湖老人王士显

廷珪墨扫金花纸知是香光老居士凤向高冈时一鸣龙從碧海双飞起紫苔苍藓防云根占尽湖山无限春上题诗句添藻丽遂赠高平英伟人此图当时俱压倒我亦倡酬继诸老高堂落笔风雨惊不觉气

吞云梦小 沈瑜奉和

玉崖命和前韵谨赋诗曰

山骨嶙峋浸秋水虎视眈眈如胄士青鸾三五阆风来下立瑶阶不飞起坡头有树蟠虬根上凌霄汉中含春只疑老蛟海底出化作千歲之神人眼观此图叹絕倒飞上香鑪寻五老一尊试酌湘江仙望望君

山隔云小 诸生张礼

【仆】既题诗于上兴犹未已再赋一首赘于下方尚希玉嵎文兄清览云 吴郡顾禄

鹤山老樵列仙徒玉嵎先生名世士一时倾盖两相逢作画赋诗高兴起欣然为写竹数根傍有古树回阳春蛟龙盘拏凤鸾舞清气自然能逼人金壶墨汁都倾倒压尽苏公并米老须臾更着石嶙峋海上移来蓬股小

黄鹤仙翁寄余诗画两学贤友俱有和章明窗展玩珠明玉润照耀后先其脩篁古木清趣不减在于昆阆间也喜不自己余初效顰之后复续此诗以谢诸公之佳贶云尔

黄鹤仙翁有诗寄不比寻常书画士天入丹山鸾凤飞雷惊陆地蛟龙起人生如寄萍无根相逢意气皆如春东吴文学最潇洒二王尤其是风流人长仙醉来玉山倒散尽黄金数东老更期

李白共飡霞谁信壶

中天地小 钱塘范立

泉石闲斋图【挂幅】

冲怀澹如水万境犹虚空忽闻还山诏喜入衰颜红山中何所有手种石上松茅屋閒无人恒有云气封清鐙照佛龕烟裊松风砢嵯噴飞泉赴壑如撞钟羣响自起灭闻心本无穷尘销诸念寂梦觉非有踪九旬谈一妙政尔开盲聾孰持去来影观作真实同去随流水遂归与云相従无心任 化泊然齐始终秋风动江汉波浪皆朝宗云帆挂海月渺渺五湖东

黄鹤山中樵者王 画并题

天竺日章法师得防还山王侯叔明作泉石闲斋图予乃题诗并为赠行奉诏还故山江船复东下独颿如蜚鸿秋日照平野王侯赠新图山水俨幽雅石厓天际高茅屋长松下清香散佛龕妙观了空假白云席上生碧溜阶前泻神清境自闲所适无取舍佳趣政在兹健笔老能写乃知遗世情独有还山者安得添我身闲斋共潇洒

洪武乙卯秋龙河宗泐书【 古】

三年京国住奉诏得还山猿鹤惊犹识云松故自闲铜餠瓜蛻綠笋坐豹遗斑莫爇龙香鉢留将在世间

续书画题跋记卷五

续书画题跋记卷六

<子部,艺术类,书画之属,书画题跋记__续题跋记

钦定四库全书

续书画题跋记卷六

明 郁逢庆 编

苏东坡书离骚九辩卷

自非哉秋之为气也萧瑟兮起止憑郁郁其何极凡五篇字大于折二钱纸墨精神详二防语子京东坡先生中年爱用宣城诸葛丰鸡毛笔故字画稍加肥壮晚歲自儋州回挟大海风涛之气作字如古槎怪石如怒龙喷浪奇 搏人书家不可及也郭畀拜观于灵济寺

山谷云坡书中年圆劲而有韵大似徐防稽至于老大精神可与顏鲁公杨少师方驾观此帖者当有味其言云泰定丁卯端阳日高邮龚璘子敬甫书于甫里书堂之西序

黄山谷草书释典法语

元祐九年四月戊申书赠高城蒋叔震

山谷道人【此数字本色书】

余在翰林时暇日同曼硕揭公过看云堂吳大宗师以古铜鸭焚香尝新杏因出示黄太史真迹适松雪赵公亦至谓山谷公得张长史圆劲飞动之意今观此卷信不诬矣余以老病空山安得与诸公同一赏玩耶临风执笔益重懷贤之思云

青城山樵者虞集谨识

右山谷黄文节公书楞严经真迹一卷潜心兰亭进以钟张锋芒圆劲犹神龙之自试韵度飘逸如天马不可羈黄公行高天下于一艺亦造古法观斯遗墨從可槩见宗 得而敬爱之不啻已出其风裁之峻整又可知矣展玩数四为之叹服

洪武丙辰立秋金华宋濂书于玉堂之署

徐霖子仁据山谷与蒋叔震帖中语云是清公颂颇诋宋太史之失无所考未知然否

凡事至于入神之境则自不可多有盖其发之亦自不易非一时精神超然格度之外者不尔也山谷书如此卷则真所谓神品矣捕龙蛇搏虎豹乘风霆而上下太清谁得而袭其踪迹也汪宗道居留都繁丽之下博雅好古收蓄唐宋遗墨甚富此其尤秘重者间出相示赏叹弥日輒记歲月如此

治癸亥秋九月既望苏人祝允明书

山谷真迹流世者余及见凡三种在李氏王氏华氏皆大草笔势牵连不絕人谓皆绍圣以后之笔盖公尝因钱穆父谓未见自序帖心有所未平绍圣二年谪黔获见之遂深契藏真之法而自入神矣此元祐九年四月戊申书者当是穆父初言时也山谷人品高诣集诸家之成若虞道园宋潜溪谓其造钟王及张长史之域而未及藏真者亦见诸先辈不徒言也道园防漫言此卷未指其所书何段文字潜溪虽云楞严经而子仁辨之谓乃清公颂据山谷与叔震手劄云寄送清公颂颇见志愿不忘般若中也以颇见二字似美叔震之意疑乎清公颂叔震所作者后云手抄去观音赞论所抄当出其手书尚未知果否宗道好古之士宜更覈之可矣后学长洲沈周

余晚生多幸平生获观涪翁真迹巨卷不下数种如正书发愿文精妙入神字大于杯又大书发愿文文字不同书于匹纸上字几盈尺草书诸上座乃书法三昧也又草书太白秋浦歌十五篇于粉笺上又草书杜少陵秦州杂诗又正书伏波将军庙诗真得英雄矍铄之气以上皆书于纸上唯此乃绢书高二尺许字及百行有奇凡千余言文多不录妙备诸题中也此卷今归于天籁阁元汴

薛绍彭临兰亭叙

右薛绍彭临兰亭叙一卷按兰亭叙石本佳者已难得临本尤难得宋苏易简所藏临本有三题曰有若象夫子尚兴阙里门虎贲类蔡邕犹旁文举尊昭陵自下闭真迹不复存余今获此本亦可比璵璠其一本有王尧臣防易简子耆与米南宫友善元章以王维雪景画六幅李氏翎毛一幅徐熙梨花大折枝易得之元章賛曰熠熠客星岂晋所得养气泉石留腴翰墨戏着清谈书存矜式郁郁昭陵玉盃已出戎温颠倒谁寶真物水月非虚移模夺质线鏤金鑄璫机锦綉猗与元章守之勿失其二在舜钦所昔之善临兰亭者有冯承素汤普彻韩道政赵谟诸葛正世罕得见故此三本亦皆莫详何人所临也至元二年歲在丙子予至都城与友人丰城揭君子舟寓舍同巷得见其所藏绍彭临本上有 文之印又有古杭朱巽印月船小印若宋末在钱唐惟巽与贾似道家所蓄古书画甚富且精好绍彭父珣尝窃易取定武兰亭石宣和间朝廷遣使索之绍彭乃并日夜模 每搨叠三枚纸重搨之民间所贵惟此而已后此石龕寘睿思殿东壁建炎初宗泽遣人防送至维 金人下维 裹以去金主怒弃之江中近世呉君璋副枢家及龙兴民家所得石号为佳者然视定武本遠矣则后之学书者欲见右军笔意不其难哉此山谷先生所以有欲换凡骨无金丹之叹也呜呼绍彭所搨本今亦无之况其所临乎宋之名书者有蔡君谟米南宫苏长公黄太史呉练塘最着然超越唐人独得二王笔意者莫绍彭若也今绍彭书亦絕少则见其所临尤盆盎之櫛洗也赵承旨尝曰时流易趋古意

难复揭君之爱重此帖也宜也绍彭字道祖近见其晚憩监听所赋诗清丽沈着有魏晋人风所居有清閼阁详着楼氏攻媿集秋九月甲子在兴鲁坊聋子巷寫临川危素记

唐人模搨钩临最精今晋帖存者多唐本也宋人遽不能精相去远甚惟薛米两家独擅其能宋南渡后言墨帖多米氏手笔而薛书尤雅正稷序帖临搨最多出其手必佳物然世亦鲜矣虞集伯生书

苏长公书王定国所藏王晋卿画烟江叠嶂图一首江上愁心千叠山浮空积翠如云烟山耶云耶远莫知烟空云散山依然但见两崖苍苍暗絕谷中有百道飞来泉萦林络石隱复见下赴谷口为奔川川平山开林麓防小桥野店依山前行入稍度乔木外渔舟一叶江吞天使君何從得此本防綴毫末分清妍不知人间何处有此境徑欲往买二顷田君不见武昌樊口幽絕处东坡先生留五年春风摇江天漠漠暮云卷雨山娟娟丹枫翻鸦伴水宿长松落雪惊醉眠桃花流水在人世武陵岂必皆神仙江山清空我尘土虽有去路寻无缘还君此画三叹息山中故人应有招我归来篇

次韵王晋卿送梅花一首

东坡先生未归时自种来禽与青李五年不踏江头路梦逐东风泛苹芷江梅山杏为谁容独笑依依临野水此间风物君未识花浪翻天雪相激明年我复在江湖知君对花三叹息

仆去黄州五周歲矣饮食梦 未尝忘之方请江湖一郡书此二诗寄王文父子辯兄弟亦请一示李乐道也

元祐四年三月十日【赵郡苏氏印】

行抑书四传而至逸少七百年后始得嫡孙中岂无人欧虞褚薛诸公顾得其韵度标格耳笔諫公虽知此妙颇觉强勉独东坡老人 甚锐笔一防一画锋藏不露而右军神气骨力如合左契世不知入木之妙从矣仆特妄言之又不审孰能妄聽之旃 作噩九芝山道士书于云莊时二月八日辛亥【元通 天隱后人印阙】酉之星夕曝于交游风月堂西偏

黄文节公草书秋浦歌

绍圣三年五月乙未新开小轩闻幽鸟相语殊乐戏作草遂书彻李白秋浦歌十五篇时小雨清润十三日所移竹及田野中人致红蕉三十本皆已苏息唯自篱外移橙一株着篱里似无生意盖十三日竹醉而使橙亦醉失其性矣知命自黔江得一画眉云颇能作杜鹃语故携来然置之摩围阁中时时作百虫声独不复作杜鹃语而客谈此鸟云此岂羊公鹤之苗裔耶余少颇草书人多好之惟钱穆父以为俗初闻之不能不慊已而自观之诚如钱公语遂改度稍去俗气既而人多不好老来渐嬾慢无复堪事人或以旧时意来乞作草语之以今已不成书輒不聽信则为画满纸虽不复入俗亦不成书使钱公见之亦不知所以名之矣摩围阁老人

题【山谷道人印】

字学至唐最胜虽经生亦可观其传者以人不以书也褚薛欧虞皆太宗之名臣鲁公之忠义公权之笔谏虽不能书若人如何哉豫章先生孝友文章师表一世咳唾之珠闻者兴起况其书又入神品宜其传宝百世恭闻徽宗皇帝评公之书谓如抱道足学之士坐高车驷马之上横斜高下无不如意圣人之言经也晚学小子尚安所云张安国防【字未详】

张安国历阳人见书史防要乃非于湖于湖名孝祥字安国

豫章先生襟宇洞达意趣豪逸超然埃 之表其书之妙当以九方皋相马法观之杨士奇敬题

尝见杨东山防王卢溪遗墨引山谷家书云摩围阁在黔州南寺阁正对摩围峰蜀人呼天为围屋极宽洁潇洒冬温夏凉风物似江西大抵先贤君子直道而行虽处忧患无所悔尤胸次明净无往不适也士奇又题

书法之变至宋极矣然君谟尚有晋唐余意苏黄及米始大变也学者必求之忠惠之上其庶几乎士奇三题

涪翁书太白诗十五首笔法颇不类故常或疑非真迹此不知书故也翁尝自评元祐间草书笔意痴钝用笔多不到晚入峡见长季荡桨乃悟笔法又云绍圣甲戌在黄龙山中忽得草书三昧晚年之作固与少时异矣安得复以故我求之其间或因笔势猛气逸出常度然不害其神骏也鏊题

观公自叙因钱穆父之言而改度湔祓旧习且云摩围阁老人固知为晚年笔矣鏊又题

坡翁行书四诗

蟹眼已过鱼眼生飏飏欲作松风鸣 茸出磨细珠落旋转绕瓯飞雪轻银饼防汤夸第二未识古人煎水意君不见昔时李生好客手自煎贵从活火发新泉又不识今时潞公煎茶学西蜀定州花瓷琢红玉我今贫病长苦饥分无玉盃捧蛾【作峨】眉且学公家作茗饮瓢罐石铤行相随不愿撑肠拄腹文字五千卷但愿一瓯长及

睡足日高时 煎茶

大弦春温和且平小弦廉折亮以清平生未识宫与角但闻牛鸣盎中雉登木门前剥啄谁扣门山僧未闲君勿嗔归家且覓千斛水净洗从前箏笛耳

聽賢師定慧琴

云何见祖师为识本来面亭亭塔中人问我何所见可怜明上座万法了一电饮水能自知指月无复 我本修行人三世积精练中间一念失受此百年谴捫衣礼真相感动泪雨霰借师餅锡泉洗我绮语研

过南华寺

我欲乘飞车东访赤松子蓬莱不可到弱水三万里不如金山去清风半帆耳中有妙高防云峰自孤起仰观初无路谁信平如砥防中老比丘碧眼照窗几巉巉玉为骨凜凜霜入齿机锋不可触千偈如翻水何須寻德云即此比丘是长生未暇学请学长不死

妙高防 子瞻

蕘茗聽琴而神游于南华妙高防之上真蓬莱瀛洲方丈谪仙人也就爇龙麝作婴香供已时夜将半月出房心闲风露浩然曲肱就睡梦与先生遇且赐余羲樽二廷珪墨一防须笔三雪璽纸三十六日汝往哉后二年五月当唤汝于集英龙池汝勿怖东嘉石楼后学徐龙友善大识

文天祥陈文龙同观拜手谨书【篆书】

戊辰三月初七 二先生留名此卷二百余年流传之自其详已载张果老卷中【此文山先生书惜不识名并歲月】陈懋钦傅堯俞郑文实【阙】仲登同三山林天觉【阙】彦修拜观壬申冬至日谨志

东海宗斗以南宗鲁以礼宗文以道宗裕以仁同观于跳珠轩怡怡如也立春后一日谨志

熙寧五年壬子先生在杭八月监试进士试院煎茶七年甲寅先生同于潜毛令方尉游西菩提聽贤师琴元丰八年乙丑七月自常赴登题金山妙高防绍圣元年甲戌冬十月抵南过南华寺合四诗而观相去二十三年事何缘一时并在纸上山谷云东坡极不惜书遇纸无精麓书遍乃已坡亦自言春蚓秋蛇随意画往往一时随意随寫又安知好事者宝藏 为万古美观哉虽然此纸既录题南华诗却是过海后书有风涛汹涌之气 龙友

苏文忠公文章字画妙天下防墨落人间例能裹去为荣仆游京师三十年乃独未之见兹非恨与甲戌暮春于蜀人王君见公惠州帖二越翼日又得见公四诗于石楼君家惠帖乃信笔书诗乃公作意书也流丽婀娜之态皆具顾思壮歲诵公之文景慕公平生大节愿为执鞭防而不可得一旦获覩翰墨遗芳于二百载之下世所谓洞心骇目之观有逾是耶始知连城白璧未足为宝后学耦耕子王梦高敬附贱姓名于下方【弥卿朱文】

先生居海外尚以了论语书易谓是措大余业今【此疑有阙】后学辟世东海之滨虽食无肉病无药出无友冬无炭正先生所谓大率皆无尔然亦一意书册间以志先生之志者勿忘

也丁丑良月朔书于容 所黎蜚杂居无复人理置之不足道此先生鐵石处变之夙心也今夏外患孔殷腥羶泥潦亦污及于香翰先生以素患难之心处之又岂为之变色动容哉飞驭九霄度必有取于愚言戊寅冬至日书

后学 龙友谨识

右四诗毫采飞动真遇羽衣道士乃得孤鹤横江蹁跹之势后五百余年得获展玩累日是何多幸敬仰

敬仰 墨林项元汴

涪翁黄文节公书

后汉人得道陰长生诗三篇

维予之先佐命唐虞爰逮汉世紫艾重纓予独好道而为匹夫高尚素志不事王侯贪生得生亦又何求超迹苍霄乘飞驾浮青要乘翼与我为仇入火不灼蹈波不濡逍遥太极何虑何忧遨戏僊都顾闵羣愚年命之逝如彼波流淹忽未几泥土为俦驰走索死不肯暂休余之圣师体道之真升腾变化松乔为隣惟余同学一十二人寒苦求道歷二十年中多怠惰志放五经辟世自匿今廿余年名山之侧寒不遑衣饥不暇食思不敢归劳不敢息奉事圣师承顏悅色面垢足胝乃见哀识遂传要诀恩深不测妻子延年咸享无极

黄白已成货行不坚痛乎诸子命也自天天不妄授道必归贤勤加精研身投幽壤何时可还嗟尔将来勿为流俗富贵所牵神丹一成升彼九天壽同三光何但亿千

维予垂髮少好道德弃家随师东西千亿役使 神玉女侍侧予得度世神丹之力

忠州丰都山仙都观朝金殿西壁有天成四年人书陰真君诗三章余同年许少张以为真汉人文章也以余考之信然因试生笔偶得佳纸为钞此诗以与王泸州补之之季子观陰君所学守尸法耳犹湏择师勤苦如是乃能得之何况千载之后尚友古人求知道德之上宰者乎

绍圣四年四月丙午黔中禅月楼中书

米南宫大行楷书天马赋

高君素收唐画御马感今无此马故赋

方唐牧之至盛有天骨超俊勒四十万之数而随方以色分焉居其中以为镇目星角以电发蹄腕踣以风迅鬐龙颡而孤起耳凤耸以双峻翠华建而出步闾闔下而轻喷低弩羣而不嘶

横秋风以独韵若夫跃溪舒急冒絮征叛直突而建德项繁横驰而世充领防咸絶材以比德
敢伺蹶以致吝岂肯浪逐金粟之堆故当下视八方之骏高标雄跨而狮子让狞逸气下衰而
照夜矜稳于是风靡格颜色妙才殆入仗不动终日如坏乃得玉为衔饰绣作鞍僿防秣粟
肉胀防挥盖不如偷卢噬盗防蹇胜柴铸黄蜗而吐水画白泽以除灾但觉驼垂就节鼠伏防
猜妬心虽厉驯号期谐誓俛首以毕世未伏 以兴懷所谓英风顿尽冗仗常排嗟乎若不市
骏骨致龙媒如此马者一旦天子巡朔方升乔岳扫四裔之尘较岐阳之猎则飞黄腰防籥云
追电何所从而遽来何所從而遽来

平海大师后园水丘公慧悟师看书襄阳米芾

海岳能书又能诗书品超迈入神诗称意格高遠杰然自成一家尝寫诗投许冲元自言不袭
古人生平未尝录一篇投豪贵遇知己则不辞元丰中至金陵识王介甫过黄州识苏子瞻皆
不执弟子礼其高誉道如此时论章伯益书如宫女插花嫔嫱对镜自有一般态度能继者惟
海岳耳或云海岳学罗让书盖其少时非得法于讓也此帖词翰兼美诚佳品也防澄宜寶藏
之

永乐甲辰中秋前五日浚仪张肯识【继孟】

淮南老守米南宫笔法今评妙品中翰苑寥寥千古后不知谁复可相同 天全有贞题

黄太史草书李太白忆旧游寄譙郡元参军

玩物丧志君子不取也余防而失学粗喜寫字虽未知行草之妙亦尝留心如苏东坡黄山谷
米元章数家翰墨甚酷爱见每以真伪仅能别之余守长乐郡客有董君详者手携草书一幅
自云沉埋尘中人鲜能辨今求教而就赠君余拂拭展玩惊喜叹异谓君详曰此山谷真迹也
居无何闽士李明父来访出而示之明父随曰李太白诗也前犹有文惜乎防简耳及观全帙
乃知忆旧游寄譙郡元参军之作考其遗落凡八十字噫虽豫章之笔无以复加然谪仙之诗
不可不补故足而记之深有望于珠还剑合之时它日果如吾言岂不为盛事也哉其辞曰忆
昔洛阳董糟丘为余天津桥南造酒楼黄金白璧买歌笑一醉累月轻王侯海内贤豪青云客
就中与君心莫逆回山转海不作难倾情倒意无所惜我向淮南攀桂枝君留洛北愁梦思不
忍别还相随相随【下接】迢迢访仙城元贞乙未烈子野人张铎书于三山英达坊为已堂
山谷书法晚年大得藏真三昧此笔力恍惚出神入 谓之草圣宜焉尝记元祐中子瞻苏公
穆父钱公同观公挥翰作草于寶梵僧舍子瞻赏叹再四穆父从旁曰君见自序真迹当更有
得公一时心有所未平绍圣中谪黔始见石 休自序帖纵观不已顿觉超异乃服穆父之言
也观此信是绍圣后所书者几与藏真合作但篇后有阙文当时藏真自叙有二本一为石
休所蓄是矣一蓄苏舜钦所苏本前亦有所遗后世以为惋惜今此卷之不全殆天亦欲冥契
之也尚古宜宝藏之

正德改元清明日长洲沈周防

双井之学大抵韵胜文章诗乐书画皆然姑论其书积功固深所得固别要之得晋人之韵故虽形貌若悬而神爽防防欤此卷驰骤藏真殆有夺胎之妙非有若似孔子之类也其故乃是与素同得晋韵然耳今之师素者大率卤莽求诸其外动至狂妄又是优孟为叔敖抵掌变幻乱人只能惑楚竖子耳亦独何哉卷迹英气横发于其本书故是平生神品尚古光禄先生藏防过于至宝嘻老谷不死之神在华

氏矣 吳郡祝允明防

右一卷与蒋叔震书所谓清公颂同一笔意真绍圣后神化之书

蔡忠惠公二帖

襄泣血言逆恶深重扶防南归死亡无日不可循常礼不通诚意于左右今至富阳平安明日登舟或雨水少增当舟行至三衢也襄素多病遭此荼毒就令不死足膝日甚气力日衰亦为废人岂复相见耶辱君知爱之心不殊兄弟一念哀痛哽塞何言哽塞何言在道程顿官员勾当齐整无一阙乏感惕感惕襄叩头子发郎中

足下十二日

襄启逵承惠问厚意所存益有感着知日来体气佳胜殊为 也近被命尹治日以穰剧居不得暇移书致谢不尽缕缕惟眠食自重不宣襄拜手长官足下

八月二十一日

东坡先生书九歌卷

东坡先生书楚辞乃黄州时书世人多称晚年书先生晚年字画老劲雄放元丰中作字华丽工妙后生不见前作往往便谓贗本先生昔与犹子书论作文教其师法应制时文章且曰至于书字亦然也松年自蚤歲尊慕先生家藏先生之文甚富近年购先生之书尤多独此乃先生旧所书耳信可宝也宣和四年二月初八日刘沔书

先生每论楚辞下风雅一等至鲜于子骏所作且叹称之况九歌九辩乎笔墨之咏歌之尚何疑

晋国张琬

渊于书不识真贗独识此书为先生真迹三叹三叹倪尝借观于永康得助堂二月中澣日倪书

右九歌与前九辩盖先生一时书也迭宕超轶殆若神骏翩翩不可控御惜亡去大司命东君河伯国殇招魂等五章字大于钱纸墨如新何緣遗逸不害为

墨宝也 元汴

薛道祖诗真迹

云顶山诗

山压众峰首寺占紫云顶西游金泉来登山缓归轸昨暮下三峡出谷已延颈山名高剑外回首陋前岭跻攀困难到赖此昼亦永巍巍石城出步步松径引青霄屋万楹下俯二川境玉垒连金鴈西轩列阡畛青城与岷峨天际暮云隱少城白烟里水墨澹微影江流一练带不复辨渔艇东惭梓隘【阙】右喜锦川迴磐陀石不转枯桡弄芒颖四更月未出蕙帐天风 客行弊帑垢到此凡虑屏暂时方外游聊愜素心静明朝武江路拘窘逐炎景

建中靖国元年七月二十四日翠微居士题

上清连年实享清适絕尘物外皆自制亭名也录示诗句未见佳处想难逃老鉴也旧藁不存尚可记忆

雨不湿行迳云犹依故山看云醒醉眼乘月棹回澜水上三更月烟中一叶舟寒临重阁迴影带乱山流暮烟秦树暗落日渭川明平林映日疎埜草经寒短霜干叶飘零日出水清浅官冷系懷非吏事地偏相访定闲人一马春风过微雨竹间归路淨无尘鸥鹭惊飞起秋风菱苕花一径入中渚坐来惟鸟啼水云生四面常恐世人迷緑迳无行路苍苔露未晞曾梦春塘题碧草偶来雾夕看红蕖无人云闭户深夜月为灯晓露凝芜迳斜阳满画桥不眠聽竹雨高卧枕风湍桥横云壑连朝渡雨暗灯窓半夜棋微波拂凉吹澹烟生遠树天寒湘水秋雨暗苍梧暮乘月多忘归往往带霜露自然鸥鸟亲日与渔樵遇去意已轻千里陌深杯难醉九迴肠灞陵叶落秋风里忍对霜天数鴈行

已上虽记然全章皆忘之矣语固未佳要之恐平生经心一事老友必怜其散落便风早以为寄也

绍彭再拜

更有第三编亦不见来信不言及必不在彼不知失去何处如何如何

左绵山中多青松风俗贱之止供樵爨之用郡斋僧刹不见一本余过而太息輒讽通守晋伯移植佳处使人知为可贵东川距绵百里余入境遂不复有晋伯因以为惠沿流而来至此皆活作诗述谢并代简

师道史君 绍彭上

越王楼下种成行濯濯分来一苇杭偃盖可须千歳榦封条已傲九秋霜含风便有笙竽韵带雨偏垂玉露光免作爨烟茅屋底华轩自在拂云长

通泉字法出官奴日日临池恨不如双鲤可无轻素练数行惟作硬黄书乡關何处三秦路马足经年万里余多谢玉华宫畔客新诗未觉故情疎

和巨济韵 临池通泉为如字韵牵作实事也不笑不笑

右宋薛绍彭书五纸薛氏三鳳名河东绍彭其后人也字道祖号翠微居士居长安符祐间以书名名并米芾今书史防要所载是也水村陆公得此卷特爱重间出示余为识数语于后长沙李东阳

苏长公兄弟祭黄几道文

坡老兄弟祭黄几道文一通 袭至锡山华尚古氏福偕弟祚得伏觀之知非坡老不能及也几道未能悉其为人而坡老称许至谓天实媿之当自有见尝称颖滨黄楼赋稍振励人辄谓其代作要亦自知有辨福读古史颇觉其议论不合处与吾弟评订之兹同见此乃书以归尚古

治辛酉九月三日华亭后学钱福敬识

苏沧浪留别王原叔古诗帖

舜钦作诗留别原叔八丈阁下

交道今莫言难以古义责锱铢较利害便有太行隔予生性濶疎逢人出胸臆一旦触骇机所向尽戈防平生交防人化为虎狼额谤气 烈烈中之若病疫遂令老成人坐是亦见斥既出芸香署又下金华席摧辱实难任宦名必非惜罪始职于予时情未当隙今来濠州涯日夜自羞惕高风激颓波相遇过平昔白玉露肺肝晴云见顔色乃知天壤间自有道义伯明日又告行嗟嗟四海窄

庆厯乙酉清明日书

右宋苏子美古诗百五十言留别原叔八丈盖王洙原叔也诗语俊防义气悲壮欧阳公谓其废放后时发愤闷于歌诗殆是类也字画出入顔鲁公徐季海之间而端劲沈着得于顔公为多当时评者谓为花发上林月滉淮水岂其然乎按子美庆厯四年丙戌十一月坐监进奏院事防客事除名徙苏州此诗后题清明日则是 放之三阅月也时原叔以天章阁侍讲史馆

检讨黜知濠州正坐子美事故诗云遂令老成人坐是亦见斥时子美年三十有八原叔五十一故有老成及八丈之称又有今来濠州涯及明日又告行等语当是随原叔至濠及是乃别耳其后子美竟以庆历八年卒于苏凡居苏四年宜其遗迹流传吴中为多去今数百年所谓沧浪亭者虽故址仅存亦惟荒烟野草而已至于文章翰墨不少槩见宣和书谱谓防章片简人争传播岂在当时亦不易得耶此诗虽非苏事而实赴苏时作少宰徐公子容以为郡中故实因重价购之俾徵明疏其大略如此若其志节履行具正史者兹不复云

嘉靖乙未文徵明防

苏长公书陶靖节清晨闻叩门诗一首

元符庚辰九月二十五日东坡先生醉书

又一帖

轼启近人回奉状必达比日履兹春候岂弟之化想已信服吏民坐歎之乐岂有涯哉无缘陪接但深驰仰尚冀若时保练少慰区区不宣轼再拜质翁朝散使君老

兄阁下 正月二十四日

颍滨先生诗帖

朝议戴公遊宦蜀中爱其风物遂卜居成都方未能归因其西还为短篇送之 眉山苏辙上

岷山招我早归来剑阁横空未许回北叟忽惊鷓鴣晚西辕欲及海棠开避仇赋客亲耕耒因乱诗翁着酒杯但爱江山无一事为言父老莫相猜

两苏公帖平生多见之盖真贋相半也從季所藏如渊明诗一纸虽掷弃瓦砾当自有神光发见

乾道七年十一月二十九日洪迈书

坡寫渊明诗蓝缕茅檐下岂无防哉铨案栾武子云若敖蚡冒筭路蓝缕以启山林杜预云蓝缕敝衣言勤俭以启土然则坡老之防微矣

乾道改元四月仲潘庐陵胡铨识

二苏兄弟行如冰雪足以下照百世望如九鼎足以坐销羣奸学士大夫得其片文只字輒藏去以为荣盖非特取其华藻也质翁帖是中年书南至帖疑叔党輩代作寄米帖渊明诗遒劲

秀杰晚年精妙盖如此黄门尝賛其兄云人言吾兄我曰吾师读戴公诗便知斯言为实录

乾道乙酉五月一日东里周必大书

两苏公醉墨防藁不自爱惜求者輒予往时士大夫多有之近歳有力者喜夺人所好藏书者至不敢示人赵從季所藏甚富何以能然盖所谓防者不求贪者不与能如是所以得以存也

乾道乙酉冬至后二日卢溪王庭珪书

我思古人起于峨岷瑞我昭代鸣鳳仪麟挥毫落纸天葩吐芬端拜拭目我思古人

乾道三年冬至后二日乐备书

叶少由来过告其季父恭叔死矣且出其所藏坡帖二纸相示余欲留之谛玩而怆然感旧不暇也姑识歳月于卷末而归之庶它日冀复览焉

嘉定辛未中和节后八日赵汝谈

眉山二苏先生文章气节光曜典册后世获见其书翰如亲侍焉安敢妄言以取不自量之讥乾道诸公墨迹亦不易得况洪内翰周益公之确论藏者宝惜之东平周泰识

两苏翰墨贯文章瑞鳳祥麟奕世昌什袭珍藏传不朽一天星斗灿光芒 崧叟王敬力题

李西防六帖【右署 古中书舍人金溥为大司成王老生题 司成为毘陵王文肃公也】所示要土母今得一小笼子封全谕送不知可用否是新安 门所出者复未知何所用望批示春冬衣厯头贤郎未捡到其它地基尹家者根本未分明难商量耳见别访寻稳便者若有成见宅子又如何细希示及

【押】 谕

孙号西行少车今有旧车如到彼不用可货却也金部同年披风甚慰私抱殊未欸曲旋值暎离必然来晨朝车行迈适防示谕愈伤老懷惟冀保爱也万万不胜销黯见女夫刘仲谟秀才并第二儿子在东京相次发书去如有事希周庇也

【押】 简上金部同年九月十六日汤世帖碑文三道略表西京之物也

懷湘南拙诗附上同院刘学士【隲】 同年邵兵部希差人

通达或与面闻也 建中又白

贵宅诸郎各计安侍奉所示请政章服昨东封湏得出身历任家状一本并湏赍擎官诰勅牒去未审此来如何行遣也兼为莊子事已令彼僧在三学院安下近已往彼去未回此莊始初见説甚好只是少人管勾若未货可且收拾课租亦是长计不知雅意如何也侯亲家

亦言可惜拈却【押】谿

刘秀才从在科場洛中防觧今西游兼欲祇候府主希略一见也【右附前帖末】

建中白近贤郎秀才去专驰手书伏想已达左右 律将半陰风向严公理之外道养无爽此离羣寡侣望风懷贤无日不【阙】也时光流速同年知心凋落已大半耳加之宦途人事何牵纏至是哉惟再三保爱防禱防禱因人无恹玉音今左十秀才行谨寓状谘问起居不宣同年兄李建中状上屯田仁弟
十一月十一日左右为河中有少理防家业被人织罗公途甚是分明

希特与照烛也 建中白

齐古同年仁弟相别已是隔年倾渴可量丹【阙】累垂示翰益认道友劣兄自去秋患脾胃气于今餌药未获全愈复差出淮汴口祭醮然扶力祇荷回来冷气又是发动归休之计未成多难故也此外别无疾嗜欲已絶讫知仁弟又鼓盆莫且住脚也初夏惟保爱为切值女夫刘先辈补吏昭应托寓状谘问起居不宣【押】书上齐

古同年仁弟 三月六日

近 寄到书开却封却恐是防防陈公也已附西京去要知之

西防字得中举进士甲科太宗嘉之尝直昭文馆改直集贤院出为两浙转运司副使恬于荣利乞西京留司御史防爱洛中风土遂居之故号李西防东坡赋和靖诗云书似西防差少肉者是也官至判太常寺善书札然絶不多见于世

宝祐乙卯夏五建寧堂主题 建袁立儒溪翁黄太史尝有防云李西防书与林和靖极相类但和靖伤瘦西防伤肥盖林处士清苦而李集贤重厚各似其作人耳建寧堂主并录其语

予近得华山图题曰崧高维岳欧阳公所记神清之洞及李西防隱居之地在焉轴尾载西防卜筑始末甚详此帖出于西防逸笔无可疑者前史官文及翁书

西防书三十年前极罕得见近数数见之大槩雄实笃厚如其人涪翁伤肥之论无乃太严此六帖信意行笔天真烂漫尤可爱世诮平园攻媿后村不善书辄欲评书予之谓欬杭仇遠【仁近 山村民】

李西防书吾乡有石刻径三寸许今见真迹遒劲沈着诚不易得

泰定二年乙丑四月望日京口郭畀曾观同郡张监共集

李西防书与林和靖絕相类涪翁评之谓西防伤肥和靖伤瘦和靖清枯之士也瘦之伤为不诬西防之书类其为人典重温润何肥之伤也哉莒溪唐氏易安室所藏凡六帖观者自能评之当以余言为然时至正二十五年夏六月朔防稽抱遗老人杨维桢在云间草阁试老陆鐵颖书

续书画题防记卷六

续书画题跋记卷七

<子部,艺术类,书画之属,书画题跋记__续题跋记

钦定四库全书

续书画题跋记卷七

明 郁逢庆 编

赵文敏公诸贤天冠山诗

天冠山题咏

龙口巘 【峭石立四壁寒泉飞两龙人间苦炎热仙山已秋风】 洗药池

【真人栖隐处洗药有清池金丹要沐浴玉水自生肥】 链丹井

【丹成神仙去井冽寒泉食甘美无比伦华池咽玉液】 长廊巘

【脩岩如长廊下有流泉注山中古仙人步月自来去】 金沙岭

【攀萝缘石磴步上金沙岭露下色荧荧月生光炯炯】 升僊台

【僊台高几许时时覆云气一去三千年令人每翘企】 逍遥巘

【兹岩足逍遥下可坐百人岂徒木石居直与猿鹤隣】 灵湫

【灵湫不受污深浅何足计小憩松竹鸣萧萧山雨至】 寒月泉

【我尝游惠山泉味胜牛乳梦想寒月泉携茶就泉煮】 玉帘泉

【飞泉如玉帘直下数千尺新月横帘钩遥遥挂空碧】 长生池

【竹实鳳将至水清鱼自行着我草亭里危坐学长生】 道人岩

【道士本避世问之无姓字如何千载后石室有人至】 雷公岩

【雷公起卧龙为国作霖雨飞电掣金其谁敢予侮】 石人峯

【巨灵长亘天何时化为石特立千万年终古无人识】 学堂岩

【仙人非痴人山中犹读书嗟我废学从闻此一长吁】 老人峯

【有石象老人宛然如绘素稽首礼南极苍苍在烟雾】 月岩

【月岩如偃月风泉洒晴雪仙境在人间真成两奇絶】 鳳山

【山鸡爱羽毛饮啄琪树间照影寒潭静翔集落花闲】 仙足岩

【窈石室间中有仙人躅説与牧羊儿慎勿伤吾足】 谷岩

【谷岩前石唐文字字奇何当拂苍藓细读老君碑】 风洞

【石壁何空洞中有风泠然安知列御寇不向此中仙】 钓台

【仙者非有求坐石视投钓咄哉羊裘翁同名不同调】 礫潭

【神龙或潜渊石洞通水府勿遗儿曹剧飞空作雷雨】 馨香岩

【山险通鸟道水深有蛟龙谁言仙乐鸣高人方耳聋】 三山石

【我有泉石癖甚爱山中居何当從羣公讲学读吾书】 五面石
【洞中即仙境洞口是桃源何殊武陵路鸡犬自成村】 小隱岩
【林藪未为隱仙厓犹可梯终当携家去瑶草正萋萋】 一线天 【醢鸡舞瓮天井蛙居坎防
莫作一线防开眼九万里】 道士祝丹阳示余天冠山图求赋诗将刻石山中为作此二十八
首延祐二年十月二十四日松雪道人

小隱岩 【山鬼小儿足木精游女神据防学真隱下视飞花尘】 馨香岩

【深睡失明珠猛走飞流涎松花卷轻雨滴滴百重泉】 学堂岩
【露盘下金薤云笈流珠纓泠泠寒岩下犹有婴儿声】 谷岩
【縱横太古石短长千歲藤感彼岩尽子独饮古涧冰】 升仙台
【寥寥入太清金门繚紫垣或云有官府防诵五千言】 钓台
【垂纶落澄潭小鱼儵然来大鱼引之去钓石何崔嵬】 一线天
【兹山可容天举世皆笑之我不答此语鼓腹支其頤】 五面石
【分一只成五五石各有一谁能据其上面面不相失】 寒月泉
【晓汲寒泉清明月各在 空不见月引水复在手】 金沙岭
【金沙虽为贵履之伤我足愧彼侧布人欲获无量福】 长生池
【饮水人已去山中多白头青苹空浅处时见玉蟾浮】 老人峯
【高防侧整整秀岭深重重积此太古雪遂名老人峯】 三山石
【三山不可度絕壁峙书堂流水日浩浩太极弥茫茫】 礫潭
【沈沈无防谷央央太古云赤日焦下土老蛟眠不闻】 王帘泉
【截玉作明帘不知帘外事应有碧眼仙隔帘见人主】 石人峯
【琅玉未得法变形成楚囚九转乞换骨三沐期防头】 仙足岩
【山深猿狖惊瞬息下神步空飞本无踪长啸上天去】 月岩
【顾兔乐嬉遨入地不得骋化为白玉泉彷徨返东井】 雷公岩
【神钩起空洞阴火生羽翰我耳杳不闻白云在天冠】 道人岩
【道人本无姓对客那有言龙口并石髓鸟迹开云根】 丹井
【金鼎閤寒泉真人弥不壞年深定飞腾子夜吐光怪】 洗药池
【灵根乘月吠肉芝生土肥濯以上源水千歲永不饥】 鳳山
【孤飞千仞冈两翼化为石年年春风时山花成五色】 风洞
【冈风转空轮浩劫不停息此为天地根视之杳无迹】 逍遥岩
【形留非自在何者为逍遥青松在谷口白云在山腰】 长廊岩
【飞吟起霞佩馭气蹶天梯碧云布参差 与岩齐】 龙口岩
【防月红玻瓈匿云紫芙蓉近已厌狡狴纳息 虚中】 灵湫
【灵 道其前游儵殿其后歲久深自韬清夜岩下走】

清容居士书 【越袁桷氏】

龙口岩 【噴薄细成雾噫嘻忽为风孰知生死關在此呼吸中】 洗药池
【隱芝生肥水飞根漱灵泉流香到人世饮者寿万年】 丹井

【古丹深藏井晨光 崖谷有能下取之锡以两环玉】 玉帘泉
 【神仙不爱寶 万古玉为帘愿遣天风约当明防海蟾】 长廊岩
 【细雾不湿衣落月见长影缓引步虚吟尽此秋衣冷】 金沙岭
 【昔踏金沙滩今陟金沙岭向来锁骨观即是太阳鼎】 飞升台
 【絶景防尘情寥寥入太清可湏台百尺更待羽翰生】 逍遥岩
 【昔诵逍遥遊长忆藐姑射百世待神人瘦影落寒石】 灵湫
 【澄空如不测为谷廊能容沙石俱成寶 鱼摠是龙】 寒月泉
 【无尽山下泉普供山中侶各持一瓢来摠得全月去】 长生池
 【竹根飞赤鲤荷叶戏灵 不道神仙宅长生别有池】 道人岩
 【防崖穷鸟道絶顶出秋旻能此高居者谁非有道人】 老人峯
 【冠颠风披披垂岭云皓皓诸峯罗儿孙独得老人号】 雷公岩
 【神物时时出人间皆震惊谁知岩上防才是小儿声】 月岩
 【岩围径尺雪天堕第二月岂无凌虚人飞行广寒阙】 仙足岩
 【失脚踏人间一往不复收遂令学步者只循行迹求】 谷岩
 【开阁云无定徙衡石作闕任渠名 谷亦未离人间】 风洞
 【浑浑复浩浩刀刀仍泠泠空洞几许如蓄此无边声】 石人峯
 【何年餐石髓屹立照清波如此成终古长生亦为何】 学堂岩
 【翩翩学仙子羣居此山颠定无书可读姑以声相传】 鳳山
 【圣神千古上风雨九疑空只有山中竹旋为十二宫】 馨香岩
 【潭水下深黝日星隱文章鼓云出石气洒雨作龙香】 钓台
 【危石上崐欹清风百尺垂故人恐多事莫道钓翁谁】 礫潭
 【未始满盈过何曾波浪兴众皆资善利此独保无能】 三山石
 【三山可飞度舟楫不能通莫执兹峯石攀缘浪费功】 五面石
 【一石作五分何者是真面拄杖试敲防莫作防头见】 小隱岩
 【深浅辟世尘长恐与名亲故是絶知者谁言无隱人】 一线天 【太空谁自碍峡径事幽行
 天体元无外通君一线明】 余赋此诗时以小字书之袁伯长学士礼部王继学尚书赵承防
 先后同赋杂书同一卷后云失去复得赵公如前而求书其后偶阅故纸得藁草余纸 录

之 虞伯生甫

龙口岩 【飞泉龙口悬平石鼇背展高防瀛洲人一笑沧波浅】 洗药池
 【长生底湏学神芝何处采不见洗药人清波湛然在】 丹井
 【丹井只三尺四时无亏盈余波饮可仙我亦愿乞灵】 玉帘泉
 【天孙织玉帘悬之千仞石垂垂不复收滴滴空山碧】 长廊岩
 【谁谓山中险长廊亦晏然花开春雨足月落山人眠】 金沙岭
 【峻岭接仙台仙人独往来箫声吹日落鹤翅拂云开】 升仙台
 【高台去天咫有仙從此升遗迹若可攀山云白层层】 逍遥岩
 【老竹空岩里悬厓飞水前欲识逍遥境试读逍遥篇】 灵湫
 【神龙蟠泥沙宅此岩之阻游人勿轻触歷歷聽秋雨】 寒月泉

【泉清孤月现夜从空山寒不用取煮茗自然涤尘烦】 长生池
 【脩竹夹清池一亭山之西长生人已去谁能汨其泥】 道人岩
 【道人出白云空岩为谁碧独往谁得知时有鹤一只】 雷公岩
 【谷口阴风来山头暮云举但见飞电光山人贺春雨】 老人峯
 【何年南极星随地化为石至今明月夜清辉倚天碧】 月岩
 【飞泉何许来明月此夜满登高立秋风妙趣无人欸】 仙足岩
 【一足不能行神仙宁此留祗以形之似高纵何处求】 谷岩
 【道散亦已从世变如浮云石壁有太古为问空同君】 风洞
 【清风贮深洞四时常氤氲飘然无遽 散我山中云】 石人峯
 【仙人立危峯欲作凌云举飘然阅浮世独立寂无语】 学堂岩
 【仙人读书处樵子时闻声犹胜烂柯者只防棋一枰】 鳳山
 【孤鳳栖山中白云防清境朝阳早飞来月落空岩冷】 馨香岩
 【蛟涎渍顽石磴道何崎岖深潭湛古色兴云只湏臾】 钓台
 【地非七里滩名乃千古同神仙聊戏剧何有一丝风】 礫潭
 【山川万古秘云雨一潭幽何日卧龙起碧潭空自秋】 三山石
 【三山岂仙居百世真道学荒台明月秋懷哉彼先觉】 五面石
 【奇石不为峯何用作五面独立赏春晖水流花片片】 小隱岩
 【抽矢射白额归洞读旧书小隱不可见后来谁卜居】 一线天
 【青天何荡荡此中才一线大通本来明慎勿安所见】

东平王继学【士熙朱文】

龙口岩 【晴瀑歔飞沫晓云嘘空青我欲探颌珠第恐龙睡醒】 洗药池
 【仙苗濯灵根幽池发神光至今池中水犹作芝术香】 丹井
 【丹成人已仙有井在岩窔如何葛稚川方里觅勾漏】 长廊岩
 【 岩深石室香炬曳晴虹步虚声欲防行道犹未穷】 金沙岭
 【佛将金布地仙以金为岭笑杀尘世人爱金如爱命】 升仙台
 【真仙妙神化平地可飞升喝石为此台将以遗云仍】 逍遙岩
 【万物皆自适谁独鵙与鹏何事岩下叟爱读南华经】 灵湫
 【岩阿 水浅无龙何为灵老君道犹龙占此一勺清】 寒月泉
 【湛如规王莹冷若清水冽汲来试酌之乃是一片月】 玉帘泉
 【山月明银钩烟萝垂带绿何人启岩扃挂此一帘玉】 长生池
 【凿池不为口游鳞乐其天岂无赤鯿公飞驾琴高仙】 道人岩
 【道人昔脩道炼形岩穴中道成人已去白云锁青松】 雷公岩
 【帝遣雷公来为民作年丰夭矫岩下羊孰云非雨工】 石人峯
 【壁立千仞冈不与世俯仰凭谁唤元章来此拜石丈】 学堂岩
 【天人无愚懵读书乃真仙学堂在岩谷此道今谁传】 老人峯
 【老仙欲飞腾龙钟恨无翼笙鹤等不来化作峯头石】 月岩
 【谁将脩月斧斲此石一弯为报折柱人蟾宫在人间】 鳳山

【秋风吹竹实朝阳照梧树定有吹箫人来此山中住】仙足岩
【饒闻神仙名不见神仙形何年伸一足踏在幽岩局】谷岩
【谷从为 苍厓名不磨咄哉千载下仪秦一何多】风洞
【白羽无用摇披襟坐空明不闻万 响但觉两腋清】钓台
【桐江一丝风万古蜚英声筑台学严子道人不求名】礫潭
【澄渊 深碧波光射琳宫时有聴经叟恐是潭中龙】馨香岩
【岩洞深水府具阙栖幽灵腥雾袭人鼻时作龙涎馨】三山石
【蓬瀛孰云遠神仙在人间中有列仙像白日生羽翰】五面石
【一石具五面吐纳五方气遥防石上云时现五色瑞】小隱岩
【陵藪未为僻岩穴入深 山村揔市防兹隱孰云小】一线天
【岩上天万里岩下天一线慎勿谓天小有眼防不见】

金华王奎景文甫

龙口岩 【虚气云翛翛喷薄雨倾注手擘苍壁开崭然头角露】洗药池

【长鑱劖灵根濯以上池水余波湿黄精不洗俗子耳】链丹井
【金丹沦井底千载水浑赤短绠愿波深三咽生羽翼】长廊岩
【虚 开脩廊回风走落叶夜月照无眠披衣来步月】金沙岭
【筑坞莫慢藏披沙亦良苦小岭隔仙家黄金贱如土】飞仙台
【弃世如脱屣竦身即蓬萊台空白云满笙鹤时归来】雷公岩
【防阳地中复一鼓元气行惊起懒龙蛰母作婴儿声】石人峯
【振衣陟高冈质化日已遠天荒地维拆独立心不转】学堂岩
【邃然若厦屋中隱列仙裾常闻伊吾语不读人间书】老人峯
【细草胸垂胡积雪髮飘素相逢或歎年甲子不知数】月岩
【四万八千户斲此寶月圆罡风大地动明年飞上天】鳳山
【何年览辉下借此松桂栖春风一振羽百鸟不敢啼】逍遙岩
【林木以为庐井石以为席朗诵逍遙游小大各自适】灵湫
【坎井蔽荆棘居然閤神灵愿借一勺水为霖慰苍生】寒月泉
【清如三危露冷若太古雪举瓢斟酌之 洗五情热】玉帘泉
【仙家金银阙 垂白玉帘天风忽卷起珩璫鸣 】长生池
【灵 或千歲游鱼亦有神防比菊潭水尽寿南阳人】道人岩
【道人仙去从道人名尚存樵青相防长竭来欲争墩】仙足岩
【仙人本空飞可望不可即谁能及踵武徒尔泥形迹】谷岩
【清溪絕氛垢灵风满岩屏空余山木寿三叹游仙诗】风洞
【山间空洞腹百窍时一噫独坐碧窓寒洗耳听天籁】钓台
【危石可箕踞投竿俯深清寄语羊裘子钓鱼非钓名】礫潭
【潭色深黝黑无底通归虚安得然犀照下烛蛟人居】馨香岩
【岩谷下空嵌潭底正深黑心清香自闻龙坎在盘石】三山石
【三山拥 宫济济衿佩列但使本心明神仙不留诀】五面石

【削成元气中屹立高岑嶺五面虽不同贞坚心若一】小隱岩
【朝市亦可隱上累官府多濯足澗下水晞发山之阿】一线天
【坐井祇见小一线难求通苍苍覆九有无人人为防】

括苍林 以道

子昂诸贤赋天冠山五言诗二十八首模写已尽矣予遂作唐律一章以题卷尾云

闲闲道人吳全节

青山特地耸天冠闻說王仙驾紫鸾浮世黄金空白髮倚云苍玉尚 坛松根怪石千年化桧
顶飞泉六月寒 景定辞神武去鸥波浩荡锦江干

天歷二年六月十又一日雨中书

龙口岩 【日落霞光吸春深雨沫飞昂藏无蛰相吐纳有仙机】洗药池

【好在池中水谁留海上方至今人掬处千载有余香】丹井
【千年井水赤人道有遗丹姹女顏何在飞仙骨已寒】玉帘泉
【泉飞到地垂借问卷何时昨夜昆冈火仙闕浑不知】长廊岩
【洞府廊千步苔封不尽春升堂并入室今古岂无人】金沙岭
【此岭入仙家金星射日华极知同粪土何用化丹砂】飞升台
【石涌数层台高人去不廻肉身无羽翼谁复是仙才】逍遥岩
【欲识逍遥处兹游隘九州一岩能几许空有此名留】灵湫
【山灵守此宅云雾起时时人道 莱浅龙归人不知】寒月泉
【寒月在泉底酌泉和月吞秋光冰人齿胷次几乾坤】长生池
【吞咽华池水仙传不死方此池名美耳人寿若为长】道人岩
【道人何许人岩冷耿余情人已无形影如何问姓名】雷公岩
【岩里有雷公岩前劈怪松寥寥天宇大万蛰几秋冬】老人峯
【神散形不化痴顽一老翁仙人链石髓何日为还童】月岩
【老兔得仙药依岩昼夜明可怜天上者不似我长生】仙足岩
【石上巨人迹 闻古亦然岩今露一足那不是飞仙】 谷岩
【岩是仙人宅犹存 谷名黄冠如许众谁解說纵横】风洞
【日日洞门开清风洞里来天生仙境界不许有尘埃】石人峯
【块石立岩肩顽然不复灵空令千载下犹說是仙形】学堂岩
【道侣本非像岩居恐腹虚仙经人不识当是读何书】鳳山
【何年来览德疑此类岐周防羽今谁见山名自尔留】馨香岩
【此是斩蛟地腥气冷几年空岩香气满定有水中仙】钓台
【临水台千尺人家不姓严今无钓鳌手赢得老龙 】礫潭
【礫高开洞府宅此有龙君不尽池中水湏容世上分】三山石

【三片山根石侵云品字排时时防孔老东观复西斋】五面石
【统体一太极居然五气分无由知艮背面面自生云】小隱岩
【仙人不可见来往太虚空琐琐岩居者何山与尔同】一线天 【崖高天破碎一线不堪纫
莫道女娲死弥缝自有人】元统乙亥余自洪校文还吾宗丹阳师出示天冠山二十八咏皆
朝贵手笔余何敢下注脚然以宗谊重师请不能辞它日见者必曰何物小子敢污此卷则知
罪矣祝尧

龙口岩 【何年凿山骨双阙巒崢嶸行人不敢近中有风雨声】洗药池
【仙家种瑶草養之日月华药池流水出世上得胡麻】丹井
【羽人千歲去丹井春泉肥何如未央宫银林生夕霏】玉帘泉
【泉影悬玉帘瀑布界青壁神君骑黄鹄隱士 白石】长廊岩
【长廊不可居四时岚气寒别有如堂者好作 都坛】金沙岭
【今沙生岭头仙子鳬舄穩空谷无足音高人乐真隱】飞升台
【步上升仙台飄然隔万尘天底星辰近云气常逼人】逍遙岩
【朝防碧桃花夕谱洞箫曲大年驻清景逍遙本无欲】灵湫
【山中有灵湫古来是龙宅墮月沈流光出云透深碧】寒月泉
【洞天在眼中石竇消古雪自有松桂林因之養寒月】长生池 【日月驰两轂催逼世
老养息长生池千歲童顏好】道人岩

【石岩有仙居终古与石存千年谷城山寂寂谁与论】雷公岩
【雷公不上天収声息岩户 田嘉禾死为起作霖雨】老人岩
【嫋嫋烟霧质宛宛星宿精千歲毛髮青谁呼老人名】月岩
【嫦娥老不嫁独在冰雪宫何年入山中素影满江东】仙足岩
【仙足本无纵凌云逐黄鹄忽见山中人来言有灵躅】 谷岩
【日照神清洞云封 谷岩古仙无姓字櫛叶翦春衫】风洞
【洞口风泠泠日吹松桂寒泉声夜相和环佩玉 】石人峯
【高峯似石人天丁斧刀削不见宣和年千秋倚云幄】学堂岩
【仙骨出灵昭邈与文字谢如何学堂岩囊萤照中夜】鳳山
【文鸟出丹穴飞下青琅玕永谢秦王女长依舜乐官】馨香岩
【种花弱水西斩龙赤岸东夜风吹天香何似博山铜】钓台
【六鳌戴神山仙宅白玉楼钓客坐空台此物不可求】礫潭
【寒潭积重泉下有神物楼高秋吹木叶不敢下涟漪】三山石
【三山在何处迢遞大江东不得丹经诀欲访浮丘公】小隱岩
【牛下有歌诗丘中有鸣琴叹彼考槃人千载谁知心】五面石
【三山水清浅五面石檀栾苔磴綠萝合花房暎竹盘】一线天
【日车驰九万天影积一线品彙涵太虚何如管中见】

柏台马伯庸父

龙口岩 【呼吸通元气飞潜顺化机风雷生倏忽造物岂儿嬉】洗药池

【采药白云里洗药清池中池水尚香洁仙人已乘空】丹井
 【凿石通泉脉铸鼎链丹砂丹成骑鹤去满地生云霞】玉帘泉
 【灿烂金为屋玲珑玉作帘飞泉来百道定有老龙】长廊岩
 【磬声远摇曳铎影明参差洞章歌已彻行道尚委蛇】金沙岭
 【缓步长廊岩更上金沙岭慎勿贵金沙忘却升仙境】飞升台
 【黄鹄去不返白云还自飞神仙岂无有何事蹈危机】逍遥岩
 【鹏 九万里篱鷁飞咫尺所以逵观人亦各适其适】灵湫
 【白云缥缈起骤雨顷刻来神龙一奋迅为农苏旱灾】寒月泉
 【啮冰漱齿頰咽雪涤胃腸此泉若寒月饮之年命长】长生池
 【沧波几清浅此水净无淤应有得仙人洗髓伐毛去】道人岩
 【岩花自开落山鸟时来去道人息深深凡圣难窥覷】雷公岩
 【陰阳一回薄萧翹皆奋飞安知声原气蓄此甚细防】老人峯
 【雪披素髮短云覆锦衣长遠近瞻南极高峯有景光】月岩
 【空岩何圆圆老树亦纚纚天光云影中明月忽在指】仙足岩
 【神仙已遐举谁复继其躅安知蓬莱山在此不移足】谷岩
 【昔有 谷子术知亦多奇遂令后世士靡靡竞趋时】风洞
 【天地本空洞运化无停机冷然万窍作起自一嘘歔】石人峯
 【临风衣自整对月影偏长独立经寒暑真成石作腸】学堂岩
 【万象自森列千载瞬息间仙家学无为心境乃清闲】鳳山【鳳有五色瑞千载
 来翔往者不可见相期白云乡】馨香岩
 【月中古桂根岩阿种来从秋风昨夜生馥馥透 牖】钓台
 【高台垂钓人应是经纶手尚父与严陵鲜后岂无有】礫潭
 【澄潭湛无底頰观毛髮寒但见 鱼出焉知龙下蟠】三山石
 【每上三神山可望不可到即此是三山可与论至道】五面石
 【何年星堕天化作五面石面面不相防相防还是一】小隱岩
 【山深人寂寂涧曲水沄沄顾尔非忘世遗身在白云】一线天
 【苍苍倘非天天竟何形似莫于通塞中见此一线止】

京兆杜清碧【本】

雍国公虞丞相古剑歌

古剑歌

至正庚寅十月余游钱唐过四壁山中与青城山樵遇樵出示余古剑乃其先公相国所遗也
余为樵古剑歌以歌之

古剑古剑原非鐵亦非干将与莫邪自从混沌铸成来出鞘入鞘何生灭辉天烁地不湏磨肃
气棱棱凜霜雪是以曾将破敌酋采石江头建 业海晏尘清歌太平瑶匣藏之在岩穴或时

拈出与人防千古万古叹猛烈

野泉翁

虞相古剑歌【有引】

宋相虞忠肃公八世孙堪谒余云间草 阁自云先丞相有古遗器四曰瓦琴石磬蜀王砚与此剑也剑长古赤三握具五寸弱握有二棱起欸识可辨者曰千万岁其鐔横寸二状饕餮未甚锐缦文为水银古中末间黝漆色芒可吹毛星月下出之艳发孚尹凛凛然可寒鬼胆是诚千载物也于是酌堪以酒酒酣为作虞相古剑歌使与古虞公剑同传为其家寶云

昔闻虞公古剑可以追腾空迴落日千年宗社已丘墟子姓西来 不失江淮都督愤国讎八陵痛骨三十秋采石江头一提出寒芒夜激妖氛收堪子堪子传八叶价金不售山西侠床头寶匣不敢开黄蛇上天走雄雷持谒云间铁龙父洒以延津拭以赤墮土虹光一道裂蛟胎上指黄星落黄雨呜呼舞鸿门刺鱼肚二竖汝何足数我将假霜锷代天矛西山斫白额二东海斩蛟三头然后裂 尤殄猱猴大开太阳照九州堪子堪子勿失汝剑兮使我徒请尚方斩马之具于朱游

至正二十五年青龙集乙巳王正上日抱遗叟杨维桢在云间草 阁书

雍公孙子气甚清示我杨颠古剑行剑锋诗律两奇絶秋莲光彩玉庚庚杨颠健笔老纵横亦是铁中之铮铮吐辞鬱律鸣不平吁嗟鳳皇来为盛世鸣一代惟数虞翁生余也学书学剑既老何由而成名

古剑行 倪瓚【己酉冬】

雍国丞相虞公古剑一具今藏其孙胜伯家毗陵倪元镇匡庐陈惟寅既作歌诗咏之且要余同赋焉

雍公古剑射日星铁冶铸出秋霜硎寒光耿耿试一扫魑魅罔象都逃形匣藏绣涩不敢鳞虎文惊且竦阅歷星霜三百年社稷山河自兹重雍公磊砢云梦胸白虹紫电符采同有时呼酒醉踏月浩歌起舞多英风采石江头却胡骑一战突营谁可比材官勇将号如云每视奇功独懷媿剑锋犹渍佞血鲜神物不随陵谷迁只愁雷电破屋壁化作苍龙飞上天

淮海秦约【文仲】

邓文肃公临急就章

大德三年三月十日为理仲雍书于大都庆寿寺僧房巴西邓文原

天厯庚午清明日汾亭石岩民瞻观于武林宗阳明复斋【古】

至正八年六月二十日防稽杨维桢偕河南陆仁同展卷于东沧听海阁仁尝学章草者以此卷入临品之能云

至正庚寅夏五月二十又四日方外张雨谓素履斋书此蚤年大合作中歲以往爵位日高而书学益废与之交笔砚始以余言为不妄殆暮年章草如隔世矣信为学不可止如此

洪武十一年戊午歲五月豐城余詮拜观于东仓之甘泉里寓舍

急就篇汉黄门令史游作蓋推本苍颉爰歷博学凡将等篇而广之也今石刻相 为吳皇象书比顏师古所注者无焦灭胡以下六十三字又颇有讹脱始东汉人以用藁法寫此章故又号章艸此卷前元邓文肃公所临公繇房山高公荐入掌制诰出持宪节斯乃应秦翰林时为理仲雍所书观其运笔若神輪出海飞翔自如仲雍名熙于閩人好古博雅为吳郡判官建言助役法民便之 农杨子纶出示求题故并及之

洪武十二年三月清明日后学袁华书于鰲峰精舍尝论急就篇此小学家之說汉史游效凡将为之也未叙长安泾渭街术后或增以齐国山阳二章宋欧阳修居史館日以余力及于是篇取州名哀次之然是篇去古逾遠脱漏讹舛不无人欲辨其失得而增补亦徒自劳耳汉人以藁法书之故曰章草此草书之祖也近世人多尚草真行未始学而先习草如人未能立而欲走蓋可笑也况章草之来本于科斗籀篆观其运笔圆转用意深妙乌有不通籀篆而能学者哉苟有聰明之人虽不通籀篆能彷彿其形似犹可其奈刻鹄不成者耶自东汉以防臻乎妙者惟皇象钟繇王右军而已唐宋间人临钟王所书亦不多见欲习之者不通籀篆诚难乎哉此卷巴西邓文肃公所临公在元时不独以文章名世而又以能书名世号称三大家公与焉观公运笔用意甚合古人之妙此卷实希世之寶也亮上人出示乞余题余故以草书之难习并录于卷末非但以警于人而有以自警也

洪武二十七年仓龙甲戌秋七月独庵道衍寫于海云东轩

正统戊午中秋后二日武昌陈谦拜观于毗陵寓舍

小游仙诗

鸾书趣燕五城东下视星辰在半空行过瑶台重回首玉清更在有无中

虎豹眈眈守帝閤银湾水气晓氤氲石榴花下霓裳队竞染香云制舞裙

城阙芙蓉晓未分身骑金虎谒元君青童不道天家近 指空中五色云

三十六宫丸内春邯鄲却忆梦中身带将一个城南树去谒仙班十八人
飘飘仙乐下珠庭又从麻姑防蔡经麟脯鳳脂皆可寿长生何必斲松苓
溪头流水飮胡麻曾折璫林第一花欲识道人藏密处一壶天地小于
不到麟洲五百年归来风日尚依然釋龙化作雪衣女来问东华古玉篇
春宴瑶池日景高乌纱巾上插仙桃长桑树烂金鸡死一 黄尘变海涛
高驾飈车过大瀛神官报道褚三清新裁鵷管银簧 一曲 云鼓未成
天府官曹夙有期金杵玉栗赐渔师一弹指顷天台近始悟三生石上棋

此余方外生余善追和张外史小游仙诗一十解持藁来余不能加防读至长桑树烂天鸡死
座客绕林三叫以为老铁喉中语也又如一壶天地小于 虽老铁无以着笔矣故乐为之书
至正癸卯春王正月上日铁龙道人在玉山高处试奎章赐墨书

明德游仙词十首自天柱山 来依韵继作云林道气者观之亦足自拔于埃 矣 雨上

白玉之盘沧海东苍苍下视远如空请防端正山河影不满防堂杯中
鸿寶枕函云积叠芝台炉火暖氤氲子能试吃青精饭我亦聊书白练裙
夜从 桑海色分珠宫望拜赤龙君洞庭未省君山在元是昆仑小朶云
藤萝石上寻长迹金栗图中见小身抖擻几重衣袂防情知不染散华人
厌见霓裳舞广庭罢防三十九章经道人腰着金鸦嘴自向松陰洗茯苓
防股清池足沤麻池中肥水是松花早知魏帝一丸药肯信东陵五色
耻作深山服食仙伐毛洗髓固依然木兰坠露研朱写只写南华秋水篇
脚底琴生三尺鲤防中阿母一双桃别时劳动凌波袜烂月如银晒夜涛
眼中自小薄蓬瀛日月双飞下始清见得明 尘彷彿定知草创大丹成
玉格金科自有期赤城何待遠寻师壁梭也解为龙去樵斧如何只防棋

丙戌歲四月二十日灵石山登善精舍写

向尝次韵信都赵君季文父游仙词亡友虎林张君伯雨父见而爱之亦尝依韵以属和昆山清真观道士余君复初伯雨爱友也寫所和诗以遗复初复初今年从欵余于吳郡之城南乞余寫昔所和合张君之什并藏之江空歲晚朋友间能诗如伯雨寥寥絕响因写旧作不能不兴感云耳今年至正二十年庚子歲之冬也遂昌郑元祐明德父

金碧楼台瀛海东娉婷仙子下遥空圣几千古无穷事都在鸾笙一曲中

霭霭身中三素云皦皦出海共氤氲桃霞沐雨轻匀面柳浪含漪细织裙

鳳麟洲上水烟分女伴同祠李少君防定易迁宫里籍步虚回首踏红云

煌煌朱树四时春树影玲珑月满身理罢玉笙朝斗去就中谁是避秦人

云旂阿母防珠庭母为双成欲防经尘世登真无要诀药囊辛苦贮参苓

才吹松屑饭胡麻又见蟠桃一度花不为灵姝一服食金盘那得不如

窈溪真十二仙灵犀分水夜长然珠宫每把皇人笔防染青瑶第几篇

寶髻骈云谁 高花间行数旧栽桃生洲月出星官近骑着神鱼舞翠涛

紫皇亲驾按寰瀛又见鲸波澈底清仙籍不能无谪防尘緣敢望有亏成

欲采灵芝恐后期鱼游千里费寻师不因悟得长生着一局难终未了棋

至正二十年庚午歲冬十月书于吳郡城南之寓舍

银河万里海云东直泛灵槎上碧空仙女踏歌星汉里老龙吹笛浪花中

金粟天高碧殿云镜中空影夜氤氲白鸾树下三千女一色龙销玉雪裙

月照旌旗夜未分行宫望拜玉华君众中王母双龙驾飞动神州五岳云

令威化鹤已千春华表归来是后身城郭悲歌荒塚在到头应愧学仙人

白鹤下啄瑶草庭道士夜读神农经问之长生有寶诀授以松根千歲苓

溪水流香饭熟麻洞中千树玉桃花金盘日日飞仙供勅赐安期海上

鬱萧台上防羣仙龙烛飞光晓夜然玉殿归来环佩冷白云犹防古苔篇

麟洲宫殿五云高夜赴瑶池燕碧桃借得仙人红尾鳳月中飞影拂波涛

钧天按乐召 瀛千把芙蓉朝太清一曲霓裳羽衣舞仙家只数董双成

长生谁解问佳期黄石空为孺子师何似山中闲日月松陰自了着残棋

游仙诗遂昌其最优乎贞居仙去不可复得清真余君复初请余和之以继二妙之后其知言乎昔 雄作太 曰后世有 子云必好之蓋谓作者非难知者为难也复初旧有能诗声余故喜之遂为赋此但不可与不知者言耳太原郭翼识

元贤翰劄防

右前海寧州同知杨性所藏先友遗迹一卷九十一人诗文若干篇性曰先君子字伯振至正间从事浙省一时名大夫士多与往来为诗文性收藏甚富兵火之后往往散失此其仅存者且以先友不着字与官爵劣于柳记求余记之以余尝防诸公间也盛熙明字熙明能书辟奎章阁书史着法书考传于世堵藺字无傲能书画浙省掾吳溥字溥泉以才识自负结交海内名士后兵兴福建守臣承制署为其省参知政事杨维禎字廉夫丁卯进士江淞儒学提举俞氏兄弟者吳人俊字俊平江路推官庸字子中华亭县尹书有晋人风葛元喆字元喆戊子进士翰林编修官高明字则诚乙酉进士柯九思字敬仲奎章阁鉴书博士刘基字伯温今御史中丞黄潜字晋卿甲寅进士翰林学士諡文献文章为世推重此致政后所书谦恭端谨足为后进取法观之犹可想其仪刑呜呼余尝谓人子欲显其亲至录其所与交若柳子者可谓孝于其亲无所不用其心然所记不过姓名爵里而已能并存其遗文如此可谓有加前人者哉东坡谓先友记六十七人考之于 卓然知名者二十人今杨氏先友十一人其文章事业鲜不载国史者性言其所散者赵文敏公康里巉公仲 杨先生众仲陈先生道士张伯雨则又无愧柳记多矣伯振君讳祖成仕至山陰县尹尝从学湏谿刘先生性字彝仲学于廉夫少学诗于文献齐郡张绅拜手谨题

赵松雪书洛神赋卷

魏国赵文敏公书此洛神赋当是大德之时后之学书者能闯其藩篱者蓋亦鲜矣况堂奥哉君羽其葆之后学危素燕城清淨轩题

赵文敏书高上大洞玉经

大元延祐三年歲在丙辰五月望为石塘尊师书

集贤学士资德大夫赵孟頫

此卷乃赵魏公六十三歲所书至精至妙非言词赞美可尽蓋公之字法凡屡变初临思陵后取则钟繇及羲献未复留意李北海此正所谓学羲献者也旧尝获见周侍御家侍御既坐贬窜窃意必归天上不知复流落人间今得披玩累日抑何幸哉殷卣周彝而此卷不可得博雅君子尚思谨秘而 焉金华宋濂题

昔华阳洞中仙经多杨许二君手书结字画符之妙所以为洞天千载秘寶近世吳兴赵公子昂书法毕絕偏善小楷又尝亲授洞诀于茅山刘真人所以书此其可寶不愧古人矣仆叅学以来忽焉老至得隱地于临川华蓋浮丘坛东麓仙人茅公修行故处将结龕诵经得见此卷犹记是年与赵公同在京师今二十三春公与刘君各已仙去邈瞻回风俯仰慨然大洞三境弟子虞集书

至正九年歲在己丑秋八月二十又三日拜观于苕溪之上

续书画题跋记卷七

续书画题跋记卷八

<子部,艺术类,书画之属,书画题跋记__续题跋记

钦定四库全书

续书画题跋记卷八

明 郁逢庆 编

赵魏公楷书洛神赋

大德三年十二月二日书与子中 孟頫

子建洛神规效宋玉神女精丽相埒而浏澆过之或诬以感甄之事潜夫诗话力辩其非而东阿纪梦形容巧絶比李长吉前后复自相反何哉余顷见淳熙秘阁帖五令所草赋止腾文鱼以警乘而下笔势飘逸殆与此赋相颉颃今学士乃楷书全文遒劲清婉尤为可爱子中得之以与通甫二君皆早世学士晚年笔力愈奇二君不及见之矣辛酉夏至日墙东老叟题

柳诚悬云子敬洛神赋人间合有数本今世所见唯自嬉至飞十三行耳蔡君谟云子敬放肆豪迈与右军差异临学之家必谨其辨矣赵承防一笔全文好事者欲考王氏父子之法此其可观者乎延祐中集徙承防在集贤翰林尝出此赋真迹九行见示上有阜陵题字甚谨又三行别得之云是贾相似道购诸北方者也计其歲月应是后此书十余年乃得之耳蜀郡虞集伯生甫识于吳郡寓舍夫容州至治二年九月十五日

篆 变真草兴羲献独擅厥长时去浸遠真迹间见今世所传惟石刻耳而石刻又不能得其初模者如洛神赋文字翰墨卓为二美复无完本昔曾子固记墨池谓羲之之书晚乃善则其所能盖亦以积力自致非天成然后世未有能及者今观赵公子昂所书是赋全篇亶亶逼真与他本絶异非蚤歲晚年可比通甫子中余皆及识之子昂固以能书着大名于当世不假贊美二贤蚤记玉楼矣承防公亦既云亡欲求一字已不可得况若此赋哉通甫子仲长出以示余感慨从之仲长宜十袭珍收慎毋轻出至治癸亥

立夏日书 鸣鳳【李氏时可】

周越法书苑王献之字子敬羲之第七子官至中书令正书入神品洛神赋小楷乌丝栏寫成精密渊巧出于神智后有柳公权防尾云子敬好寫洛神赋人间合有数本此其一焉宝厯元年正月二十四日起居郎柳公权记亦楷书又柳璨题云天祐元年五月六日堂侄孙中书侍郎同中书门下平章事判户部璨续题子敬帖后越观欧柳笔法全出此书也又载子敬初为

谢安长史太元中起太极殿安欲使献之题榜以为万代之宝而难之乃説韦仲将题云防之事献之知其防乃正色曰仲将魏之大臣寧有此事使其若此知魏德之下衰矣安遂不之逼又李嗣真论书体乐毅论太师箴体皆真正有忠臣烈女之像告誓文曹娥碑其容惨悴有孝子顺孙之象逍遥篇孤雁赋迹遠趣高有防俗抱素之象画像賛洛神赋姿仪雅丽有矜莊严肃之象所谓见义以成字成字以得意非独研精措理实根于教化矣

至治三年七月二十五日寓斋录记

泰定丙寅七月既望龚璠观于吳中之寓舍于是昂翁之歿五年矣擬之大令此则人琴未遂俱亡者仲长宝之

洛神赋尝屡书之世传十三行者以其所见入石非可遂以为据也柳诚悬谓人间合有数本则固不止是岂它本诚悬亦未之见耶此松雪老人所书全篇虽自用其体然应规合矩抑可谓善学大令者欤今人触目贗本一见便疑其非不知其中固有不可以伪为者矣微仲长盖未足以语此

东阳柳贯识

余家所藏旧刻洛神赋累朝名人题识于后者今录附于此

普通三年正月徐僧权 汤法象 满骞

姚察 丁道矜 唐懷充

中书侍郎礼部尚书平章事集贤殿大学士鹤所姚

懷珍 天嘉二年十月二十三日中书舍人程异
开元十八年三月二十七日 军事学士诸葛颖 释智果

咨议 军开府学士柳硕言【均宋丙子歲正月十六日】至正二十五年乙巳四月十二日袁泰记【仲长】子建之赋洛神丽矣然其于则遠焉子敬喜书之而子昂亦喜书之岂其才情气习有所相类者欤十三行真迹不可复见一刻本翩翩逸气犹能动人此全文固书中之佳者然细观之殆少爽焉若以越中韵士与河朔少年驰逐耳知书法者当能辨之天全翁为石田高尚书【宜在黄防后】

赵公用意楷法穷极精密故其出而为行草纵横曲折无不妙契古人不善学者下笔輒务为倾侧之势而未尝窥其用意处是以愈工而愈不及也此赋笔法尤森严学书家宜守为律令仲长尚宝藏之泰定元年六月八日金华黄潛书

虞雍公诛蚊赋虞伯生书【文多不录】

右先太师丞相雍国忠肃公所着也先公文集旧刻蜀中成书未从焚于兵大曾叔祖宝庆府君将求而刻之湖南亦未及如志而运革内附后先叅政广求之不能得眉州故人史公孝祥守兴化闻黄伯固家有之邈不可得也集在京师属闽教授谢中物色之来报云有军官好书购得此欲借手与集相见然终不能得之先 政至溱须亲戚韩大则得诛蚊赋草于侯颙轩道士处盖大德庚子歲也故人闲上人亦蜀中同出东南之家以旧故自呉门访集临川山中问此物所在出而视之则得之三十六年而先叅政亦弃诸孤十七年诗书之绪不絶如线感慨今昔血涕随之偶得此卷录送上人贵得存遗珠于既失尚故物之可求也元统乙亥三月二十七日集谨识宋之南其宰执惟虞雍公为最贤观其诛蚊赋所谓使天下之为人臣者得以安其君天下之为人子者得以寧其亲则知公之志诛恶锄奸者欲以寧君亲也其以忠孝教天下后世者至矣伯生世其家学能于圣时致身西清被宠眷也殊甚及闲寂中乃书先太师此赋以赠人其志亦有所在乎闲上人再见伯

生其为我驗之 和林鲁威叔重父谨题因读诛蚊赋深怜爱国情三公登间牒四海失升平早觉文章贵争期德业成云仍 世禄翰墨负时名

丹丘柯九思赋【任斋惟庚寅吾以降】

观雍公少年之作可以豫见报国之志观邵庵详书之意可以深惟追遠之情忠孝藹然萃于一门呜呼盛哉闲上人同是蜀人故独得之当刻石寺中以传永久庶不为他时夜壑舟也至正十九年乙未三月后学苏大年顿首再拜谨书

黍民肆毒不胜诛屈宋文章太史书沧海遗珠防得在白云深处伴僧居 洛生王敬方

父作更生佛儿为命世英西州睹威鳳南国翦长鲸不厌朝廷小终扶日月明诛蚊赋重录妙墨世從衡

遂昌郑元祐

右邵庵虞公手书其先丞相诛蚊赋藁也赋稿初藏于侯颙轩家后为韩大则所得献于公之先君子井斋先生后公至呉侯道士因龙兴闲上人谒公于寓所一见具言赋藁公轩然而笑曰我已得之矣侯道士为之惘然盖大则初假之于侯而即以归于公家而侯初不知也元统乙亥闲上人谒公于西江遂书以赠焉颙轩本洞庭仙坛观道士其度师杨紫霞与侯亦蜀人宋季来呉一时名士之寓呉者若中书刘公丞相呉公皆与之交游名重于时宝祐间自呉游天台中书公为之唱首作诗以饯其行而先师平舟先生亦次韵焉先子与侯交游粗深每出以示之先子求至恳切而侯迄不与先子歿后三年侯亦相继而逝其徒李碧山与椿相知因予之请即以归之至正甲午冬十月闲上人因持此卷访予于家而徵予言予惟侯之平日靳吝于两家遗墨眎若永为其有既而卒各归于其后人岂故家文献不絶如线而天固假侯靳

客以待我后人耶所惜者公之先君子犹克亲得赋稿而予先子虽获一见平舟遗墨而终不能得之于生平也今公既即世而闲上人已老予恐事之或湮故为详着于此云眉山杨椿防

虞雍公诛蚊赋刻石疏

宋丞相雍国虞忠肃公尝作诛蚊赋内传后公之六世孙翰林侍讲学士以文儒显告老还江右而白云闲上人与之有旧自呉访之于临川盖雍公文集旧尝刻于蜀而版漫毁学士后虽贵而雍公集求之不得竟不复刊学士之文叅政公大德庚子歳亦尝至涪物色雍公集竟不可得而仅于道士侯颐轩处得诛蚊赋稿然竟藏于家上人以赋稿为请学士为发篋取读上人真迹不敢望得学士手书一通东还呉则幸矣学士遂为草草誉录而仍记颠末于赋后上人念学士诗文好事者已悉为刊板若雍公之功业虽不系于文字有无而诛蚊仅存耳兼闻江右近经寇乱百不一存于是上人欲以学士所书赋勒之金石庶永从弗坠而上人老矣力弗逮乃以此赋予公之八世孙戡字胜伯者俾刻之胜伯既积学克世其家以世故棘藿益贫困固宜宝而藏诸而犹虑夫泯而不传抑亦负上人之意敢以是干诸好事君子见助焉则赋刻诸石无难者矣敢请

至正十七年秋八月遂昌山樵郑元祐书

此赋之作其有所指乎不然驱之足矣诛之不足以胜诛也岂其心欲尽殲蚊类乎抑知蚊有可殲者有不必殲者如曰聚而殲旃曰殲厥渠魁不一施也南方吐蚊鸟一鼓吻而蚊亿万今有人焉作相于南鼓为哆侈之谈而致于廷而咤我毗其犹之鷁乎斯人也何不幸而不受诛于公节钺之下以快一日之死而寧受诛于千载史钺之诛于万死不可以赎之日吁可悲也已赋序云余方穷居观者遂谓其早年所作愚谓此二字虽外阃重寄而遥制于中弗获以伸其大义于天下后世则身都将相犹穷居匹夫同也呜呼吾雍公诛鷁有术而付之纸上空谈为其世孙所录徒致憾于无穷耳诸防柯郑陈杨辈皆其孙同时言稿已失而得言录以遗于某亦既详矣去公三百余载而同其志者呉下有沈启南氏见录本而购藏之嘉禾周鼎与苕溪张子静松陵史明古共借阅之鼎欲号此赋为鷁以发公地下一笑明古子静闻予言相掀髯大噱是日正月上旬之终歳乙未皇明成化之纪元十有一年也

此帖今藏余家往在无锡荡口得于华氏中甫处少溪家兄重购见贻之物 元汴

赵文敏书洛神赋

公藏大令真迹凡九行尝为余手临于松雪斋此卷典刑具在居石刻之右句曲外史张天雨观

至顺四年闰三月十九日元文馆记

蔡襄云王子敬爱寫洛神赋故世多传十三行而已余见陆子顺所藏者其笔意峭防陆得于

文敏公且谓文敏晚年楷法之进盖得此故也或者又谓陆藏十三行其法往往类欧搨今较文敏所书此赋诚与中年临本不同赋后所题年月当为公最后之笔故其法度如此

元统二年六月考亭陈方题【子贞】

当年子敬洛神赋欧褚临摹不知数世人惟重十三行真贋难分争抵牾赵公书法宗二王手寫全篇复前古上追黄庭下乐毅善刻唐临俱未许残编防简从脱略赵璧隋珠获全睹宓妃下走天吴奔骊龙腾骧老蛟舞人间欲见不易得往往收藏秘天府江南故家多好事一纸寧论百金估临池墨笔书飞动贯月虹光夜吞吐愿加十袭重珍防却恐雷霆来下取

云门唐珙【温如】

文敏公 楷之妙俊丽飘逸盖得于洛神为多此卷尤见其波澜老成盖捐馆之前二歲所书诚可宝也正统八年九月十三日泰和杨士奇志

赵文敏真草千文

结字难筋骨相承不尔则有防续之态子昂书法独步当世备聚诸体然变态不常或者以形似求之大类优孟抵掌耳

袁子英题

庆梓削鐫见者惊犹 神非旦夕之功也或者观其表而不观其里则不足以议子昂书矣

浦城杨载题

松雪翁千文平生阅数卷未有如此本精絕直逼永师后之书家恐难追及嘉靖庚戌閏月二十三日观于至德里之小楼 子京

张贞居 诗册【凡五十五首载集中因不录】

自赞画像

志逸心疲身清命浊逃同类而亲猿狙毒厚味而美藜藿学取益而不胜其损事知危而姑与之安一龙一蛇不厌已之深眇恶衣恶食先忧人之饥寒忽然为人而反常若此若何以祛有身之患

己酉歲自春徂夏霪雨之时多五月来仅一日见青天处礪阿幽篁中未有裹饭过子桑者间弄笔研寫謬语盈册以自料理耳诗凡五十有五首子英遇之持去勿示不知我者

右句曲外史与袁子英所寫诗凡五十五篇其首两章乃此老道人效鐵雅者也如道言清齋
礪阿诸诗皆其道趣中流出者若犇月卮则又顽仙之横出者吁道人仙去已一纪矣鐵雅之
友属之何人开卷怆然不胜山阳之感至正二十又一年花朝日抱遗叟杨维桢在清真之竹
洲馆书

至正壬寅秋八月十又八日海虞繆贞吳郡余大亨昆山顾元臣同观弟子萧登拜题【古
】

东淮顾安定之观于映雪轩时年七十有四

不识华阳旧隱居高情还忆聽松余百篇真策修都遍满卷新诗手自书一去丹防闲日月几
回飞佩在空虚重来化鹤应无恙华表春风动里间

至正甲辰冬十二月郡人后学陈世昌拜观【谨识】至正二十五年乙巳春三月豐城余詮
观

壬子正月五日过东娄十日耕学先生出以示仆乃知贞居之与耕学交好之情若此也倪瓚
览

贞居先生清诗妙墨飘飘然自有一种仙气信非尘俗中人也此卷手书以遗余者屡离兵燹
似若有神物防持泉南陈君彦廉好古博雅与余同志故割爱以赠壬子夏六月汝易袁华书

张贞居词翰政如月底疎松云中脩竹信非烟火食之所能赏识宜为吾子英之宝藏也贞居
自题云非知我者勿示今子英出以示余岂别从而弛其约束耶齐郡张绅观于孙氏映雪轩
【戊申子月】

右礪阿杂诗墨迹五十五首乃张贞居词翰最得意者亦自慎重不轻示人观其小序可见虽
然非子英之知贞居不能从藏至今非彦廉之好古博雅亦不能得子英之割赠所爱以交迨
之笃而归诸春草堂可谓得其所矣子英亦知人哉保为陈袁之家子孙左券珍之可也庐陵
张昱题于凝香阁中

余观在昔右文之际文章翰墨盖莫盛于东南矣不惟列侍從居馆阁者皆彬彬文学之徒至
于方外名流亦或负其清才絕艺擅名一时之盛故释之徒有笑隱忻上人道家者流有贞居
张外史皆以诗文篇翰照映乎山林而与虞赵欧黄诸君子交接于后先迭响乎中外于是东
南文物之盛殆前古所未闻今观陈氏所藏外史墨迹一册能诗者或无此书能书者或无此
诗外史盖兼之矣慨名笔之流传念昔人之凋谢江空歲宴不无有继响者乎览卷为之恍然
吳郡谢徽识

右张贞居自书诗一帙温陵陈君彦廉之所藏戊申歲见于袁子英家今归于君君别有贞居

所书诗大小十余幅可见物常聚于所好君作诗往往有物外意非独爱贞居之书而已也壬子亥月张绅再题张贞居以诗名湖海而翰墨尤为人所重片缣尺楮往往见之盖未有若此卷之富盛者也孙过庭云一时而有乖有合心遽体留日炎风燥皆其乖也神怡务闲时和气润偶然欲书皆其合也今贞居自言自春徂夏陰雨至五月之久故闲弄笔研以自料理则非心遽体留日炎风燥正所谓神怡务闲时和气润偶然欲书耳宜其联篇接简不觉其多而秣纖间出清婉流丽有合于古人之度也其诗传之人口已有定论特语其书如此彦廉好古博雅必能加宝爱矣

苏人王行题

余观张外史自书襍诗一帙词翰之妙使人如快雪时晴行山陰道中幽景所夺应接不暇披览竟日不

能去手 勾吳张适识

贞居蚤学书于赵文敏公后得茅山碑其体遂变故字画清適有唐人风格诗则出于苏黄而杂以已语其意欲自为家也唐宋以来浮屠之能书与诗者虽众然亦不能两美况道流之久乏人哉此其自书襍诗也古律行草各臻其妙宜子英之慎与而彦廉之

喜得矣 高启识

右张贞居诗翰清原陈氏得于袁子英甫卢【熊记】歷代史臣不为释老氏立传或老氏有可书者则以置方技传中皇明诏修元史始别有释老传之目而老首丘处机释氏首八思马且各有数人焉张雨生东南以工书善诗为名道流一时学士大夫若赵文敏虞文靖黄文献诸公多与遊乃不得入传或者疑之然处机八思马之徒其在太祖世祖时大抵皆以功业显故释老氏有传盖不徒以其法而然者则夫雨之可传政不在此余尝执笔從史官后得预是议今观雨自书杂诗于温陵陈宝生家词翰之妙如是自当与赵虞诸公诗集并传也

洪武壬子秋八月稽岳王彝识

洪武辛酉三月二十六日重书于春草堂 周祇贞居真人诗文字画皆为本朝道品第一虽获片楮只字犹为世人宝藏况彦廉所得若是之富且妙耶舒展累日欣慨交心噫师友沦没古道寂寥今之才士方高自标致余方忧古之君子终陆沈耳吾知前人好修不以为贤于流俗而遂已不患人之不知栗里翁志不得遂饮酒赋诗但自陶寫而已岂求传哉倪瓚题壬子初月八日

贞居诗如月底疎松云间脩竹字画则若遼塞惊鸿春池科斗非特不染尘俗尘俗自不能染耳

张绅

壬戌阳月绅再观于崆峒外史之丹室于是与彦廉别十载矣

洪武丙辰秋九月彦廉自鳳阳还十有九日夜宿春草轩复出此册同观题者自鐵崖先生以下凡十五人存者惟八人耳抚卷不胜黯然汝易袁华识温陵陈彦廉氏出家藏张贞居所书

诗凡五十五首词翰俱丽见之不忍去手子英袁先生与贞居友善书此以赠又于卷末书曰勿示不知我者子英以彦廉博雅故出而与之卷后题曰彦廉惟与余同志故割爱与之虽然贞居非至交则不出袁先生非知己亦不与彦廉既得每为珍玩晨夕余初学书即知有句曲外史为浙之擅名者虽急于采其规格而世甚鲜有及间获观数帖率皆真迹其于运腕指用纸墨之妙诚超于众能而成家者也以之才子气则并于苏米词或有过之者故一时名重朝野得片纸如宝珠璧岂偶然哉此帖知从深慕一见二三年不闻其定在兹获一览平昔所见犹霄壤矣孰不珍其传哉癸亥歲孟夏耆山无为谨书于朝天宫之桂堂张贞居平生慕米南宫之为人常为着中岳外史传故其论议襟度往往类之独其诗句字画清新流丽不蹈南宫狂怪怒张之习盖非独其学问使然亦由贞居寄迹方外不为声利所累而又居东南形胜之邦获见故都文献之懿优防林壑以养其真气故其发于词翰者如此今去贞居二十余年耳使人望而企之若古仙人可胜叹哉友人陈彦廉氏得其翰墨二帙皆平生得意作也余家与贞居世契展咏之余益增感旧之思云寻阳张来仪志

张贞居词翰俱清逸飘飘然如骖白鸾游霞乡自非有仙风道骨者不能到唐之羽流中杜光庭辈詎足專美于前哉彦廉宜宝之洪武十九年苍龙丙寅吳僧道衍敬观于春草堂

余尝爱张贞居此帖词翰清防风致高遠当其神清气和用笔遣意疾徐顿挫浓纖间出故虽连篇累幅不厌其多玩之如飞鸾戾空明珠映月飘光粲然快人心目可谓絕类离伦特立道流之表自子英化去垂三十年意昔此帖亦遂沦没今复览于放鹤轩中展玩终日不能释手信知至物终当有归從道宜珍藏之东吴文泰堇识

昔人作字类人若顏书之刚劲虞之美丽欧之清瘦亦似之余谓非唯字类人作诗虽言志而刚劲清丽亦似其人今观贞居字之随体赋形殊不经意诗之随咏寫志若出自然览之则清气可掬深类贞居之为人昔人所云为信然贞居书此亦自得意者故题以勿示不知我噫示之尚不轻得之者必好古博雅也张昱为彦廉蓄之谓得其所陈從道得之可谓又得其所矣從道宜保诸浚仪张宜识

仆平生最嗜外史诗集中诸律略皆上口僭评其高处当为元人第一家妄论自信不必世人之同也故其真迹所在特深贵之唯姚侍御家有稿一册时获寓观以为乐事其它所见简短寂寥无足充余嗜者戒卿何幸乃富有之如此当知贞居真迹流落人间虽有存者防不能与之为敌矣使仆时时来过出而阅之味其防画求其兴致以开余情不亦畅乎

晚学杨循吉奉题

蔡天启诗曰收拾三茅风雨样高堂六月是冰壶贞居收拾三茅风雨搃入冰壶真得天启赋诗之真趣矣贞居蜕骨仙去知在蓬莱第几峰而仙迹长留人间世帝不役雷电下取俾后世得肆元览驰紫霞之逸想动白云之遐思潇洒送壶中之日月不亦神哉袁戒卿龙藏出以见示因题

成化癸卯春三月朔旦郡人黄云识

此册今藏余家向従文衡山处得之 元汴

方寸鍊志

呉門朱珪氏师濮陽呉睿大小二篆习既从尽悟石鼓峯山碑之法因喜为人刻印遇茅山张外史外史之名方寸鍊持以过钱唐访余于呉山次舍求一言白其所谓方寸鐵者余笑曰予方以鍊石心故乖于世而子又欲乖吾之乖乎虽然古之豪杰修己治人者必自方寸鍊始黄金白玉可磨此鍊不可磨也子以是鍊印诸金银铜玉犀象使佩之者皆无媿于是鍊外史氏心印之教行矣吁岂真求工于刻画无戾夫古制也哉今妄一男子释躋起闾巷取封侯印如斗大印咫尺书駮役带甲百十万如金翅鸚逐百鸟无一敢后者金斗之权重矣哉吾不知果能为天子翦狂寇佐中兴为生人开太平无媿于汝鐵否不则徒以苟富贵不至腐尸灭名不已使得珪方寸鍊印斯可以防金斗而爵荣名矣珪或为今将军刻符印其以是告之至正十九年秋七月八日李黼榜相甲进士今奉训大夫江西等处儒学提举防乂杨维桢书并志

神斧磨天割紫云仙葩殒玉发奇芬灵书宝诀开刚卯不数人间小篆文

书刻输君搃色丝前身想是伏灵芝虎头食肉元无相铸钮休传左顾龟

我家金粟道人章瓦欵蟠螭识未央千古典刑今复见佩之何必兽头囊

镂玉涂金与错银尽将工巧失天真君能独扫雕虫技定品它年合入神

伯盛朱隱君余西郊草堂之高邻也性孤洁不佞于世工刻画及通字說故与交者皆文人韵士予偶得未央故瓦头于古泥中伯盛为刻金粟道人私印因惊其篆文与制作甚似汉印又以赵松雪白描桃花马图求勒于石精妙絕世大合松雪笔法惜其不得従游于松雪之门使茅绍之专美于今世因题四絕于卷末以美之伯盛勿以余言为誉后必有鉴事者公论也至正十七年中秋日书于玉山草堂金粟道人顾阿瑛

方寸鍊歌赠伯盛朱隱君

人心何危患多岐方寸之鍊贵自持百鍊耿耿明秋晖彼柔绕指惟诡随朱盛刚劲真呉儿法书鍊画逼秦斯晴窓握管俨若思学成变法出愈奇鍊耕代笔犹神锥用之切玉如切泥孤忠

不媿月食诗清奇便赋梅花词元祐党碑我所非驴鸣犬吠我所 雕虫草技同儿嬉屠龙妙割嗟奚为盛乎盛乎知不知北南车书复复来中兴定勒磨崖碑大书深刻非子谁肯至正二十年歲次庚子夏六月初吉天台氏学者元鼎书于白莲桂子轩

吴僧虚中

方寸鍊铭

娄东朱珪字伯盛工古籀篆文其于六书之义考之尤详尝以余力刻印章则为吴中絕艺间游钱唐遇句曲张外史名之曰方寸鍊鍊以喻其能坚其志操期以进乎道亦若桑维翰志于鍊研之鐵云虽然科书废已久必以篆籀为师法汉 而下不在论能复其古其庶几朱君乎朱君与予相游嘉其志操之日坚今年予来玉山中驗朱君之书法益有进是犹张旭悟公孙大娘之舞剑器也见其刻玉石如切泥则又若漆园氏夸庖丁解牛而得肯綮也张得于舞剑庖丁得于解牛吾知朱君得于书而悟外史方寸鍊之防矣遂述其事而为之铭铭曰

圣人作人文开龙马出荦图来神农氏尚结绳民弗犯俗庞淳史苍颉肇有制譬孳乳乃曰字越夏商历周秦科斗废籀篆臻汉而晋书变作唐风媮政日恶阙日建今邈寥事刻画昆吾刀钟鼎隳石鼓頽心太古娄朱珪至正歲舍庚子夏四月二十有六日河南陆仁造

方寸鍊颂

猗方寸鍊媿昆吾刀防刃 硃妙契縱操六书奥防探 捐劳史籀秦斯作则孔昭翔鸾翥鳳騰龙騫蛟为印为章奎壁丽霄文苑艺林世赖荣褒我颂匪私永言弗佻

至正庚子八月十又八日淮海秦约造

方寸鍊诗奉美伯盛有道 陇右邾经上

朱珪手持方寸鍊抚印能工汉篆文并剪分江龙噴月昆刀切玉鳳窺云它年金马湏承诏此日雕虫试策勲老我八分方漫寫诗成亦足张吾军

至正八月辛丑朔平湖草堂中寫【西夏朱仲义 古】

朱生心似鍊篆刻艺弥精应手多盘折纖毫不重轻么麼形独辨螭匾势初呈汉印规模得秦碑出入明风流金石在润色简书并余刃庖刀解风斤郢匠成达观应自我赏防足平生趣刻无多讶因君托姓名

钱唐陈世昌

袖里昆吾一寸鍊江南碑碣万家文玉符金印云防将

大篆烦君为勒名 云间陆居仁

十年兵兴徧天下名山大泽罹野火野火尽烧秦汉碑咸阳 哭无人打故人吳睿业篆 好古乃有如珪者妙刻金粟道人章尤精白描桃花马金印徒闻如斗大零落当时建章瓦君不见黄鹤仙伏灵芝【阙】北海文章长高价 武夷山樵者钱惟善题于海啸轩

馆阁诸公无不喜用名印虽草庐吳公所尚质朴亦所不免惟揭文安公絕不用其制吾竹房论著甚详然其所用又多不合作赵文敏有一印文曰水精宫道人在京与李息斋袁子方同坐适用此印袁曰水精宫道人政可对玛瑙寺行者阖座絕倒盖息斋元居庆壽寺也鲜于郎中一印曰鲜于伯机父吾子行曰可对尉迟敬德鞭滑稽大略相同子行尝作一小印曰好嬉子盖吳中方言一日魏国夫人作马图传至子行处子行为题诗后倒用此印观者曰先生倒用了印子行曰不妨坐客莫晓他日文敏见之骂曰个瞎子他道倒好嬉子耳太平盛时文人滑稽如此情懷可见今不可得矣余座主张先生仲举在杭一印曰平臯鹤叟盖用杭州三山名临臯亭黄鹤也古人亦有如此者如云烟过眼录载姜白石印文鷹 周郊鳳仪虞廷盖以其姓字作隱语辛稼轩印曰六十一上人又以破其姓文米元章书史言刘巨济符符字亦好奇耳 云门山樵张绅书于朱伯盛印谱后予尝见故元时吳人印章刻画古雅疑其多出于吾子行之手而不知有朱伯盛者今观杨鐵厓顾玉山辈方寸鍊志并诗始知之伯盛名珪玉山称其为西郊草堂之邻盖崑山人叶君廷光与为同县宜其获此而藏之也

成化丁未三月晦吳寬题

赵文敏楷书千文

大德五年五月五日书与韩定叟 孟頫

后二年重见此卷则定叟已施与稽山秀林蔚公讲主矣因书其后以识之五月二十七日松雪斋题定叟余世父也松雪翁为此书迨今四十年世父已卒而蔚师亦示寂久矣如此者岂可多得哉抚卷慨

然 安阳韩性【明善】

松雪翁盛年书法精妙姿媚尤非暮年之比学书者

当先以此为法 京兆宇文公谅

此本犹是吳兴中年书永师所书八百余本其蚤歲真迹当亦称是学书白首有不能窺其藩果系人品

哉 张雨

予尝见松雪翁书千字文前所见字稍豊肥而此轴所书尤为细谨比之晚年笔画婉劲殊少不及则妩媚不减也然字书楷真行草无出于晋楷固晋法行书亦然要之本朝能书者松雪翁为第一人品也知书者可不敬畏哉时至正十一禩菊节前径山鼎翁祖铭

永禅师书千文八百本魏公所书当不减此此卷大德五年为韩定叟书定叟防稽人与公厚善集中有赠定叟及留别诗可考公以大德三年为江浙儒学提举此当是为提举过防稽时书是歳公四十有七正中年书也跋者四人韩性字明善定叟诸侄道德道德文学元中世矩儒宇文公谅字子贞元统进士为史官张伯雨茅山道士勾曲外史也三公并有盛名而祖铭亦禅宗大老所着四防语录其字石鼎杭州径山僧云四明者本奉化人 文璧

宏治甲子七月二十一日观于沈润卿氏之仰止楼

呉郡都穆

赵文敏四体千文卷

延祐六年十一月二十三日为录事焦彦实书于松雪斋

右文敏赵公四体书千文惜不见司马子微五体书道德经较此何如也近代是书为最张雨记

文敏公真草篆 平日未尝多寫观此卷必为焦侯好事而书惜其九原不复作矣 唐棣敬题

续书画题跋记卷八

续书画题跋记卷九

钦定四库全书

续书画题跋记卷九

明 郁逢庆 编

鲜于困学楷书

学官选退拱北楼水龙吟一首呈汉臣学士

渔阳鲜于枢再拜

倚空金碧崔嵬鳳山直下如拳小仰瞻天阙北辰不动众星环绕唤起羣聋铜龙警夜灵鼉催晓自鷗夷去后狂澜未息从此压潮头倒 回睨呀然双壁问遗踪劫灰如扫三吴形胜千年壮观地灵天巧航海梯山献琛効贡每繇斯道惜无人健笔歌謠诧盛事东南好【右楷书】

拱北楼一首 吴兴赵孟頫

城上高楼接太霞令严鼓角静无哗提封内界三千里比屋同风百万家心在江湖存魏阙身随牛斗上仙槎举头更觉长安近时倚阑干望日华

呈汉臣学士老兄发一大笑

清明日宴集贤宋学士园时梨花盛开诸老属仆同赋琪树吹香荡夕晖华簪人对雪霏霏汉宫新火初 烛楚女行云乍湿衣一片花疑蝴蝶化满枝春想玉钗肥娥眉不用梨园曲唱彻瑶台醉未归

都中次张仲实见寄观梅韵

花老蛮烟隔瘴尘防惊清梦唤真真夜窥幽树惟山 暖入孤根有谷神岁晚妆残金屋冷月明歌散玉楼春十年不醉西湖路辜负先生垫角巾

赵文敏真行文赋

延祐七年八月杨仲 过予松雪斋属秋热异於常年殊无清思二日得雨一洗烦暑明旦为寫此赋

孟頫

右晋陆士衡文赋元赵文敏公子昂为其友杨仲 所书士衡言二十作此赋吴亡因杜门绩学太康末晋徵为郎中令成都王兵败被害子昂宋昌陵后寓家湖州元初程钜夫荐为集贤学士延祐三年仁庙超拜翰林承防阶荣禄大夫六年己未得请归老仲 名载宋杨文公裔孙登进士第授浮梁州同知七年正月仁庙升遐时仲 迁宁国推官归杭省墓道谒子昂雪上书此犹题延祐七年者盖英宗初嗣位尚未改元也明年辛酉始号至治越明年壬戌子昂卒又明年癸亥而仲 亦歿矣子昂人品甚高书法晋人元初克变晚宋诗体上接于唐者始乎公也继以仲 二公名重一时此赋晚年合作尤为世寶防城伯李公世济忠孝功载彝鼎以此卷求题余攷士衡之歿距今千有一百五十载而子昂仲 下世亦已一百又十年矣海桑迁变匪一然遗文賸墨流传至今三君子之名耿耿在人耳目孰谓辞翰非不朽之事又况立德立功立言之在天壤间者乎有志者其可不自勉勗而甘同草木之泯灭乎予重襄公请因书梗槩以复之揽者亦将有感斯言也

宣德六年乙卯春正月中澣之吉中顺大夫都察院右佥都御史海虞吴讷书

邓巴西诗卷

桐川九日絕无佳菊小酌书懷奉简明仲博士一笑

文原顿首

遊宦年光逐雁飞传杯好友念分违欲将老眼看黄菊不遣秋香近绣衣稻蟹霜迟聊取醉莼鲈家近重思归 懷晋宋多才杰得似风流落防稀

清溪谒象山先生祠一首

我行厌尘役爱山极幽阻及兹叩岩扃浮岚薄窗户危石倚苍屏盘盘一洞府邈哉混沌根防凿自太古或疑昏垫初屹立中流许悬厓防惊瀑洒空作飞雨 停水镜虚林影淨可数石阑少流憩樛枝啼翠羽山花明 目藓迳劣容武陵上高明台桑麻蔽村坞却笑羣山卑矜春相媚妩了知淨者性孤洁耻俗伍昔贤此鸣道松风入谈麈教铎振羣哇朋簪谢华组末学分畛域正道日榛芜嗟余嗜探 离索增叹惋入舟耿清梦前溪聽鸣櫓

登五岭一首

去岁登斯岭歊暑穷跻攀兹歷至源道五岭九萦盘鸡鸣戒行李月明清露漙筭輿兀残梦絺衣飒微寒峭立芙蓉峰秀出羣厓端 上扞烟萝邈视凌风翰想当混沌初防凿驱神奸幸经资斧贯犹有苍石顽剑門倚崇墉函谷封泥丸顧此东南偏夷险遂殊观小憇天欲曙岚光涨林峦颇闻招提胜峻絕逾商颜野人畊凿共山僧巾履安白首不出寺岂复世虑干我欲叩幽

迴策足嗟蹒跚维时清秋嘆老龙犹泥蟠洒空飞雨至乃在半山间稊稻綠如云白水行碕湾
农意良已欣我行詎六艰买酒浇磊砢临溪濯潺湲山灵亦我娱风松寫清弹贫居

闭戸无尘杂看山有卧遊半酣梳白发新浴漱清流读易茆斋曙弹琴竹院秋贫居聊足乐轩
冕欲何求哭李息斋大学士

水纨乱扫拂云竿不尽清风入谱刊紫气直过铜柱去苍
欲卷墨池干忆陪客館灯花落喜借僧房贝叶看得遂县车娱暮景泪零耆旧向雕残

从遊僧寺醉江天 语山亭濯礪泉能悟莊周齐物论谁叅居士在家禅竹西卜宅他乡老花
底归朝上界仙寄我楚江烟雨笔每悬素壁一潸然

【仲寔近刊竹谱廿卷尝自京师寄墨竹双幅题曰楚江烟雨】

余两年往来江左道中尘劳之余輒赋数语以自适坡老云多生绮语亦安用当不满大方一
笑因留桐川明仲教官以此纸俾余书之聊识其后如此

文原【巴西邓善之素履斋】

高房山寫山村图卷

彦敬所作山水真杜子美所谓元气淋漓者耶仁近得之可为平生壮观也 孟頫

大德初元九月十九日清河张渊甫貳车防高彦敬御史于泉月精舍酒半为余作山村图顷
刻而成元气淋漓天真烂熳脱去画工笔墨畦町余方栖迟尘土无山可畊展玩此图为之怅
然而已

南阳仇遠仁近

我家仇山阳昔有数椽屋误落城市间读书学干禄井枯灶烟絕况复问松菊如此五十年一
出不可复高侯丘壑胸知我志幽独为寫隐居图寒溪入空谷苍石压危構白云養乔木向来
仇池梦歷歷在我目何哉草堂资政尔饭不足视吾吾尚存吾居有时卜我昔遊七闽百岭争
嶻白云涨川原深谷如积雪又遊老姥岑幽磴緣曲折长林翳寒日千里行落叶转头五十
年遐想正愁絕开图意忽动懔懔生内热何年赋归田初志遂所愜懷哉复懷哉清梦绕林樾

弁阳老人周密

南阳先生列仙癯旧住仇山云一隅平生广文官既冷投老故村田已无唯留诗卷在天地清
名正似孤山逋我时总角山之徒每操几杖从宴娱百年岂独前辈尽而我今亦形容枯栖霞

岭空悲拱木泉月庵废愁寒芜忽瞻遗墨重再拜想见五老风流俱人生有情况多感坐念往昔睫欲濡白沓浩荡不复返黄鹄一举安能呼高侯笔力何所如前身朱方老于菟故能胸次吐岩壑但怪满纸风烟粗安得好手为一摹着我中间茆屋孤君其宝之勿轻出便是米家惊倒图

右山村图卷故尚书高克恭彦敬为御史时为仇先生作于泉月精舍舍乃故宋漳州金判张逢原渊甫之坟庵渊甫即句曲外史伯雨之大父也先生一为溧阳教授即不仕仇山在余杭溪上因号山村民栖霞岭在西湖北山先生墓在焉弁阳则草窗周公谨之别号弁山在武康溪上先生翥师也大德初元余甫十有一常从先生出入诸公间今再卅矣景寧尚书得此卷以属题伤年运之既迈感事物之非昔怆然于懷以叙卷末庶防覽者知四三君子文献之微也至正昭阳赤奋若夏五之望河东张翥谨书于京师所寓虚防轩

古燕尚书山泽癯风采照耀南天隅平生画笔入神品千金匹练人间无当时求者遍都邑冠盖填门如索逋仇池先生列仙徒握手一见相欢娱醉磨浓墨寫丘壑老树幻作蛟龙枯西湖北山莽空濶苍烟白鸟迷秋芜披图感物念畴昔乾坤孰与斯人俱弁阳读书仍博古后来膏馥多沾濡蛻庵虚防老京国峨冠不受山人呼诗穷半世声哄哄西驰白霫东 菟吴兴旧是宋宗室奚以丹墨论精粗嗟哉诸公勿复作清赏未觉云泉孤岂无好事扫空翠为我添入庐山图

右高尚书所画山村图卷蛻庵张承防题识甚详崆峒外史王溥得之携以见示恻伤前辈凋谢不能无感今懷昔之思蛻庵余故人也遂次其韵附于卷末不足言诗聊记岁月云尔

洪武丙辰长至后五日豫章蒲庵来复题

右高文简公画赵文敏公题识仇山村周草窗诗皆絕无而仅有者河东张承防尝为赋诗吾友蒲庵复和之予欲效顰老病未能也姑书此以识吾媿

金华宋濂题

仇山有遗老白首慕林屋尘途谢簪组雅志不为禄谁将西湖水来灌南阳菊旧藏房山图幽意时徃复人皆爱豪素此兴渠所独新声世亦少遗响在空谷萧条异代间不独悲草木嗟予亦何心对此还驻目平生不识画赏此一诗足兹山幸我隣老矣愿终卜舜臣殿讲藏山水图云高尚书为仇山村作者仇诗在焉余爱而和之余尝为舜臣题画有与子坐结东西隣之句不一年果協隣卜殆亦非偶然者故于此诗并致意云成化乙巳春三月既望翰林侍讲学士长沙李东阳书於懷麓堂

云气蒙蒙绕磻流眼明谁辨数峯头深林茆屋依然见应是前村雨脚收

村居隱隱却通舟中有仙人旧姓仇二百年余遗墨在令人欲作武林遊

元仇仁近先生自号山村高房山尚书为作此图今吾僚友尹君得之以示余为题其后以识之岁癸卯七月廿二日长洲吴宽

春山拥春云翳然失茆屋下有幽贞士冥心谢荣禄卓哉渊明志夫岂在丛菊李愿盘中居居深繚而复亦有杜陵翁长饒斷黄独岂无终南迳不博王官谷仇山在何许村居迷灌木乃令千载下开图见天目青山卧有余白云看不足愿言往从之不疑我何卜仇仁近名遠钱塘人前元老儒也号山村居士高尚书为作山村隱居图仁近自题其后颇示不遂隱居之意然易世之后此图遂传为故事则亦何恨哉自大德初元丁酉抵今嘉靖壬寅二百四十五年矣企

仰雅懷因追次其韵 长洲文徵明

赵文敏水村图卷

大德六年十一月望日为钱德钧作 子昂

后一月德钧持此图见示则已装成轴矣一时信手涂抹乃过辱珍重如此极令人惭愧子昂题

向成寓所思卜居住处祇今成画图胸中本自 江

海主人相挽留分湖

邓樵题【觉非子朱文印】沔鸟难渝旧约湖山不改清秋人自与波上下我其卒岁优防题前诗竟复得六言一首并书其后

觉非叟【邓樵之印朱文】

疎柳平芜落雁飞防桥斜日钓船归海天万顷秋如

画一笑人间醉墨非 顧天祥敬书

屋后青山门外溪疎疎芦苇防渔矶地緣清絕人堪

爱长是三春雁不归 男资深原父

暖暖水邊村萧条絕尘滓钱君智者徒而后能乐此平生邱壑情所尚政在是问谁为此图吾兄固能尔

赵孟吁题【子俊】

空林有影连山远流水无声带雁寒自是渔樵真乐

处不知图画与谁看 东南仲

长爱秦郎絶妙词荒寒暗合辋川诗斜阳万防寒鷗处流水孤村又一奇
丙午清明罗志仁题奉题德钧钱君水村图

山色浓还澹孤村水绕之俗尘飞不到野老住偏宜碕岸踈踈柳茅檐短短篱小舟欹侧过便是少陵诗

陵阳牟巖

茅舍竹篱山掩映蒹葭杨柳水萦纡渔人定指扁舟

路野客应寻隱者徒 汉东孟淳

水村隱居图记

余由淮水来吴防客于季道陆翰林之宇下近十年知其別墅在淞江之南汾湖之东欲往遊未能每思寬闲寂寞之濱得与鲈乡蟹舍隣接庶城市委巷偏仄之懷有所托以舒紓焉季道悉余志为卜筑于別墅之傍至则聚书其中以自怡悦屋后防水清澈鑑毛发居人类汲以饮时有鷗鸟舞而下若相忘于江湖可取以玩也异时子昂赵集贤为作水村图林樾庇乎茆屋略约横乎荒湾秋风鸿雁夕阳网罟短櫂延緣苇间不闻拏音迹其意匠图寫于大德壬寅迄延祐甲寅十又四年景物处所宛然不异于今所居事固有不相期而相符若是然者季道泛舟往来吾庐手丛书一编笔床茶灶之风流故在明月之夜共载以遊抚清絕之区得咏歌之趣或能追皮陆清事可乎噫予老矣方将捐书学钓容与于烟波之上而为之歌曰舟摇摇兮风嫋嫋兮波鳞鳞兮鷗翩翩兮扣舷渔歌兮孰知其他兮譔已遂书为水村隱居记延祐乙卯季夏望日通川钱重鼎记

四野漫漫水接天孤村林木似凝烟莫言此地无车马自是高人遠市防 学生哲理野台謹题
草草三间屋爱竹旋添栽碧纱 外眼前都是翠云堆一月山翁不出连雪水村清冷木落遠
山开唯有平安信留得伴寒梅 唤家童开门看有谁来客来一笑清话煮茗共传杯有客只愁
无酒有酒又愁无客酒熟且徘徊明日人间事天自有安排

分湖新卜筑适与此词同如今不是画真在水村中延祐丙辰十一月十又一日郭麟孙题

水村图赋

孤村何所厥土若浮宛然虚舟渺乎中流秋云兮漠漠流水兮悠悠老雁兮肃肃折苇兮飈飈

尔其窳簞悬乎夕阳茅屋枕乎湾碕略约通乎往来林薄鬱乎蔽亏睇絶境兮 閭限凡喧兮
尘卑我之懷矣一苇杭之忘钩意钓与物委蛇鄙詹父兮施芒鍼晒任公兮垂巨緇固非钓温
兮疑虾蛭盖将劈水兮看蛟螭沧浪兮舒啸涟漪兮赋诗苍茫兮独立逸豫兮无期亦有冈峦
峙兮嵯峨薜荔深兮婆娑缥缈兮云霞暎带兮烟波 真兮渔簑防輿兮山阿思夫人兮奈何
悲余生兮蹉跎孰若求吾性兮自得胜外境兮实多信动静兮有徵希仁智兮靡他庶几适此
性之天乎惘然忘其为画图也大德七年六月一日钱重鼎书青山横陈水萦浦饥乌高超渔
设罟中有幽人坐环堵晚风吹防芦花舞 林宏

桑梓未能忘楚甸琴书从已寄吴门悠悠江海风烟隔知是夕阳何处村 干文传敬题

息斋居士旧尝为德钧作水村图余题云问君何许水邊村亦有扁舟乘兴人无限好山茅屋
外他年倘许我为隣既还吴兴复来见子昂此图意象融防使人应接不暇又何诗非德钧詎
能领防耶

姚式书于姑蘓寓館【子敬】

牛马百川独渚乌鸢羣木西村天地四方黄鹄先生秋雨柴門

忽有沧浪鸣篴蜚鸿黄叶云深相望美人秋水卷帘

隱几何心 吴郡陆柱

水村歌【损脱数字因不録】

延祐丙辰偶赋此十月七日访湖天学士遂到水村先生寓居烟水苍茫间适与此诗相俾书
【下有脱落】

龚璘

翰林妙寫溪村趣荷屋知何处溪翁想像住溪湾一笑如今家在画图间
西风門掩芦花溱聊与渔樵伍人间不信有张翰剪取吴淞空向卷中看

延祐丁巳中秋日德钧携此卷俾赋小词为题虞美

人一阕 汤弥昌【师言】

依綠轩记

季道为甫里贤子孙余从客其門束书相随于汾湖余居其第宅东偏池上架屋亢爽扁依綠

俾二三子于焉澄懷滌慮誦詩讀書暇日倚闌俯瞰魚行鏡中無遯形天寒水落石嶄然 列其涯可坐而釣其流清澈滉漾非防港絕潢居然有濠濮之想余嘗獨立蒼茫欲窮水脉之所自来第見短篷拂芦苇丛往来烟波之上若鳬鷖然悠悠乎不知其所之中秋雨歇夕陽依依季道謂余曰此距汾湖數里子能共載防否遂呼輕舟泛中流云破月出水月上下輝燭照徹肝胆徘徊者久之東望橋李 然有無間汾湖水之半舒舒焉西南而趨第宅之傍不為所吞而資其所潤故其積停者得以為沼為沚演迤于防檻之下而不去岐而東西以逝者其為澤抑為川乎然觀水有術必觀其瀾者非耶二三子睇流動而得固有之智詠淪漪而識其自然之文因盈科而進悟成章而達未必不為藏脩防息之一助某水某丘童子釣遊云乎哉余老學落不工于文姑記其勝為季道言之曰子之言不虛其書為記延祐二年正月望日通川錢重鼎記

楊柳絲絲兩岸風前村溪路遠小橋通人家依約水西東舟一葉移向葦花丛
清景迥涵空好山青未了暮云重是誰驚起几征鴻天然趣都在畫圖中

小重山 合肥束從周

青山橫陳流水如玉蕭瑟寒芦扶疎云木匪耕伊漁陶然自足勝茲幽尚繁誰之屋有隱君子
好古耽書扁舟何人載酒來與豈無知者爰作是圖輞川之勝

千載與俱 吳興孫桂

每憐北苑風流遠筆底精神此日同春水孤村無限意題詩輸與杜陵翁 吳郡錢良佑

几疊山連松竹一行雁起汀沙看他水村茆屋試問

處士誰家 束從虎

澤國漁無定秋霜柳未凋幽人意晚晚此日畫蕭條

高沙龔璠 題

有宅一区兮水之鄉前可漁兮后可耕絕輿馬之憧憧兮魚蝦集而鳬雁翔伊昔寄之圖寫兮
猶髣髴而賦高唐暨歲晏遂初服兮遇夫人之慨慷維安宅之攸居兮何羨乎堂皇爰不耕而
獲兮維道之昌我還吾山以聘望兮懷若人兮不可忘眉壽兮未艾維水兮泱泱
讀水村隱居輒歌以系其后

吳興姚式

吳興趙由儒識德鈞先生于中吳久而同客于甫里陸氏之門后十四年先生始遂隱居之志

适与家叔子昂所画水村图相符既自为之赋又复记之仆三读其文慨甚且有卜隣之兴遂
擬賦之以寫先生之懷并致景仰之意云

惟具区之大泽兮流波派于汾湖滉漾演迤以东注兮 天水之涵虚平畴鳞次以壤接兮但
见云烟竹树之村墟鸡鸣犬吠之相闻兮夕阳照景之桑榆憑舟楫以出入兮匪车马之通衢
鸥鹭狎而忘机兮鷹鷃免乎丛鹳鳳高冈而难附兮繁乐郊之可图慨先生之夙志兮适绘事
之相符既卜筑于水涯兮軼埃 之防居諒遺情于轩冕兮羗无毀而无誉矧观遠以为主兮
契金石而弗渝从子弟以挈趋兮视诗书之范模遵皮陆之高 兮时吟咏以相娱岁既晏而
躊躇兮动西风之莼鲈念狼山之歷歷兮遡淮水之舒舒怅两乡之明月兮托亲旧於音书廓
達人之大观兮八荒在乎庭除叹人生之如寄兮齐天地於逆旅苟余情之瀟洒兮又何必懷
乎故土幸締交以忘年兮得相餉於鸡黍闻咳唾之绪余兮启茅塞之心宇将濯尘纓于清流
兮从先生而结庐于此又系之以诗曰马足黄尘三尺深清风吹防自难侵乾坤老矣惊浮世
泉石萧然动隱心鷗鳥起沙春漠漠渔舟系柳昼陰陰他年欲访幽栖处莫似仙源无路寻

甫里陆行直湖天

泽国净秋色遠山横夕烟水田羣雁起芦渚一簣悬林树几间屋君家若个邊扁舟何日去相
伴白鷗眠

郭麟孙

一片寬闲景波涵万顷天雁飞秋影外树倚夕阳邊山色来 牖溪声自管 何当明月夜着
我钓鱼船

陆祖凯

流水孤村深处茂林脩竹谁家知是幽人小隱於焉

读书五车 束巽之【东父】

流水萦紆别浦孤村掩映前山开卷不知何处高人

隱逸其间 赵骏声

奉题水村图 青岩赵由祚

遊尘飞不到柴关名利无心梦亦闲时有扁舟乘兴客高谭终日对青山
不入山林不入城孤洲容我寄浮生年来与世殊相遠渐喜无人识姓名

矮 曲几茶破睡云水烟村防元气政湏侧耳画图外冥鸿声中今古意 林寬

清溪抱村流茆屋防疎柳天秋雁行起山翠当户牖罢钓者谁子延緣来渡口野情固超逸图画 不朽何当从之遊扁舟落吾手 赵由儁

谁识渔樵兴趣闲由来家计在江干羨君图画能殊胜愧我田园卒未安浩荡闲云低树影萧条矮屋蔽天寒林深夜色犹堪爱写取婵娟浸石滩

陆承孙敬题

一水复一村开卷不忍罢前有无声诗后有有声画

束同之

青山迷遠近萧条古郊墟侧径深且窈中有幽人居短篱门半掩竹树相扶疎平畴 白波浅渚涨綠芜何人泛扁舟似欲相招呼谁令破幽寂惊鸿起寒芦此意胡可言防心寫成图抚卷空叹赏悠悠水云孤

陆继善敬题

幽人心地本翛然此境相谙七十年茅屋数椽依约外云山一抹有无邊眼前生意今林屋笔底秋风古辋川胜景有余描不尽归鸿几防落寒烟

聚山黄肖翁

古木萧疎蔽草庐好山重叠水萦紆先生似得渔樵趣无限秋光入画图 建安黄介翁

右水村图诗文凡五十五首名輩四十七 题者七人如陆祖允防一十二人文多不錄列名于后卷中载二黄公诗眷矜末后者为宋之金紫光禄大夫挺之诸孙寔懷之遠祖也光禄公自闽之建安来尉吴县遂世居聚山丘陇悉在焉百年以降谱系不辑世代失详余輩沦落不振岂胜秋风黍离之感哉起废兴衰深有望矜后人故表而出之悲夫

嘉靖癸卯孟夏望日不肖诸孙懷 泪再拜书卷中诗文失錄者一十二人

陆祖允 陆祖宣 梅塘吴延壽

束从大 束复之 松陵叶齐贤

俞日华 曹复 朱梓瑞

徐关 真定门生王钧

钱以道【德钧侄】汤弥昌【祝英台近】

高房山坡树小幅

高秋木落天宇寬洞庭瀟湘生暮寒剑气横空月在地老蛟夜防仙都坛 老鍊

渴龙饮海海水寬鐵网下载 瑚寒道人醉卧叫横玉金粉乱落松华坛 金粟道人顾阿瑛

老龙吹笛海波寬一夜相君白髮寒祗恐惊飞双鐵影长留明月防天坛 扶风马庸

房山云涌研拘寬鐵史冰瓠滌笔寒海上仙人应防宅却飞林影落诗坛

鐵崖先生在云间时朝阳薛真人偕玉峰顾仲瑛氏载酒见之留连吟草 阁酒半先生为真人题旧藏高尚书沧洲石林图诚墨妙絕笔得者当永寶之以名物遇之有自遂亦奉和并致景仰云云间周谷賓

高彦敬云山卷

青山半晴雨色现行云底佛髻欲争妍政恐勤梳洗

彦敬图书篆文质朴是玉印

芦汀动江色山翠防云衣如何千载后再有米元晖

孟頫

傍溪草舍隔林中望际云山翠几重长忆雨余闲信马轻鞭遥指两三峰 邓文原

三代以来推盛世九州之外有斯人君看笔底生秋色尽在瀟瀟楚水濱 丹丘柯九思赋

去年弭楫香炉下烟雨漫山失图画只今见画似成痴纸上匡庐美无价晴云恋雨凝不飞芦
邊雁影秋离离聯檣高下森列櫟茅屋参差分置棋冥蒙缺处忽见树翠峰直下疑无路栗里
先生杳莫寻香山居士今何处叶落渚边五老峰胜境常存梦寐中憑谁唤起高座客短棹枯
筇着此翁

樵李李国蕃

晴峦掩霭云容薄 遠树防茫水气秋 如此江山亦奇絕 若为着我钓鱼舟 文志仁题

长江万顷流防防 风平如席静不涛 老枫疎柳澹云影 欹岸側岛明秋毫 红尘一防飞不到 何人结屋江之臯 霜清水落沙屿出 芦叶瑟瑟鸿南翱 一峯岑崒耸峨髻 俯视培塿如儿曹 晴岚朝爽滴空翠 林树露沬滋流膏 心融造化意惨澹 笔挟风雨声萧骚 淋漓元气犹 湿收拾万象 无能逃扶輿清淑聚胸次 固应独擅人间豪 未容小米能事千古 且說文昌高世间 神物不易得 牙籤玉轴归时髦 我来坐 瘦不遒 展卷顿觉舒鬱陶 何消蜡屐跻攀劳 崦西小红寻

野桃 郭麟孙题

层峦叠嶂堆青髻 薄雾轻云庵疎木 高侯胸次清絕尘 开卷令人观不足 陈防

遠树含空烟羣 緘积翠离离鴈外檣 落日来天际 高侯邱壑心 防墨悟三昧 我欲傲沧洲 昼长枕蓬睡

郭昇

房山尚书以清氛絕俗之标而和同光尘之内 盖千载人也 僦居余杭暇日 防杖携酒壶诗册 坐钱唐江濱望越中诸山冈陇之起伏 云烟之出没 若有得于中也 其政事文章之余 用以作画 亦以寫其胸次之磊磊者 坎因阅允同文学所藏着色山水一卷 后有默庵赋诗 展咏永日 遂纪尚书公之一二并次韵题画上云 倪瓚

白云孤鹤暮知还 舡泊钱塘看越山 珍重今朝重展卷 吟诗作赋北 闲岁己亥六月十八日也

高侯笔法妙天下 貌得江南雨后山 都是乾坤清淑气 兴来移入画图间 沈右

云上海上千里烟雨江南几村元 气浑沦谁化尚书醉墨无防 辛酉岁秋八月十有九日 马治淮南春夜风兼雨 空堂萧萧杂人语 户曹好客无与娱 故展横图慰羈旅 大山矗矗如覆釜 小山歷歷还聚黍 人家隔岸见衡茅 艇子随潮知浦溆 眼昏莫辨云中树 防案呼童执高炬 千里悠悠亦遠遊 却喜意行无险阻 闔閭城中为我家 俗事到门多峻拒 平生唯有山水緣 招我登临无不许 忆昨离家始浹旬 此物依然入东楚 乃知高侯画有神 未让道寧与僧巨愿 君从兹慎藏弃 对某寧赌淮南墅 余北上道经淮南过宿故人邵文敬公署 承示房山此卷 爱而题之 成化十五年三月十八日 吴寬

春云离离浮纸肤 翠攢百叠山模糊 山空云防得流水 只尺万里开江湖 依然灌莽 茆屋亦复防渚迷 菰蒲冈峦出没互 隱见明晦陰晴日 千变平生未省识 匡庐玉削芙蓉正当面 宛转香鑪霏紫烟 依稀梦泽分秋练 未遂扁舟梦里遊 酒醒独展灯前卷 问谁能事夺天工 前元画法推高公 已应气槩吞北苑 未合胸次饶南宮 南宮已矣北苑死 百年惟有房山尔 祇今遺墨

已无多 前把卷重摩挲世间吮笔争么麽扫灭畦径奈尔高公何丈微明为朱子儋题

赵文敏重江叠嶂图【程南云篆五字於前】

大德七年二月六日吴兴赵孟頫画

昔者长江险能生白髮哀百年经济尽一日画图开僧寺依稀在渔舟浩荡迴萧条数株树时有海潮来

虞集

艺事推三絶交情到八哀衣冠太平出笔研好懷开虹月徒延伫鸥波眇去回同为帝都客挥洒得看来

石岩次韵【 古】

君不见帝婿王家寶绘堂山川发墨开鸿荒重江叠嶂诗作画东坡留题云锦光又不见后身松雪斋中叟伸纸临摹笔锋走楼防缥缈出林防芦苇萧骚藏泽薮白云飞不尽杳冥百丈牵江入樊口墨光照几射我眸我为拏芳歌逴遊胸中自是有元气世上何所无沧洲我疑此望犹未化瞬息御风行九州五山四溟一觴豆 细弗遗囊褚收故能援毫发天藻不与俗工争丑好楚山云归楚水流万里秋光如电扫拈来关董散花禅别出曹刘斲轮巧披图我作如是观毛穎陶 共闻道呜呼相马犹相人弩骀岂得同翔麟舍夫毛骨论形似如此鉴别焉能真后来有问延祐脚意索举似吾方歎

至顺四年夏四月廿四日东阳柳贯道 鉴定并题旷望不可极江山图画中晴空开浩荡元气辟鸿蒙逴树昆仑外扶桑沧海东黄河来万里弱水出三峯防影秋波棹潮音晓寺钟雨收龙入壑烟暝鹤归松妙墨真名笔神机夺化工古来精絶者谁似水精宫右赵文敏公重江叠嶂图今为李昶启明家藏昶姑孰士文子也士文以善医鸣於时昶克世其家业且好读书能吟诗善楷法言温气和进退有度可嘉也以予尝交其先子因持是图求余题之所谓水精宫者文敏公号也时宣德九年春三月既望四明陈敬宗题

长江防防向东防忆昔扁舟顺流下慈悲阁前浪花白两岸青山似奔马蒹葭杨柳风飏飏江行六月疑深秋归来已是十年事看画偶然思旧遊水声树色非耶是仍见山腰隱高寺赤防沧洲杳霭间只尺悠然起愁思苕溪水落沔波亭王孙弄笔何曾停北来戎马暗江浒千古遗恨归东溟延陵吴寛观李兵曹所藏题

王孙无运开英雄聊拾江山藏画中还从惨澹见旧物似有涕泪含孤忠聲牙禹贡未暇读一图万里知题封张韩刘岳无其功入关萧相将无同王孙奉号松雪翁能事错认营丘公丹青隱墨墨隱水其妙贵淡不数浓紫滩曲濬导巴蜀沓巘长峦连华嵩空蒙野马軋云日浩荡碧

穀吹秋风王孙隔此不可从水晶防阑金芙蓉招之千年或一出黄鹤岂不思江东

吴下沈周

尚有陈璉题魏骥诗不及錄

续书画题防记卷九

续书画题跋记卷十

钦定四库全书

续书画题跋记卷十

明 都逢庆 编

竹西【赵仲穆篆於前并画竹枝】

篱外涓涓涧水流竹西花草弄春柔茅檐相对坐终日一鸟不鸣山更幽 仲穆

翠玉萧萧在屋东玉人号作竹西翁品题莫説 州梦好寫云间入卷中
山居道人【杨瑀元诚】竹西志【有骚一章章十二句】

客有二三子持竹西杨公子卷来见鐵崖道人者一辯曰大厦之西有嶰谷之竹防两节而吹之協夫鳳凰此吾公子之所以取号也一辯曰首阳之西孤竹之二子在焉清风可以师表百世此吾公子之所以取号也一辯曰江都之境有竹西之歌吹骚人醉客之所歌咏此吾公子之所以取号也道人莞尔而笑曰求竹西者何其遠也哉伶伦協律於嶰竹未既竹之用也孤竹二子饿终於首阳亦本适乎中庸道也广陵歌吹又 哇之靡竹之所嫌也地无往而无竹不必在淇在渭在少室在长石罗浮慈文竹之所也公子居云之隩篠荡之所敷籥簞防之所最结亭一所在竹之右即吾竹西也奚求诸遠哉虽然东家之西迺西家之东也竹又何分於东西界哉吾想夕阳下春新月在庚闾闔从兌至公子鼓琴亭之所歌商声若出金石不知協律之有嶰谷饿隱之有西山骚人醉客之有平山堂也推其亭於兔园莫非吾植推其西於东南莫非吾美二三子何求西之隘哉三子者矍然失容慄然下意逡巡而退道人复为之歌明日公子成请曰先生之言善言余竹西者乞书诸亭为志歌曰

望便娟兮云之篁结氤氲兮成堂百草芬而易藹兮孰与玩斯遗芳曰美人之好脩兮辟氛垢而清凉岂大东之无所兮若稽首乎西皇虚中以象道兮体圓以用方又乌知吾之所兮为西为东

鍊遂道人为李黼榜第二甲进士防稽杨维桢也问讯 雄宅深居在竹西风林宜月影春日听鸛啼东老应同乐南隣忆旧题东风又花草相与及幽栖

方外张雨

子宅前好脩竹因看万个碧交加薰风满簞吹苍雪春雨充庖尽玉芽茶臼或闻来北牖箴龙未许过东家时时彷彿 州去拄杖寻君又日斜

扶风马琬

竹之清自淇澳诗作知所贵重晋唐以来爱竹若子猷元卿辈不知其几矣其为人皆如瑶林玉树洒然风尘之表所谓澹泊迂踈尘胸垢面者勿爱也至正乙未春余来浦东张溪杨君平山爱之植竹数百竿於西林结亭苍翠间扁曰竹西因以为号焉一日出示手轴展观友人杨廉夫作三辩以志之奇甚索余诗偕赋长句愧不工也

红紫纷纷 凡日子独深居嗜脩竹西林培植造化功阅岁亭亭立苍玉 老节霜雪余洒洒数竿烟雨足高标劲节君子贞孤坚雅韵幽人独炎氛一防飞不到满地浓陰清肃肃生平不侔千户侯直欲逡继王子猷元卿三迳亦萧散七贤六逸真天遊结亭松下临清流竹西名扁志所求春波荡漾曳文縠山风戛击鸣苍球朱檐乱拂翡翠羽湘 半卷 瑚钩平山家住张溪侧髣髴当时草 宅贞期寫作图画看个个琤 扫空碧旧栽雨露今满林新长琅玕过百尺岁寒尚友双髯翁枝幹相依如鐵石綠牕沉沉几席 日对此君成莫逆松江水 清涟漪涟漪防入青玻璃玻璃竹色光陆离醉呼美人歌竹枝竹枝辞古知音稀广陵鼓吹作者谁廉夫三辩尤崛奇中涵妙趣吾不如竹西竹西细论之临风朗诵淇澳诗

月楼赵櫛【茂原】

为竹移家亦苦辛我如东道竹如賓石头路滑机锋峻岷首碑沉感慨新淡月半牕金弄影清风一径玉传神明当柱杖敲门去爱汝草 亭上人

至正十五岁在乙未腊月廿六日曲江钱惟善在胥浦义塾题 岷首借喻广陵今昔之不同耳溪上人家多种竹林西清意属诗翁湘灵鼓瑟风来翼鳳鸟防图月在东一室萧闲淇澳似此君贞節岁寒同何当径造谈 处静日敲茶试小童

郡陶宗仪

鍊岷平生以文字为防戲如竹西题 枯观其落笔层层叠叠乃能发许多议论亦可谓宏且肆矣余尝评应酬未尝为文之病此良验也杨公子得诸公品题今日姓名賴以岿然不亡文固天地最壽之物孰谓儒生终日弄笔为不急事哉

治七年六月望日前进士吴郡杨循吉观於袁君養正楼居题

杨氏竹西之号为之品题者皆有元一代名家彼后人既鲁玉之失而養正复璧之得可以永矣

昆山黄云

金华邵衷有长歌一篇偶遗之

霅溪翁雪霁望弁山图

至元二十九年余留太湖之濱雪霁舟行溪上西望弁山作此图且赋诗云

弁山之阳冠吴兴嵒嶙望不平焕然僊宫隱其下众山所仰青复青雪花夜积山如换乘兴行舟须放缓平生不识五老峰且寫吾乡一奇观

钱选舜举

是日泛舟归湖濱至夜雪大作且起赋五言古体一首夜来天雨雪万木同一变饥鷗觉余起观览立须臾遥山琮成积平田玉如碾老夫醒眼看树树何其灿至元二十九年冬余假弁山佑圣宫一室以避喧值雪作不已但闭门拥鑪饮酒赋诗而已聊记数篇附见於此卷书试冯应科笔亦佳 选重题

五言古体一首

城市我所居遥看弁山雄积雪最先见皓影照诸峰我今遠城市薄遊留此中忽焉岁云暮更觉樽屡空开门未然烛飞花舞迴风万木同一皤四野变其容恨无登山屐幽讨何由穷

七言律诗一首

倚天苍弁独崔嵬仙阙遊遨愧不才揽镜频嗟双鬓改推 三见六花开山中酒户冲寒去城里行人踏雪来安得时晴风日好竹林深处且啣杯

连雪可畏再赋律诗一首

阶檐积雪动经旬犹自霏霏夜向晨四望莫分天地色一时遮尽海山尘舞风不住緣何事见日还销亦快人独欠故交来叩户洛中高卧是前身

雪晴知宫周济川和余杯字韵诗作此奉酬

乱山积雪鬱崔嵬对景慚无倡和才晴日旧曾梅下饮好懷今为竹林开仙人千劫能居此俗客三生始一来未许扁舟落吾手明朝相约共 杯

七言絕句三首

子猷安道何为者自是相忘意最真千载寥寥风雪夜始知乘兴更无人

一冬飞雪又将春能报年丰不救贫我亦曾闻散花手不知天女意何勤

眼前触物动成冰冻笔频枯字不成独坐火炉煨酒吃细听扑簌打 声

冲风催岁暮列仙乘白鳳曾冈涌素涛流渐涨银永花 槎牙树冰合蜿蜒洞琳宫隱不见
云封桂栋舟子櫂寒冽行人蹶晴冻长松墮玉英山空惊鹤梦弁山鬱嵯峨盘踞霅溪浒天风
散花女巧态能万舞老干骧玉虬危石蹲塩虎夜光昆仑丘明月清虚府何人荡兰棹胜槩归
仰俯兹境数百里一一登画谱盍念閭閻氓黄竹传自古白昼闭荆扉烟寒尘满釜胡不寫作
图表我疲农苦

沃洲樵叟潘嘉

仙翁放情在丘壑丹青有神过祁岳山房梦觉雪满天开户寒光动云幄长鑱不去斲黄独短
棹幽吟载孤鹤归来扫却雪弁图一幅霜藤卷盈握林回迢转秋毫分焉知不是无心学弁山
高在何境上摩青天数千仞下压具区三万顷应有仙人住絶顶桧筠陰森绕丹井嗟哉尘网
婴何由蹶飞景危峰插云蟠玉龙长冈挟天垂白虹竹下谁能置茆屋耳边已似来松风山拗
嵯峨见宫殿彷彿户牖开青红正好骖鸾上银阙恍然已墮冰壶中画师无数总莫比对此转
觉心神融黄龙窟梅华坞飞猱悬薛萝饥鼠号榛莽我欲从之心迹素杖藜雪后寻行路

吴原道致遠

千峯玉立弁山东湖入移舟入镜中一代风流惟见画令人转忆霅溪翁

武林钱惟善题于吴门时至正丙戌十月九日也

张溪云偃松钩勒竹长卷

伯时相从读书者三四年其昆弟与诸生异余固知其将有成立也前年冬要余于家时天寒
大雪观雪于池阁上出此卷求作竹树时以冻不可去年春馆于梁溪遂携此留斋舍凡阅两
寒暑而后成虽若有未尽善然而坡陀之间扶疎之意余为吾伯时用心亦劳矣伯时亦好画
故乐为之而不辞

至正九年四月三十日吴郡张逊题于吴氏舍馆王君伯时蚤歲从学于张谿云先生故其能
事皆有师法今观所藏张先生松竹图益信伯时所学之有成后之学先生非伯时其谁与归
伯时兄仲和持卷索仆画辞不获已为作竹梢深窈美玉左右而寘珉玦也凡观张先生双钩
竹当与古人并列故不复缀

言 天游生陆广季

霜松雪竹当时见笔底犹存歲晏姿文采百年成异物西风吹泪鬓丝丝

髥张用意鐵钩鎖书法不凡诗亦工清苦何忧贫到骨笔端时有古人风

倪瓚 岁壬寅九月廿六日笠泽道館东斋

自唐王摩诘双钩竹法传於江南而世之画者多宗蜀主故黄荃父子擅名当代国朝黄华老人而下如澹防房山蓊丘二李吴兴赵魏公诸人皆工墨竹钩 之法殆若絕响余来吴中始见张仲敏双钩往往得摩诘遗意此卷乃为其友王君伯时所作其松石坡地向背前后又有董北苑法诚可爱也云门山樵张紳识

余官翰林几六年每与院中羣公商防其乡里之好事者余必以吾沛郡朱永年氏为称首因出同郡张溪云先生为余内人从叔父王伯时父所画竹观之座中啧啧声不絕口乃知名品当不逃乎鉴赏也余在童卯时则尝闻先生善画竹然未知有此精絕耳此盖深得江南鐵钩

三昧近代则未之见也噫故家文献凋落散失子孙不能守其所藏之物者多矣今此卷获归永年独何幸邪是日同观者侍讲邹仲熙右贊善王汝玉检讨苏伯厚宗人府經歷高孟升待诏滕用亨余则典籍梁用行也时永乐六年夏六月二十八日书於玉堂之斋室云

唐人墨竹推絕伦輞川真为竹寫神笔端描出钩 法片片剪落湘云春澄清亦得此君意金错刀成世争贵数叶萧疎玉一枝鳳毛龙角夸雄丽张君画作何人传落墨往往宗輞川佳人天寒翠防薄满堂飒飒生风烟平生跌宕不羈迹遊遍空山与荒泽长松古石摠相亲尤与此君情莫逆大娘剑器张颠书奇妙自与常人殊兴来大叫数纸尽赤手探得骊龙珠君今骑龙蹑云衢百年真迹絕世无尔从何处得此图重价自合倾名都我来为尔赋长句诗成摠是江南趣醉挥如意按节謠不知击拆 瑚树

永乐己丑秋前五日余获请告还吴偶过永年清友佩兰轩出示溪云先生画竹卷中题咏已富又不容辞卒然赋此殊自媿也青城山人王汝玉识

太湖山石玉防岷偃蹇长松百尺寒明月满天环佩响夜深露冷听飞鸾 海东樵者蔡伋士安昔人画竹咸钩勒若王輞川黄荃父子辈尤臻其妙山谷云墨竹起於近代不知所师后人遂不事钩勒矣溪云张仲敏与李息斋同时画墨竹自以为不及一旦弃去而用钩勒此卷画与学子王雨伯时者今归朱氏永年矣观其松石坚确不渝之姿此君贞節后凋之操有似其人或云溪云尝从黄冠故清雅若此永年保诸浚仪张冑识

溪云善寫双钩竹 懷摆脱湘江綠醉来乱舞金错刀翦出千枝万枝玉初疑 瑚涌出沧海又疑球琳在县戛击鸣云和阆风 圃 何所遗此玉树踏交枝柯虞廷九奏箫韶乐治岐有道文王作是时至和塞天地感此千仞瑞羽逴自云中落有时应化来翩翩为君重赋卷阿篇

成化三年夏海虞刘君以则偕其乡友顧志行周以舟防访至松且示余张溪云先生钩勒竹一卷予爱而玩之留逾时题一诗以归冬十月朔旦瀛洲遗叟钱溥题

君不见古来寫竹知几人 几人寫之能逼真 请君为我侧耳听 我今作歌歌具陈 唐人竹品谁第一 精妙独数王摩诘 深知篆籀古书法 却对篔簹寫萧瑟 后来复出萧協律 瘦莖节称絕 笔香山居士欣得之 为作长歌更飘逸 萧后画者寂不闻 赖有湖州文使君 使君相去数百载 继与此竹传其神 自言平生少知者 唯有蘓子嗟云云 东坡得意下笔亲 笔底叶叶皆 云当时好事刻诸石 雪堂之墨今犹存 其余诸子不暇论 载之画谱何纷纷 我朝岂亦无作者 国初以来谁复寫 尚书高公生古燕 风致不在蘓文下 吴兴复出松雪翁 飞白之石尤潇洒 息斋父子俱解此 借借声名在朝野 丹丘先生典秘阁 阅尽古迹天所假 高画竹叶叶叶小 要比湘江之竹瘦 而少赵画竹叶叶叶翻 要比悬崖之竹曲 而矫柯画竹叶叶叶长 要比姜叶之竹肥 而老李画竹叶叶叶繁 要比桃枝之竹秀 而好乃知竹本无一类 作者随机夺天造 呜呼数子各枯槁 我欲从之生不早 清风散落天地间 遗墨萧条已如寶 往时复有张溪云 书法临池常草草 脩叶长梢出尘表 燥笔湿笔纵横扫 至今姓字留三吴 尚觉秋声在清昊 约斋先生今更能胸次竹石俱峥嵘 鲁公相国家世好 况是摩诘之云仍 烂研细墨工画竹 不问雪楮连冰縉 平生博古耻沿袭 要与数子争声名 他人画竹一笔生 君独画竹双钩成 他人笔弱徒费墨 君独墨少由笔精 每为一竿苍石根 兴来寬作一日程 虽云不受相促迫 腕指曲折无时停 君家本在金华城 城南结屋幽而清 轩牕六月闻商声 时有野客兼山僧 坐中每染松麝黑 竹外不絕茶烟青 今年我亦来卜隣 亲见落笔纷纵横 纵横何所似 挥秃千兔豪 年光不知老 将至笔力岂憚心之劳 开图总是白雪 满纸尽得清风标 或如青田素鹤之影 或如丹丘白鳳之毛 或如鍊钩 或如金错刀 或如蚕头之攢 或如燕尾之交 或如琼瑶之剪刻 或如木叶之防雕 或如潇湘江头帝子之羽葆 或如连昌宫中美人之翠翘 或如节士皓首於山谷 或如狂夫白战於林皋 廼知用心苦 由来非一朝 几番见月时 坐闻紫璫箫 见月复见竹 浩兴飞云霄 几番见雪时 醉 黑色貂见雪 不见竹 长啸通林梢 譬犹履狶知 肥岂不曰良贾 解牛识紫肯 岂不为良庖 谁能调朱弄粉 巧作没骨画 顏色艷如儿女娇 彼画史者 虽立於万里之下 风亦不足以仰视 其扶摇 当知王君之竹 乃非竹 王君之竹 如其人 王君之人 如其竹 君之性冲澹 竹亦无繁縟 君之性萧爽 竹亦无尘俗 直节竹所有 王君之节 不少曲 虚心竹所有 王君之心 虚且肃 他人无过 但寫竹 岂解与竹之风 无不足 王君王君 人共知 当今画竹真画师 后来一笔岂易得 价重不减 瑚枝四方载酒来 求之王君 不銜亦不辞 屏障得此物 屏障生清晖 篋笥得此物 篋笥生风漪 如何王君不我 有竹輒来求 我诗我诗 一题数百首 恼杀双鬓几成丝 近方闭户不敢作 君复怪我诗穷 为我诗亦有名 君竹亦有情 每寫贈我酬 诗评昨朝又惠雪 色纸东西两丛 三五莖东 叢三莖 初雨晴 叶叶尚倒枝 枝倾西丛 五莖含风 生叶叶俱动 枝枝迎下有郭熙所画磊落之白石 上有过於脩竹之棘叅青 冥使我素壁悬此画 读书之眼为之醒 感君此意 何以报 索纸为作长歌行 报以双南金 南金非我有 报以锦绣段 锦绣不可从 贈君相交期白首 此画此诗传不朽

此鍊嵯杨先生贈王子初双钩墨竹歌 今为族弟以则书於张溪云竹卷后 盖以其中称许溪云双钩法妙絕 当世观此卷 则知鐵嵯先生非溢美也 成化二年岁在丙戌春仲长珏廷美识

谿云张仲敏既为其友王伯时画钩勒竹并松石一卷 不啻犀然牛渚献奇露怪 万寶出一心 夺目莫此为快 天防陆季 复为伯时之兄仲和作烟梢数笔 雅澹中有奇致 则又若太羹酒不假调剂 功至味自然 爽人牙頰 是卷也 诚所谓百不为多 一不为少 岂非人间之至寶也

邪况自元迄今宗工钜儒题识满卷尤足珍袭可知今年春余访刘公以则于穿山之阳因以出示予方病酒繙阅之际不觉宿醒之顿解信一代之奇也因书其后以归之

成化丙戌春三月望日前长洲陈鉴缉熙识

京口郭天锡云山卷

门有方 客图成澹墨山我非求肖似汝亦爱幽闲密树难分辨高云任往还行当絕世事终老屋三间

天锡诗书画为良上人作

米公元晖昔游径坞登含晖亭揽山青云白树色水光之胜悟得毫端三昧为郑王杨吴董宋郭范羣公擅长初闻是說实讶之及元贞丙申春予寓山中禅余偕二三友纵步是亭目击真态亦有感发乃信元晖悟是而得天巧非浪說也大德癸卯秋既下峰顶及今至顺癸酉逾三十年每想旧遊之乐不可复追为之慨叹适又三月十有五日姑胥良禅人出示郭公天锡所作乱山隱秀轻云抹淡矮屋藏林短桥横礀朝防夕霭千状万倪把玩至再不觉宿懷一时脱焉恍如身临亭际神遊物表殆不知人为邪天就耶抑郭得于米耶米得於天耶善毫素者辩之庶几吾

言得之矣 鹤林释契了

飞墨来从海岳庵春烟林麓是江南綠苹洲渚闲鸥白不着征人一解骖

商颂何须曳履歌江南山色砚池波长髯蘸得琳琅墨留作飞云在礀阿 遂昌郑元祐

今人作事每师古摹拟太甚覆可 要於法外出新意变化臭腐为神奇防阳画法妙前代千金一纸争购之郭公丹青有能名亦复爱之如渴饥今观此幅殆逼真气骨老苍无俗姿青峰碧涧在烟雾令人益重幽人期沃洲天姥见彷彿支公寺前秋鹤飞桥危霜滑笋輿小忆得前度曾攀跻郭公从矣閤泉壤此幻不灭留赍咨前身太白无乃是句法酷似金山诗右题良禅人所藏亡友天 先生青山白云图时至元丁丑十二月望松陵释祖瑛

万叠青山万叠云水邊烟树隔孤村依稀南岳 头住茅屋三间独掩门 樵李释若舟

雨后山光分外奇苍云淡淡树离离朱方才子毫端妙絕胜襄阳米虎儿 天泉余泽

近自江南过江北旅食维 为寄客春风红館雨余初满地莓苔滋翠色疎林日晓集晴鸦柴门静掩絕纷哗寸心悵鬱不自得幽然抱 吟朝霞忽闻剥啄敲门速自起开门延客入乃是故人遠相访袖出乱山图一卷恍然置我玉壶间诗思滿懷清可掬大山高耸削芙蓉小山防

茫如聚粟迢遥一石嵯峨连峰接岫白云多矮屋隈嵒倚苍树防桥流水笼烟萝自叹平生
爱山水披图挹玩情无已迟我它年致事归营结茆堂烟雨里

时至正丙戌端阳后三日樵山【阙】汉拜手谨书南徐景物天下雄白波青嶂开图中岷山
东南米老屋至今佳处留遗纵峰峦当户日与对磊落元气填心胸神闲意定得真理往往健
笔收奇功出尘絶俗迥潇洒肯与李范相雷同阿晖笔力信扛鼎天机絶逾乃翁烟云变态
防滴就千金一纸真难逢郭侯此画实肖似只尺万里神尤工遠峰隱霧互吞吐古树帶雨涵
空蒙浮云絶顶自来往小桥流水潜相通山深路防人迹絶惟见老屋欹林东穷幽极胜了未
厌耳畔习习生清风恍然置我尘世外逸兴已觉追防鸿愿师此卷重珍袭抱琴他日来相从

三山林逸【子高】

山水高深树石幽翛然兴趣起沧洲无因坐我衡茅下闲看白云真自由

未遂青鞵布袜期攸然观画重嗟咨云烟半隱兹山秀万壑千岩了不知 中山汤鎬【叔温】

郭髯余所爱诗画总名家水际三义路豪端五色霞米颠船每泊陶令酒能賒犹忆相过处清
吟夜煮茶天 橡郎与余交最久死别忽忽二十余载念之悵悵如何可言锡弓河上 元道
館锡麓 丘精舍其画壁最多今或为军旅之居或为狐兔之窟頽垣遗趾风景亦异虽余之
故乡乃若异乡矣不归吾土亦已十年因胜伯徵君携此卷相示为之展玩感慨并叙述其畴
昔相与之所以然者其中有不能自已也投笔凄然久之至正二十三年岁郊十二月十日夜
笠泽蜗牛庐中寫倪瓚

前朝郭天锡解寫雨中山鸟度朝云湿僧归夕照闲湘灵弹瑟罢神女驾龙还遠道无穷意江
流杳 间江浦杜惟铭文学秩满南归持此图索余题乃京口郭公天锡临米家笔法又书五
言律诗一首于其上惟铭将之永平司训就用郭韵冷风洒翰情见乎辞

洪武三十年丁丑岁八月既望均虚白在青云轩寫

雪溪翁山居图卷

山居惟爱静白日掩柴门寡合人多忌无求道自尊鸚鵡俱有意兰艾不同根安得防庄叟相
逢与细论此余少年时诗近留湖滨寫山居图追忆旧吟书于卷末 子云悔少作隱居乃余
素志何悔之有

吴兴钱选舜举

董元事江南李主为北苑副使米元章称其画在诸家之上此卷今留王井西处乃赵兰坡故
物余取其一二摹以自玩今复再见如隔世然駸駸老境惟有

浩叹耳 雪溪翁钱选重题

舜举少年爱弄丹青寫花草宛然如生人争欲得之其晚年益趋平淡多作山水此卷虽规模董北苑然又自成一家可谓前无古人矣

赵孟吁书

董元之石韦 之树画史俱列上品此图能兼二妙真舜举得意笔也 古涪翁【文王孙子】

疎林防岸鴈鳬輩杳靄灭没其间大有佳趣舜举自谓得董北苑一二岂非元章所谓江南一片秋色耶号为山居乃饗取至此此老颇复可耐

陵阳子牟巖书

鳬雁集平沙松杉映水涯山中幽僻处真个是仙家

东鲁史诤【季衡】

门前野水可通渔云里草楼方著书好山谁临北苑画防桥我忆西湖居尘埃自着鸥鹭外霜露正当鸿雁初为报秋风摇落早梅花消息近何如

制河杨彝

山林之幽乐且闲何人卜居云半间草楼高出苍树杪石梁斜压清溪湾循溪隱隱穿细路防岸疎林接烟雾防茫万顷白沔天雁阵鳬羣落无数樵歌初防渔唱幽沙头人卧竹叶舟青山数防西日下渺 一片江南秋我昔苕溪问清隱溪上分明如此景别来时或狂梦思忽见此图为心醒钱翁少年善丹青晚岁笔意含英灵兴来漫临北苑画妙入毫末穷杳冥无声诗与有声画翁能兼之夺造化词林诸老富品题一纸千金重光价应君持此索我诗愧乏琼玖荅赠之临风展玩三太息宁不为动莼鲈思我今借屋湖山里恍惚风烟无乃似擬将三尺白剡藤试烦东

隣雪蓬子 柳洲陆景龙【雪蓬陈元昭号】予释禪服未行而向平之婚嫁方殷日汨汨于尘事偶得陈起东携此卷至展阅一洗我俗殊用快然乃书以识

时成化辛卯十一月八日也华亭张弼书

续书画题防记卷十

续书画题跋记卷十一

钦定四库全书

续书画题跋记卷十一

明 郁逢庆 编

唐子畏倦绣图

夜合花开香满庭王人停绣自含情百花绣尽皆鲜巧惟有鸳鸯绣不成

正德八年夏五月唐寅画并题

唐伯虎单条

青云台殿泉声隔黄叶关河鴈影来别有诗人好怀抱西风双鬓一登台

苏门后生唐寅画呈何老大人先生

唐伯虎题画

金风秋立至凉生雪鬓虚梧桐一叶落打着手中书

其一

灌木倚道左流澌鸣沙中欲涉未捫衣且乘君子风

其二

山高鸟不巢水清龙不住至察则无徒故寫模糊树

其二

根梢都不见上下有云遮愿我三千岁山中学服花

其四【题松】

大雪压茅屋县官谁得知殷懃付杯酒贫自有便宜

其五

开径便见竹对人闲赋诗泠泠风触佩正是雨晴时

其六【题竹】

唐寅

沈启南花草册

芳姿着酒殢枝头行客村前醉不休斜出短墙春正暖不施朱粉自风流 梅花
雪魄冰花凉气清曲阑深处艳精神一钩新月风牵影暗送娇香入画庭 薝卜
谁道红葩夏日芳独留黄种吐秋光五尺竹阑关不住还将一半露宫妆 秋葵
老叶禁寒壮岁华猩红防防雪中葩愿希葵藿倾忠胆岂是争妍富贵家 山茶
翠条多力引风长防破银花玉雪香韵友似知人意好隔阑轻鲜白霓裳 玉兰
荆棘丛中鬪冶容冷风浥露淡交浓更夸独得春香首都讓纖纖紫 红 蔷薇
高攀才子沾衣绿争插佳人压鬓黄谁向蟾宫分得种年来人月满庭芳 槿花
亭前绿密玉成丛凤宿枝头烟雨空箫管一声人未寝满林明月浸清风 丛竹
老松屈曲舞苍虬万壑泠泠泉自流堪美主人多逸趣逍遥物外几春秋 咏松
万里随阳出塞长空江菰米绽秋香芦花月白啼更罢啄尽寒汀一夜霜 芦鴈

长洲沈周

文休承题壽意

绮宴开晴昼青鸾下紫霄麻姑来擗脯瀛女解吹箫丽景添春酒回风拂步摇何须羨蓬岛沧海有新谣

文嘉

许元复椿萱芝兰图题额

庄椿自是长生树 護亦能开百岁花 更有枝兰在花下

春风常驻列仙家 许初谨题

沈启南浅色山水

避俗耽幽僻 逃名学古狂 深松无六月 江阁有余凉 策杖诗将就 看山意自长 何须寻絶岛 此地即仙乡

其一

东风一夕至 吹散麦秋寒 花落春愁尽 莺啼午梦残 碧桐山館静 白葛道衣寬 饭后吹新汲 云铛试月团

其二

焚香淨扫地 隱几细开编 取足一生内 泛观千古前 风疎黄叶径 露发夕阳天 物理终消歇 幽居觉自妍

其三

埜外看山色 因寻静者居 短垣花塞路 曲沼鹭窥鱼 入坐无尘迹 堆床有道书 自忘轩冕累 端为世情疎

其四

沈周制

陆叔平雪景小幅

雪深一尺强 堂阶尽埋没 赤脚踏层冰 诛茆覆庭植 笑杀灶下僮 眈眈奇甚成僻

雪后作此为友人易薪覆花漫题俚语 陆治

陆叔平着色山水

晴岚雪淨空 潭影长谷风 疎散鸟声笑 拂当年醉题处 青山留得饮中名

花邊何处酒家村竹閣沉陰半掩云滿地夕陽山徑旣樵歌隔塢水中聞
翠壁飛泉下急湍谿亭草閣鏡中懸楓林如錦凭欄外一片晴峰鎖澹烟
遠山遙望有空青溪口花橫錦綉屏住在此鄉無一事日長閑錄煮茶經
包山陸治制

文衡山仿趙松雪着色山水

越來溪上雨初收茶磨山前爛熳遊斜日正臨芳草渡

飛花故防木蘭舟 徵明

獨愛無人處幽栖不用名竹雞啼午寂松防落枝輕芳草初平路春溪欲上城蕭然吾亦得
扰自勞生

祝允明

過雨山堂蒸翠雲四檐藤竹鳥聲聞青天不動風文坼錦石相鮮礪道分流水桃花真隔世
草木食自為羣籠鵲寫帖關幽興却憶風流晉右軍

王寵

茅檐日暖燕交飛雲過牆陰滿翠防中酒經旬掩關卧蒼苔渾欲上人衣 居節

飢食松花渴飲泉偶從山後到山前陽坡軟草厚如織日與鹿麕相枕眠 周天球

沈石田淺色山水

行盡崎嶇路萬盤滿山空翠濕衣寒松風澗水天然調抱得琴來不用彈

竹樹人家在崦西山迴水抱路常迷溪亭兀坐還開卷時有書聲雜鳥啼

秋葉墮紅風策策野色過橋秋正分獨自吟行知者少惟應流水與流雲

江上雪晴驢背寒江山刺眼玉防峴歸來不減防橋路滿意新詩壓凍鞍

治戊午菊月望沈周寫

黄五岳行草手卷

南山歌

南山嵯峨不可拟盘亘云霞几千里遥将太乙共清汉直与元气相终始日月初临照至今开辟从来暮容紫碧洞年年长玉芝灵源往往流青髓渭川龙首岂堪并临潼绣岭犹虚美谷静宜容阮籍啸泉香可洗巢由耳中有道人松子曹飘然结搆星嵯高三鸟翩翻下王母寸心辗转勤云敖佳寔频餐羡门枣奇花屡见东方桃朱颜暮景迨千岁绿髯春风无二毛区区九州非我宅阊阖翱翔意何适婀娜扶桑挂角巾浸弱水双飞舄朝探仙侣入壶夕访神人到姑射万乘真嗟世上荣一丸永作昆仑客道人高懷吾所希道人石室吾当归此时不得共流羽他日终期同探薇眼底何曾有黄屋篋中亦已成萝衣瑶琴倘尔造岩畔留取长谣弦上挥正德庚辰爍仲上丁日五岳山人吴郡黄省曾撰黄鲁曾四言诗得为字

翁生明时身重神頤黄阁偕游玉树相随罗浮将餽丹阳且居予慚真人有日骖螭翁见予言可以忘饥闻翁富德其降不迟彼徒壽者亦奚以为

汝宁黄鲁曾

汤珍五言诗得此字

云阳古名邑土风擅清美爰发忠孝门敦庞化仁里伟矣南山公高标国之纪五色将鳳雛文采崛飞起燕翼裕谄谋盛德迺钟此皇天有深眷君子福所履秋风敞华筵壽域开未已优防乐泉石终期狎黄绮

中山汤珍

王履约五言诗得春字

南山美清旷佳气日夕新青霞飞石壁瑶水洒松筠岩居養牝灵卧栖幽真螭驾邀王母羽節寻玉宸几见蟠桃花嬉遊乐千春

吴门王守【九华山人白文】

王履吉五言诗得酒字

南极烂明星昭代隆黄耆神将天壤行兴与云霞友相过鹿皮翁遥结商山叟玉簪西王桃琼杯石榴酒祝公千万年如岗亦如阜

王宠【辛夷館印朱文】

皇甫冲五言诗 得以字

南山从天开白日散霞绮长风落松响秋色翠防里山人養 素托为簪纓以甘作尘外遊遂
洗池上耳飘飘把玉英嘯傲酌石髓奇齡比昆仑百岁乃鯢齿

吴郡皇甫冲【子复之印横山精舍】

皇甫湜五言诗 得介字

庆云飘长风连天鬱江介子乔命宵驾天紆遠超迈帝遣嘉山灵颶屬十洲界衡和杂歌弦王
图粲金薤宓妃掇丹萸湘娥挹沆瀣海尘拂新杯千春一惊快

吴郡皇甫湜【子南之印尧 艸堂】

文壽承五言诗 得眉字

九月茱萸节霜清日熙熙时有八袞翁悬弧适兹期称觴遍南国祝颂何骈骊飘飘神仙徒皓
首复厖眉高懷赤霞表玉质瑤瑤姿强健享太平渐尔臻期頤华堂荐锦瑟鉴铎响清 飞觥
恣綢叠琼浆溢淋漓悠悠乐无穷千秋莫可知赋言一以贈常茹南山芝

长洲文彭

文休承五言诗 得壽字

秋爽山增高清露落林藪寒花散黄英时月已临九闻有八袞翁高卧南山阜屋后千尺松門
前五株柳悠然乐太平青山映白首吾闻洪范语五福先以壽为人生至愿见重圣哲后七十
古所希况在七十右行追百岁近坐阅承平久无乃有至术不然天与厚我欲前致辞媿非陶
谢手

吴郡文嘉【雁門士家白文】

石田临王叔明阜斋图

此图彷彿竹里館茅茨翛然傍川水倚牀张册白日长复有孤桐置髹几 沈周

玉虹千丈落潺湲石壁岩岩拥翠鬣料得两翁劳应接耳中流水眼中山 徵明

山斋高控悬苍壁自有芳云时卷舒百尺冰帘遮不防月明空负夜牕虚 陆治

文衡山着色单条

檐树扶疎带乱鸦萧斋只似野人家纸 猎猎风生竹土盎浮浮火宿茶日色射云时弄采雨
吹雪不成花庭中卉物雕零尽独有苍松领岁华

嘉靖廿又七年七月十日徵明

虎山桥外水如烟雨暗湖昏不系船此地人家无玉歷梅花开日是新年 周天球

谢樗仙山水

树杪重泉雨气凉浴鳧飞鹭满瞿塘杜陵新谱渔家傲竹笛声 到艸堂 樗散谢时臣

遠 疑着雨高 若含风水墨传神妙樗仙继石翁

隆池彭年

雨过山含翠迎风树作秋世情方扰扰消尽一溪流

文嘉休承

姚云东题竹

闲看脩竹过邻家翠色娟娟乱紫霞扫石坐来忘却去一坡凉影日西斜

竹有清风石有苔是谁勾引此中来笑谭忽忆梅花老何处吹箫月满

孤岩兀兀长莓蘚上有竹枝青可人歷尽岁寒俱挺防眼中谁是百年身

高原独树天邊趣怪石幽篁画里情莫笑王维成老懒只从笔底着秋声

岩头古木纏薜荔下有碧篠相因依向晚秋烟共秋雨暝光一 入柴扉

竹不遮泉松閼壑倚楼日日有余清云东逸史虽能寫难寫风声与水声

东风吹竹满前溪溪竹丛深路欲迷日日雨多泥滑滑不堪鸡鶡再三啼

丹丘生姚绶

石田临云林小幅

倪迂妙处不可学古木幽篁满意清我在后尘聊防笔

水防何澹墨何生 沈周

不见倪迂今百年故山乔木岭苍烟晴牕展轴观图画澹墨依然见古贤 匏庵吴寛

清絶倪迂不可攀能将水墨继荆关疎林斜日茆亭外一片江南雨后山 文嘉

沈启南行草二诗

卖诗买画出春城着破青衫白髮生四海固无知我者空教啼杀树头莺

吴淞江五老迂疎自笑年来活计无只有砚田耕未了云山还向笔端锄

秋日同友人步虎丘倦坐可中亭上值谈空上人持笔索书漫録旧作二首长洲沈周

沈启南层峦图

层岑交乱云歴歴映羣 云山互相依青白媚朝暮下有土著者静居气鬱聚脩松防高宇细草披纒路幽深疑世违时复随杖履鸣琴值客来语歇客还去天机发所乐漠然非人故

吴仲圭得巨然笔意墨法又能軼出其畦迳烂熳惨澹当时可谓自能名家者盖心得之妙非易可学余虽爱而恨不能追其万一间为此幅生澁自不足观犹邯郸人学步而并失其故矣 沈周

右石田单条焦墨山水与平昔不同层峦叠嶂细入可爱想其得意者

姚谷庵题画七言絶

山中习静避红尘朝夕惟於木石亲昨日渡头春忽到东风緑水又

绀园防殿出树杪山半斜阳磬几声野客乘舟何处去緑苹洲上水波平

汲江然竹寻常事欸乃一声何处歌泛宅浮家无限乐世途空说有风波

杨柳风防水不波放船载酒乐如何浮生百岁同春梦青镜年来髮易皤

松枝挑满担头春石路崎岖足苦辛薄暮敢投山舍宿城中多少待炊人
亭如簞笠安溪口日似铜钲挂树头但得有山兼有水古来何处不宜秋
苍洲老树碧山前秋水茫茫一钓船昔日画师非俗士东菑庄子在蓝田
公綬

沈石田云山小幅

看云疑是青山动谁道云忙山自闲我看云山亦忘我闲来洗砚寫云山 沈周
烟迷山下树云动树中山一片朦胧影相看未拟还

西涯【李东阳氏朱文】

溪流添雨急树色着云深雨歇云归壑防茫见远岑

陆师道

雨过日生五色云过山余数层时有炊烟出树中多

隱士高僧 陆安道

文徵仲古木高逸图

春风着柳弄鹅黄宿雨膏原细草香莫怪幽人坐忘去遠山偏自称斜阳 徵明

闲往闲来独和歌柳花燕子水防波西湖堤上平如砥春草青青放白驴 居节

文太史仿倪迂笔意

平生最爱云林子能寫江南雨后山我亦雨中聊防染隔江山色有无间 徵明

倪迂标致令人想步接邯郸转繆迷笔踪要自存苍润墨法还湏入有无 祝允明

山寒有古意木落见清真不见倪迂叟谁能继后尘

周用

项墨林小山丛竹

能与米颠相伯仲风流还只数倪迂应将尔雅虫鱼笔为寫乔林怪石图此张伯雨题云林画也墨林子最似迂翁故书以题之 董其昌

文壽承草书单条

十日春陰不裹巾喜看庭际綠苔新山斋听雨惟高卧忘却门前问字人

玉色吴牋胜陟屺端州小砚墨花垂试拈阁帖闲临草不是羲之即献之

文彭

文休承题画

青山隱隱水漪漪暎树兰舟晚更移一 茶烟冲宿鹭无人知是陆天随

不着蓑衣坐野航白鸥流水 残阳渭川渔父休相妬只钓银鲈不钓璜

罨画溪山罨画亭水风 户不湏屏荷花一色烘云锦围着仙人自醉醒

青竹长竿白鹭矾碧江还暎綠荷衣凭将此段闲风物遮掩人间是与非

诗翁拣得雪中天雪澹梅清伴冻肩吟思一腔何处见蹇驴寒迹里湖邊

辘啼彻雨初收隔浦千山翠欲流有约吟诗过桥去风烟极目总疑秋

山斋雨坐漫焚香几淨牕明竹树凉午睡起来无一事自翻残墨寫潇湘

虚斋日午酒初醒残墨余香入砚屏小樣吴牋莹玢雪自临南牖寫黄庭

三竿红日一庭苔山鸟声中醉梦迴不是道人犹未起年来白眼亦慵开

太湖石畔种芭蕉色映轩 碧雾摇瘦骨主人清似水煮茶香透竹间桥

青山不遠世人自遠青山竹里茆亭子清风日日闲

其一

山径有柴关萧然竹树间倚栏无一事静看鸟飞还

其二

江岸草萧萧江云乱眼飘无愁茅屋底痛饮读离骚

其三

日落暮山紫江深草阁寒寻诗得佳侣相对倚虚防

其四

叠嶂千岩转廻流九曲湾石桥间立处常听水潺潺

其五

雨余飞涧急树叶总萧萧欲覓 雄宅冲泥过小桥

其六

高天爽气澄落日横烟冷寂寞草 亭孤云乱山影

其七

四月緑陰成乔林下清影何处鸟啼花山人酒初醒

其八

曾见尚书笔依稀二米间戏将烟雨意拟此越中山

其九

古木挺虬干丛篁低碧枝湘江何许梦石上雨来时

其十

陈白阳仿石田小幅

春日气和山出云陰陰山路未能分山人日日看不厌但惜不堪持赠君

此石田翁题画之作壬寅春暮遊西山戲寫以贈云

屋上人 道复

王百穀防赵大年江干雪霁

右赵大年摹王右丞江干雪霁图一卷上有宋緝熙殿寶賈秋壑米南宫赵仲穆私记顧仲瑛俞石涧题盖思陵御府之物经诸家收藏鉴定灼然希世之珍也大年本王孙而水墨丹青清森古澹无寶玦 瑚紈绮豪贵之习可谓蝉脱污泥嶙然高曠者矣宜其遗赏千秋重

若璆琳乎 太原王穉登

沈启南柳汀白燕卷【着色树石画后款云】

和袁海叟韵

素姿惊眼旧全非百姓寻常识者稀向月似看双练出开 疑放一鵬归知飡雪液通仙骨鮮翦霓绡作舞衣定是阿娇钗上玉卻来金屋化双飞

昔袁海叟作白燕诗世称絶唱余不敏亦和其韵但愧不能彷彿徒貽续貂之诮耳 沈周

高下翩翩雪羽齐江南社后絮飞时旧时王谢乌衣尽舞罢霓裳縞防垂帘外风轻银翦翦钗头春冷玉差差楼前霜月伤心处只许张家盼盼知

徵明

掠水穿花元自异江楼苑殿玉缤纷池池夜寫凉州月翦翦晴吹勾曲云万树东风藏舞絮半帘轻雪卷香芹須知天上琼瑶洞不入人间鸟雀羣

周山顾闻

雨香泥润长芳芹钩掠冲烟迴不羣一自玉钗随羽化双将银翦恰春分低縁皎洁还惊俗细听呢喃始识君欲覓故人袁御史草堂何处话殷勤

高阳许初

天女春遊逐社回霓裳缥缈日邊开瑶防半入秦山吐玉沼斜临汉苑 直取云言供作赋更将月舞接飞杯千华好待韶光发唯是招灵兢国才

王守

社后差池素影非荆门春尽雪初稀王孙陵阙当年见天女洞庭昨夜归彩胜风翻银作 湘帘云碍玉为衣寻常不逐啣泥伴遥忆移书海上飞

彭年

惊见 禽故态非雪翎玉骨世应稀越裳雉尾 周化瀚海乌头汉使归误入梨花唯听语轻沾柳絮似添衣朱帘不隔凉州路任尔差池上下飞

三桥文彭

攢冰为骨雪为裳不属高祿協降祥双剪斜翻云叶堕轻销虚傍月华凉婕妤梦转湘帘薄灵阁春深白昼长寄语后宫临镜者钗头瑳玉好深藏

包山陆治

双燕翩然下竹扉晓檐霜羽弄辉辉谁言白鸟非 鸟肯信乌衣是雪衣小院风轻迷蝶去沧江日落乱鸦归也知自惜奇毛羽不向朱门汗漫飞

休承文嘉

曾是瑶星散作非差差玉翮见来稀疑将翔雪天南渡似挟杨花塞北归诎谓丹书遗赤羽宁教清梦入乌衣人间不贵熙平瑞好向璇丘珠树飞

黄 水

映日穿云恍又非瑶光沦魄化生稀水晶帘箔疑曾入金股钗梁去不归爱舞霓裳娇绿水愁翻玉剪制春衣江南杨白无消息休逐风花上下飞

居节

御沟东畔柳条春天女惊看色更新飞絮乍迷波上影避尘初化掌中身霓裳散采人如玉雪羽凝寒月似银爱尔素衣能不染诎愁京洛有淄尘

张之象

昭阳宫里洗新妆粉黛三千枉防肠不是楼防凉似水谁教毛羽化为霜河邊度影银生色花低啣泥玉有香莫向众中夸素质蛾眉偏妬雪衣娘

李先芳

曾是乌衣国里身玉楼琼树换手神双飞剪出机中素独立收成掌上人月下步摇花有态水
邊飘动袜生尘陈王亦自多情调洛浦相逢总未真

黎民表

差池素羽度银塘乱入杨花拂苑墙神女江邊琼作佩天孙月下玉为妆双栖曾忆连珠树独
语俄惊防画梁春色上林堪自媚翻飞还欲向昭阳

钱穀

海上遥思玳瑁梁御沟东畔几廻翔瑶防乍过疑无影珠树曾栖半 霜风里差池飞玉舄月
中妆束舞霓裳谁云京洛淄尘化犹是啣恩绕建章

毛 嘏

补袁景文原韵

故国飘零事已非旧时王谢见应稀月明汉水初无影雪满梁园尚未归柳絮池塘香入梦梨
花庭院冷侵衣赵家姊妹多相妬莫向昭阳殿里飞

续书画题防记卷十一

续书画题跋记卷十二

钦定四库全书

续书画题跋记卷十二

明 郁逢庆 编

文衡山石湖图彭隆池楷书诗序

三阳献歲迓淑气于东郊七日逢人肆娱游于南浦湔裳戴胜乐事赏心斯固巧歷之所难齐百年之所罕通也况复故园梅柳旧隱湖山綠水泮其流漸丹崖消其残雪间关百啭觉时鸟之能言荏苒千丝喜春条之变色兰畦景丽蕙圃烟霏人欢而风物和暖布而臯壤悅于是仙舟共泛拂越城之虹梁羽盖双飞陟楞伽之鷺岭结驂駟于谷口留画鷁于川湄草借簪裾林开觴俎借遠公之莲社坐爱青山卧中散之琴台醉怜修竹良辰可惜胜槩不遗金花与梅蕊争妍菜缕共青丝鬪巧一谈一笑无谢昔人优哉游哉聊以永日羣公英情天逸尽为绂冕之巢由藻思霞腾俱是薜萝之顔谢或悬车在告或秉节周行聚天上之德星修山中之故事邺宫绮宴多军旅之嫌金谷俊游貽声华之诮超然物外理畅言 夫子乐之吾与防也然而扶摇万里乃鵬鹏之壮图偃仰一枝实鷓鴣之微愿云泥既隔离防何常所頼篇题仅存梗概感时懷友更续草堂之吟探韵赋诗岂俟兰亭之罰时嘉靖十八年歲在己亥集者十有四人彭年序

文徵仲 汤伯子 袁邦正 袁尚之 袁绍之 袁补之 袁与之 袁永之 王禄之 陆子传 王子美 陆子行 朱子朗 彭孔加

沈启南有竹庄闲居诗卷

幽居临水称防栖蓼渚沙砵咫尺迷山雨忽来茅溜细溪云欲堕竹梢低檐前故垒雌雄燕篱脚秋虫子母鸡此处风光小韦杜可能无我一青藜

颠毛脱尽野僧如世事多归一懒除欲博晏眠高着枕便圖老眼大抄书屋须矮小茅须厚窗要清虚竹要疎心与陶翁有相得时歌吾亦爱吾庐

憨憨无役老人懷春日烘门晏始开游衍太平初试杖安排乐事且拈杯世情花党富家发公道燕均贫户来识字不多强不识小轩聊与物追陪

扫地焚香习燕清萧然一榻谢将迎坐移白日花间影睡起春禽竹外声心遠不妨人境寂道深殊觉世緣轻问奇尚有门前客却怪青山不掩名

八十一翁沈周

祝希逸题画诗

春山雨新沐掩霭结浓绿一叶金芙蓉粲粲迎朝旭江亭小于艇松子落满顶尽日无人来流水抱虚影白云媚苍山寂寂太古春宵蔼林薄中一区宅无邻客子欲何归中林犹独步幸有苍苍松为辨去来路

枝指生祝允明

祝枝山楷书澄心窝铭

一间房六尺地虽没庄严都也精致蒲作布作被日里可坐夜里可睡灯一盏香一炷石磬数声木鱼几记龕常闔门常闭好人放参恶人回避髮不除肉不忌道人心肠儒者服制上无师下无弟不传衣鉢不立文字不谈禅不说偈但无妄行亦无妄意不贪生不图利了清静缘作解脱计无罣碍无拘系闲便入来忙便出外省闲非省闲气在家出家在世出世佛何人佛何处此即上乘此即三昧日复日歲复歲毕我这生任他后裔乙酉冬日枝山允明戏为性甫録此

唐伯虎雪景单条

柴门雪霁桤林僵藤枕新开煮酒尝正是骚人安穩处

一编文字一炉香 吳趨唐寅

千山一白照人头折竹琳琅路转幽落日西风苦行旅谁家呼酒倚红楼 沈周

密树綠山冻不分天垂暮色转氤氲山童貰酒归何处雪压茅檐有隱君 徵明

雪积溪桥行路难蔽天楼阁鎖重峦长途日暮西风急犹为梅花勒马看 陆治

疎林映雪见江峰万叠横奔走玉龙况是晴光开晚照落霞酣叶锦玲珑 周天球

树木萧疎雪欲消空江水冷不生潮游鱼未出虚垂钓簑笠回舟不待招 姚綬

小蹇冲风引步迟风烟触眼总新诗千山围玉天开画此意惟应郑五知 文彭

文太史浅色品茶图

品茶嗜味陆鸿渐墨妙笔精王右军煮茶写帖關幽兴

白日看云惟二君 徵明

卢鸿石榻寄嵩山竹雪松云共洒然我欲逃名岩壑去无如此地隔风烟 周天球

闲闲三径少行客寂寂中林自落花人世迴于桥外隔松萝隱映即仙家 袁尊尼

湘 寂寂夏堂虚竹影离离风外疎煮茗焚香消晏坐硬黄临得右军书 陆安道

松陰竹色翠交加晏坐清谈日未斜偶欲挥毫刚洗砚只緣淩暑几烹茶 王谷祥

庾信风流赋小园碧山当户綠池翻煮茶淩砚足幽事永日忘形与客言 彭年

沈石田有竹居卷【在絹素上见前集今补全题句】

风逆客舟缓日行三里余遥知有竹处便是隱君居诗中大痴画酒后老颠书人生行乐尔世事其何如余与廷美同访启南亲家于有竹别业而舟逆溪风而上郊至西乃达主人爱客甚尽出所有图史与观乐而赋此识歲月云成化三年长至日天全公有贞书

次徐武功访沈启南诗韵

烟水微茫外舟行一舍余既覓沈东老还寻陶隱居水 三叠弄雪茧八分书醉和阳春曲空踈愧不如

刘珏【刘廷美氏朱文】

徐刘二公诗盖皆有唐人风韵其字画亦不易得也诗云虽无老成人尚有典刑吾于是亦云

后学王鏊题【济之朱文】

见說君家竹凉陰十亩余客容开径入我愿卜邻居头白话今雨汗青藏古书歲寒交莫逆高义慕相如一别五年从相望三舍余要于吾道重独与此君居若许借半榻何劳枉尺书鳳毛云五色食实近何如爱尔鸿儿好相过载拜余言皆能谨节志不在安居勉进十年学饱涵千卷书人生何似此方可古人如成化八年秋八月十有二日疑舫老人嘉禾周鼎为有竹居主人书于吴城客楼时年七十有二【伯器】东老清风劲西畴綠水余过桥还有业因竹便移居君子歌淇澳畸人断鸛书雅宜徐孺辈交谊极拳如

温州郡君文林和

一别石田老于今六载余遥乘剡溪棹来访杜陵居王宰偏能画郑防兼善书风流迈前辈吴下有谁如

海虞李杰次武功徐先生韵

系舟高柳下又是十年余遥踏无媒迳重寻有竹居笔精知米画器古见商书前辈诗题在风流邈不如曩余访启南一宿有竹别业今复过之不觉十五年矣偶见阁老徐先生之作为次其韵以写慨叹是日启南命其子维时出商乙父尊并李营邱画董北苑画为玩故及之歲戊戌二月十八日吴寛书

沈君天下士一别十年余舟到逢人问竹深迷所居有田皆种石无屋不藏书一笑留旬日高懷谁得如

梅 吴琨【元玉朱文】

野竹娟娟净清陰十亩余沈郎能独爱蒋诩合同居宾主皆防俗儿童亦解书不知风月夜高兴复何如

海虞王鼎【元勋朱文】

予性素懒且僻凡阅卷轴有不欲终者多矣此则展舒至再纸为之裂最后有此空得附名焉幸也大理左丞同邑陈璠玉汝题

住无一舍遠交近廿年余华竹循墙种楼台逐水居辋川高士画山谷老人书况有天仙句深慚百不如

言里钱仁夫【士 白文】

武公伯徐公始归吴时首为沈氏落笔志墓自后与白石公父子遂为 形之交故其翰墨留于有竹居者为多也此卷中诸诗皆武功同时一班人物亦有稍后者虽不能尽出于吴中然遠亦不在嘉湖之外也闻之前辈惟洪武间有此一盛至今时始复见也南濠杨循吉题

放筯盘无肉生孙地有余平安惟土著心性爱郊居玉戛才成句鸾骞自入书不为官可敬摩诘岂能如

秦瓛书【廷璧白文】

唐伯虎桃花雨过图【小挂幅】

桃花雨过水连天古树高岩乱玉泉独立溪头穷物理不知斜日落平川

晋昌唐寅

石田题放舟图

綠树如丝雾青山生白云自天为此景平与画家分扁舟不可泊任随流水流东西与南北人物两悠悠钓竿七尺玉夕阳千叠山山容恰好晚正及鸟飞还桡树脱红叶廻塘交碧流无人伴归路独自放扁舟

长洲沈周

陈白阳花草册

春光何烂熳名花說海棠娇娆看已足何用复闻香

垂丝海棠

庭院日初长玫瑰正堪颂香色两徘徊声价令人重

玫瑰

蒼卜含妙香来自天竺国笑杀葵与榴空能好顏色

蒼卜

素质结秋风向人浑欲语春花莫相笑丹心自能许

秋葵

丹葩间碧叶雪中自重叠山人倚醉时奈可映頰頰

山茶

紫萼破新粉青绶翦繁英忽然来暗香春风吹满庭

瑞香

雪里呈娇态风前逞素姿香魂何处覓清梦寄相思

梅花

金粟花开日天香散玉墀嫦娥解人意折赠最高枝

桂花

未摘露前实先看雨后花名应出西海颜岂论东家

榴花

翠带何飘摇紫茎多馥郁佳人千里心日暮倚空谷

幽兰

东风日夜发桃李不禁吹检防秣华事辛夷落较迟

辛夷

寫松青云里佳色藹成暮松作不老枝人比长年数

古松

白阳陈淳

陆包山着色水仙西府海棠【在绢工欸之陆治制】边庭柳暗金微雪御苑花开玉垒春蝴蝶飞来疑入梦凌波还见洛川神 彭年

谁见凌波自洛川海棠婀娜更嫣然山斋坐对浑成恼国色天香共可怜 文嘉

倾国初舒艳凌波尚怯寒春光两相竞并作一时看

许初

陆叔平牡丹【在绢上】

芳园烂熳百花枝白白红红各有时冶叶娼条均造化和风甘雨入华滋老夫观物逍遥地小笔分春窃弄私日日不妨偷展卷扰人蜂蝶竟何知 陆治

此根应自洛中分绰约风前不染尘笑取一杯成小赏韶华易老可怜人 黄姬水

洛下花开日妆成富贵春独怜雕落易为尔贮丰神

周天球

沈启南仿王叔明山水

秋山骨棱层树杪枝搓牙尚有霜余叶防缀如春花缓步亦足赏何须坐停车行行日将夕防吟酬物华甲申菊月仿黄鹤山樵山居图余因作诗以赠原已先

生 沈周

秋风扫地叶俱无一个藤枝借步趋满眼吟情吟不尽夕阳归去泛平湖 陈鏊

短棹轻舟载夕阳独寻新句下横塘白鸥疑是催诗使飞掠苹洲醉墨香 黄姬水

清风自绕嵯峨树不遮山寂寂秋光尽萧萧落照闲

横塘农者【袁袞之印白文】

湖北归来日落扁舟满载西风目送一行白鹭秋怀

欲与天空 袁尊尼

唐子畏秋菊单条

故园三径吐幽丛一夜 霜堕碧空多少天涯未归客

借人篱落看秋风 晋昌唐寅

芳林摇落不胜秋篱下霜花景独幽真赏却嫌人送酒隔溪遥听鸟相求 周天球

老我爱种菊自然宜野心秋风吹破屋贫亦有黄金

文嘉

文休承梅花幽兰对幙

踈枝冷蕊散寒香一树垂垂映草堂输却逋翁有新句水防清浅月昏黄

幽兰奕奕吐奇芳 风度深林泛远香 大似清真古君子

闭门高誉不能藏 茂苑文嘉

沈石田雪景

参得黄梅岭上禅 魔空虎穴是诸天 赠君一片江南雪 洗尽炎荒障海烟

正德丁卯八十一翁沈周

董 宰论画

赵大年画平远绝似右丞秀润天成真宋之士夫画此一派又传倪雲林 雲林工致不敌而荒率苍古胜矣今作平远及扇头小景一以此二人为宗使人玩之不穷味外有味也

昔人评赵大年画谓得胸中千卷书更奇古又大年以宗室不得远游每朝陵回得胸中丘壑不行万里船不读万卷书欲作画祖其可得乎此在吾曹勉之无望庸史矣

画家以古为师以自上乘进此当以天地为师每朝起看云气变幻绝近画中山山行见奇树须四面取之树有左看不入画而右看入画者前后亦尔看得熟自然传神传神者必以形与心手相凑而相防神之所托也树岂有不入画者将画史收之生绢中茂密而不繁峭秀而不寒即是一家眷属耳

元镇自题狮子林图余此画真得荆关遗意非王 辈所能梦见也其高自标置如此又张伯雨题雲林画云无画史纵横习气顾谨中题雲林画云初以董源为宗及乎晚年画益精诣而书法漫矣盖倪迂书绝工致晚乃失之而聚精于画一变古法以天真幽淡为宗要亦所谓渐老渐熟者若不从北苑筑基不容易到耳纵横习气即黄子久未断幽澹而言则赵吴兴犹逊迂翁其胸次自别也

古人云有笔有墨笔墨二字人多不晓画岂有笔墨者但有轮廓而无皴法即谓之无笔有皴法而不分轻重向背明晦即谓之无墨古人云石分三面此语即是笔亦是墨

禅家有南北二宗唐时始分画之南北二宗亦唐时分也但其人非南北耳北宗则李思训父子着色山水流 而为宋之赵干赵伯驹伯绣以至马夏辈南宗则王摩诘始用渲澹一变钩研之法其 为张藻荆郭董巨米家父子以至元之四大家亦如六祖之后有马驹云门临济儿孙之盛而北宗微矣要之摩诘所谓云峰石迹回出天机笔意纵横参乎造化者东坡赞吴道子王维画壁亦曰吾于维也无间然知言哉

画之道所谓宇宙在乎手者眼前无非生机故其人往往多寿至如刻画细碎为造物役者乃

能损壽盖无生机也黄子从沈石田文徵仲皆大耄仇英短命赵吴兴止六十余仇与赵品格虽不同皆习者之流非以画为寄以画为乐者也寄乐于画自黄公望始开此门庭耳尝谓右军父子之书至齐梁而风流顿尽自唐初虞褚辈一变其法乃不合而合右军父子殆如复生此言大不易防盖临摹最易神防难传故也巨然学北苑元章学北苑黄子久学北苑倪瓚学北苑学一北苑耳而彼此不相似使俗人为之与临本同若之何能传世也画家之妙全在烟云变幻中米虎儿谓王维画见之最多皆如刻画不足学也惟以云山谓墨戏此语虽似过正然山水中当着意生云不可用拘染当以墨渍出令如气蒸冉冉欲堕乃可称生动之韵

山之轮廓既先定然后皴之今人从碎处积为大山此最是病古人运大轴只三四大分合所以成章虽其中细碎甚多要之取势为主吾有元人论画米高二家山书正先得吾意

董北苑画树都不作小树者如秋山行旅是也又有作小树但只远望之似树其实憑防綴以成形者此即米氏落茄之源委盖小树最要淋漓约略简于枝柯而繁于形影欲如文君之眉与黛色相参合则是高手也画树之窍只在多曲虽一枝一节无有可直之理其向背俯仰皆于曲中取之或曰然则诸家不有直树乎曰树虽直而生枝发节处必不都直也董北苑树作劲挺之状特曲处简尔李营丘则千屈万曲无复直笔矣枯树最不可少时于茂林中间见乃奇古茂树惟桧栢杨柳桂槐要郁森其妙处在树头与四面参差一出一入一肥一瘦处古人以木炭画圈随围而防之正为此也宋人多写垂柳又有防叶柳垂柳不难画只要分枝头得势耳防叶柳之妙在树头圆铺处只以汁绿渍出又要森萧有迎风摇飏之意其枝头须半明半暗又春二月柳未垂条秋九月柳已衰飒不可混设色亦须体此意

画树木各有分别如画潇湘圖意在荒遠灭没即不当大树及近景丛木如园亭景可作杨柳梧竹及古桧青松若以园亭景树移之山居便不称矣若重山复嶂树木又别当直枝直干多用攒防彼此相借望之模糊鬱葱似入林有猿啼虎嘯者乃称至如春夏秋冬风晴雨雪又不在言也

李思训写海外山董源写江南山米元晖写南徐山李唐写中州山马遠夏圭写钱塘山赵吴兴写苕霅山黄子久写海虞山若夫方壶蓬防必有羽人传照余以意为之未知是否

云山不始于米元章盖自唐时王洽泼墨便已有其意董北苑好作烟景烟云变没即米画也余于米虎儿潇湘白云圖悟墨戏三昧故以写楚山

画家初以古人为师后以造物为师吾见黄子久天池图皆膺本去年游吴中山防筇石壁下快心洞目狂叫曰黄石公黄石公同游者不测余曰今日遇吾师耳幽亭秀水古人常绘世无解其意者余为下注脚曰亭下无俗物谓之幽木不拥肿经霜变黄者谓之秀昌黎云坐茂树以终日当作嘉树则四时皆宜霜松雪竹虽凝寒亦日堪对

山下孤烟遠村天邊独树高原非右丞工于画道不能得此句米元晖犹谓右丞画如刻画故余以米家山写

韵 董其昌

董 宰书卷

东坡文章忠义能倾一世然王荆公司马君实与之同时亦是同调人而前后放废一舒一温至此可谓不遇李北海碑板照四裔老杜八哀诗推重特至其自叙诗曰李邕愿卜邻如太白之于贺监也

李白诗集推挹少陵者絕少独少陵于白不一而足然蜀道难亦为少陵作唐勒宋玉或尚有篇什不转耳饮中八仙诗有李白为领袖竹林七贤有稽叔夜西园雅集十六人有坡公参而不混同而不杂在人冷眼觀

着 其昌

董 宰作画八帧为一册间写画法语

荒率苍莽即为墨戏

云林学關仝用侧笔如东坡学徐浩用偃笔

云林画有婀娜如美人者有泼頼如猛士者

黄子久画得之虞山与天池山

海岳庵图自言楚山清晓于南徐见之

米氏父子画往京口望江山即是粉本

气韵生动必在生知非学所及然大要以澹为主所谓澹者天骨自然脱去尘俗若有意为淡去之转遠

其昌

董 宰跋泉州帖

淳化官帖北宋时已难见世所传临江潭绛汝长沙诸刻亦零落鲜全本惟泉州石刻仅少第五卷之半此宋搨至佳者海上顾氏所藏奕奕有神气真墨池之奇寶也今归越石珍重珍重其昌题

陆包山松枝喜鹊

春风海屋开华宴手缚苍龙到席前乘子西池问王母

桑田沧海定何年 陆治

陈白阳题扇

自愧迂疎常取咎更兼多病懒经营一生落落真如寄举世滔滔亦可惊身外事机争入梦眼前杯酒却關情茅斋此夜劳相问风雨明朝未许行

客过田舍奉赠 陈迥复

姚谷庵草书

宦途跋涉利途危偏爱江南水竹居万叠滁山都入画一阶春草不教除空蒙气挹胸襟爽清冷光摇几席虚人世红尘浮滚滚难从屏障上衣裾

丹丘生公绶

唐伯虎行书

措身物外谢时名着眼闲中看世情人筭不如天筭巧机心争似道心平思量昨日疑前世睡起今朝是再生說与明人应晓得与愚人说也分明

苏台唐寅

宋石门玉湖渔隱图【在绢素上仿王叔明笔意卷首董 宰大行真书八字】岷山铁笛碧浪兰舟 董其昌书【卷长六尺余画后款云】万歷甲辰冬日为叔隱世雅兄写玉湖渔隱图八十翁樵李宋旭

贈玉湖渔父高逸

蒹葭秋数里江色转无穷老兴吹长笛孤眠抱短桐苹香沙鸟醉月白钓丝空谁识蓬壶口逃名散发翁

友弟陈继儒书于西湖之垂露亭

岷山碧浪翠交加有客拏舟日未斜目击闲云横玉笛身随野鸟卧金沙垂纶岂羨任公子徙

宅还同顏闔家为问緇林何处是烟波深锁即天涯

右贈叔隱先生高隱 蒲阪楊俊臣

傲矣五湖长悠然一苇航坐看云上下行泊水微茫竿拂珊瑚色窻虚明月光高眠都不羨清
起沧浪

黃汝亨【寓庸居士白文貞父氏白文】

豈是滋泉濮水綸不垂釣餌一閑人平生为写山川影故与烟霞老作邻

慣于湖海若为亲四达交情詎不堪一笠一瓢竟何事釣虚聊复拟淮南 周叔宗

千頃湖波浸碧山阿誰釣艇水云間心非熊卜踪偏幻身似羊裘夢亦閑琥珀杯中吞防滲水
晶宮外弄潺湲 真丰采今犹在莫道高風不可攀

呂 鼎【姬重父白文】

分得湖干乐事多白苹紅蓼共青莎夜來喚酒誰同醉烟客曾招張志和

吹殘鐵笛尚微醺山月相澄夜未分趺坐矶頭數魚藻恐垂綸處乱溪云 溪上花农吳之鯨

釣翁高隱占漁矶浮玉山空碧浪微千頃水云青翰舫半天風雨綠蓑衣春深苔叶參差長秋
盡苹花歷乱飛醉后倚蓬吹鐵笛一羣沙鳥自防机

東海徐惟起【徐興公氏白文】

楊柳千行芦万頃一簑一笠烟波冷碧浪湖邊浪可餐風風雨雨弄漁竿 華亭曹蕃

我愛芝湖勝为漁寄烟水君隱玉湖濱怪底成 契我昔登峴山碧浪黏天碧鐵笛聲叫云老
漁何處竟意本不在魚意在山水間纖翰持作鈎寸管持作竿移舟傍清樾白日足幽夢双携
玉童子笑覓桃花洞

于越謝伯美

我家鏡湖曲尔住玉湖邊不隔錢江水時过書画船为漁苦識字片紙重双環翻笑 真子埋
名苔雪間何須買岩壑不用覓丘樊盡日風波里看他柳色昏新琢白玉章朱字密于网上箋
乞天公册尔五湖長昨夜桃花水新添一尺青得魚不沽酒入市換蘭亭我昔过浮玉長怜似
鏡湖只輸荷十里消得酒千壺画取烟波上沧浪一釣舟丹砂吾自有为尔抹羊裘剪却 瑚

树从他下钓竿只愁菰蒋里处处月明寒茶灶青林下香炉白浪前有鱼堪作鲙寄取侍中船
左手持酒杯右手作蝌蚪为问武陵溪有此渔人否

防稽王骥德

续书画题跋记卷十二